



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ԱՍՏՎԱԾԱԲԱՆՈՒԹՅԱՆ ՖԱԿՈՒԼՏԵՏ

ԳԱՐԵՒԿ ԱՆԱՍՑԱՆ

ՆԻԿՈԼ ԱՂԲԱԼՅԱՆ

ԿՅԱՆՔԸ ԵՎ
ԳՐԱԿԱՆ-ՀՐԱՊԱՐԱԿԱԽՈՍԱԿԱՆ
ԳՈՐԾՈՒՆԵՈՒԹՅՈՒՆԸ

ԵՐԵՎԱՆԻ ՀԱՄԱԼՍԱՐԱՆԻ ՀՐԱՏԱՐԱԿՉՈՒԹՅՈՒՆ
ԵՐԵՎԱՆ 2002

ՀՏԴ 891.981.0

ԳՄԴ 83.37

Ա 476

Անանյան Գ. Գ.

Ա 476 Նիկոլ Աղբալյան. Կյանքը և գրական-հրապարակախոսական գործունեությունը. Եր.: Երևանի պետ. համալս. հրատ., 2002, 313 էջ:

Ն. Աղբալյանը 20-րդ դարի առաջին կեսի հայ հասարակական-քաղաքական մտքի նշանավոր դեմքերից է, պետական-կուսակցական գործիչ, ճանաչված գրականագետ և հրապարակախոս:

Մենագրության մեջ արիշիվային և մամուլում ցրված գրեթե անհայտ նյութերի օգտագործմամբ փորձ է արվում ներկայացնելու նրա կյանքի ու գործունեության պատկերը, գնահատել գրական-հրապարակախոսական գործունեությունը:

Ա 4603010000
704(02)2002թ.
2002թ.
ԳՄԴ 83.37

ISBN 5-8084-0-369-0 © Դամալսարանի հրատարակչություն 2002 թ.



Վերջին նկարներից

Հայուածաբանութեան ժակուլցեանի ներկայ մարենաշարի
 սոյն հայուրը իրականացաւ արդեամբ եւ ժամկետ
 ժակուլցեանի գեհան՝ դոկտոր, պրոֆեսոր
 Շահե արթեալիսկոպոս Աճեմեանի

XX դարի առաջին կեսը նշանավորվեց վիթխարի իրադարձություններով, որոնք հավակնում էին պատահան տալ իրենց շրջապտույտի մեջ ԱերքաշՎած ժողովուրդների բախտի ու ճակատագրի խնդիրներին: «Հին» ու «Նոր» աշխարհների բախման հանգույցներում հայ ժողովուրդը նույնական փորձում էր գտնել ազգային տեսչերի իրականացման ուղիներ: Բախտը, սակայն, չժպտաց մեզ ու ճակատագիրը երես թեքեց, հասարակական-քաղաքական իրարամերժ միտումները ավելի բարդացրին առանց այդ էլ ոչ պարզ մթնոլորտը, և հայ մտավորականը, մտածող անհատը հաճախ դեմադիեմ հանդիպեցին անլուծելի թվացող հակասությունների: Հեշտ չեր կողմնորոշվել, լուծման ուղիներ գտնելը, իսկ մոլորությունը թանկ էր նատում... ժողովուրդին: Մթափ մտածողություն էր պետք, իրադարձությունների ընթացքը կոահելու կարողություն, անձնազոհություն էր հարկավոր, անմնացորդ նվիրում՝ ժողովրդի պատմական մաքառումը նոր փլուզումների վտանգից փրկելու համար: Պատմությունն աներեր վարում է իր ընթացքը, և, ավաղ, փրկության ուղիները երբեմն կարծես թե տանում են... փակուղի: Եվ, այնուամենալնիվ, հուսահատվել չի կարելի, միշտ պետք է որոնել, կոահել գալիքը և պատրաստ լինել նրան: Աշխարհի բախտը մեր ձեռին չէ, ցավով նշում էր Ն. Աղբալյանը,- բայց նրա անիվը մեզ համար էլ է պտույտ գալիս»- եզրափակում է ընդգծված հավատով¹:

Ծատ էր դրամատիկ դարասկիզբը մեզ համար, այն շնչարձեց հետագա տասնամյակներում ևս: Սովետահայ պատմագրությունը, հասարակական միտքը ընդհանրա-

¹ԳԱԹ, Հովհ. Թումանյանի ֆոնդ, գ. 1654:

պես, միակողմանի է Աերկայացրել մասնավորապես նախահեղափոխական տարիների և հետհեղափոխական շրջանի պատմությունը. սխալ են գնահատվել ազգային-ազատագրական շարժումները, անտեսվել է Հայաստանի առաջին Հանրապետության գործունեությունը, ժողովրդի աշխատանքային սիրանքների Աերկայացմամբ շրջանցվել են նույն ժողովրդին հասցված ողբերգությունները:

Անդրկովկասում հայկական տարրի ֆիզիկական ու քաղաքական նշանակությունը նվազեցնելու հեռահար նպատակով բեղավոր դաჩիճը անվարան վերաձևեց երկրամասի քարտեզը՝ հետագա իր գործունեության ընթացքում երբեք հատուկ «ուշադրությունից» չզրկելով հայերին: Հասնելով իր արյունոտ հաղթարշավի գագաթնակետին՝ նա հանդգնեց այն, ինչ չէր անցել պորից-յուրակիր ոչ մի արքայի մտքով, ինչը մնում է երիտթուրքերի սեփականությունը՝ հայ ժողովրդին քշել մի նոր Դեր-Զոր, որ այս անգամ կոչվելու էր... Ալթայի երկրամաս: Խորհրդային Միությունում թուրքերի բարեկամը կիրառում էր նրանց մեթոդները: Ստալինյան սոցիալիզմը հավասարապես ծանր էր Խորհրդային Միության բոլոր ժողովուրդների համար, բայց հայերի համար ծանր էր կրկնակի:

Խորհրդային իշխանության վերջին մեկ-երկու տասնամյակներում ինտերնացիոնալիզմի և ժողովուրդների բարեկամության գաղափարների շահարկումը նոր աստիճանի բարձրացավ: Ընթիատակից ելած պանթեուրիզմը անցավ բացահայտ հարձակման: Բրեժեն- Սոլոյն - Ռաշիդով - Կունան- Ալին- Վեզիրով - ուրիշներ առանցքը վիթխարի իներցիա հաղորդեց մուսուլմանական մաֆիային, որը Մոսկվայի շուքի ներքո ծաղկում էր մասնավորապես Ադրբեյջանում: Իրենց տեր ու տնօրեն զգալով ստալինյան «շոալ» ձեռքով նվեր ստացած հայկական պատմական հողերում՝ մարքսիզմի

պատմումանով քողարկված պանթյուրիզմը զանազան չափսի բունիաթովների տեսքով ու բերանով բացահայտ անամոթությամբ մեր հոգևոր արժեքները կողոպտելու, մեր ավանդական հողերին տիրանալու գործին անցավ... Խորհրդային պատմագիտության դրոշի ներքո անսրող անամոթության հասավ հայ ժողովրդի պատմական հայ-րենիքի և հոգևոր արժեքների բացահայտ կողոպուտը մի օր հանկարծ ադրբեյջանի դարձած կովկասյան թաթար-ների կողմից... Աշխարհի որևէ ծայրում հազիկ թե նման ամոթալի և այսքան հովանավորված կողոպուտ է եղել:

Ահա այս մթնոլորտում մշակվել են «տեսակետներ», «գնահատականներ», որոնք աղավաղված են Աերկայացրել դարասակրի իրադարձությունները, տարբեր կուսակցությունների ու խմբավորումների դերն ու տեղը պատմական զարգացումների ընթացքի մեջ: Կայսրության փլումը և անկախության ուղի ընտրելը հնարավորություն տվեցին պսակագերծ անել սուս աստվածներին, երևան հանել մեր պատմության բազմաթիվ «սև» և «սպիտակ» կետեր, շառաչյունով տապալել «պատմագիտական» շատ «կոնցեսցիաներ»: Անկողմնակալ մտածողությունը փորձում է նորովի ընկալել պատմության ընթացքը, հրաժարվել առանձին երևույթների ու գործիչների՝ վերուստ պարտադրված գնահատումներից:

Ազնիկ գաղափարների անազնիվ սպասավորները վերջին տասնամյակների ընթացքում ստեղծել են գաղափարական հակառակորդի հակակրելի մի տիպ: Բայց այդ հակակրանքն իսկովն հօդս է ցնդում անաշառ հայացքի առջև: Ավելին՝ մեր առջև հառնում է լուսավոր ու անձնուրաց մի սերունդ, որ վերջին երկու դարերի սահմանագիտում ժողովրդին վիճակված մաքառումների խաչմերուկներում անմնացորդ նվիրումով այրվեց փրկության ուղիների տեսդագին որոնումներում, գտավ,

Կորցրեց, սփովեց աշխարհով մեկ՝ միշտ պահելով հավատը լավ ժամանակների վերաբերյալ:

Այս սերնդի ներկայացուցիչն է Նիկոլ Աղբալյանը:

Դժվարին եղավ նրա կյանքը: Հայաստանի առաջին հանրապետության բացառությամբ՝ մեր երկրի բոլոր իշխանությունները՝ և՛ ցարական, և՛ խորհրդային, հալածեցին նրան, սպառնացին բանտարկություններով կամ իրականացրին այդ սպառնալիքը՝ հասցնելով նրան սփյուռքահայի անդաստական վիճակին:

Առաջին հանրապետության օրոք էլ, ասենք, հանգիստ կյանք չունեցավ. ոչ միայն այն պատճառով, որ հանգիստ չէր իրականությունը, այլև այն, որ կրքոտ հրապարակախոս էր, մշտապես բուռն իրադարձությունների կենտրոնում, ուղղամիտ և ուղղախոս: Լինելով ընտանեսեր մարդ՝ խիստ հոգատար հայր ու ամուսին, նաև զավակ, ավելի մեծ նպատակների իրականացման համար պարտավորված եղավ, 1921-ից հետո՝ հարկադրված նաև, հեռու լինել հարազատներից: Նա, որ կոչված էր հայ գրականության ու մշակույթի նվիրյալ լինելու, սիրած գործով զբաղվեց ամենօրյա հացի համար հոգնատանց պայքարից փախցրած ժամերին միայն: «... Ազատ գրիչը չէր պահում մարդուն, որ աշխատանքը դառնար ապրուատ ու ներքին վայելք: Հացի աշխատանքը անուր էր վզիս ու շղթա ոտքիս, հոգուս աշխատանքը-տառապանք: Զարինութելի է ներքին ուժ զգալ և կարողություն՝ և չկարենալ հասունցնել և իրագործել մի լայն մտածում, մի թովիչ տենչանք, մի հմայիչ գեղեցկություն. ընդհատել, երբ կուգենի աշխատել, գնալ անհրապույր մի աշխատանքի, երբ կարող էիր հորինել-ձևակերպել, վատնել ուժերն այդ անհավասար և անդադրում ոգորման մեջ՝ անկարող վերջնապես մոռանալու պայծառ բարձունքը, սակարելով անսակարկելին... ինչ որ գրել եմ, խոլ արձագանքն են այս տևական և անվախճան ոգորման. դադարի և մոռացման պահեր, ըմբոստացում-

Աեր բարոյական ինքնազգացումի, որ ճիզ է անում վեր պահելու գոլովին կյանքի տիղմերից»¹,՝ այս ցավագին խոստովանությունը արվել է այն ժամանակ, երբ արդեն հանրահայտ գրականագետ էր, ճանաչված հրապարակախոս և հասարակական-պետական գործիչ:

Կար մի ուրիշ հանգամանք ևս. ժողովրդի ազատագրության համար պայքարը, որին զինվորագրվեց կամովին և ծառայեց անմնացորդ նվիրումով, պարտադրում էր գործունեության այլ ասպարեզ ու եղանակ՝ խելով գրական աշխատանքին հատկացվող, առանց այդ էլ սուղ ժամանակի մեծ մասը:

Եվ, այնուամենայնիվ, նա որոշակի հետք թողեց դարի առաջին կեսի գրականության ու քննադատության, հասարակական-քաղաքական կյանքի ոլորտներում: Իր ժամանակի գրեթե բոլոր իրադարձություններին անդրադարձել է տաք, կրքոտ, համոզիչ խոսքով՝ հաճախ դառնալով սուր բախումների, բուռն վեճերի առիթ ու կենտրոն: Արծարծվող խնդիրներին, գրական-պատմական լինեին դրանք, թե հասարակական-քաղաքական, գիտական չափանիշներով, ազգի ներկայի ու վաղվատեսկունից արդարությամբ մոտենալը նրա հավատամբն էր: Պատահական չէ, որ հետնորդների համար գրեթե լեգենդ դարձավ:

Բայց ավելի լավ է սկսենք սկզբից:

¹ԳԱԹ. Գ. Լևոնյանի ֆոնդ, 4-9, գ. 2644:

ԿՅԱՆՔԸ ԵՎ ԳՈՐԾՈՒՆԵՈՒԹՅՈՒՆԸ

Մնվել է Թիֆլիսում (Հավլաբար), 1875 թվի սա իր աշած թիվն է, (գերեզմանի հուշաքարին 1874 է գրված, ուրիշները հիշում են 1873-ը) ապրիլի 1 -ին: Հայկական նշանավոր այս թաղամասում էլ ստացել է նախնական կրթությունը: Ապագա գործչի մանկության տարիներին Թիֆլիսն ապրում էր ավանդական վարք ու բարքով: Ահա իր խոստովանությունը. «... Խմ մանկության շրջանին Թիֆլիսը դեռ պահում էր շատ հին հետքեր անցյալ շրջանից և իմ տեսած նիստ ու կացը շատ չէր հեռացած արքայական շրջանի Թիֆլիսի կյանքից: Ծիշտ է՝ չկար վրաց թագավորությունը, որա փոխարեն իշխում էր ոուսը, չկար և զորավոր պարսկական ազդեցություն, բայց ժողովրդի կյանքը նոր միայն սկսած էր փոխվիլ և նիստ ու կացը դեռ շատ հնամենի էր¹:»

Ավանդական այս միջավայրում բարության ու աշխատասիրության օրենքներով էին ապրում նաև նրա ծնողները: Հայրը արհեստավոր էր, հրաշալի ձայնով օժտված մայրը՝ տնային տնտեսուիի: Տարիներ հետո պետք է հիշեր. «Մենք (ինքը և իսահակ Տեր Ղազարյանը, հետագայում Գյուտ Նախակոպոս. - Գ. Ա.) ընկերական նույն խավից էինք: Մեր հայրերն արհեստավոր էին և բարեպաշտ մարդիկ. այդպես էին մեր մայրերը, որ ձեռքի վաստակով հասնում էին տան պակսորդին»²: Հոր կերպարն ամբողջանում է ուրիշ մի վերհուշով. «Հայրս քեզ սիրող արհեստավոր էր, սիրում էր լավ խմել ու խաղ կանչել, սովորաբար թաթար բայաթիներ, մանավանդ երբ իր ազգականները գալիս էին գյուղից:

Տունը դառնում էր մի հարսանքատուն, գինին հոսում էր, խորովածի շամփուրները լիքը գալիս, դատարկ դուրս էին գնում... Գինուց ու երգից աչքս փակվում էր և լուսադեմին աչքս բանալով՝ տեսնում էի դեռ սուփրան (սփոռցը) գցած և խմողների կատարը տաք»¹: Կոլորիտային մանրամասներով է ներկայացնում նաև մորը. «Մայրս, որ մի բարեպաշտ կին էր, նույնպես սիրում էր երգել երբեմն վրացերեն, բայց ավելի բայաթիներ: Շատ հաճելի ձայն ուներ և կանանց հավաքույթների անհրաժեշտ անդամ էր»: Դարոց չեր գնացել՝ «մի մազ էր մնում, որ կարդալ կարենամ»: Բայց զարմանալի գրասեր էր. «Լսելով, թե հեռավոր թաղերից մեկում- Ս. Սարգսի թաղում-մեկը «Վերք Հայաստանի» ունի, հիշում եմ՝ մի օր ձեռիցս բռնած գնաց այն թաղը և հազար աղանձանքով խնդրեց այդ գիրքը, որի մասին լսած էր թե շատ լավ գիրք է և տուն բերելով ու հարեան կանանց գլխիս հավաքելով ստիպեց որ կարդամ...»²: Այս ձևով մի օր գնել էր Սայաթ-Նովայի էժան հրատարակությունը», և «այնուհետև տուն ու դրկից դադար չէին տախիս» ինձ՝ խնդրելով որ կարդամ ու լսեն»:

1892-ին «հուշ գովելի վարուք» ավարտում է Ներսիսյան դպրոցի «լիակատար ընթացս ուսման վեցերորդ դասարանի»:

Ավարտական դասարանի աշակերտը գրական առաջին փորձերն են անում: Պահպանվել է (կրտսեր որդու՝ Ռուբեն Աղրավյանի շանթերով և, կարելի է կոսմել, ի՞նչ տագնապալից ապրումների գնով) քսան էջանոց մի տետր, ձեռքով պատրաստած, թուղթը դեղին, բարակ ու տողած, բայց որակով: Կողը կարված է ամուր և թելով: Աշակերտական տետրակից չորս տողի չափ նեղ է, մեկ տողի չափ՝ բարձր: Առաջին ինն էջը դարչնագույն թա-

¹Ն. Աղրավյան, Ամրողշական երկեր, հ. II, Բեյրութ, 1966, էջ 17:

²Ն. Աղրավյան, Ամրողշական երկեր, հ. III, Բեյրութ, 1967, էջ 341:

¹Ն. Աղրավյան, Ամրողշական երկեր, հ. II, էջ 19-20:

²Նույն տեղում, էջ 20:

Ապօվ է գրված, տասնմեկից տասնյոթերորդ (Վերջին էջի մեկ քառորդն է զբաղեցված) էջերը՝ մատիտով, մատիտափիր առաջին էջը՝ դժվար ընթեռնելի:

Տասնյոթ տարեկան էր այս տետրը պատրաստողը, Ներսիսյանի վերջին տարվա աշակերտ: Ո՞ր տասնյոթ տարեկանը իրեն բանաստեղծ չի պատկերացրել, չի կազմել ապագա գործունեության ծրագրեր... Այս տետրի առաջին իսկ էջի վերևում մեծ տառերով գրված է՝ «Ծրագիրներ» (ծ-ն գրեթե թոշմատառ), որին հաջորդում են սովորական ձեռագրով գրված վերնագրերը՝ 1. Ծմբուլի, 2. Աղբյուր, 3. Որս, 4. Բանաստեղծ, 5. Զուկ բոնել, 6. Խորհրդածություն, 7. Սափրիչը..., 8. Ռենիձորը (Վերջին երկուը՝ մատիտով): Հերթական 9-րդ և 10-րդ համարների դիմաց ոչինչ չի գրված, փոխարենը երկու տողից կազմված այս շարքի ներքեւում կարդում ենք՝ «Լեռնային իդիլլիա», «Սպասում եմ»: Որոշակի երկում է, որ վերջին երկուսն ու մատիտով վերնագրերը հետո են ավելացվել:

Վերնագրերին անմիջաբար հաջորդում են երկու գեղարվեստական «ձևավորում», միակը՝ «Հիշատակարանում» և Աղբյուրի՝ մեզ ծանոթ ձեռագրերում: Առաջինը մարդկային շատ փոքրիկ մի դեմք է, եղունգի չափ, անդուր արտահայտությամբ, և «շվապայով», երկրորդը՝ բավականին հաջող նկարված մենավոր մի ծառ, մերկ սարերի լանջին, որ լեռնային հովվերգության տպավորություն է թողնում... Այս «ձևավորումներին» անմիջաբար հաջորդում է կրկին մեծ տառերով գրված, գրեթե ամբողջ տողը զբաղեցնող «Հիշատակարան» բառը, ներքեւում, ավելի փոքր տառերով՝ «ճանապարհորդական»-ը, այսինքն՝

**Հիշատակարան
Ճանապարհորդական:**

Վերնագրի տակ՝ ձախ անկյունում, տարեթիվն է՝ 1892., աշում՝ ստորագրությունը՝ Ն. Աղբյուր: Այս ամենը զբաղեցնում է էջի կեսից մի փոքր ավելին:

Երիտասարդ երազող հեղինակը որքանո՞վ է իրականացրել իր «ծրագիրներ»-ը:

Նկարագրվածին անմիջաբար, առանց մեկ տող անգամ ընդմիջելու, հետևում է հիշված շարքի առաջին վերնագրիր՝ «Ծմբուլի»: Ըստ հեղինակի մտահղացման՝ պատմվածք է: Հասցրել է գրել նաև «Բանաստեղծը», կրկին պատմվածք: Այս երկուսի մեջտեղում բանաստեղծական փորձեր են (ծրագրում չեն նախատեսվում): Անկեղծ լինենք՝ թուլ են այս գործերը, գեղարվեստական արժեքից զորկ, բայց հատակ պատկերացում տալիս են գործունեության փշոտ ասպարեզ ընտրած պատանու ներաշխարհի ձևավորման մասին: Ահա մի նմուշ.

**Թող փչէ կատաղած քամին
Որքան կամենա,
Բարձր և ամուր ապառաժին
Ի՞նչ պիտ անէ նա:
Զարը խոսե, լրւտանք թափե
Որքան կամենա,
Քո պայծառ, սիրուն անունեղ
Ի՞նչ կտանե նա:**

1892, ապրիլ 25

Ուրիշ փորձեր կատարե՞լ է: Մեկ-երկու գրախոսականում, ցուց տալու համար գրախոսվող բանաստեղծի անտաղանդությունը, ինքն էլ էքսպրոմտով չափածո տողեր է շարում ավելի հաջող, ավելի բանաստեղծական, բայց միևնույն է՝ համոզելու համար, որ հանգավոր տողերը դեռևս պոեզիա չեն: Ուշագրավ է նման մի չափածո հորինվածքի կցած իր ծանոթագրությունը: «Այս ոտանակարը մենք գրեցինք կես ժամում, ցուց տալու համար, որ հանգերով գրելը դժվար չէ. թող ներողամիտ լինեն

ընթերցողները, որ պատաճի օրերը միտներս ենք բերել»¹: «Պատաճի օրերը միտներս ենք բերել» խոստովանությունը չի վկայում, արդյոք, որ բանաստեղծություն գրելու ոգևորությունը կարճատէ է եղել... Դա չէր խանգարում, որ ամբողջ կյանքում, հիմնականում Հովհ. Թումանյանի «հանգով», չափածո նամակներ գրեր բարեկամներին, բանաստեղծական տողեր նվիրեր մտերիմներին...

Բանաստեղծ չդարձավ, բայց բանաստեղծը միշտ ապրեց նրա հոգում:

Նոյն 1892 - ին ընդունվում է Գևորգյան ճեմարան, որն ավարտելու դեպքում, ինչպես գրում է դիմումի մեջ, «պարտավորիմ նվիրել զանձն իմ հոգերը կոչման»²: Խնդրում էր ընդունել «ի շարս ձրիաթոշակ որդեգրաց ճեմարանի Մայր Աթոռոյ Էջմիածնի» (նոյն տեղում): Ճեմարանում սովորել է ընդամենը երկու տարի: «Հոգերը կոչման» հեռանկարն է հիասթափեցրել նրան, թե նյութական դժվարությունները, հայտնի չէ, սակայն երկու տարի սովորելուց հետո՝ 1894թ. ապրիլին, ստանալով վկայագիր՝ հեռանում է ճեմարանից: Առաջադիմությունը պատճառ լինել չէր կարող, որովհետև առարկաների բացարձակ մեծամասնությունից ստացել էր հովժ գովելի (հայոց լեզու, հայոց պատմություն, ոռուսաց պատմություն և այլն) և գովելի գնահատականների³: Մահվան կապակցությամբ գրված հուշերում ժամանակակիցները վկայություն էին տալու, թե ճեմարանից հեռացել է ուսանողական խոռվություններին մասնակցելու պատճառով՝ մի խումբ ուսանողների հետ միասին:

Ինչևէ:

¹Մուրճ, 1899, N 1, էջ 110:

²ՀՀ ԳԿԳԱ, ֆ. 312, ց. 2, գ. 87, թ. 3:

³Նոյն տեղում, թ. 6:

Պատաճի ճեմարանականին, ինչպես կարելի է կոսին 1894-ի սկզբներին (ճեմարանը թողնելու շրջանում) գրած օրագրից («Հիշատակարան»), մեծ կյանքի հորձանուտ է բերել հանրությանը՝ գործնականորեն օգտակար լինելու ցանկությունը: Ճեմարանի սանը սովորություն ուներ շրջել հայկական գյուղեր՝ ժողովրդի կյանքը մոտիկից ճանաչելու ակնկալությամբ: «Հենց որ ճանապարհորդությունից դարձա, վճուեցի գնալ մի ուրիշ կողմ ման գալու, բայց քանի որ հանգամանքներս շատ աննպաստ էին, Աբարան, Ծորագալ և Դարաշիշագ սովէ, իսկ մյուս տեղերում ես եղել եմ, մտածում էի անցնել մի անգամ ևս Ղամարլուի կողմի գյուղերը»¹, - այսպես է սկսվում «Հիշատակարանը»: Խավարի ու հետամնացության անհաշտ թշնամի ճեմարանականը փորձում է իր համեստ ուժերը ի սպաս դնել լուսավորության գործին: Կրկին դիմենք «Հիշատակարանին». «Տեսա նորը ճանանուին: 14 հոգի են... Նոցանից մեկի հետ խոսեցի, բացատրեցի քահանայի կոչումը, հեղափոխական դարձու և մինչեղու շտապում էի մյուսներին ևս այդ անելու, անհիջալ սևանցի տգրուկներից մեկը (վաճրի հոգենորական. - Գ. Ա.) եկավ և ավետարան հա ավետարան զահիլա տարավ»². Հեղափոխել շրջապատը, անհաշտ կոիկ հայտարարել հետամնացությանն ու խավարին, ծառայել ժողովրդին ինքնագիտակցության բերելու նվիրական գործին, - ահա, ըստ երևույթին, այն նպատակը, որը հարկադրել է նրան կիսատ թողնել «հոգերը կոչման» համար ուսումը... Կենսագիրներից մեկի վկայությամբ՝ «ճեմարանի մեջ տիրող ոգիեն ու պայմաններն դժգոհ՝ խումբ մը տղոց հետ պատճառաբանյալ նամակով մը թվելն և հեռանալու իրենց անդառնալի որոշումը նորընտիր կաթողիկոս Խրիմյան Հայոցին հայտ-

¹«Մշակույթ» (ամս.), 1989, N 2-3, էջ 112:

² Նոյն տեղում, էջ 115:

ներ հետո, կխնդրեն Հայրիկեն, որ «օրինե և արձակե» զիրենք»¹: Հաղորդման հավաստի տոնը, շակերտների մեջ առնելը սկզբնաղբյուրի օգտագործման վկայություն են (փաստաթղթի կամ հիշողության): Արխիվում մեր որոնումները արդյունք չտվեցին...

Հայաստանի շուրջ երկու տասնյակ օյուղերում դժվարին ուղարկություն կատարելուց հետո հայտնվում է Թիֆլիսում: Կարիքը նրան ստիպում է թողնել մայրաքաղաքը:

1895-1896 թթ. ուսուցչություն է անում Կաղզվանի և Ագուլիսի դպրոցներում: Նյութական կարիքը միշտ հետապնդել է նրան: «Մի տարի ես պահել եմ Ագուլիսում շերամ: Մինչև թիթեռների բռնելը», - Ա. Աթանազանին հոգած նամակում հայտնում է Աղբալյանը: 1896-ի կեսերից կրկին Թիֆլիսում է. մասնավոր դասեր է տալիս և աշխատակցում «Մուրճին»: «Երեք տարի մասնավոր դասեր եմ տված Թիֆլիսի հարուստ ընտանիքներում, միաժամանակ սկսել եմ գրական գործունեություն բացառապես մշակելով գրական-քննադատական ճյուղը»², - խոստովանում է 1919-ին գրած ինքնակենսագրականում: «Մուրճի» 1896-ի թիվ. 9-ում տպագրվում է առաջին գրախոսությունը՝ Ավիրված Ծիրվանգաղեի «Կրակը» պատմվածքին: Ապրուստի կրկին դժվար էր, և նա որոնում է ավելի շահագետ կամ լրացուցիչ աշխատանք: Այս ժամանակ էլ գրում է Վերոհիշյալ նամակը Ա. Աթանազանին, որը հստակ պատկերացում է տալիս նրա նյութական վիճակի մասին. «Պ. Վ. Փափազյանից լսեցի, որ Զեզ հարկավոր են շերամապահության ծանոթ մարդիկ (թե՞ մի մարդ միայն լավ չեմ հիշում): Ես կցանկանայի այդ մարդկանցից մեկը (կամ այդ մարդը) լինել: Մի տարի ես պահել եմ Ագուլիսում շերամ մինչև թիթեռ-

ների բռնելը, և թեև անձամբ չեմ մասնակցել, բայց ներկա եմ եղել սերմի քննության... Իմ անձնավորության մասին տեղեկություններ կարող եք հարցնել պ. Ա. Արամիսանյանից, հետո եթե ուզեք, նաև Վ. Փափազյանից և պ. Շանթից: Հասցես Մուրճի խմբագրություն»: Պարզ է՝ նամակը գրվել կարող էր «Մուրճի» հետ հիմնավորապես կապվելուց հետո միայն:

Երիտասարդ Աղբալյանը լրջորեն նախապատրաստվում էր ժողովրդի ազատագրության գործին նվիրվելուն: Այդ են վկայում կրտսեր որդու պահպանած վելուն: Այդ են վկայում կրտսեր որդու պահպանած թղթերը, որ հիմնականում ուսումնասիրած գրքերի ու մամուլի մշակումներ են, հազվադեպ՝ հուշեր ու ինքնակենսագրական նյութեր:

Դրանցից մեկը, թերևս ամենաարժեքավորը, հիշյալ անթվակիր «Հիշատակարան» է, գրված, ինչպես կարելի է ճշտել շարադրանքի ընձեռած հնարավորությունից, 1894 -ին, «2 տարի առաջ, երբ նոր էի ավարտել Ներսիսյան դպրոցը» ... Ներսիսյանն ավարտել է 1892-ին: Տասնինամյա պատանին խոր սարսափով է խոստովանում այն անտարբերությունը հասարակական խնդիրների նկատմամբ, որ տիրում է շրջապատում. «...Մեր մեջ ահագին պակասություն կա «նվիրված մարտիկների»... որ կողմը նայում են՝ շահ, շահ, շահ, որ կողմը նայում են՝ անձնական օգուտներ, մասնավոր հակումը գյուղացուց մինչև ամենամեծ ինտելիգենտը, մեկը շիվներ գյուղացուց մինչև ամենամեծ ինտելիգենտը, մեկը չի մտածում ընդհանուրի մասին և վերջապես մեկով ի՞նչ կինի, մեկը ոչինչ չի կարող անել ահագին հրոսակների դեմ, որոնք կարերիստներից են բաղկացած...»¹: Մեր տիսուր կյանքը ազնիվ ու անվերապահորեն նվիրված մարդկանց կարիք ունի: Երիտասարդ ճեմարանականը գծում է նաև այդ տիպի գործչի Ակարագիրը, որն այս դեպում կրկնակի արժեք է ստանում, քանի որ ձեռք է

¹Ն. Աղբալյան, Ամբողջական երկեր, հ. I. Բեյրութ, 1959, էջ 5:

²ՀՀ ՊԿՊԱ, ֆ 207, ց. 1, գ. 18, թ. 28:

¹Մշակույթ, էջ 114:

բերում ինքնաբացահայտման արժեք. «Հարկավոր է, հարկավոր է ընդմիշտ հրաժարվել ամեն բանից: Ժողովուրդ, նորա շահն ու օգուտը, բարեկեցությունն ու լուսավոր ռուստը. վեր դասի ամեն մի «փորից» ու «գրպանից», «շահից» ու «հաշիվներից» ...Հարկավոր է ցամաք հացի հուսով դուրս գալ, որ պանիր ու հացը նորա համար ճաշկերույթ լինի: Այս մարդը իսկապես մարդ է, սա կարող է ազատ, համարձակ, առանց վախենալու անել ամեն բան հանուն ժողովրդի ու նորա բարեկեցության, ահա վիճակ, որին հասնել ես ամենին ցանկանում եմ, այն ժամանակ կլինի մխիթարական երևույթ աշխարհում¹: Ահա թե ինչու համոզիչ է հնչում նրա երազանքը՝ տեսնել մի սերունդ («մեկով ի՞նչ կլինի»...), որ «-բայր ձեռին անդաստանի փուշերն է մաքրում, արմատով գետնից խլում և մի կողմը ձգում, ահա, այն ժամանակ թեկույթ մեռնում, բայց կիմանամ, որ այդ երկաթե համբերության տեր մարդոց գործը երկար կտնի, կունենա յուր հաջորդները, որոնք արդեն կատարելագործած գործիքներով դուրս կգան թշնամու առաջ: Կոփվ, կոփվ և կոփվ,- ահա այս պիտի լինի ազնիվ երիտասարդի և քաղաքացու դնիզը, idee fixe - ը»²....:

Աղքալյանն իր երազած մարդկանցից եղավ: «Հաց ու պանիր»-ը ճոխ ճաշկերույթ համարելով, չընկրկելով ոչ մի տեսակի դժվարության առջև՝ ամբողջ կյանքում կովեց, կովեց խոսքով ու գենքով, գրչով ու գրքով՝ լուսավոր հետք թողնելով ժամանակակիցների ու հետնորդների հոգիներում:

Զարմանալի շիտակությամբ ապրած այս մարդը երբեմն պանիրն էլ ավելորդ ճոխություն համարեց: Փետրվայրան ապստամբության հայթանակից հետո Եշմիածնից վարչապետ Ս. Վրացյանին հղած մի նամա-

¹Նույն տեղում:
²Նույն տեղում:

կով փոխարինաբար տասնհինգ փութ գարի էր խնդրում ցանելու, երեխաների մի կտոր հացը, գարեհացը ապահովելու համար. «Ստիպված եմ երեխաներիս հացի մասին հոգալ վաղօրոք»: Եվ սա ասում էր միշտ կուսակցության վերին էշերում պաղամենատի անդամ, մեկ տարի նախարար աշխատած Աղքալյանը: Մի կտոր հացի խնդիրը մշտապես ուղեկցել է նրան: «Ծերությունս շուտ հասավ,- կարդում ենք 1945-ին գրած նամակներից մեկում,- շունչս կտրվում է և դժվար է ինձ համար այսուհետև դաս տալ կամ դասախոսել (Բեյրութի համազգայինի ճեմարանում - Գ. Ա.): Բայց ապրել պետք է մինչև մահ, որ կարծեմ հեռու չեմ... Այս հասակին վանք քաշվի և նոր պայմանների և մարդոց հարմարիլ դժվար է ինձ համար. վանքը ձրի հաց տալու չեմ, իսկ ես չեմ կարող իմ աշխատանքով ապրուստ ապահովել: Եթե կարենամ իմ չույն պիտի վանք մտնեմ, ճեմարանի մեջ կը մնամ»:

«Հիշատակարանից» ընդարձակ մեջբերումներում ընթերցողը կնկատի, անշուշտ, շարադրանքի անհարթություններ: Դա նկատում էր հեղինակը ևս. «Ես շատ հեռուն գնացի, ինձ թվում է, թե ավելի շատ բան ասացի, քան պիտի ասեի, բայց բոլորն էլ ամեկապ, սիստեմի տակ չդրած, նորա բոլորն էլ մեծ մասամբ ավելի զգացմունքներ են, քան մտքեր... ժամանակին այս բոլորը մի անգամ ևս կարդացվելով ու կարգի ընկնելով, կանոնավոր տրամաբանական անալիզի միջից անցնելով կրաքանական մտքի աստիճանին»¹:

Ավաղ, հեղինակն այդ բանն անելու հնարավորություն չունեցավ:

Նվիրումի հետ միասին անհրաժեշտ են նաև խոր ու կայուն գիտելիքներ: Ուսումը Գևորգյան ճեմարանում կիսատ թողեց, բարձրագույն կրթություն ստանալու հետագա փորձները անհաջող ավարտվեցին՝ հիմնականում

¹Նույն տեղում:

կուսակցության հանձնարարությունները կատարելու պատճառով: Հետագայում ստիպված պետք է լիներ ոչ առանց ցավի ու ափսոսանքի խոստովանել»: «...Համալսարան ավարտած չեմ, երբեմն «մոտեն անցած եմ»: Բայց դա չի խանգարել, որ անդով եռանդով, ինչպես ինքը կասեր՝ «ինքնաշխատությամբ», լրացներ համալսարանական կրթության պակասը: Պարզապես զարմանք է հարուցում այն վիթխարի աշխատասիրությունը, որով ձգուում էր լրացնել թերին: Առանց չափազանցության «ինքնաշխատությամբ» հասավ պվելին, քան հասնում են ուրիշները համալսարան ավարտելով:

Որուեն որդու փրկած թղթերում պահպանվել են մշակումներ, սևագրեր, նշումներ, մեջբերումներ, որոնք վկայում են, իսկապես, աներևակայելի մի աշխատասիրություն, համակողմանի գիտելիքների յուրացման զարմանալի մի ծարավ: Այդ նյութերը հիմնականում վերաբերում են 1893-1899 թթ., որոշ մշակումներ թվագրված են՝ դրանց մի մասը 1893, 1895-1897 թթ. ամսագրեր են: Կա մշակումների ժամանակը կուհելու մի հնարավորություն ևս. սկսած 1899-1900 թվերից Աղբայլանին կրանում է ուրիշ մի մտահոգություն, որի մասին խոսք կլինի իր տեղում:

Որևէ բան կարդալիս նշումներ անում էր երկու տետրում (սովորաբար ինքն էր պատրաստում դրանք). մեկում վերաշարադրում էր իրեն դուր եկած, իրեն հարկավոր մտքերը, փաստերը, մյուսում անում էր «քաղվաճներ»: Սովորով ուներ լայն լուսանցք թողնել, ուր կատարում էր լրացուցիչ հավելումներ, նշում շարադրանքի հիմնական առարկան ու խնդիրները: Արգ. Հովհաննիսյանի «Հայր և Հայաստանը օտարների աշքում» գրքով մշակումների լուսանցքներում կարդում ենք՝ «Կողմնակի՝ էջ 7 - 8. - զեյթունցոց մասին գովասանքով է խոսում, 17-18. - անհաստատ դատողություն և ՏՕ և սեպականաշափ ազատ գրվածք է»: Իր համար կար-

նոր մտքերն ու տեսակետները վերաշարադրելուց կամ «քաղվաճներ» անելուց հետո նաև որոշակի վերաբերմունք է դրսեւրում գրքի ու հեղինակի նկատմամբ: «Մի քանի տեղեր,- գրում է նոյն գրքի մասին,- գիտությամբ թե անգիտությամբ խոյս է տալիս յուր կարծիքը հայտնելուց, օր 18»: Իբրև կանոն վերաբերմունք է դրսեւրում կարդացածի նկատմամբ. ահա մի քանի օրինակ ևս «Վերին աստիճանի հետաքրքրական հոդված, լիքը բազմաթիվ փաստերով Անգլիայի պետական կարգի և տնտեսական կյանքի փոփոխության մասին XVIII ու XIX դ. ա կեսում», «հոդվածը դժվար մարսական է», «շատ լավ հոդված է», «հետաքրքրական և տեղեկալի հոդված», «կրկին անգամ կարդալու հոդված և մարսելու», «հոդվածը անկարգ է գրված», «փոքր ինչ միակողմանի է հոդվածը», «հոդվածը քիչ խառն է գրած»: Գրում էր շատ մանր, խիտ, թեև ընթեռնելի ձեռագրով: Մեծադիր էջերը օգտագործում էր ծայրեծայր, առանց ազատ տեղ թողնելու:

Նոյնը տեսնում ենք որու ու եվրոպական գրականության ներկայացուցիչների ստեղծագործությունների ուսումնասիրության բնագավառում: Զարմանալ կարելի է, թե ինչպիսի համբերատարությամբ ու մանրամասնորնեն է ուսումնասիրել Հ. Հայնեի երեք հատորները, 15, 5, Լոմնոսովի հիմները՝ 17 էջ (Վերևում նկարագրված մեծադիր էջերով կամ գրեթե դրանց նման):

Պատկերացում տալու համար՝ մի օրինակ.

Երկու մեծ էջի վրա ներկայացնում է բանատեղծությունը: (ГИМН ծօրօծ), նրա արձագանքների պատմությունը, եկեղեցականների և Լոմնոսովի մյուս հակառակորդների ուսակցիան հիմնի հանդեպ, ցարական տան վերաբերմունքը և այլն, առանձին բառեր ու արտահայտություններ թարգմանում է գրաբարով: Այնուհետև, գրեթե մեկ էջի չափով, ծանոթագրություններ են,

թվով տասը: Այստեղ ոռուերենով արտագրված է կրկներգը, մի շաբթ մտքեր, տողեր թարգմանված են:

Նույնպիսի մանրամասնությամբ բնութագրվում է Հոմոնոսվի օդաների բացարձակ մեծամասնությունը: Գրեթե բոլոր գործերի ծանրթագրություններում գնահատումներ կան: «Հաջող էպիգրամ, թեթև» «սուր բանաստեղծություն է»: «Ծարտասանություն կա այս տոնում, բացականչություններ, կոչեր և այլն»: 58-րդ ձո՞ւի մասին, որ հայտնի «Գովքն է ցարական ընտանիքի», գրում է. Այս գովքի «ամենամեծ զարդարանքը Եկ. 2 Շնարագրությունն է»: Ահա մի գնահատական ևս. «Հոմոնոսվը (Աղբալյանը գրում է՝ Լ.- Գ. Ա.) նմանություններով Անակրենին նոր հոսանք մտցրեց ոռու գրականության մեջ: Ֆրանսիայում էլ այդպես Անակրենին նմանելն ազատեց գրականությունը պինդարիզմի ճնշող ազդեցությունից: Հոմոնոսվին հետևեց Դերժավինը, ոչ միայն նմանելու ձևի, այլև ձո՞ւերի ընտրության մեջ: Հոմոնոսվի առաջին անգամ գործածած չափը յուրացրին այսպես կոչված թեթև բանաստ. համար. Սում. Խերասկ. Կնյաժնին. Ժուկովսկի. Բատյուշկով և Պուշկին»:

Մի ուրիշ գնահատական՝ «Անակրենի ձո՞ւին Հոմ. Խակադրում է իրանը, սրանով լավ բնորոշելով իրան:

Անակ. ուզում էի <...> մասին երգեմ, բայց տափին ինձ սիրո մասին է երգում ակամա. Հոմ. Անակրեն, ես ուզում էի սիրո մասին երգել, բայց լարերն ակամա հերոսական աղմուկ են հնչում»...

Եվ այլն:

Կարելի է չկասկածել, որ նման մանրամասնությամբ մշակել է մյուս հեղինակներին ևս: Այսպիսի նյութերի ծանրթանալուց հետո անվերապահորեն հավատում են իր խոստովանությանը. «Բարեբաստիկ առիթով ես ընկա Մոսկվա և Պետրոգրադ: Անկշիռ ենթադրությամբ կարծելով, թե կյանքն ինձ կարող է և ուրիշ ոստաններ տանել՝ ես մտածեցի ամեն երկիր ինքն իր մեջ ուսում-

նասիրել և մոլեկան եռանդով անձնատուր եղա ուսաց գրականության, պատմության և արվեստին»¹: Այն անձնուրաց նվիրումը, որով անձնատուր էր լինում իրեն հետաքրքրող խնդրի ուսումնասիրությունը, իրենից լավ չես բնութագրի՝ «մոլեկան եռանդ»:

Երիտասարդ Աղբալյանի ուսումնառության պատկերը թերի կլինի, եթե չնշենք այն մեծ հետաքրքրությունը, որ ցուցաբերում էր կյանքի տնտեսական կողմի, տնտեսական գիտության հանդեպ: Ահա թե ինչու մշակել է նյութեր կաթնատնեսության, հողագործության, ձկնորսության, անասնապահության և այլ բնագավառների վերաբերյալ ևս: Կարդացել է, հիմնականում ուսերենով, գրքեր, հողվածներ, շատ է հետաքրքրվել մասնավորապես կովկասի տնտեսա-աշխարհագրական իրավիճակով և բողոքում էր. «Կովկասի գյուղատնեսության մասին տեղեկություններ շատ քիչ կան գրականության մեջ»: Ոչ միայն կարդում էր, այլև աշխատում էր սովորած կիրառել կյանքում, հասկանալ տեղական տնտեսության յուրահատկությունները: Պահպանվել է մի տետրակ, կոկին սեփական ձեռքով պատրաստված, «Քաղվածներ «Մուրճից» խորագրով, որտեղ հատուկ բաժին է հատկացված «տնտեսական կյանքին»: Նրան հետաքրքրում էին Երևանի նահանգի տնտեսության մասին ակնարկները, կաթնատնեսության մասին զրուցները, «առևտրական և գործարանական գործերը մեզանում», «բանվորական հարցը», «գյուղատնեսական ուսումն և հայ գյուղատնեսը», աղի և կողբի մասին նյութերը...

Թե ինչի հասցեց նրան այս ամենը, պերճախոս վկայում է 1896թ. օգոստոսին տետրերից մեկում կատարած այս գրառումը. «Անկասկած է, որ մի ժողովրդի կյանքում մյուս պայմանների հետ տնտեսական պայ-

¹Ն. Աղբալյան, Ամբողջական երկեր, հ. IV, Բեյրութ, 1970, էջ 9:

մեծ ներգործուն դեր են կատարում և նոցա փոփոխվելու հետ շատ բան է փոխվում: Որևէ հասարակություն առաջ մղելու համար պետք է ստեղծել պայմաններ և այն՝ ըստ կարելույն բազմակողմանի: Բավականանալ ժողովրդի մտավոր մակերևույթը միայն բարձրացնելով և կարծել, թե դրանով նրան դրել ենք հառաջադիմական ճանապարհի վերա, կնշանակե մի մեծ սխալ գործել: Մեզ մոտ, մեծ մասամբ, ուշադրություն դարձել են ժողովրդին մտավորապես առաջ մղելու վրա և նոյն չափով մոռացել են նրա տնտեսական կյանքը: Այս խնդիրը նշանավոր խնդիր է և նրան սպառել մի քանի երեսում շատ և շատ դժվար է, ուստի մի կողմ թողնելով այդ ես կուգեհի խոսել մի տնտեսական երևութի մասին և այն շատ համառոտ, որ վերջին տարիներս նկատվում է Լոռվա գավառում»:

Իբրև հաստատում «Մոլոր» խմբագրի տեսակետը հիշեցնող այս եզրակացության, որը նա հմտորեն պետք է կիրառեր գրական երևույթների գնահատման ժամանակ ևս, պատրաստվում է վերլուծել Լոռվա գավառում տարածված «մի տնտեսական երևույթ»: «Երեկ գնացել էի այստեղից (ամենայն հավանականությամբ Զալալօղիից. - Գ. Ա.) 16 վ. վերա գտնվող Վորոնցովկա գյուղը, ուր բնակվում են երեք աղանդի պատկանող ուսւներ՝ սուրբունիկներ, բապտիստներ և մալականներ: Գնալուս նպատակն է ծանոթանալ, գոնե հարևանցիուն, այնտեղ գտնվող Շատինյանի կաթնատնտեսական գործարանի հետ. ավելորդ չեմ համարում ոյտողություններս արձանագրել»: Դժբախտաբար դիտողությունները չի շարադրել կամ դրանք մեզ չեն հասել. գրության ոճը ենթադրել է տալիս, որ այդպիսիք, իսկապես, եղել են: Տնտեսագիտական հիմնավոր ուսումնառությունը նրան հնարավորություն պիտի տար հետագայում հանդես գալու տնտեսական լուրջ խնդիրների շուրջ ևս: Ահա մի նմուշ. երկուդեղով օտար դրամագլուխը երկրամաս թա-

փանցելու իրողությունից, քանի որ այն հայ դրամատերին կարող էր զրկել երկրի կյանքում «գործոն դեր» խաղալուց, վերջիններիս խորհուրդ է տալիս. «... Մենք կարծում ենք, թե նրանց ազատ դրամագլուխների լավագույն գործադրությունը այն կլիներ, եթե նրանց տերերը միանալով կազմենին մի «Հողային դրամատուն» և հնարավորություն տային հայ գյուղացիներին հողեր ձեռք բերել»¹:

Այսպիսի համակողմանի «ինքնաշխատությամբ» էր նախապատրաստում նա իրեն այն նվիրական գործին, որին զինվորագրվել էր: Տարիներ հետո, արդեն լուսավորության նախարար, ազգային կրթական համակարգ մշակելիս, նրանում հատուկ տեղ պետք է հատկացներ ինքնազարգացմանը:

Թիֆլիս վերադարձ պատանին ակտիվ մասնակցություն է ունենում գրական-հասարակական կյանքին: Ռուբեն որդու փրկած թղթերում պահպանվել է հայոց հրատարակչական ընկերության ընդհանուր ժողովներից մեկի վերաբերյալ մի գրության («Բաց նամակ հասարակության») սևագրությունը, ուր խոր դժգոհություն է հայտնում ժողովի որոշման դեմ: «Պ. պ. Աղայանի, Թումանյանի և Պողոչյանի հարուցած հարցերը թարգմանիչներին վճարելու մասին չընդունվեց», «խառը ժողովը», բաղկացած զանազան տիկիններից ու օրիորդներից, այլևայլ, «ամբոխային հակումներով» մարդկանցից, մերժեց այդ առաջարկը: Գրական գործիչների ճակատագիրը վճուցին «ոչ գրական» մարդիկ: Ապագա գործի սուր աչքը լավ է տեսնում հավաքվածների տրամադրությունները. «Ես տեսնում եմ այս վարմունքի մեջ ներկայացնելու պայմանությունը արձանագրում է նա,- և ճշմարիտ, ժողովի մեծամասնությունը տեսնում էր արածները,

¹Հորիզոն, 1913, N37:

իսկ փոքրամասնությունը լուս խոսածները, մի չճշին
մասը լուս էր, մյուս մասը ճայում»¹:

Թիֆլիսում հրատարակվող «Մուրճի» 1896-ի երկրորդ կեսի համարներում շուտով լուս են տեսնում առաջին գրախոսականները: Այնուհետև մինչև 1899 թվականը ներառյալ կանոնավորապես տպագրվում էր ամսագրում:

Ա. Արասխանյանի ուշադրությունը երևան է հանում մի շնորհալի ուժ ևս: Առաջին հոդվածները, զանազան ազդեցություններով հանդերձ, դրսւորում են գեղագիտական ուրույն համակարգ հայտնաբերելու միտում, որը մի շարք դեպքերում («Ղոչաղը իբրև տիպ հայ գրականության մեջ», «Շանթ», «Երազ օրեր», «Ավ. Խահակյան, «Երգ ու վերք», «Դիկենս, «Դավիթ Կոպերֆիլդ») հանգում է փայլուն արդյունքների: Երեք տարվա ընթացքում տպագրեց շուրջ չորս տասնյակ հոդված ու գրախոսական, որոնցից շատերը նշված տասնամյակի հայ քննադատական մտքի նվաճումների մակարդակը հաստատելով՝ իրենց արդիական հնչեղությունը պահպանում են այսօր էլ: «Մուրճի» խմբագրությունը առաջադիմ մտածողների մի իսկական հավաքատեղի էր: Երիտասարդ Աղբայանն այստեղ ձեռք է բերում նոր բարեկամներ, որոնց հետ նամակագրություն էր պահպանում խմբագրությունից 1899-ի կեսերին սովորելու նպատակով Մոսկվա մեկնելուց հետո էլ: Նրանցից շատերը հետագայում գործընկերներ եղան: «Մուրճը» և նրա խմբագրի Ա. Արասխանյանը զգալի հետք են թողել երիտասարդ գործչի վրա: Առանց վարանելու կարելի է պնդել, որ Ն. Աղբայանը Արասխանյան խմբագրի, հրապարակախոսի ու քննադատի լավագույն ավանդույթների ժառանգորդն ու զարգացնողն է:

Վիթխարի աշխատասիրությամբ գիտելիքներ ձեռք բերելու ընդունակությունը, այնուամենայնիվ, չի մարում համալսարանական կրթություն ստանալու ցանկությունը: Եվ, ահա, 1899-ին նրան տեսնում ենք Մոսկվայի համալսարանի, որը մնաց ընդամենը մեկ տարի, ազատ ունկնդրի դերում:

«Սիրելի ծնողներ. Այսօր առավոտ ժամը 8 1/2-ին հասա Ռուսով: Հիմի Նոր - Նախիջևան նատած թեյ եմ խմում, չգիտեմ երբ դուրս կգամ այստեղից. ընկերներիցս մեկի տունը գտա, տանը չեր. տեսմեմ ինչ կլինի, պիտի մնամ, թե պիտի գնամ, ինչպես խոստացել եմ՝ ամեն օր նամակ կգրեմ. լավ եմ ես, ճամբին բան չեմ կորցրել. պաշարս պյասը հատավ, բայց դեռ բոլոր պամիրը, գի-նին ու բովկիներից մեկը մնում է, այն էլ ճամբին: Տղերը թե եկան՝ կասես, որ նամակ կգրեմ Մոսկվայից, այժմ շտապելու ժամանակ է: Բարևս քրոջս, Արմենին, Գևորգին և երեխանցն ու Ղազարին, բարև տուր ով ճանանչ են:

Զեր որդի՝ Նիկոլ.

1900. 4/22 - շաբաթ, Նոր-Նախիջևան»¹:

Փոքրիկ այս «բացքարտում» (ինչպես ինքն էր անվանում) ամբողջ Աղբայանն է. ուշադիր որդին («ինչպես խոստացել եմ՝ ամեն օր նամակ կգրեմ») ու հարազատը, ծայր աստիճան անկեղծ մարդը (հիշենք «պաշարի» հետ կապված մանրամասները): Ամեն օր, իհարկե, նամակ գրել հնարավոր չեղավ, բայց ամեն շաբաթ գրելը սովորույթ էր դարձել: «Սիրելի ծնողներ. նամակս գրում եմ պոստումը: Անցյալ շաբաթ նամակ չգրեցի, շատ էի խառնված. հիմի էլ թեև ժամանակ չունեմ, բայց գրում եմ, որ միամտվեք, չաեք՝ թե այս ինչ է, երկու շաբաթ է, նամակ չկա»²:

¹ԳԱԹ. Ն. Աղբայանի ֆոնդ, գ. 3839-1:

²Նույն տեղում, գ. 3839-2:

«Հետևյալ տարին (1900թ. կեսերին. - Գ. Ա.) մնացել է Թիֆլիս պաշտոն վարելով քաղաքի քիմիական լաբորատորիայում: Այնուհետև երկու տարի եղած եմ Պետրոգրադ մասնավոր դասեր տալով և հայոց գրականության պատմության մասին նյութեր հավաքելով տեղի մատենադարանում»¹:

Բարեբախտաբար պահպանվել են Պետրոգրադից գրված նամակներ, որոնք լուս են սփռում այս շրջանի նրա գործունեության վրա: Կրկին ծանր էին պայմանները: Առավտուց երեկո աշխատում էր, աշխատանք, որ ավելի շուտ մաքառում էր: Լսենք իրեն:

«... Ահա ինչ եմ անում: Կազմում եմ մեր պարբերական մասովի նյութերի ցանկը և դրան գուգամեն մի քանի ուրիշ ցուցակներ, այն է. մի տեղ հավաքում եմ այն բոլոր տեղեկությունները, որ կա որևէ նշանակություն ունեցող անձի մասին մեր գրականության մեջ, առայժմ միայն տեղերն եմ նշանակում, այսպես, օրինակ՝ Գր. Արծրունի -տես «Արձագանք», 1883, նո. 7, ներք. տես: Մի այլ տեղ-որևէ գրքի մասին ինչ կա գրած կամ հենց հիշած թե ստացանք: Մի ուրիշ տեսրակում ցուցակագրում եմ որևէ հեղինակի գրածը առհասարակ՝ օր. Մանդինյան Սեդ. «Վարժարան», 1882/3, նո. 4 «դասատվությունը»: Մի ուրիշ տեղ թե ինչ կա թարգմանած որևէ օտար հեղինակից. օր. Անդերսեն - «Որևէ անուն», տես «Վարժարան» 1883/4, մանկական բաժին, էջ 34. և այլն: Այս համարձակվում եմ ասել, հսկա ձեռնարկությունը մի նախապատրաստական աշխատանք է իմ ապագա հոդվածների, կենսագրությունների, բնորոշումների և՝ իբր վախճան ու վերջնական նպատակ այս ամենի՝ «Հայոց նոր գրականության պատմության»՝ եթե մի կերպ Վիեննա ընկա, և «Ռուսահայ գրականության

պատմության», եթե այս քանդված երկրում փթելու դատապարտվիմ վերջնականապես»²:

Անմացորդ Ավիրվել էր այս գործին, պատրաստ էր չխնայել անգամ... երիտասարդությունը: Բայց ապրուսի միջոցներ հայթայթելը մեծ դժվարություններ էր հարուցում: Նոյն նամակում կարդում ենք. «Ես պիտի նաև հաց աշխատեմ իմ ու ծնողներիս համար»: Իր ու ծնողների համար հաց վաստակում էր Պետերբուրգի հայկական եկեղեցու երգչախմբում երգելով (ամսական 10 -ուրիշ) և մասնավոր դասերով: «Սիրելի ծնողներ,- Պետերբուրգից գրած մի բացքարտում ցավով հայտնում է նա,- սպասեցի, որ փողն այս շաբաթ ուղարկեմ, չեղավ. Ժամանակին. ամսի 9-ին կամ 10-ին կստանամ (նամակը դեկտեմբերի 6-ին է գրել. - Գ. Ա.) և կուղարկեմ: Չատ էլ բարկանում եմ, բայց ինչ կօգնես: Դրա համար էլ նամակս ուշացավ»³: Մի այլ նամակում «Ստացել եմ Ձեր նամակը. ցավում եմ, որ փողն ուշ է հասել»⁴:

Դժվարություններից չեր ընկրկում, չեր բողոքում բախտից ու ճակատագրից. «Ոչ ոքից չեմ գանգատվում և ոչ ոքից էլ պահանջ չունեմ: Կանեմ այն, ինչ որ հնարավոր է, հնարավորություն չունենալով անելու այն, ինչ որ կարող եմ և ընդունակ եմ»⁵: Այսպես էլ ապրեց ամբողջ կյանքը:

«Մուրճին» աշխատակցելու տարիները (1896-1899) խիստ արդյունավոր եղան: Գրեթե յուրաքանչյուր համարում հոդված կամ գրախոսական, հաճախ գրախոսականներ էր տպագրում: Հավանաբար այս տարիներին էլ հենց մտերմական կապեր են ստեղծվում ամսագրին աշխատակցող գրողների ու հրապարակախոսների միջև (Հովհ. Թումանյան, Ավ. Խահակյան, Լ. Շանթ, Դ. Դե-

¹Բանբեր Երևանի համալսարանի, 1989 N 2, էջ 59:

²ԳԱԹ, Ն. Աղրայանի, ֆոնդ, գ. 3839-3:

³Նոյն տեղում, գ. 5855 -4:

⁴Բանբեր Երևանի համալսարանի 1989, N 2, էջ 59:

միրճյան, Լ. Մանվելյան, Ա. Ղազարյան և շատ ուրիշներ): Դրան նպաստում էր Վերնատան գործունեությունը ևս: Համեմայն դեպք Պետերբուրգից Ավ. Խահիակյանին գրած նամակները հաստատում են հոգեկից մտերմություն: «Մեր Օհաննեսը»,՝ այսպես է արտահայտվում Հովհ. Թումանյանի մասին, ունի նրա մեծության ըմբռնումը, խիստ մտահոգված է Խահիակյանի ու Դեմիրճյանի ապագայի խնդրով: Արտակարգ մի հոգատարությամբ էր վերաբերում իր ստեղծագործող բարեկամներին, ամեն ինչ անում էր նրանց կրթության գործը կազմակերպելու համար, խորհուրդներ էր տալիս, հորդորում էր, ձեռքից եկածն անում նրանց գործերը տպագրելու նպատակով: Սրտառուչ են Ավ. Խահիակյանի «Երգեր ու վերքերի» երկրորդ հրատարակության համար գործադրած ջանքերը. հրատարակողներ էր փնտրում, հաշվարկներ էր անում տպագրական ծախսերի վերաբերյալ, պայմանավորվում էր տպարանատերերի հետ: Որքան գորովաճք կա, ասենք, այս ցանկության մեջ. «Գրվածքը եթե տպելու լինես, - գրում է Խահիակյանին, - մտադիր եմ գրչագրերից առած խորանազարդերով տպել...»¹:

Լրջորեն մտահոգված էր իր գրչակից ընկերների մտավոր զարգացմամբ: Մասնավորապես Խահիակյանին դարասկզբին գրած նամակներում խոր տագնաապ է արտահայտում նրա և Դեմիրճյանի տաղանդի հետագա զարգացման վերաբերյալ, հորդորում է գալ Մոսկվա կամ Պետերբուրգ, մեկնել Եվրոպա՝ մոտիկից շիվելու ուսուական ու համաշխարհային գրականությանն ու մշակույթին, խորհուրդ էր տալիս կարդալ Պուշկին ու Գյորեն: «Դու ունես ինքնուրուվն հոգի և տրամադրություն, - Խահիակյանին հղած նամակում հայտնում է նա, - բայց մեծ արվեստագետներին լավ ուսումնասիրիր, ոչ թե նրանց

¹ Նույն տեղում, էջ 61:

մտքերի համար, որոնք նույնական կարող են օգուտ բերել՝ վառելով քո հոգու հրանցութը, այլ նրանց արտահայտելու արվեստն ուսումնասիրների համար. հատկապես Պուշկին և Գյորեն. այս վարպետներն աննման են»¹: Նրան մտահոգում էր Դեմիրճյանի ճակատագիրը. օժտված մարդը նյութական հնարավորություններ չունի կրթություն ստանալու, իր տաղանդը կատարելագործելու: «Ճավում եմ Դերենիկի վրա... որովհետև նրա ամբողջ ապագան նրա հոգու և մտքի հարստությունից է կախված, իսկ չի ձգտում հարստացնել իր հոգին մեծ երգիչների բարեկամությամբ, միտքը մեծ մտածողների ընկերությամբ... Գրողը որ դադարեց հառաջադիմելուց - նրա մահը մոտ է արդեն»: Քննադատն իրավունք ուներ այսպես բողոքելու. ինչպես երևում է մի այլ նամակից, նա աշխատել է Մոսկվայում պայմաններ ստեղծել Դեմիրճյանի համար, բայց նա ոչ միայն չի եկել, չի էլ պատասխանել. «Եկա Մոսկվա թե չէ, աշխատեցի, որ նրա (Դեմիրճյանի. - Գ. Ա.) համար միջոց գտնեմ... մի քանի պայման ու հանգամանք աչքի առաջ առա, որ սեպտեմբերից գործի կենամ: Բայց անկախ սրանից, ամառս գտա այլ աղբյուրից ամսական 15ո., գրեցի իրան, թե 15ո. եմ գտեյ, ինչ ես ասում, կա՞րող ես մի 10-15 դու գտնես՝ գաս... ինչ ես կարծում, ոչ մի տող չգրեց»²:

Աշխատակցությունը «Մուրճին» արդյունավետ եղավ, և ըստ Էության ձևավորվեց երիտասարդ քննադատի գլխավոր սկզբունքներից մի քանիսը: Հետագայում իր խմբագրած «Նոր հոսանք» ամսագիրը շարունակում էր «Մուրճի» ավանդությները:

Հյայերեն գրքերի մասին պարբերաբար և որոշակի սկզբունքներից ելնող գրախոսություններ տպագրելու «Մուրճից» է սկսվում: Այսպես ծնունդ առավ «Գրախո-

¹ Ավ. Խահիակյանին ուղղված նամակը մեզ է տրամադրել Ն. Աղրայանի Ռուբեն որդին:

² Բանքեր Երևանի համալսարանի, 1989, N 2, էջ 57-58:

սուրյուն» բաժինը: Գրական կյանքի նշանակալից երևություններին վերաբերող հոդվածները տպագրվում էին բաժնից դուրս: Այս խնդրի իրականացման համար ևս Արասիանյանը որոնում և ամսագրի շուրջ համախմբում էր երիտասարդ, շնորհալի ուժեր: Աղբալյանը սրանցից էր: Գրախոսությունն այս ձևով տեսնում ենք նաև «Նոր հոսանքում» («Մուրճ»-ի կառուցվածքը գրեթե կրկնում է):

Արասիանյանը հատուկ հետևում էր, որպեսզի գրական քննադատությունը հավատարիմ մնա գիտական չափանիշներին, չդպնա բարեկամներին շահելու, չարակամներից վրեժ առնելու ասպարեզ: «Մենք պնդում ենք, որ, «Մուրճից» առաջ չկար այսպես հասկացված քննադատական մի բաժին մեր պարբերական մամուլի մեջ», - հավաստում էր խմբագիրը՝ նշելով նաև նման քննադատության բարերար ազդեցությունը. «Իայ գրականության վրա»:

Երիտասարդ քննադատի բեղմնավոր գործունեությունը ամսագրի էջերում վկայությունն է այն բանի, որ նա վայելում էր խմբագրի վստահությունը:

Ավելին՝ Արասիանյանի «ուղամիտ վերաբերմունքի» մթնոլորտում դաստիարակված Աղբալյանը ուղամտության հիմանալի դասեր է տալիս: Երիտասարդ քննադատի տեսակետները երբեմն կարելի էր վիճարկել, անվիճելի է, սակայն, որ դրանք խորին համոզմունքի արտահայտություններ են: Նա բարոյական իրավունք ուներ տարիներ հետո գրելու. «Առաջին իսկ օրվանից ձգտել եմ հավատարիմ թարգմանը լինել մտածումին ու գգացումիս»¹:

Արասիանյանի գրական քաղաքականության սկզբունքներից մեկը, որ նոյնպես կիրառվում էր հետևողականորեն, հետևյալն էր. «Կրիտիկան կարող է

զարգանալ, եթե նա կզբաղվի այն կյանքով, ինչ կյանք որ ներկայացնում է գրականությունը»²: Արդեն իսկ Մուրճում տպագրած մի շարք հոդվածներում, մասնավորաբար «Ղոչաղը իբրև տիա հայ գրականության մեջ» ուսումնասիրության մեջ, այս սկզբունքը դասական կիրառություն է գտել:

1904-ից Հայ հեղափոխական դաշնակցության անդամ է և հատուկ հանձնարարություններով հաճախ է լինում տարբեր երկրներում: Նոյն թվականին Պետերբուրգից վերադառնալով Կովկաս՝ հեղափոխական գործունեություն է ծավալու Կարսում. «Հետևյալ տարին, - վկայում է ինքնակենագրականում, - ոուս իշխանության հետապնդումից խուափել եմ արտասահման և կուսակցական գործով անցել Եգիպտոս»: 1906-ին ընդունվում է Լոզանի համալսարանի գրական բաժինը, հաջորդ տարին անցնում Սուրբոն, «բայց կուսակցության հրահանգով թողել եմ Ֆրանսիան և նորից մեկնել Եգիպտոս»³: 1908-ի ամռան սկզբին «Եգիպտոսից կեղծ անձնագրով» վերադառնում է Թիֆլիս և ոստիկանական հետապնդումից խոյս տալու համար անցնում Ծուշի՝ դասավանդելու տեղի թեմական դպրոցում: Թեմականի ուսուցիչ Խասիակ Տեր-Ղազարյանի (Գյուտ եպիսկոպոս) հետ միասին թարգմանում է Վիպակերի «Հին ազգերի պատմությունը». «Ես թարգմանում էի, իսկ նա գրում էր իր արագահաս և անվերծանելի գրությամբ: Թե ինչ եղավ այդ թարգմանությունը՝ չգիտեմ»³:

Ոստիկանական հետապնդումները շարունակվում են, և հարկադրված անցնում է, հավանաբար 1909-ի կեսերին, Թեհրան, որը երեք տարի գբաղեցնում է տե-

¹Մուրճ, 1897, N 2, 10, էջ 1426:

²ՀՀ ՊԿՊԱ, ֆ. 207, գ. 1., գ. 18, թ. 23:

³Ն. Աղբալյան, Ամբողջական երկեր, հ. III, էջ 344:

ղական դպրոցների վարիչի և ազգային խորհրդի նախագահի պաշտոնը:

Կուսակցական գործունեությունը մոռացնել չի տալիս գրական աշխատանքը: Այս տասնամյակը այնքան բեղմնավոր չէ, որքան էին «Մուրճին» աշխատակցելու չորս տարիները: Համեմայն դեպք մինչև այժմ հայտնի փաստերը նման եզրակացության են քերում: Բայց մի քանի նշանավոր հոդվածներ, այնուամենայնիվ, գրել է: Հիշենք Ա. Պ. Չեխովի մահվան կապակցությամբ գրված ներհուն հոդվածը, «Երգ ու վերքից» հետո գրախուսությունը՝ նվիրված Ավ. Խահակյանի նոր ժողովածուին, «Զանգակ» (1908) թերթում տպագրած շուրջ երկու տասնյակ գրախոսություն-հոդվածները, այդ թվում նաև Վ. Տերյանի «Մթնշաղի անորշների» մասին նշանավոր հոդվածը: Լ. Շանթի և Ավ. Խահակյանի առաջին գրերի մասին ընդարձակ հոդվածներից հետո, ուր դրանց հեղինակների համար գրական փայլուն գալիք էր գուշակում, նույն կանխատեսումը կատարում է Տերյանի համար: Վիճելի, նույնիսկ մերժելի որոշ կարծիքների հետ միասին աներկրա գրում է. «Հոգու այն տարրերը, որ ընդնշարում ենք նրա անձն շարքերի միջից, տրամադրությունների մաքրությունն ու մեղմությունը, հակումների մեղկ գալարումները և երեմնի վայրկենական պոռթկումը, կատակի և սրամտության կատարյալ բացակայությունը մեզ բերում են մի խոհուն ոգի, որ եթե չգոեթիկանա կյանքի ցեխի և հեշտանքի մահացնող գրկի մեջ, կարող է զարգանալով դառնալ մի մեծություն մեր գրականության համար»¹:

Տասնամյակը նշանավորվեց մի շարք պատմական իրադարձություններով (ոռու ճապոնական պատերազմ, 1905-1907 թթ. հեղափոխություն, սրան հաջորդած դաժան ռեակցիան): Ինչպես է գնահատել հրապարակախոսը

այս երևությները: Քիչ բան է հայտնի, այն էլ՝ կողմնակիրեն: 1904-ին Հայ հեղափոխական դաշնակցության մեջ մտնելը ինքնին խոսուն փաստ է: Դա նշանակում է նաև հետաքրքրություն սոցիալ-դեմոկրատական գաղափարախոսության նկատմամբ: Աղրայլանի բնավորությանը ծանոթ մարդը համոզված պետք է լինի՝ եթե մի քան նրան հետաքրքրում էր, ապա դրանով գրադպուտ էր հիմնավորապես: 1917-ի մայիսյան տոնի առթիվ գրած «Միջազգային համերաշխության տոնը» հոդվածը և այլ երաժշտության լուրջ իմացություն: Հոդվածը գրված է քրիստոնեության և սոցիալիզմի ընդհանրության ու տարբերության բացահայտման սկզբունքով:

Երկուսն էլ փորձում են «համախմբել մարդկությունը և դարձնել մի դաշնավոր եղբայրություն»: Այն, ինչ չհաջողվեց քրիստոնեությանը, կհաջողվի ընկերվարությանը, քանի որ վերջինս դիմում է ոչ թե «մարդու բարի և այլաւեր մղումներին», այլ նրա իրական շահերին: Ընկերվարությունը «հենվում է աշխատանքին և նրա շահերի պայծառ գիտակցության»: «Ինչպես քրիստոնեությունը բոլոր մարդկանց կուգեր տեսնել սիրով ապրող որդիների մի հոր, որ երկնքում է, այնպես էլ ընկերվարությունը բոլոր մարդկանց ուզում է տեսնել աշխատավոր և նույնիրավ որդիներ մի մոր, որ երկիրն ինքն է»²:

Այլազգի ու տարակրոն աշխատավորական զանգվածների արթնացող ինքնագիտակցությունը կհանգի նրան, որ բոլոր աշխատավորները «եղբայր ու դաշնակից» են: Այնժամ նրանց շանքերով կատեղծվի ներդաշնակ հասարակություն. «Մի աշխատավոր, ուրախ մարդկություն, առույգ ու գեղեցիկ, ուրուսն, բայց նույնարժեք հաճույքներով, աշխարհը տուն ամենքին, աշխատանոց և

¹Զանգակ, 1908, N 13:

²Հորիզոն, 1917, N 78:

հանգստավայր, ուր չկա զրկում ու կեղեքում, գուհիկ անկումներ և մտքի ու նյարդի հանցավոր նրբացումներ, այլ հանրօգուտ միտք, առողջ զգացում և խաղաղություն տիեզերական»¹:

Սակայն հեռու է այդ օրը:

«Ընդհանրական արդարության» ստեղծմանը խանգարում են հայրենիքները՝ ջլատելով «համաշխարհային աշխատավորության» ուժերը: «Հայրենիքներ պետք չեն լինի, եթե ազգային ու պետական միավորները կարողանային արդարություն և խաղաղություն ապահովել աշխարհում»²: Բայց քանի որ աշխարհում տիրում է անարդարությունը, և մեծ պետական ու ազգային միավորները ձգտում են ոչնչացնել կամ իրենց ենթարկել փոքրերին, վերջիններս պետք է պայքարեն արևի տակ իրենց տեղն ունենալու համար: Պատահական չպետք է համարել այն ցնծությունը, որով ընդունեց 1905-ի հեղափոխությունը: Անմիջապես արձագանքներ մեզ հայտնի չեն. «Հին աստվածների» մասին 1913 թվին գրած ընդարձակ հոդվածում («Երազ և մեկուսացում») անափ ոգևորությամբ վերհիշում է Ռուսաստանի և Կովկասի վրայով ոչ վաղուց անցած «շառաչուն փոթորիկը». «Հասարակության և ժողովրդի բոլոր հոլյսերն ու թաքուն տենչերը ծաղկել, լուս աշխարհ էին եկել՝ փարթամ ու շքեղ: Մի ընդհանուր ու վարակի ոգևորության մեջ բոլոր արդարամիտ տարրերը կամքի մի գերագույն լարումով և անդրդվելի վստահությամբ ձեռնամուխ էին եղած տապալելու հին ու անարդար համարված կարգերը և խորապես հավատում էին, թե մոտ է «Աստուծո արքայությունը», արդարության հաղթանակը, աշխատանքի թագավորությունը և անարդ տառապանքների վախճանը: Ամեն սիրտ բաբախում էր ժողովրդի և մարդկության

¹Նույն տեղում:

²Հորիզոն, 1917, N 50:

բարիքի համար, ամեն եռանդ ձգտում էր մի գործ դառնալ, գործ արդարության և ազատության... Աշխարհն ահով ու հիացումով դիտում էր լայնածավալ մի երկրի զարթնումն ու պայքարը անշարժության դեմ և արդարության համար»¹:

Դեռևս մինչ սոցիալ-դեմոկրատական գրականությամբ հետաքրքրվելը 1890-ականներին «Մուղմում» տպագրած հոդվածները վկայում են, որ Աղբայանը հասարակական կյանքը արմատապես վերափոխելու կողմակից է («Ղոչաղը իբրև տիպ...» և այլն):

Բուրժուական հարաբերությունների անհաջող հակառակորդ էր, խորապես համոզված, որ «իր հիմքերի մեջ» համատարած փառող «Անրկա կյանքը» հիմնովին վերափոխել է պետք: Հասարակության «մասնակի մերկացումը» այլևս բավարար լինել չի կարող, այն ամբողջովին պետք է մերժել, պետք է վերացնել «չարիքի արմատները»: Հիշենք, որ դեռևս 90-ականներին «Մուղմում» տպագրած բազմաթիվ հոդվածներում խնդիրը նույն կերպ էր դնում. գրականությունից պահանջում էր ոչ միայն հետևանքը ցույց տալ, այլև պատճառները: Գրական հերոսների հոգեբանության ու վարքի մեջ որոնում էր նրանց «հիմքը», «բոլորին շարժող զապանակը»: Իր կողմից խստորեն կիրառվող չափանիշներից էր սա: «Նա տեսնում է երևությներ,- գրում է գրողներից մեկի մասին,- բայց ոչ երևությները շաղկապող ու զուգորդող իսկական պատճառները: Խիստ արտահայտած՝ նա ավելի աչք ունի, քան միտք»²: Ռուբենի փրկած թղթերում ուշադրություն գրավեց պատճանի Աղբայանի մի դիտողությունը «Русское богоатство» ամսագրի ընդարձակ մի հոդվածի վերաբերյալ. հոդվածի «գլխավոր արժանիքներից մինն այն է, որ տնտեսական զարգա-

¹Ն. Աղբայան. Ամրողական երկեր, I, էջ 36:

²Մուրճ, 1898, N4, էջ 528:

ցումը նկատի է առնված քաղաքական դեպքերի մեջ. կան և պատմական դեպքերի ազդեցություն նկատած»: Գրողի միտքը պետք է հրականության մեջ «թափանցել ու լայն ընդհանրացումներ անել» կարողանա: Գրականությունը պետք է օգնի մարդկանց կյանքի զանազանաձև կապերի մեջ հայտնաբերել «չարիքի արմատները» և միավորել նրանց դեմ պայքարում: Այս առումով արժե հիշել նրա մի դիտողությունը ևս. ժողովուրդը տեսնում է, զգում իր կաշվի վրա, թե ինչ են անում զյուղի տերերը, այսպես կոչված «դեկավարները», բայց «անկարող է միանալ ու ընդհանուր ուժով իր ցավից դարման անել»¹: «Ընդհանուր ուժով ցավից դարման անել», - սա չի վկայում, արդյոք, որ նա վաղուց նախապատրաստված էր ժողովուրդական զանգվածների հուժկու ցասումը ողջունելուն: Իսկապես՝ մշակումներում ու սկզբություններում պահպանվել են մտքեր, որոնք լույս են սփոռում նրա ուսումնառության վրա. «Русское Богатство»-ի 1897 թ. N 2-ի մի հոդվածի առիթով, ուր քննվում են Ֆրանսիայի «Կոլոնիաների» հարցերը, այսպիսի գրառում է կատարում. «Կոլոնիաներ» պահողները «անխիճ դահիճներ են և ոչ քաղաքակրթության տարածողներ»: Չատ ավելի հետաքրքրական է և ծանոթագրելու անկարու հետևյալ գրառումը վերոհիշյալ ամսագրի նույն համարում տպագրված «Карл Маркс и его русский критик» հոդվածի վերաբերյալ.

«Հոդվածը երկար է և գրված է Սլոնիմսկու լ. գ. հոդվածների առիթով Յեստ. Եվրոպ. խոսում է այն ուրախալի շարժման մասին, որ նկատվում է ուսու գրականության մեջ վերջերս, երկրի տնտեսական զարգացման վեճերի առիթով և թե ինչպես Մարքսն ուսումնախորության առարկա է դառնել, բայց ցավ է հայտնում, որ շատերը իրանց մարքսիզմի հետևորդ են համարում,

բայց շատ չեն հասկանում: Սլոնիմսկին աշխատում է մի քանի քննադատական նկատողություններ Մարքսի դոկտրինին, որ ձգուում է առաջնորդող դեր խաղալ ուսու ժողովրդա-տնտեսական գաղափարների ու ուղղությունների աշխարհում. Շատներ գնահատում է այդ «քննադատական նկատողությունները» և ապացուցում, որ Սլոնիմսկին չի հասկացել Մարքսի մտքերը: Չատ լավ մեջ է բերած Մարքսի արժեքների թեորեն. պարզ, ընդարձակ-ով ծանոթ չէ Կապիտալին, կարող է կարդալ այստեղ»:

Մեջբերման տոնն ու բնույթը կասկած չեն թողնում, որ 1897-ին Ալբալյանն արդեն ծանոթ էր Մարքսի «Կապիտալին» և տնտեսագիտական հայացքներին:

Գրականությունը «ազգերի կյանքն ընդգրկող մեծ շարժումների» համապատկերում քննող Ալբալյանը դարասկզբի գրականության մեջ տեղի ունեցած որոշ երևույթներ բացատրում է հենց 1905 թ. հեղափոխության պարտությամբ, սրան հաջորդած ունացիայով, որ հուսախարության լայն դուռ բացեց: Զարմանալի է՝ այս կամ այն չափով գրական արժեք ներկայացնող գրեթե բոլոր գրքերը գրախոսել է ու գնահատել: Իսկապես Շիրվանզադեի, Պոռշյանի, Թումանյանի, Հովհաննեսիանի, Խահիկայանի, Շանթի, Տերյանի, Զարենցի կողքին տեսել է նաև Արտաշես Տեր-Մարտիրոսյանին, Միքայել Մանելյանին, Հր. Ֆալյանին, Աթարեկ Խնկոյանին, Արմենուիի Տիգրանյանին, «Պատանի» հանդեսը... Եվ բոլորին անխսիր ճիշտ է գնահատել: Այս դեպքում մեզ հետաքրքրում է մասնավորապես այն խնդիրը, թե ինչպես է ընկալում «լայնածավալ փոթորիկներից հետո» ստեղծված իրականության և գրականության կապը: Հեղափոխության պարտությունը «հասարակական» այն հիմքն է, որը պայմանավորում է «խորապես եսական» տրամադրությունների գոյությունը երիտասարդական գրականության մեջ: Որոշ դեր խաղում է նաև օտար հոգականության մեջ: Որոշ դեր խաղում է նաև օտար

Վերի թողած ազդեցությունը՝ «անազեցիկ չեն մնացել հեղինակի տրամադրության վրա ժամանակակից օտար գրականության աչքի ընկնող դեմքերն՝ ինչպես Պշիթիշևսկի»¹: Ինչպես ինքը կասեր՝ «հիմունքը» անձնական, մանավանդ հասարակական երևույթներն են: Հին իդեալների կործանումով պայմանավորված այս գրականությունը, որ ոչինչ չէր կարող տալ կյանքին, բնականաբար պետք է մերժեր՝ չուրանալով նրա ինչ-ինչ արժանիքներ: Իրականությունը նոր և հուսադրող իրադարձություններով էր հղի, և քննադատ-իրապարակախոսը գրականությունից պահանջում է «նոր իդեալներ մշակել մեր կյանքի համար»²:

Բայկանյան պատերազմը արթնացնում է հայ հասարակական միտքը՝ կանգնեցնելով նրան սպասվող լուրջ իրադարձություններին նախապատրաստվելու անհրաժեշտության առաջ: Տարերայնորեն տեղի էին ունենում ժողովներ, հավաքներ, միտինգներ: Սրանցից մեկի ժամանակ «ընդհանուր գործերը» վարելու համար ստեղծվում է «ժամանակավոր բյուրո՝ հետևյալ կազմով. Ա. Հարությունյան, Ա. Խատիսյան, Ա. Քալանթար, Հ. Առաքելյան, Ա. Պողոսյան, Հովհ. Թումանյան, Ն. Աղբալյան»³: Արդեն նոյեմբերի 25-ին բյուրոյի նախաձեռնությամբ Թիֆլիսում հրավիրվում է համագումար ժողով, որը վերընտրում է ժամանակավոր բյուրոն՝ լրացնելով նրա կազմը երկու նոր անդամով՝ Ժ. Ստեփանյան և Ա. Չամալյան»⁴:

Թեհրանից վերադարձած Աղբալյանը կրկին հայտնվում է իրադարձությունների հործանուտում՝ միշտ խաղաղով առաջնակարգ դեր (ինչպես չիիշեն պատաճեկության տարիներին գրած «Հիշատակարանի» հետևյալ

¹ Ն. Աղբալյան, Ամրողական երկեր, հ. I, էջ 205:

² Նույն տեղում, էջ 208:

³ՀՀ ՊԿԱԱ, ֆ. 222, գ. 1, գ. 241, թ. 25:

⁴ Նույն տեղում, թ. 26:

խոստովանությունը. «Այն հարցերը, որոնք ինձ հետաքրքրում են, ես չեմ կարող առաջարկել գյուղացուն, քանի որ իմ անձնավորությունը փոքրանում էր հայր սուրբի անձնավորության առաջ և ես երկրորդական դեր էի խաղում, սարսափելի է: Ես պատրաստ եմ կեսարի հետ կրկնել, որ ուզում եմ առաջին լինել և ոչ երկրորդ»: Նորընտիր բյուրոն առաջնահերթ խնդիր է համարում հայոց դատի վերաբերյալ համազգային ծրագիր կազմելը. «Պետք է այնպես կազմած լինի, - կարդում ենք պահապանված փաստաթղթերում, - որ դեմ չգնա ոուսաց շահերին, որովհետև ոուս կառավարության աջակցությունը ամենից կարևոր է հայ դատի հաջողության համար»⁵: Ա. Քալանթարը, Լեռն և Հ. Առաքելյանը հանձնարարություն են ստանում նյութեր պատրաստել «հայոց դատի և հարակից խնդիրների մասին»: Տեղեկացվում է, որ «երկու աշխատություն վերջացած են»: Աղբալյանի հետագա գործունեությունը նպատակամընդունակ էր այս ծրագրի իրականացման: Իրքն Թիֆլիսի Ազգային բյուրոյի անդամ մասնակցել է 1916-ին Պետրոգրադում հրավիրված խորհրդակցությանը: Գաղթականության խնդրի քննարկման պատրվակով հրավիրված ժողովը նպատակ ուներ քննելու քաղաքական խնդիրներ, սակայն կառավարության «անպաշտոն թելադրանքով» ժողովը շուտով ավարտեց իր աշխատանքը...

Թեհրանից վերադարձած և Թուրքիայում կարճատև «մի պտույտ» գործած գործիչը, հավանաբար Թումանյանի երաշխավորությամբ, նշանակվում է «Հորիզոնի» խմբագիրներից մեկը: Առաջին հոդվածն այս թերթում, որ Աթ. Խնկոյանի «Ծիտն ու որբերը» հեքիաթին էր նվիրված, լուս է տեսել սեպտեմբերի 13-ի համարում (Ն 200): Ակսում է բուռն գործունեության նոր շրջան:

⁵ Նույն տեղում, թ. 27:

Հազվադեպ են թերթի այն համարները, որտեղ հոդված չունենա: Սովորականը երկուսից - երեք հոդված տպագորելն է, որոնք ոչ քիչ դեպքերում կազմում են թերթի կեսը: Հավատարիմ մնալով ընթացիկ գրականությանը ակնետ հետևելու իր սովորութիւն և մի քանի տասնյակ գրախոսականներ գրելով հանդերձ, մշտական մասնակցություն ունենալով թումանյանի գլխավորած Հայ գրողների միության գործունեությանը, ուշադրության կենտրոնում առավելապես պահում է Բաղկանյան պատերազմի խնդիրը:

«Պատերազմի դաշտում» ընդհանուր խորագրով տասնյակ տեսություններ, նույնքան էլ անստորագիր առաջնորդողներ է գրում: Զարմանալի մի խորատեսությամբ քննում է պատերազմի ծագման պատճառները, տարբեր երկրների փոխհարաբերությունները, հայերի ակնկալությունները, Ռուսաստանի դիրքը, հայ հասարակական խավերի վերաբերմունքն ու դիրքորոշումը և այլ լուրջ խնդիրներ: Անսպառ եռանդ, քաղաքական խնդիրներում կողմնորոշվելու հմտություն, հայոց դատի հնարավոր լուծումների կանխագուշակում, ամենաընդհանուր գծերով այսպես կարելի է բնութագրել նրա գործունեությունը: Մեծ եռանդ է Աերդանում «Նոր հոսանքի» հիմնադրմանը, որի խմբագիրն էր: Իբրև ամսագրի տիպ «Նոր հոսանք» շարունակում է «Մուրճի» ավանդությունը:

Գրական-հրապարակախոսական եռանդուն աշխատանքը զուգակցում էր հասարակական գործունեությանը, մասնավորապես ամենագործուն մասնակցություն է բերում կամավորական շարժմանը: Որքան եռանդ, ուժ ու նվիրում կար այս մարդու մեջ:

«1914 թվից վարել եմ կամավորական գործը իբր կարգադրիչ հանձնաժողովի անդամ», - գրում է հիշատակված համառոտ ինքնակենսագրականում: Ենթադրելի է, թե սա էր «Նոր հոսանք» թողմելու պատճառը:

Սարդիամիշում գործող կամավորական խմբերի կոմիսարն էր՝ քաղաքացիական Աերկայացուցիչը: Ավելի ուշ չթարգված հումորով է գրել այդ օրերի երբեմն ապարդյուն չանքերի մասին. «Ինձ հետ ոմանք կհիշեն այն աշխան ու ձմոան գիշերները, երբ մինչև ժամը 1-ը թաղվում էինք բազմահազար փաստաթղթերի և հաշիվների մեջ... այն երկարատև արատումները մի քանի ոուրիշներ ստուգելու համար, որի գերազանցում էինք միմյանց և ծիծաղով Ակատում, թե բոլոր չանքերն այս անգամ էլ ապարդյուն անցան»: Զերմացնող հուշեր էլ արթնանում են, իհարկե. «Հիշում եմ, անշուշտ, հօդիրի այն պարզ սեղանը, որի շուրջը բոլորում էինք մեծ ու փոքր և ախորժ սրամտությամբ և գրուցներով կարճում գավառական խոլ անկյունի ծանձրութը¹:

Երբեք խտրություն չի դրել իրեն տրված հանձնարարությունների միջև, չի ձգտել բարձր պաշտոնների, եղել է այնտեղ, որը կարիք գգացել են: Հիշենք, որ Հանրապետության օրերին եղել է նաև Ծիրակի լրված գյուղերում հացահատիկ և բրինձ հավաքող հանձնաժողովի նախագահ, որի համար էլ ընկերները կատակով «բրնձի կոմիսար» էին անվանում: Դարձյալ կամավորական բանակին ծառայելու նպատակն էր հետապնդում 1917-ին հիմնադրված «Ռազմիկ» թերթը, որի խմբագիրն էր: «Հայ զինվորական միության կենտրոնական մարմանի» շաբաթաթերթը հիմնադրվեց Թիֆլիսում, վերջին համարները լույս տեսան կարսում (հանրապետության գրադարաններում դժբախտաբար չի պահպանվել): «Կամավորական... շարժումը ուրիշ բան չէր, այլ սովորական մի պարտք, որ մենք պատրաստ էինք տալ Ռուսաստանին իբրև քաղաքացիներ և իբրև մեր դատը պաշտպանողի»²: Պառլամենտի նիստերից մեկում

¹Հորիզոն, 1917, N164:

²ՀՀ ՊԿՊԱ, ֆ. 198, գ. 1, գ. 15, թ. 49:

տրված այս գնահատականի հետ նա ընդգծում է այն անբարյացակամ վերաբերմունքը, որ հարևան վրացիները դրսնորեցին հիշյալ շարժման նկատմամբ. «Կամավորական խնդրի ժամանակ նրանք չխնայեցին ոչ մի ջանք, որպեսզի արգելեն հայ կամավորական շարժումը»¹: Պատճառը հասկանալի է. շարժումը զգալի օժանդակություն էր ոուսական բանակին՝ Հայաստանի ազատագրության գործում...

Կառավարությունն ինքն էլ դժվարություններ հարուցում էր: Ամեն անգամ, եթե հայերը հարց են բարձրացրել ոուսական կառավարության առջև կամավորական գնդերի վերաբերյալ, որոնք պետք է օգնեն Թուրքիայի լծի տակ հեծող հայերի ինքնապաշտպանության կազմակերպմանը և, բնական է, ոուսական բանակին:

«Միշտ էլ այն պատասխանն է ստացված, թե կառավարությունը ամեն միշոց ձեռք է առել հայերի ապահովության համար և որ ուրեմն պետք չի տեսնում օժանդակելու ինքնապաշտպանության»²: Նրա համար անհասկանալի էր, թե ցարական կառավարությունը ինչու է խուսափում կամավորական շարժումից, քանի որ այն համընկնում էր կառավարության արևելյան քաղաքականության, բացի այդ՝ ինքն էր հրահրել: Դրա համար էլ փորձում էր պատճառը որոնել հարևանների դժկամության և ստորին աստիճանավորների չարյացակամության մեջ: Շատ բնութագրական է այս տեսակետից Փ. Վարդագարյանին 1915-ին գրած մի նամակը. «Զարմանում ես. հայերը տալիս են ամեն ապացուց, որ հարած են ոուս պետության շահերին, անձնվիրությամբ ծառայում են նրա զինական հաջողության, զոհաբերում են մարդ ու դրամ, աշխատանք և տեսնում են չարյացակամ վերաբերում: Խմ կարծիքով վարերն ուրիշ վերաբե-

¹Նույն տեղում:

²ՀՀ ՊԿՊ, ֆ. 222, ց. 1., գ. 241, թ. 28:

րում ունեն, վերերն՝ ուրիշ. վարը վատ է վերաբերում, որովհետև չի կարողանում անսահման շահվել այս պատերազմից. հայերն ամեն տեղ աշխատում են պաշտպանել ժողովրդի շահն ու պետական օրենքը: Այդ բանը շատ է գրգռում: Բացի այդ՝ զորքի մեջ եղած պաշտոնատար անձինք՝ առավելապես թուրք ու վրացի՝ փոխանակ պետական քաղաքականություն վարելու... ազգային քաղաքականություն են վարում ընդդեմ հայերի և նրանց գործի³: Ավելացրեք սրան «դիսցիպլինի պակասը», որի հետևանքով «վերի քաղաքականությունը չի անցնում վար և թափանցում պետական մեխանիզմի միջն հետին գամերն ու պտուտակները», և պատկերը լրիվ պարզ կլինի: Դժվար է առարկել հրապարակախոսին, բայց և դժվար է սպառիչ համարել նման բացատրությունը: Ցարդիզմի երկդիմի քաղաքականության իսկական պատկերը նրա համար բացահայտվելու էր քի հետո:

Վաճի հերոսական ինքնապաշտպանությունից անմիջապես հետո եղել է այնտեղ: Հետագյում գրի է առել տպավորությունները. «Հաղթանակից քի հետո ես Վաճ գնացի և տեսա հայ իշխանության սկիզբն ու կազմավորումը այդ հինավորց քաղաքում, որ ինն դար չեր տեսած հայ զորք ու վարիչ: Մեծ էր գինովությունը, մեծ էր և վատահությունն ապագայի մասին: Հաղթանակը նրանց աչքին երևում էր վերջնական և շատ-շատերը ձեռնարկած էին մասնավոր գործի»: Նա հետո հասու պիտի լիներ այն ճշմարտության, որ հենց հայ իշխանության ստեղծումն էր սարսափեցնում ցարին՝ պայմանավորվելով կամավորական շարժման նկատմամբ թաքցված երկյուղը, որ «ոուսն ու թուրքը միասնաբար խորտակեցին... (Վաճի. - Գ. Ա.) ազատությունը»²:

¹ԳԱԹ, Հովհաննես Թումանյանի փոնդ գ. 1654:

²Հայրենիք, Բուստոն, 1940, Ն7, էջ 4:

Վաճ է մեկնել իրու կամավորական խմբերի կարգադրիչ մարմնի ներկայացուցիչ: Բայց միայն այդ գործով չեր զբաղվում: Ազատ ժամերին այցելում էր վանքերը, ավերակներից հանում-փրկում ձեռագրեր: Ականատեսի մի վկայություն Նարեկա վանք ու Նարեկացու գերեզմանին կատարած այցի մասին. «Վանքի դուռը բաց էր, ներս կիսախավար: Խորանի ձախ կողմը աղոտ լուս էր պլայում: Անաղմուկ մոտեցա խորանի դռանը. ներսը, գերեզմանքարի կողքին, մոմի առջև, գիրքը ձեռքին, չոքած՝ Աղրավանը մեղմ ձայնով նարեկ էր կարդում հոգեզմալլ վերացման մեջ: Կանգնած սպասեցի լուս: Ոչ մի կողմ չեր նայում-վերացած՝ երգում էր կարծես՝ հատ-հատ արտասանելով նարեկացու երկնալաց խոսքերը...»

Հազարի, չնկատեց:

- Նիկոլ,- խօնեցի լուսությունը:

Գլուխը դարձրեց իմ կողմը: Կարծես հաշիշ առած լիներ:

- Նիկոլ, բավական է, մեզ սպասում են:

- Հա՛-, արտասանեց նա՝ դանդաղ ոտքի ելնելով:

Կարծես հարբած լիներ»¹:

Դարասկզի երկրորդ տասնամյակում իրադարձությունները Անդրկովկասում ծավալվում են սրբաթագութեան մեջ: Միշտ չէ, որ հայ հասարակական միտքը հասցնում էր թափանցել կատարվող դեպքերի ներքին ու արտաքին պատճառների մեջ: Ավելացնենք՝ հայ հասարակական միտքը միասնական չեր. սպասվելիք փորձությունների նախօրյակին այն բաժանվել էր տարբեր ուղղությունների՝ ջլատելով ժողովրդի միասնությունը: Կապված Թուրքիայի ներքին կյանքի, ոռուս-թուրքական հարաբերությունների, միջազգային իրադրության փոփոխությունների հետ՝ հայ քաղաքական կուսակցություններն ու

խմբավորումները հայոց հարցի լուծման տարրեր, իրարամերժ ուղիներ էին առաջադրում. աջակցություն Ռուսաստանի արտաքին քաղաքականության և համագործակցություն Թուրքիայի առաջադրելու ուժերի հետ՝ երկու պետությունների հովանավորության ներքո ինքնավար Հայաստան ունենալու հետանկարով (սա դաշնակցության ելակետն էր), ազգային-ազատագրական պայքարով անկախության ձեռքբերում (հնչակյան-ներ), ձեռնպահ մնալ այլ ժողովուրդների քաղաքական պայքարից (արմենականներ), կար նաև մի հայացք, բոլշևիկյանը, որը հարցի լուծումը կապում էր համաթուրքական հեղափոխական պայքարի հետ: Այս հակամեն հայացքները ներքին երկպառակություն էին ստեղծում, որը շարունակվեց հետագա տարիներին և՝ երբեմն ստանալով զինված բախումների ձև և բախտորոշ նշանակություն ձեռք բերելով ժողովրդի ճակատագրի համար: Աղրավանը, որ իր կուսակցության համոզված զինվորն էր, իրադարձությունների կենտրոնում էր, հաճախ նրանց կազմակերպիչն ու ղեկավարը:

Ռուսաստանում միապետության անկումից հետո իրադրությունը Անդրկովկասում բավականին սրվեց: Կովկասի փոխարքայության փոխարեն Ժամանակավոր կառավարությունը 1917 թ. մարտին նշանակեց Անդրկովկասի Հատուկ կոմիտեն (կազմը՝ երկու վրացի՝ Մ. Չխենեկելի, Ք. Աբաշիձե, մեկ ռուս - Խոռվանով, մեկ թուրք-Զաֆարով, մեկ հայ-Մ. Պապաշանյան), «անջիղ, անգույն... մարմին մը» (Ս. Վրացյան), որը ոչ միայն չնպաստեց երկրամասի տարբեր ազգությունների համախմբմանը, այլև, ընդհակառակը, ավելի խորացրեց ազգային հակամարտությունները: Իրավացի էր Աղրավայանը. «Կովկասը ոչ թե խմբվեց կառավարության, այլ կառավարության այս կամ անդամի շուրջը՝ Պապա-

¹Ս. Վրացյան, Կյանքի ուղիներով, հ. գ., Թեյրութ, 1963, էջ 90:

շանյամի, Զաֆարովի և Զիսենկելիի»¹: Ազգային բյուրոյի նախաձեռնությամբ ապրիլի 10-13-ը Թիֆլիսում հրավիրվեց միջկուսակցական խորհրդակցություն, որը մշակեց ազգային համագումար հրավիրելու պայմանները: Համագումարը, որ քննարկեց հայությանը հուզող շատ խնդիրներ, հանդիսավորաբար բացվեց սեպտեմբերի 29-ին: Մասնավորապես բուն վեճեր ծավալվեցին Հատուկ կոմիտեի կազմի, նրա հայ անդամի գործունեության շուրջ, որոնց կենտրոնում, հաճախ էլ կրկին տոն տվողը, դարձյալ Ն. Աղբալյանն էր: 1917 թ. հոկտեմբերի 2-ի չորրորդ նիստում «Անդրկովկասի Հատ. Կոմիտե» օրակարգի շուրջ իբրև 2-րդ գեկուցող հանդես է գալիս Աղբալյանը: Պահպանվել է այս գեկուցման սղագրությունը՝ մեզ հասցնելով օրերի տաք ու կրքոտ շունչը: Վերոհիշյալ ելույթի մեծ մասը Պապաջանյանի գործունեության գնահատմանն է նվիրված, Փետրվարյան հեղափոխությունից հետո Անդրկովկասում ստեղծված իրադրության քննությանը: Անդրկովկասի Հատուկ կոմիտեին չհաջողվեց իր ձեռքը վերցնել իրադրության ոչ միայն դեկավարությունը, այլև նույնիսկ հսկողությունը: Դրան խաճարեցին, ըստ հոետորի, ազգամիջյան խորացող հակասությունները և Շուսատանի ժամանակավոր կառավարության անկայուն վիճակը: «Կառավարությունը մի տեսակ Կոմիսիա էր, որ կարգադրություններ էր անում, բայց որոնք չէին իրագործվում»²:

Այս պայմաններում շատ ավելի ծանր էր հայերի վիճակը: Խնչի հետևանք էր դա: Ըստ հոետորի՝ 1. Հատուկ կոմիտեի հայ անդամ Մ. Պապաջանյանը «զորեղ կուսակցության անդամ չէր»: Աղբալյանի բացարություններում դրսնորվում է մի ցավալի իրողություն. ստեղծված բարդ պայմաններում հայ քաղաքական կու-

¹ՀՀ ՊԿՊԱ, ֆ. 222 գ. 1, գ. 20, թ. 19:

²Նույն տեղում, թ. 20:

սակցությունները շարունակում են իրար հակադիր ու փեղկված քաղաքականություն վարել՝ բոլոր ուժերը համախմբելու և մեկ միասնական նպատակի ծառայելու փոխարեն: Հայ անդամի գործունեությունը «ժողովրդի լայն բազմության մեջ հենարան չէր գտնում», – թաքցված չարությամբ արձանագրում է հոետորը՝ փոքր ինչ չարաշահելով «ժողովորդ» հասկացությունը: Այս հանգամանքը չփոխեց քննադատվողի աշքից: Հայաստանի ժողովրդական կուսակցության անդամ էր: «Մի պատճառ էլ իմ թույլության այն է, որ այսօր առաջին անգամ հայտարարեց դաշնակցության ներկայացուցիչը – որ դաշնակցությունը չի կամեցել ինձ աջակցել: Պարզ է, որ եթե դաշնակցությունը հայ ժողովորդն է՝ նրա ներկայացուցիչը թույլ պետք է լիներ»³: Երկրորդ հանգամանքը, որ բավականին մեղմում է վերևում մեր ասածը, հայ տարրի ինքնագիտակցության պակասն է: 3. Հայերին խանգարում է նաև «բազմաճակատայնությունը». «Ամեն մի խմբակ պարտավոր է չորս ճակատում կովել: Մի որևէ հայ գյուղ ունի կամ թուրք, կամ վրացի, կամ ռուս հարևան»⁴: 4. Էական պատճառներից մեկն էլ պետականությունը ունենալու, պետական գործեր վարելու փորձի բացակայությունն է: «Կոկարդավոր հայը ուրիշ է եղել բոլորին... իշխանության մեջ եղող հայը օտար է համարվել»⁵: 5. Աղբալյանի հետաքրքիր դիտարկումներմարդկերը, որ լողան, որպես ձուկը ջրում»⁶: Ցավով արված

¹ՀՀ. ՊԿՊԱ, ֆ. 222, գ. 1, գ. 21, թ. 15:

²Նույն տեղում, թ. 20:

³Նույն տեղում:

⁴Նույն տեղում:

այս խոստովանությունը ավելի հավաստի է, քան մեր որոշ հետազոտողների ամհարկի կոմսնապարծությունը՝ պատմական դեպքերի ընթացքի վրա ու մեջ բոլշևիկների դերի ու նշանակության մասին: 6.«Տաճկաստանի կոտորածը սոսկալի ազդեցություն ունեցավ- գաղթականություն առաջ եկավ հարյուրային ցավերով և խնդիրներով... Տեղահանությունը, բնաջնջումը կոտրեց Ռուսահայերի թները»¹:

Ստեղծված իրավիճակը շտկելու ուղին հոետորը տեսնում է Հատուկ կոմիտեի կազմը փոխելու մեջ: Այստեղ կրկին դրսկորպում է նրա անվերապահ ոուսական կողմնորոշումը: Կովկասյան երեք ազգությունների մեջ իր չեզոքությամբ հավասարակշուություն ստեղծել կարող են ոուսները, դրա համար էլ առաջարկում է կոմիտե ընտրել յոթ հոգուց: «Գալով օօակոսի առաջիկա կազմին՝ հոետորը գտնում է, որ նա կազմված պետք է լինի 7 անձից, որոնցից 4-ը ոուս (սոց. հեղ. և երկու դեմ.), իսկ երեքն երեք ազգերի ներկայացուցիչներից»²: Հետագայում հարևանները իբրև հանդիմանություն մեր երեսով պետք է տային, թե «հայերն են, որ ոուսներին Կովկաս բերին»:

Այս հանդիմանության մեջ ահագին ճշմարտություն կար. դաշնակցականները, ոչ առանց հիմքի, երկյուղ էին կրում, որ Ռուսաստանից անջատված Կովկասը հայերին կարող է կանգնեցնել ճակատագրական խնդիրների լուծման առջև: Աղբալյանի ելույթի այս մասը սուր տարածայնությունների տեղիք է տվել նաև քննարկման ժամանակ:

Հոկտեմբերի 4-ի հիստոր պատասխանելով ընդիմականություններին՝ ասում է. «Մեզ մեղադրում են, որ մենք կամնում ենք հրավիրել վարյագներ (օօակոսի նոր

կազմի մեջ ոուս անդամներ): Եթե մենք համոզված լինեինք, որ կարելի է հայերի գոյությունը պահպանել՝ չինք հրավիրի: Հավասարակշուությունը պահպանելու համար պետք է ոչ թե կուսակցական, այլ պետական տարր մտցնել Կովկասում, ուստի հարկավոր է ոուսներ հրավիրել»¹:

Համագումարը վերջում ընտրեց Գործադիր Մարմին, որ կոչվեց Հայոց ազգային խորհուրդ: Նախագահ ընտրվեց Ա. Ահարոնյանը: Աղբալյանը խորհրդի կազմում էր: Խորհրդի՝ հայ ժողովրդին ուղած կոչը, Ս. Վրացյանի վկայությամբ, գրել էր Աղբալյանը:

Քիչ հետո կտեսնենք, որ անվանի հրապարակախուսը դեռևս 1915-ի կտեսերին գուշակում էր, թե ինչ հետևանքներ կարող էր ունենալ ոուսական բանակի հեռացումը երկրամասից: Ծուտով իրականանում է նրա գուշակությունը: Օգտվելով Անդրկովկասի Հատուկ կոմիտեի անզորությունից՝ վրաց մենշևիկներն ու ադրբեջանցի մուսաֆարականները գաղտնի համաձայնության եկան միասնական Կովկասը երեք հանրապետությունների վերածելու վերաբերյալ՝ ունենալով հեռուն գնացող նպատակներ: Դաշնակցությունը դեմ էր ինչպես Կովկասի անջատմանը Ռուսաստանից, այնպես էլ Կովկասի մասնատմանը ազգային հանրապետությունների ձևով: «Մենք դեմ էինք անջատման, տարիներ հետո, արդեն արտասահմանում, պետք է գրել Աղբալյանը, - որովհետև գիտենք, թե ովքեր էին եկողները»²: Նույն հոդվածում խոստովանում է, թե ինչպիսի ցավով ճանապարհ տվին Ռուսաստան վերադարձող բանակին: «Ռուս բանակին ետև հայ ժողովուրդը կարող էր պահպանել իր ազատությունն ու անկախությունը: Ու ի վերջ ցավով, բայց սիրով ճամբա տվինք ոուս բանակին, թեև

¹Նույն տեղում.թ. 16:

²Ն. Աղբալյան, Ամրողական երկեր, հ. III, էջ 349:

զայն ոչնչացնելը՝ մեր անդնդախոր ձորերուն ու կիրճերուն մեջ շատ դյուրին գործ էր մեզ համար: Վրացիները փակեցին անոնց ճանապարհը, որ Ռուսիա տանող ուղիղ գիծն էր, իսկ թաթարները տասնյակ հազարներով ուստի զինվորներ մորթեցին իրենց երկրի մեջ»¹:

**

1918 թ. մայիսի 28-ին ստեղծվեց Հայաստանի Հանրապետությունը. հարյուրամյակների ընդմիջումից հետո պատմական Հայաստանի փոքրիկ մի հողակտորի վրա վերածնվում է հայոց պետականությունը:

Հայ հեղափոխական դաշնակցությունն էր, որ ստանձնեց անկախ պետականության ստեղծման դեկավարի դերը: Բազմաբնույթ ներքին ու արտաքին դժվարությունների հաղթահարումով կուսակցությունը գցում էր ազգային պետության հիմքերը, մի բան, որ այնքան մեծ նշանակություն ունեցավ երկրորդ հանրապետության կայացման և ազգային ոգու պահպանության համար:

Հանրապետության տարեդարձի օրը ընդունվում է հանրահայտ որոշումը «Միացյալ Հայաստանի անկախության հայտարարման» մասին. «Հայաստանի ամբողջությունը վերականգնելու և ժողովրդի լիակատար ազատությունն ու բարգավաճումը ապահովելու համար Հայաստանի կառավարությունը, համաձայն բովանդակ հայ ժողովրդի միահամուռ կամքի և ցանկության, հայտարարում է, որ այսօրվանից (1919թ. մայիսի 28-ից. Գ. Ա.) Հայաստանի բաժան - բաժան մասերը մշտնշենապես միացած են իրեն անկախ պետական միություն»²:

Մանր ժամանակներ էին: Երկիրը քայլայված էր, լցված թուրքական յաթաղանից մազապուրծ, սովի և հա-

մաճարակի ճիրաններում մաշվող գաղթականներով, մշտապես կախված էր թուրքական արշավանքի սպառավայրը: Ազգային խաթարված կյանքը վիթխարի ճիգերով էր մտնում քնականոն հունի մեջ: Եվ սակայն թուրքական ու միջազգային իմպերիալիզմի քաղաքական շահերի զոհ այսպիսի մի երկրի համար «ժողովուրդների հայրը» պետք է հորիներ «իմպերիալիստական Հայաստանի» առասպելը՝ Անդրկովկասում վարած իր քաղաքանության իրական հիմքերը քողարկելու համար: Իսկ թե իրենք՝ երկրի տերերը, այսպես կոչված «իմպերիալիստները», ինչպես էին գնահատում իրենց վիճակը, կարող է վկայել հետևյալը: Մինհստրների խորհուրդը մի գրությամբ դիմում է Աղբալյանից՝ իմանալու համար նրա կարծիքը այն մասին, թե որ բառն է ավելի հարմար օգտագործել՝ «նախարարը», թե՝ «մինհստրը»: «Ի պատասխան Ձեր ս. թ. դեկտ. 16 Առ. 5500 (պետք է լինի 5509. - Գ. Ա.) գրության պիտի հայտնեմ, որ թե «նախարար» և թե «մինհստր» բառերը նկատում են ոչ տեղին. առաջինն իր պատմական իմաստով «մինհստր» չէ, իսկ երկրորդը նախ օտար բառ է և ապա շատ է մեծահնչյուն մեր համեստ հանրապետության համար: Լայնածավալ և հզոր Ամերիկան չունի «մինհստր», այլ պարզ «քարտուղարներ»: Լավագույն կլիներ «Վարիչ» բառը... որով մինհստր-նախագահն իր հերթին կդառնար «վարչապետ»: Այդ համեստ բառը շատ ավելի պատշաճ կլիներ մեր համեստ հանրապետության և նրա բարձր պաշտոններության³: Ընդամենը «Վարիչ» ու «Վարչապետ» կոչվելու արժանի մի «համեստ հանրապետություն» և... «իմպերիալիստական Հայաստան»: Իսկ մենք տասնամյակներ կրկնել ենք այս առասպելը...

Ազգային բյուրոյի գործունյա անդամը հասկանալիորեն հանրապետության խորհրդարանի անդամ էր:

¹ Նույն տեղում, էջ 350:

²ՀՀ. ՊԿՊԱ, ֆ. 198, ց. 1, գ. 4, թ. 1:

³ՀՀ. ՊԿՊԱ, ֆ. 199, ց. 1, գ. 98, թ. 95:

Հնդգրկված լինելով հնքնավարության, ֆինանսական և խմբագրական հանձնաժողովներում նրանց անունից ու հանձնարարությամբ հաճախ ելույթներ էր ունենաւ, օրինազժեր առաջարկում, կատարում ճշգրտումներ, ակտիվութեան մասնակցում հանրապետությանը հուզող բոլոր խնդիրների քննարկմանը: Դրանցից մեկը հարևանների նկատմամբ քաղաքականության մշակումն էր: Կովկասը այնտեղ ապրող բոլոր ժողովուրդների հայրենիքն է, այսպես էր համոզված նա: Բայց, ահա, ուստական հեղափոխությունից հետո նույն Կովկասում կատարվում են հրադարձություններ, որոնք սրում են հարաբերությունները հատկապես երեք հարևան ժողովուրդների միջև: Գաղտնի համաձայնության գալով՝ Վրաստանն ու Աղբեջանը իրենց անկախ հայտարարեցին: Աղբայլանը հասու էր այն շարժադիմերին, որոնք նրանց մղեցին այդ քայլին. հայերը միանակ էին մնում թուրքական արշավանքի և մյուս դժվարությունների առջև: Դեռևս թարմ էին պատերազմի ընթացքում Հայաստանի հնքնավարության նկատմամբ նրանց թշնամանքի դրսերումները: «Վրաց մտավորականությունը և թյուրքահայերը» առաջնորդողում դատապարտում է Վրաց շովիգմը, որը բացահայտ թշնամական դիրք էր գրավել «հայկական պատումիայի» խնդրում և ողջունում ուսկավարության ծնունդը, կուսակցություն, որը պարզել էր բախտակից և դրկից ժողովուրդների եղբայրության դրոշը¹: Հայտնի է աղբայլանական գնահատականը այն թշնամանքի, որ Վրացիներն ու թաթարները դրսենորեցին հայկական կամավորական շարժումների հանդեպ: «Ես սիսակած չեմ լինի,- խորհրդարանի նիստերից մեկում հայտարարեց Աղբայլանը,- եթե ասեմ, որ մեր հարևանների դերը մանավանդ այս պատերազմի ընթացքին երկդիմի էր և անկեղծ չէր դեպի այն պետությունը, որի

քաղաքացիներն էին և դեպի այն դատը, որ վարում էին դաշնակիցները»²: Նրանք ոչինչ չարեցին «պաշտպանելու այն ֆրոնտը, որը համառուսական էր»: Նրանց քաղաքականությունը մի նպատակ էր հետապնդում «թուլացնել այն տարրը, որ կարող էր մրցորդ լինել»³:

Հայաստանի անկախության հոչակումից հետո Լոռիվա, Բորչալուի և Ախալքալակի ժողովուրդը ըմբռության դրոշ է բարձրացնում՝ ցանկանալով միավորվել մայր հայրենիքին: Հայ-Վրացական լարված հարաբերությունների լուծման միակ եղանակը հրապարակախոսը տեսնում է ազգերի հնքնորոշման իրավունքի կիրառման մեջ: Հար և նման մեր օրերի հրադարձություններին: 1918-ի դեկտեմբերի 12-ի նիստում որոշում է ընդունվում դիմել վրաց կառավարությանը՝ հարցը միշագային ընդունված օրենքներով խաղաղ լուծելու առաջարկով, որը մերժվում է: «Վրաց կառավարությունը, չեմ ուզում ասած լինել ժողովուրդը, - շեշտում է հրապարակախոսը, - ստեղծում է մեզ համար անախորժություններ հանդիպահի»⁴: Երբեք չմոռացակ իր սկզբունքը՝ Կովկասը այնտեղ ապրող բոլոր ժողովուրդների հայրենիքն է, բայց դա բոլորովին էլ չէր նշանակում թույլ տալ, որ «ունահարեն» ազգային արժանապատվությունը: «Այդ հողամասում (Լոռի-ում. - Գ. Ա.) ապրում է մի ժողովուրդ, որին պիտի հարցնել, թե նա ում է ուզում, ում հետ է ուզում լինել: Նա արտահայտել է իր կամքը պարզ ու որոշ՝ իրեն համարում է մերը և միանալ է պարզ չեմ լինի,- խորհրդարանի նիստերից մեկում հայտարարեց Աղբայլանը,- եթե ասեմ, որ մեր հարևանների դերը մանավանդ այս պատերազմի ընթացքին երկդիմի էր և անկեղծ չէր դեպի այն պետությունը, որի

¹ՀՀ. ՊԿԱ. ֆ. 198, գ. 1, գ. 15, թ. 49:

²Նույն տեղում, թ. 50:

³Նույն տեղում, թ. 39:

⁴Նույն տեղում:

տում «մինհստր-նախագահը» հաղորդում է. «այս երեք օրվա ընթացքում մեր քաջարի զորքերը ունեցել են միշտ հաջողություն և այն վայրերը, որոնք բռնել էին վրաց զորքերը, մերոնք արդեն գրավել են և մեր հողերն անցել են մեր ձեռքը»¹: Բայց, ահա Անգլիայի ներկայացուցիչ կապիտան Գրինը դաշնակիցների անունից պահանջում է.

- «1. Երկու շաբաթով հայտարարել գինադադար,
2. Վրաց զորքերն անմիջապես մաքրում են Ախալքալակի գավառն ու Բորչալուն, մինչև Խրամ գետը, հայկական զորամասերը չեն գրավում այդ շրջանները»²:

Այլ կետեր էլ կային, որոնցից «մեկը մեր զորքերն անմիջապես հետ քաշելն է այն վայրերից, որ նոքա գտնվում են կամ գտնվելու են վաղը»³: Այս և մյուս պահանջները բուռն քննարկումների առարկա դարձան: Ելոյթ ունեցավ Աղբայանը: Անգամ անհարազատ արձանագրությունը մեզ է հասցնում նրա հուզմունքը: Նա դեմ էր գինադադարին. հայոց զորքերը պարզապես հայկական հողը մաքրում են անբարյացակամ հարեւանից. «Մենք ոչ մի թիզ հող օտարի ձեռքից չենք խել և մտքներովս անգամ չի անցել որևէ ժողովրդի շահերին դիմքել և եթե կարողանանք մեր իրավունքները պաշտպանել, այդ էլ մեծ բան է մեզ համար: Մենք այսօր առաջ ենք խաղում մեր հողի վրա և երբեք չենք հասել մեր հողի իսկական սահմաններին: Երբ որ հասնենք այդ սահմաններին, մենք կանգ կառնենք և այնուհետև թույլ չենք տա, որ որևիցե մեկը մեր իրավունքները ուժակուի: Մենք առանց այն էլ բավականաշափ հող և ժողովրդի ենք թողել նրանց: Մենք հեռու ենք օտար հողը գրավելու մտքից, բայց չենք էլ կարող օտարին թողեալ մեր հողի վրա...»

¹Նույն տեղում, թ. 47:

²Նույն տեղում, թ. 49:

³Նույն տեղում:

Մենք երբեք չենք ցանկացել կովի դիմել, մեզ ստիպել են այդպես վարվել, և այսօր, ինչպես էլ միշտ, պատրաստ ենք բանակցությունների դիմել... Մենք մեր զորքերը հետ չենք քաշի մեր հողերից, որովհետև մենք չենք կարող թույլ տալ, որ ուրիշները ոտնահարեն մեր իրավունքները»¹:

Այսօր կրկնվում է երեկը, հուսանք, որ վախճանը, չնայած որոշ լականների, նման չի լինի երեկվան:

Ժողովրդավարական ընտրություններում ձևավորված Հայաստանի Հանրապետության առաջին խորհրդարանը աշխատանքները սկսեց 1919-ի օգոստոսի 1-ին: Նույն ամսի 10-ին հաստատվեց կառավարության նոր կազմ. Ն. Աղբայանը նշանակվեց հանրային կրթության և արվեստի նախարար: Այստեղ նոր ուժով դրսնորվեց նրա կազմակերպչական տաղանդը: Իրեն հատուկ հետևողականությամբ ավարտի հասցրեց մշակութային ոլորտի ձգձգվող ու անվարտ գործերը, եղավ նոր նախաձեռնությունների հեղինակ: Հոգատարություն արդեն պետական դարձած հայոց լեզվի նկատմամբ, տարրական ու միջնակարգ դպրոցներ, համալսարան, երաժշտական ու թատերական գործ և ուսուցում, պետական մատենադարանի, ազգային ու ազգագրական թանգարանի հիմնադրում, Անիի հնադարանի վերականգնում և ընդհանրապես հնությունների պահպանություն, հանրային մատենադարան և գրադարանային գործ, պետական նվագախումբ և խմբավարական դասընթացներ, գիտական և գրական ընկերությունների հիմնում, հրատարակչական գործի կազմակերպում, մանկապարտեզներ և մանկական խաղահրապարակներ, մարմնակրթարանի հիմնում, ահա բոլորովին էլ ոչ ամբողջական ցանկը այն բնագավառների, որոնցով գրադպեց նշված մինհստրությունը և որոնց լուծմանը իր ավանդը ներդրեց նաև

¹Նույն տեղում, թ. 50-51:

Մինչև 1920թ. մայիսը հանրային կրթության և արվեստի «Վարիչ» Աղբայանը:

Օժտված էր վարչական աշխատանքի անորանալի ընդունակություններով: Կրքոտ ու ներգործուն խոսք, բացառիկ շիտակությունը, համակողմանի գիտելիքները, իրեն վստահված գործին անմնացորդ նվիրումն ու աշխատասիրությունը, պատասխանատվության խոր զգացումը, մարդկային հմայքը ապահովում էին վիթխարի հեղինակություն, աշխատանքային մթնոլորտ, ազնիվ հարաբերությունները: Ուր էլ լիներ, իր շուրջն ստեղծում էր համակրանքի, հարգանքի ու վստահության մթնոլորտ:

Ինքնուրույն պետականությունը մշակույթի ու կրթության զարգացման գորավոր նախապայմանն է: Այս միտքը անցնում է այս շրջանի նրա հոդվածների ու ելույթների միջով, իսկ իր գործունեությունը հաստատումն է այս մտքի: «Անցյալ կիրակի ամսուս 6-ին երեկոյան ժամի 8-ին պաղամենտի սրահում տեղի ունեցավ Հայաստանի գրական ընկերության 11-րդ գրական երեկոն, ուր դասախոսեց պ. Նիկողայոս Աղբայանը «Հայ գրականության ապագան» նյութի մասին»¹: Դասախության հիմնական թեզը հանգում է նրան, որ նոր պետականությունը հոգևոր բնագավառների նոր վերելքի գրավականն է: «Հայաստանի կառավարությունը մի հոգածու ուժ է, որ....՝ ստեղծելու է հայոց գրականության ապագայի համար պայմաններ»,- կարդում ենք նույն տեղում: Այս համոզումը միայն իրենը չէր: Լուսավոր երախտավորների մի սերունդ ոչ միայն մտածում, ամեն ինչ անում էր ցանկությունն իրականություն դարձնելու համար: Այդ են վկայում հոգևոր-մշակութային կյանքի կազմակերպման վերաբերյալ բազում որոշումներն ու հատկացվող գումարները: Այսօրվա համեմատությամբ

հարյուրապատիկ անգամ ավելի ծանր պայմաններում գտնվող երկրի պետական այրերը հոգևոր-մշակութային բնագավառները չհանձնեցին դեպքերի զարգացման տարերքին, այլ տեր կանգնեցին նրանց:

Լավագույն ապացուցը Աղբայանի գործունեությունն է նախարարի պաշտոնում:

Առաջնահիներթ խնդիրներից մեկը սերնդի, նաև ժողովրդի կրթության կազմակերպումն էր:

Այս հարցերը միշտ էլ եղել են նրա ուշադրության կենտրոնում: Տասնամյակներ շարունակ ուսուցչություն է արել ամենատարբեր դպրոցներում, վերջին շրջանում Բեյրութի Նշան Փալանջան ճեմարանում: Պարբերաբար անդրադարձել է կրթական գործի կազմակերպական հարցերին: Ուշի-ուշով հետևում էր ծխական և թեմական դպրոցների, հոգաբարձուների գործունեությանը, մամուլում լուսաբանում էր, առաջարկություններ անում: 1913-ին Ամենայն Հայոց Կաթողիկոսը հաստատում է թեմական դպրոցների ծրագիրը, որով հստակ և «միօրինակ կարգ» է սահմանվում բոլոր դպրոցների համար: Այս կապակցությամբ քննում է ծխական, թեմական դպրոցների ու ճեմարանի փոխհարաբերության կարգավորումը, հստակ շեշտում է դպրոցների «ազգային բնույթը», քննում բազում ուրիշ խնդիրներ: Առանձնահատուկ սիրով արձագանքում է Ղարաբաղի թեմական դպրոցի հոբելյանին, դպրոց, որի շրջանավարտները ստեղծել են մի հասարակություն, որը «պահում է մեր գրականությունը, թատրոնը, մամուլը և այլն»:

Վերածնված պետականության ներկայացուցիչը, քիչ անց՝ նախարարը առավել խորությամբ ու ամբողջությամբ է անդրադարձնում կրթության խնդիրներին:

1916/1917 ուս. տարում երկիրը «ուներ մոտ 500 դրամ»: Բայց արդեն հաջորդ տարին դպրոցների գրեթե երկու երրորդը չէր գործում: «Տաճիկների արշավանքը, նրա հետևանք գաղթականությունը մեր դպրոցական

¹ Ժողովուրդ, 1920, N 94:

շենքերն ու կայքը մատնեցին ավերի ու թալանի,- 1919-ի ապրիլի 15-ին մի կապակցությամբ կառավարությանը հայտնում է հանրային կրթության և արվեստի մինիստրը: - Ծառ տեղեր այս տարի անհնար եղավ դպրոց բաց անել շենքերի ավերված և գույքն ոչնչացված կամ թալանված լինելու պատճառով, թեև այդ դպրոցների անունով վարկ բացված էր: Նույն պատճառներով որոշ տեղերում էլ դպրոցական կյանքը ընթանում է անկանոն կերպով»¹: Պարապմունքները երբեմն հարկադրված էին ինում անցկացնել «Վերին աստիճանի անհարմար, ցուրտ և խոնավ շենքում, ծայրահեղ դեպքում նույնիսկ գոմում... Ծառ դպրոցներում նստարանները պատրաստվում էին ամենահասարակ և պարզ ձևի... Զգացվում էր մեծ կարիք գրատախտակների, գրենական պարագաների, դասագրքերի և պատրաստի ուսուցչության»²: Այո, այսպիսին էր վիճակը, այնուամենայնիվ պետք է շարունակեր լուսավորության ու կրթության գործը: Աղբայլանը առաջարում է ինչ գնով էլ լինի «Ընդհանուր կրթություն» ապահովելու խնդիրը: Ծրանային տեսուչներին կարգադրություն է անում, որպեսզի քաղաքներում, ավաններում ձեռնարկեն բոլոր միջոցները բացելու համար այնքան առաջին դասրաններ, «որքան պետք է, որ ոչ մի դպրոցական հասակ ունեցող երեխա դուրս չմնա դպրոցից», իսկ կառավարությունից պահանջում է միջոցներ՝ ուսուցիչների լրացուցիչ վարձատրության, դասարանների ավելացման, շենքերի վերանորոգման համար: Սրա հետ սերտորեն առնչվում է նախադպրոցական կրթության կազմակերպությը: Աղբայլանն էր, որ առաջին անգամ արեց այս հարցադրումը: «Նախադպրոցական կրթությունը մեր երկրում ծավալելու համար անհրաժեշտ է փորձեր անել այդ ուղ-

¹ՀՀ. ՊԿՊԱ. ֆ. 199, ց. 1, գ. 57, թ. 12:

²ՀՀ. ՊԿՊԱ. ֆ. 207, ց. 1, գ. 136, թ. 1:

ղությամբ, ուստի Մինիստրությունս մտադիր է ամեն տեսչության մեջ բանալ մի-մի, իսկ Երևանում և Ալեքսանդրապոլում երկուական մանկապարտեզ»¹: Կառավարությունը ընդուած է գնում այս պահանջին ևս: «Ընդհանուր կրթության» գործը թերի կլինի, եթե անտեսվի ժողովրդական լայն զանգվածների լուսավորության կազմակերպությը: «Մինիստրություն» հանրային կրթության գաղափարն ըմբռնելով իբրև հանուր ժողովրդի կրթություն, Մինիստրների խորհրդին հղած գեկուցագրում ընդգծում է Աղբայլանը, մտադրություն ունի կազմակերպել «հասակավոր անգրագետների և թերավարժ գրագետների կրթության գործը: Այդ նպատակով նախագծում ենք երեք կարգ դասընթացներ. 1)անգրագետների համար- գրագետների դասընթաց, 2)թերավարժների համար- գրավարժական դասընթաց, 3)թերուսների համար- հանրային համալսարան»²: Այսուհետև լրացուցիչ առաջարկություն էր անելու՝ բացել կիրակնօրյա, երեկոյան դպրոցներ ևս:

Կրթական գործի առաջընթացը պարտադրում է ուսումնական ծրագրերի և դպրոցական համակարգի արմատական վերակառուցում: Ծրագրերում մեծ տեղ էր հատկացնում բնական գիտությունների դասավանդմանը և աշխատանքային դաստիարակությանը: Վերջինս պարտադիր համարելով տարրական դպրոցների համար՝ ծրագրեր էր մշակում այն միջնակարգի համար ևս պարտադիր դարձնելու, որպեսզի ամեն շրջանավարտ անպայման տիրապետի որևէ «ձեռարկեստի»: Հասակ նրան, որ դպրոցներին հատկացնեցին հողամասեր՝ «գործնական պարապմունքների համար»: Ըստ Աղբայլայինի՝ տարրական դպրոցը պետք է ունենար 6, որոշ տարրերակներում՝ 7 դասարան: Միշնակարգ դպրոցը

¹ՀՀ. ՊԿՊԱ. ֆ. 199, ց. 1, գ. 98, թ. 103:

²ՀՀ. ՊԿՊԱ. ֆ. 207, ց. 1, գ. 219, թ. 32:

պետք է գոյություն ունենար համապատասխան թեքումով՝ մանկավարժական, պատմալեզվաբանական, բնագիտական-մաթեմատիկական, առևտրական, տեխնիկական»¹: «Տարրական ուսուցումը տևելու է վեց տարի և ավանդվելու է մայրենի լեզվով»: Օտար դպրոցներում պետական լեզուն ուսուցանելը պետք է լինի պարտադիր: Միջնակարգ դպրոցում օտար լեզուների ուսուցումը այնպիսի հիմքերի վրա պետք է դրվի, որ շրջանավարտը կարողանա ազատորեն օգտվել այլալեզու գրականությունից: Ուշադրությունից չի վրիպում ֆիզիկական դաստիարակությունը ևս: Նախարարության գրությամբ ԱՄՆ-ից չորս հայ մարզիկ են հրավիրում հատուկ այս նպատակի համար: Ավելացնենք, որ այդ խնդրին Աղքայանը վաղուց եր անդրադարձել: Գալիք փորձությունները դիմագրավելու ընդհանուր ծրագրի մեջ տեղ էր հատկացված «ֆիզիկական կրթության և մարզանքներին» ևս: Հաշվի առնելով հայության մեջ իշխող ընդհանուր թմրության ու անտարբերության ոգին, առաջարկվում է ստեղծել «մարմնամարզական մի ընդհանուր միություն», որ մասնաճյուղեր ունենար բոլոր վայրերում մշտապես «մրցություններ, խաղեր, զրուանքներ» կազմակերպելու համար:

Այս կերպ կարելի կլինի ստեղծել «առույգ հասարակություն և ժողովուրդ»:

Համանման խնդիրներ հետագայում արձարձելու էր սփյուռքում ևս:

Աղքայանը դարասկզբի իրադարձությունների ականատեսն էր, մասնակիցը, մի որոշ հմաստով՝ կազմակերպիչը: Նա ակտիվ մասնակցություն էր ունեցել մասնավորապես կամավորական գնդերի կազմավորմանը, եղել էր ուսումնակատում, կամավորների հետ համեմական ու Բիթլիս: Գրեթե նոյն շրջանում նոյն ճանա-

¹ նույն տեղում, գ. 136, թ. 3:

պարհով անցնում էր նաև հանճարեղ մի պատաճի՝ Եղիշե Չարենցը:

Չէ, այստեղ նրանք չեն հանդիպելու, հանդիպումը մի փոքր ուշ պիտի կայանար: Նրանք առայժմ կովում էին հայրենիքի ազատագրության համար, սարսափով նակատում պատերազմի ավերածությունները, հույսով նայում վաղվան: Այդ օրերը, սակայն, չեն կարող մոռացվել, և յուրաքանչյուրը յուրովի է պետք վերհիշեր այն:

Ստանձնելով Հայաստանի Հանրապետության հանրային կրթության և արվեստի մինիստրի պաշտոնը, Աղքայանը առաջարկ է մտցնում մինիստրների խորհուրդ՝ պատերազմում և «ազատագրական կոհվենքում» զոհված («սկսած 1914 թ. սեպտեմբերի 1-ից») «կամավորների, զինվորների, սպաների, բժիշկների և գթության քուրերի զավակներին» «ձրի դասական պիտույքներ մատակարարել»:

Հանրային կրթության ու արվեստի մինիստրության ուսերին էր ծանրացած Վրաստանում և Աղրբեջանում տասնամյակներ շարունակ հաջողությամբ գոյատևած հայկական դպրոցների հարատևությունը ապահովելու դժվարին գործը: Անկախ հանրապետությունների ստեղծումից հետո Վրաստանն ու Աղրբեջանը հրաժարվում են իրենց վարչական ենթակայության տակ գտնվող հայկական դպրոցները ֆինանսավորելուց (Հայաստանի Հանրապետության դպրոցներում շարունակում էին սպառել ուսուներ, աղրբեջանցիներ, հովաներ և ուրիշ ալլագգիներ): «Հայաստանի Հանրապետության դիվանագիտական գործակալը Աղրբեջանում գրում է մինիստրության, որ Բաքվի հայոց դպրոցները Աղրբեջանի կառավարությունից նպաստ չեն ստանում... Մի ուրիշ գրությամբ նա ուղարկում է Մինիստրության նուխտ հայրենակցական միության գրությունը, որով նրանից խնդրում են նպաստել իրենց շրջանի երեք դպրոցներին»: Վիճակը նոյնն էր նաև Վրաստանում: Մինիստրը

այն միտքն է հայտնում, որ կառավարությունը, որքան էլ ֆինանսական նեղ պայմաններում, պետք է դրամական այնքան օժանդակություն ցույց տա «հարևան հանրապետությամց» հայկական դպրոցներին, որպեսզի նրանք «եթե ոչ գերազանց, գոնե հավասար պայմանների մեջ լինեն տիրող ժողովրդի դպրոցների համեմատությամբ»¹:

Աղբայլանի գրության վրա մուգ կանաչավուն թանգրով մակագրություն է արված «Հիշալով ընդունել արտասահմանում գտնված և բացվելիք հայկական դպրոցներին դրամական օժանդակություն ցույց տալը և առաջարկել Հանր. Կրթ. և Արվ. Մ. -ին ներկայացնել ընդհանուր նախագիծ»: Հավանաբար ներկայացվում է նորը, քանի որ մակագրությունից հինգ օր անց՝ 1919-ի դեկտեմբերի 29-ին Մինհստրների խորհուրդը որոշում է ընդունում «Հայաստանի սահմաններից դուրս հայ կրթական հաստատություններին նպաստելու նպատակով» հանրային կրթության և արվեստի մինհստրությանը մեկ միլիոն հինգ հարյուր հազար ռուբլի վարկ հատկացնելու վերաբերյալ²:

Հայաստանի սահմաններից դուրս ապրող հայերի հոգսերը, հայրենիքի և «դրսի» հետ կապերի հաստատումը, որ օգտակար կլինի երկու կողմի համար էլ, մշտապես հուզել են Աղբայլանին, միայն թե ճակատագրի բերումով նա մի դեպքում հայրենիքն էր ներկայացնում, մյուս դեպքում «դուրսը»: Պահպանվել են բազմաթիվ գրություններ, որոնցով կառավարությունից պահանջում է միշոցներ պետական թատրոն ու թատերական վարժարան, երաժշտական բարձրագույն դասընթաց և պետական նվագախումբ, պետական ու դպրոցական

գրադարաններ, գիտական, կոլտուրական, մշակութային այլ օջախներ հիմնելու համար:

Անհրաժեշտ ենք համարում մեջբերել մեկից մի հատված: Մի գրությամբ պահանջում է միշոցներ տրամադրել «երկու հմուտ դերասան» Պոլիս ուղարկելու համար. «Այդ գործը Պոլսում սկսելն ունի այն առավելությունը, որ 1 (դրանով մեր և արևմտահայ ուժերն ու արվեստը շփման մեջ կդրվեն, 2) նրանց հայախոսությունը և բարեձև պահվածքը կպատվաստվեն մերոնց»³: Մի այլ տեղ ներքին բավականությամբ արձանագրում է այն հանգամանքը, որ հայ ժողովրդի երկու ազգային լեզուները սերտորեն միահյուսվում են. «Գրականությունը ազգի ոգին է, գրի առնված և շաղկապված է ազգի ճակատագրի հետ. իսկ գրականության գենքը լեզուն է: Հայությունը մինչև այժմ ուներ երկու լեզուներ՝ արևելահայ և արևմտահայ, այսօր դրանք խառնվում են իրար և ստեղծվում է հայ պետական լեզու»⁴: «Իմ նպատակն է, մի այլ տեղ գրում է Աղբայլանը, - հիմնել մի դպրոց, որ տեղից դուրս գային երաժշտության դաստուններ և որ նպատակ ունենար զարկ տալու ազգային երաժշտության զարգացմանը»: Այս նպատակի համար հայոց երաժշտական ընկերությունը երաշխավորել է Ս. Բարխուդարյանին⁵:

Աղբայլանին է պատկանում «Հանրապետության պաշտոնեության համար հայոց լեզվի դասընթացներ» կազմակերպելու նախաձեռնությունը: Իրավացիորեն դժգոհինով, որ հայոց լեզուն կառավարական շրջաններում «կիրառվում է իմիշիալլոց», վիճակը շտկելու նպատակով, ինչպես նաև հայերեն սովորել ցանկացող օտարագիններին ընդառաջելու համար առաջարկում է

¹Նույն տեղում, թ. 8:

²«Ժողովուրդ», 1920, N 24:

³ՀՀ. ՊԿԱԱ, ֆ. 199, ց. 1, գ. 98, թ. 62-63:

⁴ՀՀ ՊԿԱԱ, ֆ. 199, ց. 1, գ. 98, թ. 44:

⁵Նույն տեղում, թ. 100:

կազմակերպել վերոհիշյալ դասընթացները: «Դասընթացներին հետևած և քննություններ բռնած պաշտոնյացերը, ինչպես և նրանք, որ մասնավոր պատրաստություն ունենալով բավարար քննություններ են տալիս, համարվելու են մշտական պաշտոնյա: Անբավարար նկատվածները կհամարվեն ազատ վարձվող»¹: Կառավարությունը համապատասխան վարկ է բաց թողնում, և դասընթացները շուտով սկսում են գործել Երևանում և Ալեքսանդրապոլում: Այս միջոցառումը թելադրված էր հայոց լեզուն պետական դարձնելու մտահիոգությամբ. «Հայերեն լեզուն տարածվելու է,- համոզված էր Աղքալյանը,- Վարչատներում, հասարակական հաստատություններում, դպրոցների, թատրոնի, գրականության, պետական հաստատությունների և ամեն տեսակ ասպարեզների մեջ, ինչպես նաև Ծնկերային, հասարակական, օրենսդրական, գինուրական, գրական, տեխնիկական, գյուղատնտեսական, մանկավարժական և այլն մասնագիտական գրականության ճյուղերում, նախ թարգմանական և ապա հայկական գրականություն պիտի զարգանա»²:

Դպրոցներն ազգայնացվում էին, այդ նշանակում էր, որ ուսուցումը միայն հայերենով էր առաջ տարվելու, մինչդեռ մայրենի լեզվով համապատասխան գրականություն չկար: Հարկավոր էր շտապ կարգով կազմակերպել դասագրքերի և գիտական գրականության թարգմանության գործը: «...Մեր դպրոցներն ազգայնացվում են. հետևակեն մեր աշակերտները պիտի չկարողանան օտար լեզուներով գիտական պաշտոնի տիրանալ,- ահազանգում է հանրային կրթության նախարարը: - Մյուս կողմից հայ գրականությունը բավական գրքեր չունի ժամանակակից իմաստով հանրակիրթ քաղաքա-

ցիներ պատրաստելու համար: Եթե չենք կամենում ազգայնացումը նովացնել տղիտացման, անհրաժեշտ է մայրենի լեզվով գիտական գրականություն ստեղծել, որ հնարավոր է թարգմանական գրականությանը զարկ տալով միայն»¹: Դպրոցների աստիճանաբար ազգայնացման, հայոց լեզուն պետական հոչակելու հետևանացման, հայոց լեզուն պաշտոնավարողները հարկադրված էին հեռանալ Հայաստանից: Դա մասնավորապես վերաբերում է ոուսազգի ուսուցիչներին: Այս կապակցությամբ Աղքալյանը դիմում է կառավարությանը հետևյալ միջնորդությամբ: Աշխատանքից ազատվող ուսուցիչները «լիկվիդացիոն գումարներ» ստանում էին երկու նկազմական գումարները, որ «երկարամյա ծառայությունից» հետո ոմանք (ոչ միայն ուսուցիչներ) պետք է թողնեն Հայաստանի սահմանները (Աղքալյանը սա համարում էր «անարդարացի»), առաջարկում է նրանց գումարները վճարել միանգամից, հնարավորության դեպքում «մի քանի ամսվա», եթե ոչ ամբողջ տարվա» համար, քանի որ ուսումնական տարին սկսվել է, և այդ ընկերները Ռուսաստանում կդժվարանան համապատասխան աշխատանք գտնել: Բացի այդ «մինհստրությունն չէր ցանկանա,- շարումնակում է Աղքալյանը,- մի քանի անձանց դժվար կացության մեջ դնելով մթագնել այն բարյացակամ տրամադրությունը, որ գոյություն ունի ոուս ժողովրդի մեջ դեպի հայությունը»²: Հատուկ որոշմամբ պաուլամենտը հավանություն է տալիս Աղքալյանի առաջարկին: Թերևս ավելորդ չի լինի հիշել, որ կառավարությունը մի ուրիշ որոշում էլ ընդունեց. «Թույլ տալ նրանց («ոուս ծառայողներին». -Գ. Ա.) Հայաստանի սահմաններից դուրս գալու դեպքում ձրի օգտվել երկաթուղիներից և ձրիապես փոխադրել իրենց

¹ՀՀ. ՊԿՊԱ ֆ. 199, գ. 1, գ. 98, թ. 59:

²Նույն տեղում, թ. 21:

իրերը ի հաշիվ նույն հիմնարկության, որտեղ ծառայում էին նրանք»¹:

1920 թ. հունվարի 31-ին Ալեքսանդրապոլում հանդիսավոր արարողություններով բացվեց Հայաստանի համալսարանը: Բացմանը ներկա էին «Հայաստանի կառավարության, պառամենտի և զանազան հիմնարկությունների ներկայացուցիչներ», կային նաև արտասահմանակ հյուրեր²: Սրան նախորդել էր նախապատրաստական երկարատև աշխատանք: Հանրային կրթության առաջին մինիստրներից Գ. Մելիք-Ղարագյոյանը բազմից դիմումներ է հղում կառավարությանը՝ նորաստեղծ հանրապետությունում բարձրագույն ուսումնական հաստատություն հիմնելու առաջարկներով:

«Հայաստանի անկախ պետություն կազմակերպելու և ինքնուրույն կյանքի կոչվելու հենց առաջին օրերից, գրում է նա, ու զարթում է Համալսարան բաց անելու խնդիրը», հաստատություն, որ «պիտի հանդիսանա մի կողմից որպես ձգող կենտրոն մեր այն ինտելիգենցիայի և գիտական ուժերի, որոնք ցրված են Եվրոպայի գանազան քաղաքներում... մյուս կողմից... պիտի հանդիսանա այն մտավոր մարտկոցը, որ մեր երկրում պիտի բաշխե կուտակված գիտական ուժերը. պատրաստելով գործիշներ պետական կյանքի բազմապիսի ճյուղերի համար»³: Մինիստրական իր պաշտոնը Աղբայանն ստանձնեց այն պահին, եթե նոր միայն սկսվել էին համալսարանի կազմակերպման աշխատանքները: 1919 թ. մայիսի 16-ի հիստոր մինիստրների խորհուրդը ընդունում է Հայաստանում «համալսարան բանալու և նրա նախնական ծախսերը հոգալու համար 300 000 ռ. հատկացնելու մասին» օրենքը⁴: Մշակում են «Երևանի համալսարանի

¹ «Ժողովուրդ», 1920, N 24:

² «Մշակ», 1920, N 2:

³ՀՀ. ՊԿՊԱ. ֆ. 207, գ. 1, գ. 220, թ. 20:

⁴ՀՀ. ՊԿՊԱ. ֆ. 199, գ. 1, գ. 57, թ. 46:

ժամանակավոր կանոնները», ուսումնական ծրագրեր, լուծում կառուցվածքի հետ կապված հարցեր: Աղբայանը եռանդուն մասնակցություն է բերում համալսարանին առնչվող հարցերին. դասախոսներ է հրավիրում, շենք է առաջարկում, բանակցություններ է վարում Թիֆլիսի իր ներկայացուցիչ Զավորինի հետ, մտահոգվում է ապագա համալսարանի գրադարանի և զանազան սարքավորումների ձեռքբերմաբ: Այնուամենայնիվ այն Երևանում բացել հնարավոր չեղավ: Այս ժամանակ է, որ Ալեքսանդրապոլի քաղաքային ինքնավարությունը «բուն ցանկություն» է հայտնում «համալսարանը իրեն խնամքին հանձնված քաղաքում» բացելու վերաբերյալ⁵: Այսպես, ահա, Երևանի համալսարանը բացվում է Ալեքսանդրապոլս, իբրև Հայաստանի համալսարան: «Հանդեսը բաց է անում ալեզարդ պրոֆեսոր Ղամբարյանը ուսւերեն մի ճառով և առաջարկում է լսել հանրական կրթության մինիստրին: Ն. Աղբայանը ողջունում է համալսարանի բացումը, նկարագրում է երկրի վիճակը և այն պայմանները, որ ստիպեցին կառավարությանը բանալ համալսարանը: Նա առաջարկում է հարգել հիշատակը այն զոհերի, որոնց արյան գնով հնարավոր եղավ իրականացնել հայերի երազը, ապա մատնանշում է, որ Հայաստանի համալսարանը լինելու է դեմոկրատիկ: Ամեն ուսումնածարակ հնարավորություն պիտի ունենա ներս մտնելու, «բայց դժվարությամբ է դուրս գալու»:

Իրեն նման չէր լինի Աղբայանը, եթե մոռացության տար գրողներին ու գրականությունը: Վարչական-քաղաքական գործունեության հետ միասին շարունակում էր ամենաակտիվ մասնակցություն ունենալ երկրի գրական կյանքին՝ գրում էր հոդվածներ, առաջարկաներ, կազմականացներ:

⁵ Նույն տեղում, գ. 98. թ. 86:

Կերպում գրական զանազան միջոցառումներ, հանդես գալիս գեկուցումներով:

Հենվելով Հովհ. Թումանյանի գլխավորած Կովկասի հայ գրողների ընկերության՝ Երևանում ապրող անդամների վրա, ստեղծում է նոր ընկերություն, որը հայրենի հողի վրա լինելու հանգամանքով իրավունք ուներ կոչվելու Հայաստանի գրական ընկերություն:

Թերիանից վերադարձած գործիչը անմիջապես հայտնվեց նորաստեղծ ընկերության շարքերում և իբրև փոխնախագահ ամենագործունյա մասնակցություն ունեցավ նրա աշխատանքներին և՝ իբրև բանախոս ու քննարկումների ակտիվ մասնակից, և՝ իբրև կազմակերպիչ: Հայ գրական ընկերության ամենշաբաթյա միջոցառումները, գրերի գյուտի և տպագրության հորելյաններին նվիրված հանդիսությունների հետ միասին, վիթխարի հետաքրքրություն արթնացրին մեր գրականության ու մշակույթի անցյալի ու ներկայի հանդեպ: Դրա վկայությունը այն բազմամարդությունն էր, որն անսովոր երևույթ էր նման միջոցառումների համար: Արձագանքները հասան մինչև Բաքու և Պոլիս: «Ամենքն զգում են,- Աղքալյանի վկայությունն է,- ավելի կամ պակաս չափավոր, կազմակերպված է հայոց մտավորական դասը ոչ միայն իր նյութական կացությունը բարփոքելու, այլ մանավանդ միացած ուժերով մի համագային գործ կատարելու, որի բնույթն ու չափերը դժվար է նախորդել, բայց որի նշանակությունը մեր կովտուրական կյանքում պարզ է արդեն շատերի համար»¹: Գրական տարբեր խնդիրների հետ միասին քննության նյութեն դառնում արդիականության հուզող նայլ հարցեր ևս («Հայերը Թուրքիայում», «Քրդերի մասին», «Աշխարհագրական ֆակտորի ազդեցությունը պատմության և կովտուրային վրա», «Բանակոիվը մամուլի մեջ»): Ընկե-

րությունը օգնություն էր ցուց տալիս գրողներին, որքերին, գաղթական արևմտահայ գրական մարդկանց, կոչ ուղղեց «աշխարհազմակերպեց գրական կուրսեր», կոչ ուղղեց «աշխարհի քրիստոնյա բոլոր պետությունների ղեկավարներին» (տարբեր լեզուներով), պահանջելով բողոքի ձայն բարձրացնել «կոտորածների առթիվ»՝ «հանուն մարդկության և կովտուրայի»: Ընկերության նյուղեր և գրական խմբակներ ստեղծվեցին Անդրկովկասի հայաշատ վայսմբակներ ստեղծվեցին Անդրկովկասի հայաշատ վայսմագային կրթական և մշակութային ընկերության գործունեություն ունեցան:

Ընկերության աշխատանքի փորձը, որն ըստ Էության շարունակում էր Վերնատան գործունեությունը շատ ավելի լայն լարանի համար, Աղքալյանը հաջողացնելությամբ օգտագործեց վերստեղծված Հայաստանի ղորդների ընկերության, ինչպես նաև Սփյուռքում Համագգային կրթական և մշակութային ընկերության գործունեությունը ծավալելիս:

Հայաստանի գրական ընկերության հանդիսություններից մեկում էր, որ ընկերության նախագահը «սարսելով դահլիճն ու ֆոյեն», 1919-ի հոկտեմբերին ազդարանով դահլիճն ու ֆոյենը՝ մի նոր բանաստեղծ-Զարենցի» հայտնությունը: Քննադատի ու բանաստեղծի առաջին «հանդիպումը» տեղի էր ունեցել մի փոքր վաղ, Բաքվի «Արև» թերթի խմբագրությունում: Դասախոսության հրավիրված քննադատը հետաքրքրվում է խմբագրությունում ստացված գրքերով: «Առաջին նայածու, պատմում է նաև, մի նիկար տեսրակ էր. «Ե. Զարենց. Երեք երգ տիկարադարձուկ աղջկան»: Մյուսը մի փոքրիկ գրքովկ էր նովն հեղինակի. «Դանթեական առասպել»... Վերնագրերն ուշագրավ էին: Տեսա մի նոր մարդ, նոր նյութ, նոր վերաբերում և վարժ տաղաչափություն: Մի տաղանդավոր սկսնակ: Տարվեցա ընթերցումով, մոռացա հավաքույթ և սպասում: Վ. Տերյանի հետքով մի նոր բանաստեղծ էր ծագում գրականության հորիզոնում: Որոշեցի առաջին իսկ

առիթով գրեմ այս նոր հեղինակի մասին»¹: Այդ անելու հնարավորությունը ունեցավ երկու տարի հետո միայն: Զեկուցումը ցնցող տպավորություն է թողել: «Այդ օրը ամբողջ Երևանն իմացավ, որ մեծ բանաստեղծ է ծննդել», - վկայում է ականատեսը: Թերթերը ընդարձակ հաղորդագրություններ տպագրեցին զեկուցման վերաբերյալ, Չարենցը դարձավ ճանաչված ու հնչել անուն: Այս լուրն առնելով, քանատեղծը, որ ուսուցիչ էր Կարսի շրջանի Բաշխադիկլար աննշան գյուղում, գալիս է Երևան, արժանանում հանրային կրթության ու արվեստի նախարարի ընդունելությանը և աշխատանքի նշանակվում նրա մոտ: Բանաստեղծի և քննադատի միջև կայացել է այս զրովզը. «Հը, եկե՞լ ես, Չարենց, լավ ես արել... լսել եմ նյութական վիճակի շատ փայլուն չէ, և դիմում ես կատարել ուսուցչական մի պաշտոնի համար... Չէի՞ր ուզենալ ինձ օգնել կրթական վերակառուցման գործում:

- Ինչպես թե, պարոն նախարար, ես որ բացարձակ քան չեմ հասկանում այդ գրասենյակային աշխատանքից...

- Եվ կարիք էլ չկա, որ հասկանաս,- կպատասխանե մեր նիկոլը,- ես կտամ մի սեղան, կնստես առաջը ու կգրես քանաստեղծություններ, այդ քեզ համար ծանոթ աշխատանք է, չէ՞... կտանաս մի ոռնիկ, որ քեզ ապրուսի հոգսից կազատի, իհարկե շատ համեստ, ինչ-որ ստանում է մի ուսուցիչ կամ մի նախարար... Իսկ աշխատանքը, որ իրավունք ունեն քեզանից պահանջելու իբրև պաշտոնյա, այդ կրթողնես ինձ, ես քո տեղը կկատարեմ... Քո անելիքը շատ ավելի էական գործ կլինի Հայ ժողովրդի համար»²:

¹Ն. Աղրայան, Ամրողական երկեր, հ. I, էջ 329:

²Ն. Աղրայան, Դասախոսություններ հայ մատենագրության մասին, Թեյրութ, 1952, էջ 17:

Ժամանակակիցները հաստատում են, որ բանաստեղծը այդպես էլ չվարժվեց գրասենյակային աշխատանքին: Աշխատակիցները դժգոհում էին նրա «չարաճիություններից»: «Աղբալյանի մոտ էի,- պատմել է մեզ Կ. Մելիք-Օհանջանյանը,- եկավ Պողոս Սոտնիկյանը (օգնականն էր) և զայրացած բողոքեց Չարենցից.

- Դուք նրան երես եք տալիս, պ. Աղբալյան, ոչ մեկի չի ենթարկվում, ոչինչ չի անում, նախարարության իրացանեց էլ դեռ չի կազմել...

Աղբալյանը մեղմորեն ժպտաց.

- Դուք խելոք մարդ եք, պ. Սոտնիկյան,- ասաց,- Չարենցը վաղը կարող է գրել մի բանաստեղծություն, որ ավելին կարծենա, քան նախարարությանդ ամբողջ փոտած գույքը... հանգիստ թողեք նրան»:

Բանաստեղծը երբեք չմոռացավ «Սիրելի նիկու Աղբալյանին»:

Չարենցի դեպքը եզակի չէր. Աղբալյանն օժտված էր առաջին իսկ ստեղծագործությամբ գրողի տաղանդը ճանաչելու և զարգացման ուղղությունը գուշակելու զարմանալի ձիրքով: «Այնպիսի մի դեբյուտ, ինչպիսին «Եռագ օրենք» է,- Լ. Շանթի առաջին վիպակի առիթով գրում է նա,- մի սկսող գրողի համար մեծ քան է... այդպես սկսողից ամենայն հավանականությամբ կարելի է սպասել ապագայում ավելի կատարյալ և գեղարվեստական երկեր»: Այդպես նա մեծ գալիք գուշակեց «սկսող գրողներ» Ավ. Խահակյանի, Վ. Տերյանի, Ստ. Զորյանի, Ժ. Հակոբյանի և ուրիշների համար:

Հայաստանի գրական ընկերության նախագահը, որ միջնադար էր միաժամանակ, կազմում է «հուսատուներից» մինչև «վաստակավոր» գրողների՝ կառավարության կողմից նպաստներ հատկացնելու մասին օրինագիծ և ներկայացնում հաստատման: Ֆինանսական

¹«Մուրճ», 1896, N 12, էջ 1605:

Աեղ վիճակում գտնվող կառավարությունը, ընդառաջելով Հովհ. Թումանյանի խնդրանքին, մի զգալի գումար հատկացրել էր արդեն՝ նպաստներ տալու համար հայ գրողներին, հրապարակախոսներին, գիտնականներին»: «Նպատակահարմար կհամարեի այս օժանդակությունը դարձնել պարբերական,- առաջարկում է մինիստրը, վաստակավորներին իբր վարձատրություն, հուսատուներին իբր խրախուս»,- նույն պայմաններով անհրաժեշտ է օժանդակել նաև հայկական բեմի վաստակավոր աշխատակիցներին և հայ նկարիչներին¹: Կառավարությունն ընդառաջեց Աղբայանի մի ուրիշ առաջարկի ևս. միջոցներ տրամադրել «հայ հեղինակների ինքնուրույն և թարգմանական երկերի հրատարակության համար»², որը օժանդակություն է ոչ միայն «հայ հեղինակներին», այլև դպրոցներին, ընթերցող հասարակությանը:

Հայտնի հրատարակչական գործիչ Մ. Էփրիկյանը 1919-ի վերջերին կամ հաջորդ տարվա սկզբներին դիմում է Աղբայանին՝ նրա «գրածները» հրատարակելու թուլլությամբ: Քննադատը, որ նախարար էր արդեն, շնորհակալությամբ ընդունում է առաջարկը և առաջին հատորի համար առանձնացնում «Մուրճ»- ում 1896-1898 թթ. տպագրած հոդվածները: «Ծնորհակալ եմ Ձեր մտադրության համար իմ գրածներս տպագրելու,- գորում է պատասխան նամակում,- ժամանակին շատերն են խորհուրդ տվել, բայց ոչ ժամանակ, ոչ հարմարություն եմ ունեցած այդ գործով զբաղվելու»: Թեև գիտի, որ բոլոր գրածները «նույնարժեք չեն», բայց քանի որ «ամեն մեկի մեջ մի միտք, մի դիտողություն, մի նկատողություն կա, որ կարող է պիտանի լինել», նպատակահարմար է գտնում ունենալ «գրվածների լրիվ ժողովածուն»: Նույ-

նիսկ առաջարկում է ձևավորման սկզբունքը՝ չմոռանալով «տարածմանը նպաստելու» պայմանները:

«Վերտառությունն այսպես արեք.

Ն. Աղբայան

Գրադատականներ

Հատ. 1-ին

(1896-1898)

Կարելի էր իբր երկրորդ խորագիր վերտառության տակ, փակագծով նշանակել այսպես՝ (Ծիրվանզադե, Ավ. Խասհիակյան, Լ. Շանթ, Վ. Փափազյան, Քահ. Շուղուրյան, Զ. Սվիֆտ, Զ. Դիկենս և այլն): Սա կարող էր հետաքրքրություն շարժել և տարածմանը նպաստել»:

Աղբայանի մարդկային նկարագրի առումով ուշագրավ են առաջարկած վարձատրության պայմանները. «Վարձրատրությունը և նրա հատուցումը որոշեցեք այնքան և այնպես, ինչպես հարմար կտեսցնեք Ձեր գործի հաջողության համար»: Խնդրում է միայն իրեն հատկացնել 15 օրինակ գիրք՝ բարեկամներին ընծայելու համար: «Նրանց գիրք կարող եք հաշվել վարձատրության մեջ, եթե այդպես է Ձեր ընդունած կարգը»: Ամեն ինչում բախմնդիր քննադատը խնդրում է հատուկ ուշադրություն դարձնել սրբագրությանը:

«Ձեի ցանկանա ինքս անփոյթ երևամ ընթերցողին, եթե հաճախ խոսել եմ ուրիշների անփութության մասին»¹:

Մի քանի էջանոց առաջարան գրելու ցանկությունը ուշացումով իրականացրեց: «Լսեցի,- գորում է երկրորդ նամակում,- Զատկից հետո մտադիր եք հավաքածուն տպագրության տալու, կուզեիք օր առաջ ունենալ նախարանս: Զբաղված լինելով՝ այսօր միայն կարողացա

¹ՀՀ. ՊԿՊԱ, ֆ. 207, գ. 1, գ. 137, թ. 126:

²Նույն տեղում, գ. 156, թ. 4:

¹ԳԱԹ, գ. Լևոնյանի ֆոնդ, 4-9, գ. 2643:

ժամանակ գտնել գրելու և ահա Աերփակ ուղարկում եմ»¹:

Աղբայլանին վիճակված չէր իր գիրքը տպագրված տեսնելու հաճույքը: Առաջարանը, գրված ընթեռնելի ձեռագրով, դեղնավուն չորս թերթիկների վրա տասնամյակներ «Աերփակ» էլ մնաց արխիվներում²:

Հայրենիքում նրա անունը տալն անգամ արգելվեց, նրա գործերի հրատարակության աշխատանքը հանձն առավ Համազգայինը, որ մինչ այժմ հրատարակել է չորս մեծադիր հատորներ, ավա՛ղ, մի այդքան նյութ էլ սպասում է իր հերթին...

Նախարարությունում աշխատանքը ընդհատվեց Մայիսյան ապստամբությամբ: Աղբայլանը գործուղվեց Կարս: Նաև նրա հոեւորական ու կազմակերպչական տաղանդին ենք պարտական, որ այստեղ ապստամբությունը կանխվեց... առանց արյունի:

Պառամենատի հունիսի 5-ի նիստում հանդես եկավ կրօստ ճառով: Զերմ ծափահարություններով բազմիցս ընդհատված ելույթը Մայիսյան ապստամբության պարտությանն էր նվիրված: Հիմնական եզրակացությունն այն էր, որ մեծամասնականները ազդեցություն չունեին ժողովրդի վրա և որ հենց ժողովուրդն էլ ճնշեց այդ ընդվզումը: Պառամենատի հիշյալ նիստի մթնոլորտը հաստատում է, որ կարմիր Ռուսաստանի հետ ուղմաքաղաքական հարաբերությունների հաստատումը առաջին հանրապետության պետական այրերի համար անհնարին իրողություն էր:

Լուրջ պատճառներ ուներ նման վերաբերմունքը:

Դժվար էր հավատալ, թե քաղաքացիական պատերազմի բոցերում տապակվող հեղափոխական Ռուսատանը կարող էր հաղթանակել այդ դժվարին պայմա-

րում: Ավելի հուսատու էին երևում կապիտալիստական աշխարհի միահամուռ օժանդակությունը վայելող և Ռուսաստանի տարբեր անկյուններից արշավող սպիտակ գեներալների հնարավորությունները:

Միջներ Մայիսյան ապստամբության հաղթանակը կարող էր այլ շրջապտույտի մեջ հայտնաբերել Կովկասի, առաջին հերթին Հայաստանի ճակատագիրը... Հայաստանի խորհրդայնացումը մայիսին այլ դեր և դիրք կապահովեր երկրին խորհրդաթուրքական «սրտառուց միության» համապատկերում: Այդ միությունը այժմ «իմաստերիալիստական» Հայաստանին կանգնեցնում է իշպատական բանվորազուղացիական խորհուրդներին հանձնելու անհրաժեշտության առջև... Հայաստանի համար շատ ավելի վատ պայմաններում:

Ովքեր լավ էին ճանաչում իրենց գաղափարական հակառակորդներին՝ հեռացան Հայաստանից: Աղբայլանը մնաց: Նա, որ հավատում էր, թե «սրածության, ավերածի և մահացության... զարհուրելի» տարիներին պիտի հաջորդեն «անդորր աշխատանքի ստեղծագործօրեր», հավատաց, թե խորհրդայնացած հզոր Ռուսաստանի հովանու տակ կարող են գալ այդ օրերը: Հավատաց և մնաց: Սուրը չթողեց գրչի մարդ դառնալ, գրիչը չթողեց՝ սրի մարդ դառնալ, խոստովանել է դառնությամբ և իրեն հատուկ համեստութամբ. հայ իրականության պարտադրանք էր դա: Միշտ երազել էր խաղաղ մի անկյուն, մի կտոր հաց ու կում մի ջուր, որը հնարավորություն կտար նվիրվելու իր հոգուն այնքան մոտ գործին: Հայրենիքի անազատ վիճակը, սակայն, նրան միում էր այլ ասպարեզ. խեղուտ էր նաև ապրուսի դժվարին բեռը: Նրան թվում էր՝ եկել է ժամանակը քաղաքական պայքարից հեռանալով՝ ամբողջովին կրթական, գրական-մշակութային վերանորոգչական իր հսկ սկսած գործին նվիրվելու: Մտադիր էր դասախոսական աշխատանքի անցնել իր հսկ շանքերով բացված համալսարա-

¹Նույն տեղում, գ. 2644

²Տե՛ս՝ Ազդակ, Բեյրութ, 1993, N 104, «Զիրատարակված գրքի Հառաշարանը»:

նում, ավարտի հասցնել գրականության ու լեզվի վերաբերյալ իր հետազոտությունները: Առաջին պահ կարծես այդպես էլ լինում է: Աղբայանի թղթերում պահպանվել է մի պայմանագիր, որով Աշոտ Հովհաննիալյանը նրան հրավիրում էր մասնակցել իրավաբանական բառարանի կազմման աշխատանքներին, իրականանում էր համալսարանում դասավանդելու երազանքը ևս: Ծուտով վրա հասած բոնությունները, սակայն, հավանաբար ստիպելու էին նրան զղալ հայրենիքում մնալու համար: 1921-ի փետրվարի 9-ին ձերբակալում են: Ավագ որդու պատմելով՝ ձերբակալողների հետ է եղել նաև... Զարենցը:

— Եկել էր, որ հայրիկին չենդացնեն, — որդիների եղբացությունն է սա:

Փետրվարյան ապստամբությունը շատերի հետ Աղբայանին էլ ազատեց կացնի դատավճնից... Տուն վերադարձ փետրվարի 18-ին, Ռուբենի ծննդյան օրը: Ականատեսները պատմում են, որ առանձնապես չեր շտապում բանտից հեռանալ. տանից բերած անկողին ուներ, թողնել չեր ուզում: Մի զինվոր օգնել է նրան բեռը տուն հասցնելու: «Բանտից նոր ելած ու ծանրապես հիվանդ՝ ես չուզեցա անմասնակից մնալ իրադարձութեանց: Ինձ ուղարկեցին Էջմիածին»¹: Գյուտ եպիսկոպոսին նվիրված հուշ-բնութագրում պատմում է Էջմիածնում անցկացրած օրերի մասին. գիշերել է Գյուտի «մժին խցում», «եկեղեցուց բերած կես-այրած մոմի նվազկոտ լուսի տակ» ինքը նարեկ է կարդացել ու Հ. Գ. Ավետիքյանի մեկնությունը, իսկ Գյուտը՝ Նալյան պատրիարքի «մեծազանգված հատորի համապատասխան հատվածը»: Միայն հիվանդությունը չէ Էջմիածին ուղարկելու պատճառը. համախոհները ըստ երևությին չներեցին 1920-ին Հայաստանում մնալու նրա վճիռը, որ, անշուշտ, քաղաքական վճիռ էր:

¹Ն. Աղբայան, Ամբողջական երկեր, հ. III, էջ 344:

Ինչու՞ նրան վիճակված չեր վայելելու թեկուզն դժվարությունների հետ տրված այս խաղաղ կյանքն ու Նարեկի ընթերցանությունը: Էջմիածնից տուն է վերադառնում ապրիլի մեկին: «... Առանց լուր ունենալու ուզմական կացության մասին, բնազդական մղումով՝ ես մեկնեցի Երևան ընտանիքիս տեսնելու խոստանալով շուտ վերադառնալ, բայց նոյն գիշերն իսկ հորդ անձրնի տակ ընդմիշտ թողի մեր աշխարհը»: Դրոն գալիս է տուն, մոր պատմածը վերապատմում է Ռուբենը, և ասում.

— Պարոն Նիկոլ, վեր կացեք, քաղաքը թողնում ենք:

Եվ թողեցին քաղաքը Աղբայանն ու Շանթը: Վերջինս, որ Աղբայանի մոտ հաճախ էր լինում, այդ գիշեր նոյնապես այստեղ էր: Հիվանդ Աղբայանը հանգստացնում էր տանեցիներին.

— Մի անհանգստացեք, ես կվերադառնամ, կանցնի մեկ-երկու տարի՝ կվերադառնամ:

Չվերադարձավ: Կյանքը օրինավոր հուն չմտավ, քաղաքական հալածանքները շարունակվում էին, վերադառնալ հնարավոր չեր: Բայց, փառք Աստծո, նամակագրություն կար, երկաթե վարագույրը դեռևս չեր քաշված երկորի սահմաններով մեկ: Նոյնիսկ խոսակցություն կար ամբողջ ընտանիքով հայրիկի մոտ գնալու մասին, բոլոր փաստաթղթերը պատրաստ էին: «Մայրիկը իրեն հազիվ տուն գցեց, — պատմում էր աղջիկը, — և ուշաթափ փովեց գետնին»:

Մեկնումը մերժել էին ամենավերջին պահին: Դա 1923-ին էր:

Աղբայանն անցավ Թավրիզ: Նրա կյանքն ու գործունեությունը նոր փուլ էր թեակոխում: Հանրային ու անձնական հոգսերից ազատ լինել և նվիրվել գի-

¹Նույն տեղում, էջ 346:

տության, սա էր Արա Ավիրական իղձը, որ այդպես էլ չիրականացավ:

- Երեխաներիս մեծացնեմ, գնալու եմ ս. Ղազար և գրադարանությամբ:

-Բա ինչո՞ւ ինձ հետ ամուսնացար,- կես-կատակ, կես-լուրջ առարկել է տիկին Հրարիփին: Դուստրը այսպես է հիշում մոր պատմածը: Ծակատագիրը նրան արտասահման նետեց, ս. Ղազարի ճամփան բաց էր, բայց նա, այդուհանդերձ, հրաժարվեց ս. Ղազարից: Դարձալ գործ շատ կար, գործադրո՞ք թի, դաշտանություն կիներ «մաքուր» գիտության Ավիրվելը...

Պարապ չնստեց, նույն եռանդով շարունակեց կրթամշակութային գործունեությունը: Բնյրութի հայագիտական բարձրագույն հիմնարկի արխիվում պահպանվող գրությունները, հիմնականում բանավոր ելույթների նշումներ և բազում սևագրեր, հաստատում են, որ 1921-ի նոյեմբերի 12-ին սկսել է հայ նոր գրականությանը Ավիրված դասախոսությունների շարք (քան դասախոսություն է կարդացել) մամուլում համեստ է գալիս դպրոցական կրթության կազմակերպման վերաբերյալ նոր առաջարկություններով: Առանձին հետաքրքրություն է ներկայացնում հետևյալը: Սփյուռքում հայապահպանության դժվարին գործը առաջին հերթին հենվում է լեզվի իմացությանը: Ուր էլ եղավ, վիթսարի ջանքեր գործադրեց դպրոցական շինարարության ուղղությամբ, ըստ որում՝ դժվարին վիճակներից դուրս գալու հետաքրքիր միջոցներ էր առաջարկում: «Հոծ գաղութներու» խնդիրը այս կամ այլ կերպ լուծվում է, ինչպես վարվել «փոքրաթիվ գաղութներու» հետ: «Այս տեսակ վայրերու մեջ կարելի չէ առանձին դպրոց պահել: Բայց կարելի է այնպես կազմակերպել գործը, որ շրջուն ուսուցիչներ նշանակվեն և վեց ամիս տեղ մը, վեց ամիս ուրիշ, մոտակա տեղ մը դասավանդություն կազմակերպեն տարրական դասընթացով անշուշտ և միացյալ բաժիններու

դրությամբ: Այս կերպ կարելի կը լա մեկ ուսուցիչով մեկն ավելի բաժիններ կառավարել և որոշ չափով օգտակար ըլլալ»¹:

1924-ին փոխադրվեց Եգիպտոս, ապրում և գործում էր Ալեքսանդրիայում:

Որութենի մոտ պահպանվել է Ալեքսանդրիայից հունակ-բացքարտ: Եգիպտոսի, գերազանցական պահպան կահիրենի գումավոր տեսարաններով բացիկներ են պահպանք, տեսարանների բացատրություններով, հայրական կարուտի գեղույններով ու հորդորներով: Աշխարհագրական փոքրիկ գրույցներ են. հեռուներում ապրող հայրիկը երեխանների համար նաև... ուսուցիչ էր: Այս նմուշներ այդ նամակներից: Բացքարտի մի երեսին լայնահուն Նեղոսն է՝ բարձր ափով: Հեռվում երևում է մզկիթը, առշնում մի արմավենի: Երեք կիս ափին են, չոր են առնում Նեղոսից, երկուսը, ջրամանները զիսներին, մոտենում են գետին: Նկարի տակ, մի մատնաշափ սպիտակ տեղում, կարդում ենք՝ «Ողջուն Նեղոսից և արմավենոց Հայաստանի լեռներին և Արաքսին»: Նամակն անթվակիր է: Մյուս երեսին կարդում ենք. «Սա վերին Եգիպտոսի մի տեսարան է:

Կահիրեից սկսած մինչև ծով տարածվում է Վարի Եգիպտոսը կամ Դելտան, որ հունարեն եռանկյունի տանի ձևն ունի, ուստի այդ տառի անունով կոչվում է դելտա: Իսկ կահիրեից վեր դեպի Սուլտան Վերին Եգիպտոսն է, ուր Նեղոսը հոսում է մի նեղ հովտի մեջ՝ երկու կողմից չոր և ժայռոտ լեռներով: Դրա համար է, որ Նեղոսի ափն այս պատկերի վրա բարձր է ջրից: Դելտայի շրջանը հարթ հավասար մի տարածություն է՝ առանց լեռ ու բլուրի: Երեկո է, ավելի շուտ մթնշաղ, երբ արևը նոր է մայր մտել և լուսինը նորած երևում է երկնքում ու մեջ արտացոլվում: Կանայք ջուր են առնում Նեղոսի

սից. մոտ է հանգստի ժամը ֆելլարի (նգիպտացի գյուղացու) համար:

Բարենք և Համբույրներ»:

Միշտ չէ, որ կարողանում էր երեխամերի մանկական ցանկությունները բավարարել:

«Սիրելի Աչիկ,

Առաջին նամակդ ստացել եմ և պատասխան եմ գրել մի սիրուն բացքարտի վրա. երկրորդն էլ հիմա ստացա. նկարածդ աղջիկը շատ հպարտ է երևում. թեր կանթել է կողքին և համարձակ նայում է հեռուն, չի տեսնում, որ ոտքի տակ մի սիրուն վարդ կա. թե՞ տեսել է, բայց չի հավանում. հուսով եմ, որ նա քեզ նման չէ. կամ որու նրա նման անուշադիր և անհավան չես: Հա, կուկլա ես ուզում, գրեցի Հրատուն մորքուրին, պատասխանեց, թե նժվար է ուղարկել. այստեղից էլ բերող չկա. ի՞նչ անեմ չգիտեմ: Սպասենք, տեսնենք, գուցե մի հնար գտնվի, որ քո ուզածն ուղարկեմ:

Այս նկարը Ալեքսանդրիայի փարոսն է. գիտե՞ս ինչ է փարոս. դա մի բարձր աշտարակ է, որի գլխին գիշեր-ները լուս են վառում, որ ծովի մեջ եղած նավերը ճամփան չկորցնեն և ափի քարափներին չդիպչեն: Իսկ այս ծովը, որ տեսնում են նկարի վրա, Միշերկրական ծովն է. ասում են «Միշերկրական», որովհետև Աֆրիկայի, Եվրոպայի և Ասիայի մեջտեղն է: Ալեքսանդրիան Աֆրիկայի ափին է, իսկ դու՞ որտեղ ես. գրիր.

Համբույր, քո Հայրիկ»

Ահա մարդկային ողբերգությունը: Հարկադրված ես ապրել հարազատներից հեռու: Անափ կարոտին միանում է փոքրիկ նվեր անգամ ուղարկելու անհնարինությունը: Հնարը կարծես թե գտնվում է: Ահա Ս. Վրացիանին գրած նամակը, ուր այդ ողբերգությունը առավել ցայտում է դրսնորվել:

«Սիրելի Սիմոն, լրագիրներից իմացա, որ Հայաստանի Կ. խաչի ներկայացուցիչները Փարիզ են հասել.

աղջիկս ինձ գրում է, թե նրանցից մեկի միջոցով ինձ համար ուղարկել է թաշկինակի (անընթեռնելի), որ իր առաջին ձեռագործն է:

Ես չգիտեմ նրանք պիտի կարենա՞ն անցնի Եգիպտոս թե ոչ, ուստի կը խնդրեմ.

1)Այս մարդուց, որի ով լինելը չգիտեմ և որ բերում է աղջկաս ձեռագործը, խնդրեմ մանրամասն տեղեկանաս մերոնց դրության մասին- ապրուստ, հագուստ, առողջություն, բնակարան և այլն, և գրես ինձ:

2) Առնես նրանից իր բերած ձեռագործը և ուղարկես ինձ, թե նրանք Եգիպտոս գալու չեն:

3) Խնդրես, որ եթե կարող է, երեխամերիս համար մի քանի նվերներ տանի իր հետ Երևան: Կարծում եմ շատ իրեր կը տանեն իրենց հետ, ուստի դժվար չի լինի մերոնց համար մի քիչ բան տանել: Եթե համաձայնեն, այն ժամանակ կը խնդրեմ իմ հաշվին գնես և ուղարկես.

ա) մի Մեքան (Շանթի երեխամերին հարցորւ, գիտեն թե ինչ է, իրենք ունեցած են): Տուփ է երկարեղեն մասերով լիքը, որ իրար կցելով՝ զանազան բաներ են շինում. կառուցողական խաղերի մարզանք է:

բ) Մի տեսակ մուրճեր կան, որոնց կոթը մետաղի տուփ է և մեջը զանազան գործիքների գլուխներ կան (խարտոց, սղոց, բիզ և այլն), սրանցից երկու հատ, սուլ չեն և թեթև են...

Մեքանները զանազան արժեք ունեն. մեկ կամ մեկ ու կես ոսկիանոցը մերոնց համար շատ բավարար է:

գ) Երեք-չորս ձեռք ջութակի և վիղունչելի լարեր և զոտաներ՝ ջութակինը բավական վարժություն ունեցողի համար, իսկ վիղունչելի զոտաները մի տարվան ուսում ունեցողին հարմար:

դ) Զրաներկի տուփեր, երեք հատ մեծ ու փոքր, վրձիններ և թուղթ, ներկերը լավ տեսակի լինեն, իսկ վրձինները երկու-երեք ձեռք:

ե) Album a colorer - թե պարզ և թե բարդ տեսակի:

Զ) Կնոշս համար գոլպամեր և ինչ որ կինդ հարմար տեսնի, բայց անպատճառ որևէ բան ուղարկես:

Ես շատ բան էի առած և մոտս են, հույս ունեի թե կարող է վստահելի մարդ պատահել և կուղարկեմ. երեք տարի է՝ առիթ չունեցա ուղարկելու: Ես դրամ չեմ ուղարկում, որովհետև չգիտեմ պիտի համաձառու լինե՞ն որևէ բան տանելու մերոնց. եթէ համաձայնեն՝ դու մի կերպ դրամ գտիր ու գնիր, հաշիվն ուղարկիր ինձ, ես անմիջապես կը փոխադրեմ քեզ:

Հուսով եմ թե կհասկանաս վիճակս և ամեն չանք կը թափես հաջողացնելու նրանց համաձայնությունը և հիշած իրեն առնելով՝ կուղարկես մերոնց: Բացի իմ հիշածներից, ինչ որ կարողանաս և հարմար տեսնես ուղարկել երեխաներիս ու կնոշս՝ գնիր և ուղարկիր:

Կնոշդ ու ընկերներին սիրալիր բարևներ. բարևում են Շանթը և Սաշա Մարգարյանց, որ նույնպես մեր վարժարանում պաշտոն ունի:

Սպասում եմ նամակիս պատասխանին և այս ձեռնարկության բարի լուրին:

Քո Նիկո

Գուցե իմ գնածներից մի երկու բան կարողանամ ուղարկել քո հասցեով: Արտանկարելու շատ լավ տեսրակներ կան. կարող ես սրանցից ևս ընտրել և ուղարկել»:

Կատարե՞ց սիրելի Սիմոնը այս խնդրանքը, Կ. խաչի ներկայացուցիչները համաձայնեցի՞ն ընկերները տանել քաղաքական վտարանդիի երեխաների համար, համանման այլ հարցեր մնում են՝ անպատասխան:

Հասկանալիորեն դժվար էր տանում հայրենի եզերքի ու հարազատների կարուր: Հուշի մի պատահի տեսանելի է դարձնում այդ կարուր: «Շատ ատեն հավաքութներուն պ. Աղքալյանը շատ դարդուտ երկու կարուրի երգ ուներ. ծխիկը վառած կերգեր ու արցունքները կհոսեին այտերեն վար, իրենքները հիշելով...

Ասում ես դիմացիր,
ես ոնց դիմանամ,
Թղթիկ մ'ալ չես գրում
Դարդերդ իմանամ»¹:

Հոգեկան տվայտանքներն ու նյութական դժվարությունները, սակայն, չէին ընկնում նրան: Ամբողջովին ավիրվում է հայապահպանության գործին:

Առաջնահերթ խնդիրը օտար ափերում հայի ազգային դիմագիծը պահպանելուն սատար կանգնելն է: Ամեն գնով, մասնավորաբար լեզվին ու կրոնին հավատարմությամբ, խաթարումից զերծ պահել ազգային դիմագիծը՝ մինչև հասնի հայրենիքում համխմբվելու երջանիկ պահը: Անվերապահորեն հավատում էր դրա հնարավորությանը: «Երբ մեր հայրենիքը ազատվի, ի՞նչ պիտի տանիքը մեզի հետ,- նոր տարվա առթիվ ելույթներից մեկում հարցնում է հրապարակախոսը,- պետք է հայությունը աշխատի, որ երբ Հայաստանի ազատության գանգը հնչե, իր հետ տաճի իր հոգեկան ու մտավոր գանգը մնչե, իր հետ տաճի իր հոգեկան ու մտավոր հարստությունը: Պետք է հավաքվինք մեր իդեալներուն շուրջ, որոնք մեր դեմքը կպահեն հոս...»²:

Դեմքը պահելու կովանները կրթությունն ու մշակույթն են: «Ի՞նչ պետք է ընենք առաջիկային» (ելույթներից մեկի վերնագիրն է): Հոետորական հարցում չերսա նրա համար, ամբողջական մի ծրագիր է առաջարում՝ հյութականի համար ամենօրյա պայքարում մոռացության չտալ հոգնորը՝ «ազգային դաստիարակությունից» ու «կրթական գործի» կազմակերպումից մինչև հայագիտության զարգացում, ընդհանրապես մշակութային գործունեություն: Այսպես, ահա, յին համակողմանի գործունեություն:

¹Ալեքսանդրիայի Պողոսյան վարժարանի աշակերտներից Մարի Միհիքարյան Սերյանի նամակից ուղղված «Աղքալյան քույրեղայրներին» (Ըուրենի տրամադրած թղթերից):
²Ն. Աղքալյան, Ամբողջական երկեր, հ. III, էջ 375:

ծնունդ է առնում Համագգային հայ կրթական և մշակութային միություն ստեղծելու գաղափարը, որ շուտով իրականացվեց մի խումբ նվիրյալների շանքերով:

Նման մի գործում մեծ կլիմեր «ազատ, խաղաղ և պահով Հայաստանի մը»¹ օգնությունը: Բայց, ավաղ, հեռու է այդ օրը, մնում է հույսը սեփական ուժերի վրա դնել: Այդպես էլ եղավ: Ստեղծվեց միությունը, որ վիթխարի ծառայություններ մատուցեց ու շարունակում է մատուցել աշխարհի ծայրերում սփոված հայության ազգային դիմագիծը պահպանելու գործին:

Հայապահպանությանը բերած նպաստը պետք է դառնար մեկը այն չափանիշներից, որոնցով գնահատում էր հասարակական, գրական-մշակութային գործիչներին ու երևույթները («Մտածումներ ազգի և դպանամքի մասին», «Տարեկից», «Ես ծեր եմ արդեն և ասում եմ երիտասարդ հոգիներուն» հոդվածները, Բ. - Կանաչյանի «քառասնամյա հորելյանի» առթիվ ուղերձը, հայ մշակութի արմատների ու ավանդույթների մասին դասախոսությունը և այլ ելույթներ): Այլադավանության խնդիրը քննելով «գաղթաշխարհում» հայ ապրելու գերագույն ճիգի տեսանկյունից, անվանի հրապարակախոսը հատուկ ընդգծում էր. «Կրոնը մարդու կապն է իր Աստծո հետ, իսկ ազգությունը մարդու կապն է իր հայրենիքի և մշակութի հետ»²: Դավանանքները կարող են մեկից ավելի լինել, մինչդեռ ազգությունը մեկն է: Սեփական հոգին փրկելու ձգուումը չպետք է խոտորնակի ընթանա ազգի միասնությունը պահպանելու, ազգը փրկելու ձգուումն: Օտար երկինքների տակ և օտար մշակույթների գրկում հայ մնալու, հայ ապրելու, սերունդը հայ պահելու ուժգին գացումն է, որպիտի համախըմբի զանգվածներին, որովհետև անհատների ճիգերը, որ-

քան էլ գովելի, դատապարտված են փլուզման: «Միայն միատեսակ տես ու կամք ստեղծելով զանգվածների մեջ կարելի է կղզիացած հայություն պահել օտար ազգերի ծովերում»³: Այս նպատակի իրականացման գորավոր միջոցը հայոց լեզուն է: «Այլադավան հայերի համար հայոց լեզուն բավական կապ է իր ազգությունը պահելու համար. ուստի անհրաժեշտ է, որ նրանց կրթությունը և պաշտամունքը հայոց լեզով կատարվին»⁴: Ուժացման ահուելի վտանգի հանդեպ հուսալի կահան կարող է լինել նաև հայ երգը, հայ մշակույթը: «Ոչինչ կարող էր միացնել կոտորակված հայությունը, - Բարսեղ Կանաչյանին հղած ուղերձում խոստովանում է Աղբալյանը, - քան միկնույն հայ երգը, որ ներդաշնում է բազմազան ոգիներ և միապես հուզում է այլամետ սրտեր»⁵:

Հայրենիքի և գաղթաշխարհի սերտ կապերի ստեղծումը, փոխադարձ ազդեցությունները, շփումները հուզում էին Աղբալյանին: Ցանկանած մենք, թե ոչ, պատմությունը հայերին երկու մեծ մասերի է բաժանել՝ «դուրսի և ներսի»: Հեռավորությունն ու տարաբնույթ սահմանները չպետք է խանգարեն համատեղ ու ներդաշնակ ազգայնանկեր գործունեությանը, որովհետև «Դրսի և ներսի Հայությունը նույն մշակույթի ժառանգներն են և նույն անցյալի զավակները. պատմականորեն լինելով ժառանգակից՝ գործնապես ու ներկայիս պետք է լինին գործակից և միասնաբար պահեն ու շահեցնեն հանուր ժառանգությունը»⁶: Այնուամենայնիվ «նորաշինավոր» հայրենիքն է ոչ միայն ազգային ինքնատիպ նրբեասի ներշնչանքը, այլև «հայեցի հոգով և հայաշունչ գործով» հայտնի արվեստագետների հանգրվանը: Ահա թե ինչու Բ. Կանաչյանի հորելյանին հղած ուղերձում հետևյալ

¹Նույն տեղում, էջ 360:

²Նույն տեղում, էջ 3:

³«Ազդարար», Բեյրութ, 8-ը հունիսի, 1946, էջ 5:

⁴«Ազդարար», Բեյրութ, 30-ը նոյեմբերի, 1946, էջ 3:

¹Նույն տեղում, էջ 360:

²«Վեմ», Փարիզ, 1938, իր, էջ 5:

ցանկությունն է հայտնում. «Իցիվ թե այս փառաշուր հանդեսի արձագանքը հասնի Հայաստան և դու, բարեկամ, հրավիրվիս ապրելու այնտեղ, որի մեծարժեք քաղաքացին ես արդեն քո հայեցի հոգով և հայաշունչ գործով: Այն ժամանակ այս փառաշուր հանդեսը կդառնար մի համեստ նախատոնակ այն մեծաշուր հանդեսի, որ կկազմակերպեր Հայաստանի երաժշտական աշխարհը հայ երգի և դաշնակության վարպետի պատվին: Ամեն, եղիցի, եղիցի»¹:

«Օտար ազգերի ծովերում» հայության բեկորները հայ պահելու համար ոչ միայն ազգային ինքնատիպ մշակույթ պետք է ունենալ և փարած լինել հայոց լեզվի ամենազոր օգնությանը, այլև պետք է կարողանալ վեր բարձրանալ «հացի խնդրի» ու վայելքների տեսչերից և կյանքը ապրել «ոգեկան վերելքի համար», որ նշանակում է գործունեության ելակետ ունենալ ժողովողի ու հայրենիքի ապագան: «Ես ծեր եմ արդեն և ասում եմ երիտասարդ հոգիներուն». «Ռւտող ու վայելող երկոտանու վիճակից վերանալ դեպի մարդը սավանող, այս պետք է լինի երիտասարդության հոգն ու ճիզը, որովհետև այս է նրա կոչումը տիեզերքի մեջ»²:

Հայագիտությունը նրա հիմնական սերն էր, որին միշտ անդավաճան մնաց: Մեծ նվիրումով հայոց լեզու և գրականություն դասավանդեց դպրոցներում ու կոլեջներում, առանց հոգնելու տարաբերույթ դահլիճներում անհաշիվ ելույթներ ունեցավ հայ գրականության բոլոր շրջանների վերաբերյալ անխտիր, գրեց բազմաթիվ հոդվածներ, գրախոսականներ, «ռեպիկներ»: Հրատարակեց գիտական լուրջ արժեք ներկայացնող հետազոտություններ ու մենագրություններ: Հայտնի է նրա տևական հետաքրքրությունը Սայաթ-Նովայի անձի ու ստեղ-

ծագործության հանդեպ: Դարակզրին աշակցելով մեծ սիրահարի ու հումանիստի ժառանգությունը մասսայականացնելու ուղղությամբ Հովհ. Թումանյանի շանքերին, արտասահմանում սկսեց, ավաղ, ավարտի չհասցնելով, նրա ստեղծագործության համակողմանի քննությունը, իր տեսակի մեջ բանասիրական եզակի մի աշխատանք, որտեղ գրմանալի ներդաշնակությամբ դրսնորվում են Աղբայլանի գրականագիտական, լեզվաբանական, ազգագրական, բանասիրական կարողությունները: Ամփոփելով տարիների իր հետազոտությունները՝ դասախությունների շարք կարդաց հայ գրականության հազարամյա ուղու վերաբերյալ: Այս նյութերի հիման վրա 1944-ին Բեյրութում լուս տեսավ «Պատմություն հայոց գրականության» ուշագրավ գիրքը: Այսօր անգամ իր հետաքրքրությունը չի կորցրել 1937-1938 թթ. հրատարակած «Բանասերի հուշագիրը» պրակների շարքը, ուր զետեղված են հայոց ձայնավորների ու բաղաձայնների մասին զննումները, մի շարք ստուգաբանություններ (բազմաթիվ ստուգաբանություններ ցրված են պարբերական մամուլի էջերում): Պրակները լուս տեսան ընկերների, բարեկամների, սակավ ընթերցողների նվիրատվություններով: Ավելորդ է ասել,- լեզվասեր բարեկամներիս և ընկերներիս ուղերձում զգուշացնում է հեղինակը,- թե աշխատանքին համար ոչ մեկ դրամ կհանվի այդ գումարից (Զվիրատվություններից. - Գ. Ա.): Հրատարակված պրակների ամբողջ պահեստն ու մնացորդը պիտի մնա Համազգային ընկերության»¹: «Հուշագիրը» մի մասն էր հայոց լեզվի մասին այն գրքի, որ տարիների ընթացքում մտքում փայփայել էր բանասերը: «Տարիներս անցած են,- փոքրիկ առաջարանում ցավով հիշում է նա,- մտավորական երկարատև ճիզը հոգնություն է բերած և հին ու օտար լեզուների

¹ «Ազդարար», Բեյրութ, 1946, 8-ը հունիսի, էջ 8:

² «Ազդարար» Բեյրութ, 1945, 29-ը դեկտեմբերի, N165:

¹ Ն. Աղբայլան, Բանասերի հուշագիրը, պր. Ա., Բեյրութ, 1937, էջ 19:

անագան ծանոթությունս կասեցնում է վատահությունս»: Բայց քանի որ տարիների ընթացքում «տաշած եմ քարեր և հավաքած եմ ատաղձ», ուստի անհրաժեշտ եմ համարում հրատարակել դրանք, խնդրելով գալիք բանաերներից, ովքեր կօգտվեն այդ նյութերից, «չմոռան հիշատակել հավաքողին»¹: «Չմոռանան հիշատակել հավաքողին»... Դժվար տարիներին մոռացանք հիշել «հավաքողին» և ոչ միայն նրան:

Մեծ հայր մահկանացուն կճեց 1947-ին, «նորաշինվող» հայրենիքի անափ կարոտը սրտում: Որքան բնորոշ է Խահիակյանի 70-ամյա հորելյանի առիթով այս խոստովանությունը. «Թույլ տվեք հիմա անձնական տենչանք մը արտահայտեմ, որ հուսամ թե նաև ձերն ըլլա: Կուզեի, որ հիմա գարուն լիներ, ապրիլ, և մենք նստած ըլլայինք Ավ. Խահիակյանի հայրենի գուոյին մեջ, Ախուրյանի ափին: Բայց ոչ: Նախ Արքսի ափը տղմոտ է և հետո դիմացը դարձյալ նոյն տաճիկն է՝ կլափն արյունոտ: Լինեինք Երևան, Հրազդանի ափին (այս գետը մերն է ծայրենայր): Գետեն ձուկ լիներ հանած, խաշած ու դրած սեղանին. լիներ Երևանի թունդ գինին: Զունաչին Ավ. Խահիակյանի երգերից մեկը նվազեր նեյի վրա և թմրկահարը մատերի հարվածով ընկերանար նվազին: Լցնեինք բաժակներն ու կանչեինք. «Ավո ջան, քու կենացը, շատ ապրես հայոց ազգի համար, երգդ անսապա, հասար մուրագիդ: Բայց... հասա՞վ արդյոք: Հիսուն տարի առաջ, երբ մենք երիտասարդ էինք, Հայաստան ըսելով մեր մտքեն բնավ չեր անցներ Երևան ու Սևան: Մեր միտքը կթոչեր Կարին, Մուշ ու Վան»²:

ՔԵՆԱԴԱԾԸ

1

Լայն են Աղբայան-քննադատի հետաքրքրության շրջանակները: Նրա որոնող միտքը թևածում է հայգրականության բոլոր դարերում ժողովրդական բանահյուսությունից մինչև ընթացիկ գեղարվեստական զարգացում: Գրականության պատմաբանը, գրական քննադատն ու տեսաբանը հաճելի ներդաշնակություն են կազմում նրա կերպարում: Տեսության խնդիրների շուրջ հոդվածներ չեն գրել, բայց նրա աշխատանքները ոչ միայն գրված են ժամանակի տեսական մտքի նվաճումների հաշառումով, այլև հագեցած են տեսությամբ:

Նաև հարուստ է նրա գրական - քննադատական ժառանգությունը: Զարմանալի մի անփութությամբ չի մտածել գրածը հավաքելու և հրատարակելու մասին: Միակ փորձը անկատար մնաց. հայտնի հրատարակիչ Մ. Էփրիկյանը պատրաստվում էր հրատարակել նրա գրադատականները, բայց խորհրդային կարգերի հաստատումը կանխեց գրքի հրապարակ գալը: Վերակառուցման տարիներին հնարավոր եղավ պլանավորել երկերի եռահատոր հրատարակություն, այս անգամ էլ երրորդ հանրապետության ծնունդը խափանեց տպագրությունը: Առաջին հերթին հասարակական գործունեությամբ գրադատությանը պարտադրանքով պայմանավորված այս «անփութությունը» տեղիք է տվել անհիմն պնդումների, թե օժտված քննադատի կարողություններն ու ստեղծած անհամեմատելի են: Սա դեռ ոչինչ, կարծիք է հայտնվել, թե նա ընդամենը տաղանդավոր «սիրող» էր... Եվ սա ասվում է մի քննադատի մասին, որի հոդվածներն ու ուսումնասիրությունները ստվար հատորներ կարող են կազմել, որի «գրադատականները» և հետեւ

¹ Սույն տեղում, էջ 1:

² Ազգարար, Բեյրութ, 1946, N171:

տազոտությունները հայ գրականության գրեթե բոլոր նշանավոր և գրական նշանակալից երևույթների վերաբերյալ այսօր իսկ պահպանում են իրենց գիտական արժեքը:

Ահա այսպիսի բեղուն և երկարակյաց «սիրող»...

Ավելացրեք սրան հայոց լեզվին նվիրած լեզվաբանական ուսումնասիրություններն ու աշխատությունները, որոնց մի փոքր մասն է միայն հրատարակել «Բանաերի հուշատետրի» պրակեներում, մեր պատմության ու մշակույթի բազմաթիվ առանցքային խնդիրների լուսաբանումներն ու կոհանումները, և ձեր առջև կհառնի համակողմանի հետաքրքրությունների տեր և բեղուն դասականը:

Դարասկզբին գրական քննադատությունը բուռն զարգացում ունեցավ: Աղբայանը նշում է դրա մի քանի պատճառներ՝ գրերի գյուտի և տպագրության հորելյանին նվիրված հանդեսներ, առավելապես՝ Կովկասի հայ գրողների ընկերության՝ պարբերաբար կազմակերպվող և խիստ մարդաշատ երեկովյանները: «Ոչ մի ժամանակ մեզանում այնքան գրական գնահատականներ, քննադատություններ չեն եղած, ինչպես մեր օրերում»¹: Որակական նոր աստիճանը բնութագրվում է ոչ միայն «պատմական հոլովովթի» մեջ անցյալ ու ներկա հետինականների նորովի մեկնարաբանությամբ, գեղարվեստական զարգացման շրջանների իմաստավորման ձգտումով, այլև հասարակական գիտակցության մյուս ձևերի վրա որոշակիորեն ներգործելու փաստով: Գրական քննադատությունը, այսպիսով, իր վրա է առնում հասարակական միտքը արթնացնելու դերը: Նա ժամանակակցի հայացքը բնեուում է ոչ միայն գրական, այլև «կյանքի հարուցած երևովյաններին» ու խնդիրներին: Այս ամենը խթանում են ազգային ինքնագիտակցության արթնացումը:

¹Հորիզոն, 1913, N 35:

Մի ուրիշ աղիթով ընդգծում էր գրականության պատմությանը, ընթացիկ քննադատությանն ու գրականության տեսությանը զարկ տալու, այլ ժողովորդների գրականություններին ծանոթանալու անհրաժեշտությունը: Առանձին մեծարժեք գործերի հետ միասին պետք է թարգմանաբար տպագրել նաև «գրականության պատմություններ...» և գրական երկերի վերլուծություններ: Ծատ օգտակար կիմնեին նաև համառոտ, բայց հմտալից տեսություններ օտար գրական հոսանքների մասին»²: Հետաքրքիր է, որ նրա հայացքը կանգ է առնում Բրանդեսի և Կոգանի աշխատությունների վրա, որոնց թարգմանությունները «նոր աշխարհ կրանային հայ ընթերցողի առաջ»: «Գրականություն, գրականության պատմություն և գրական-քննադատություն, այսպիսով կլրացնեին իրար և... կրարձրացնեին մեր գրական կրթության մակերևույթը»²:

Աղբայանը ներկայացուցիչն էր մի սերնդի, որի բարոյականությունը հենվում է առաջադրած խնդիրները կյանքում անձնական օրինակով իրագործելու անհրաժեշտությանը: Ապացուցներից մեկն էլ այն, որ թարգմանեց «Փոխառությունը գրականության մեջ» (Հորիզոն, 1914, N 56), «Հնդիկ հմաստասիրության գանձարանից» (Հորիզոն, 1914, N 75) հոդվածները, նմուշներ համաշխարհային գրականությունից ու նրանց մասին հոդվածներ՝ Ա. Ֆրանսի «Երեք դար ու կես հետո» (Հորիզոն, 1913, Առ. 66), «Շեքսափը և Սերվանտես» (Հորիզոն, 1916, N 95), «Սըր Ջոն Ֆալստաֆը և Դոն Կիխոտ Լամանչեցին» (Հորիզոն, 1916, N N 92, 98):

Գրականությունն ու քննադատությունը նրա համար ժողովրդի ազատագրության մեծ նպատակին ծառայելու եղանակներ էին, հանգամանք, որ սրում էր նրա ուշադ-

¹Հորիզոն 1912, N 238:

²Նույն տեղում:

րությունը հատկապես այնպիսի գրական երևույթների նկատմամբ, որոնք խտացնում էին անձնազոհությունը, անմնացորդ նվիրումը, ազատության ու ճշմարտության համար նահատակությունը։ Ծապոնական գրականությունից մի թարգմանություն, ուր հերոսը սեփական երեխային զոհում է... տիրոջ երեխային փրկելու համար, նրան գրավում է «առողջ հոգեբանության, երկաթե հավատարմության, ամբողջական բնավորության և աներեր վճռականության համար, որը հարկադրում է մարդուն թողնել ամեն ինչ և գնալ պարտականության ձայնի ետևից»¹: 1900-1910-ական թվականներին նրա հոդվածների համար սկզբունքային ելակետ է ծառայել սա: Շատ բնորոշ է, ահա, Լև Տոլստոյի օրինակը: Նշելով հանդերձ այն անպարփակելի մեծությունը, որ կոչվում է Տոլստոյ, մասնավորապես շեշտում է. «Պետք է լինել նրա պես ճշմարտության ծարավի, կյանքի իմաստը որոնող և մեզ համար ամենաթանկ բանն այս աշխարհում ճշմարտության համար զոհաբերող»²:

Աղքայանն ստեղծել է ամբողջական մի համակարգ, որն ունի իր ուղղությունը, ներքին օրինաչափությունները, գեղարվեստական զարգացման օրինաշափությունների վերլուծության ու գրական փաստերի գնահատության իր հետևողական մեթոդը:

Նա մեծապես նպաստեց քննադատության մեջ գիտական չափանիշների արմատավորմանը: Իսկական քննադատության առաջին պայմանը, ըստ նրա, անհերքելի ապացուցն է. «Պիտի փաստերով երևան գալ և ոչ խոսքերով»: Սա նաև ապահով պնդում չէր, այլ սկզբունք, որ քննադատը հաստատում էր ամենօրյա փորձով: Բարձր գնահատելով իսահակյանի առաջին ժողովածուն՝ նրա քննադատությունը ինչպես բովանդակության, այն-

պես էլ ձևի տեսակետից անհասարեալ էր համարում մեր գրականության մեջ: Ուն Հ. Շահնազարյան առարկում է նրան՝ պարզապես հայտարարելով, թե, իբր, երիտասարդ բանաստեղծը ձևի և «տենդենցիայի, գաղափարների» տեսանկյունից կրկնում է այն «մի շարք բանաստեղծներ (ին), որոնք իսահակյանից առաջ են երևացել մեր գրականության հորիզոնի վրա»: Ոչ մի համեմատություն, ոչ մի անուն, ոչ մի փաստ: Այսպիսի քննադատությունը համարելով «անպտուղ» գրում է. «Ի՞նչն է մեր հանցանքը. որ ասել ենք, թե իսահակյանը... եղածներից ոչ ոքի նման չէ»: Այն ժամանակ թող մեզ առարկողն ապացուցի, թե նա մեր «մի շարք բանաստեղծներից» այսինչի նման է... Կարդացինք: Որ ի՞նչ. ներքվեց մեր պնդումը, թե Ավ. Իսահակյանը ինքնուրույն գրող է. ամեննեն: Խոսքեր ասվեցին և հեգնախան զարմանք արտահայտվեց. բայց խոսքերն ու զարմանքն ապացուց են: Այդպես առարկելն ու հերքելը շատ հեշտ է ու շատ էլ սովորական. բայց և անօգուտ է և ուսանելի չէ...»: Պետք է «մեկնել հեղինակի գործերը... Վերլուծել, համադրել, բնորոշել տաղանդի հատկությունները և նրա արգասիքը»¹:

Ե. պատրիարք Դուրյանի «Ամբողջական երկերի» ընդարձակ գրախոսականում հատուկ շեշտում է, որ ապացուցել, գիտական աշխատանք կատարել, նշանակում է տվյալ հյութի, առարկայի շուրջը ունենալ որոշակի ըմբռնում, հայացք և այդ ըմբռնումն ու հայացքը շարադրելու որոշակի եղանակ: «Գիտությն գիտուն դարձնում է գիտական մտածումն ու մեթոդը», - հակիրճ ու ճիշտ ձևակերպում է նա իր միտքը²: Մինչեւ «հայոց գրականության մեջ արմատացած է ճարտասանական մտայնություն, որ աշխատում է ոճով ու ոլորուն գրել

¹Հորիզոն, 1913, N 155:

²Զանգակ, 1908, N 46:

¹Ն. Աղքայան, Ամբողջական երկեր, հ. I, էջ 287:

²Նույն տեղում, էջ 434:

առանց հոգալու մտածումների պայմառության, կարծիքների հիմնավորման, դատումների և գաղափարների ճշգրիտ բանաձևումի մասին։ Նրան խորթ է գիտական ուղին։ Նա հետամուտ է բառերի ներդաշնակ հնչումին, պարբերությանց ախորժ թափառումին, առանց անդրադարձնալու, որ հստակ ու որոշ գաղափարների տրամաբանական ներդաշնակության մեջ է դատողական ոճի գեղեցկությունը։ Սա մի չարիք է, ինչպես չարիք են ախորժելի արբեցուցիչները։ Բառ ու պարբերություն շոյում են ականջը ու թմրացնում միտքը։ Սառն ու չոր դատումները խոցում են այդ մտայնության տերերի նրագգացությունը, որ սիրում է անորոշի ու անծիրի շոյի ոլորտը»¹։

Նրա քննադատական գործումներությունը իր իսկ առաջարած տեսական-մեթոդաբանական սկզբունքի կիրառությունը եղավ։

Նկատված է, որ «Ն. Աղբալյանի գրականագիտական ըմբռնումները ձևավորվեցին տարբեր գաղափարական գործումների ազդեցության տակ, բայց հիմնականը Օ. Կոնտի պողիտիվիստական իմաստասիրությունն էր և Հ. Տեղի ու Ա. Պիափինի կովտուրա-պատմական ուսմունքը... Որոշակի է նաև ոռուական դեմոկրատական քննադատության, արվեստի ժողովրդայնության և քաղաքացիականության սկզբունքների ազդեցությունը Աղբալյանի հայացքների վրա...»²։ Իսկապես, Աղբալյան-քննադատի հայացքներն ակնհայտորեն ձևավորվել են ոռուական առաջադիմական գրականության ու քննադատության բարերար ազդեցությամբ։ Դա խոստովանել է նաև ինքը։

Ավ. Խարհակյանի «Երգեր ու վերքեր» ժողովածովի կապացությամբ գրած հոդվածում, ինչպես նաև այլ առիթներով գրականության ժողովրդայնության հարցը քննելիս, նա ուղղակիորեն ենում է ոուս հեղափոխական դեմոկրատների, մասնավորապես Վ. Բելինսկու տեսական սկզբունքներից։ Անշուշտ, Աղբալյանը չի հասում գրականության ժողովրդայնության և գրողի դեմոկրատական աշխարհայացքի անմիջական կապի հիմնական գաղափարին։ Բայց ժողովրդայնությունը՝ իրու ստեղծագործության ազգային ինքնատիպության և գրողի անհատական անկրկնելիության կարևոր ցուցանիշը, դիտում ու մեկնաբանում է բելինսկիական դիրքերից։

Աղբալյանի քննադատական ժառանգությունը դիտարկելով առավելապես կուտուր-պատմական դպրոցի շրջանակներում՝ անհրաժեշտ է հենց սկզբից նկատի ունենալ մի էական հանգամանք։ Հայտնի է, որ այդ դպրոցի ներկայացուցիչները հասարակական կյանքի և գրականության կապը քննում էին վերջինիս յուրահատկությունների անտեսմամբ, շրջանելով անցման բազմաթիվ օղակները՝ կենսական փաստի և դրա գեղարվեստական համարժեքի միջև։ Ընդունելով հանդերձ գեղարվեստական գրականության՝ իրու մտածողության տեսակի, յուրահատկությունները, չմերժելով գրականության զարգացման ներքին օրինաչափությունների գոյությունը, այնուամենայնիվ ուշադրություն չէին դարձնում այդ յուրահատկությունների ու օրինաչափությունների բացահայտմանը։ Նրանց համար ոչ թե հասարակության պատմությունն է հիմք՝ գրական երևույթների մեկնաբանման համար, այլ՝ հակառակը։

«Огромная, четырехтомная "История русской литературы", действительно, прежде всего излагала пипинскую концепцию русской истории и истории русской культуры, она переполнена сведениями по

¹ Նույն տեղում, էջ 444-445:

² «Հայ նոր գրականության պատմություն», հ. V, Երևան, 1979, էջ 163։

истории русского просвещения, науки, книг, публицистики, истории религии и церкви»¹.

Այս ծայրահեղությունը Աղբայանի մոտ մասնակի քացառություններով դրսկորվեց: «Սվիֆտ Չուաթան, «Գոլիվերի ճանապարհորդությունը» հոդվածում, օրինակ, ոչ այնքան մեծ երգիծաբանի երկն է վերլուծում, որքան նրա միջոցով ներկայացնում է նկարագրվող ժամանակաշրջանի Անգլիայի իրականությունը: Բնորոշը նրա առաջին հոդվածների համար գրականության՝ իբրև մտածողության եղանակի, հարաբերական ինքնուրուցնության, գիտակցության մյուս ձևերից սկզբունքային տարրերության ընդգծումն է, այդ տարրերությունները քացահայտելու ձգտումը:

Երկի գեղարվեստական խնդիրներին մեզանում թերևս ոչ ոք այնքան ուշադրություն չի դարձել, որքան Աղբայանը: Այս հանգամանքը նրան զգալիորեն հեռացնում է կոլտուր-պատմական դպրոցից և մերձեցնում ուսաւկան դեմոկրատական քննադատությանը, առաջին հերթին Վ. Բելինսկու գեղագիտությանը: 1900-1910-ական թվականների նրա լավագույն հոդվածները արդեն չեն տեղափորվում կոլտուր-պատմական դպրոցի շրջանակներում. դրանք հիշեցնում են ուսու գրականության դասական արժեքների բելինսկիական վերլուծությունները: Հետաքրքիր է, որ Թումանյանի «Վերնատանը» նրան ուղղակի «հայկական Բելինսկի» էին անվանում:

Աղբայանը լավ գիտեր ոչ միայն Հ. Տեմի «Եռանդամ բանաձեռ», այլև նրա ժառանգությունը. «Русское богоатство» -ի 1897 թ. 4-րդ համարի մի հոդվածի առումով այսպիսի հշում է կատարում. «1-ին գլուխը Դեֆոյի, Սվիֆտի և <Յունյուսի> մասին, կարծես Տեմի գրքի»:

Խորապես գիտակցում էր նաև, թե ինչպիսի մեթոդական սխալի կարող է հանգեցնել այդ բանաձեռի ուղղագիծ կիրառությունը քննադատության մեջ: 1913-ին գրախոսելով Լ. Շանթին նվիրված մի գրքով՝ գրում է. «Հետևելով Հ. Տեմի եռանդամ բանաձեռին, ըստ որում մի հեղինակի երկերը հասկանալու համար պետք է նկատի առնել ցեղը, որին պատկանում է նա, միջավայրը, ուր ապրել է, և ժամանակը, երբ երևացել են նրա երկերը... հեղինակն այդ տեսությունը գործադրում է... մի էջի մեջ: Շանթը պատկանում է հայ ցեղին... Շանթն ապրել է Կովկաս ու Պոլիս: Նա ստեղծագործել է վերջին 20-25 տարիների ընթացքում:

Այսպիսով, Տեմի ասած «ցեղը» այստեղ դառնում է մի պարզ հիշատակություն, «միջավայրը»՝ աշխարհագրական անուններ, իսկ «ժամանակը՝ տարիների սահմանում»¹: Աղբայանը ելնում էր սեփական քննադատական փորձից: Դեռևս երկու տասնամյակ առաջ այդ մեթոդն ինքը հաջողությամբ կիրառել էր նույն Լ. Շանթի «Երազ օրեր» վիպակին նվիրված ընդարձակ հոդվածում: Գլխավոր հերոսների մասին խոսելիս, օրինակ, նա հատուկ ուշադրություն է դարձնում այն միջավայրին, որ նրանք ձևավորվել են: Նրանց հոգեբանության ու գործելակերպի բոլոր հիմնական որոշիչները քննադատը ձգտում է բացատրել շրջապատող ընտանեկան, դպրոցական, հասարակական մթնոլորտով: Նկատելով, որ «Վարդուին» բուն հայ հասարակությունից ու երկրից օտարացած մի շրջանի զավակ է... Այդ շրջանը այնպիսի շրջան չէ, որի զավակները ցանկալի ուղղության ու մտքերի տեր լինեն»², այնուհետև մանրամասնորեն գծում է այդ միջավայրի պատկերը, բացում ազգային ու հասարակական կյանքի նկատմամբ հերոսուինու ան-

¹Ն. Աղբայան, Ամբողջական երկեր, հ. II, էջ 31-32:

²«Մուրճ», 1896, N 12, էջ 1608:

տարբերության, բարդական սնանկության, «լայն և հանրաշահ իդեալներից զորկ» լինելու հասարակական հիմքը: Սխալված չենք լինի, եթե ասենք, որ Վարդուհուն ծնած ու սնած միջավայրի պատկերը Աղբալյանի գրախոսականում շատ ավելի ամբողջական է, քան Շանթի «վեպիկում», քննադատը շատ ավելին է տեսնում, քան Ակարագրել է գրողը:

Մյուս հերոսներին բնութագրելիս ևս քննադատն ընդգծում է նրանց սոցիալական ծագման, շրջապատի դերը՝ լայնացնելով արձակագրի նկատածն ու «մակարերելով» շնկատածը:

Կոլտուր-պատմական դպրոցի այս սկզբունքը Աղբալյանը հաջողությամբ կիրառել է նաև Սայաթ-Նովայի տաղերի մեկնաբանության մեջ: «Մի քանի հարմարությունների» շարքում, որոնք արդարացնում են Սայաթ-Նովայի ստեղծագործությամբ զբաղվելու իր «հանդգնությունը», նա առաջին հերթին նշում է «համակովկասյան» դեմքի ապրած միջավայրի խոր իմացությունը. «Ես ծնած ու մեծացած եմ նույն այն քաղաքի - Թիֆլիս- և նույն այն թաղի մեջ- Հավլաբար, ուր ծնած և ապրած է Սայաթ-Նովան... Իմ մանկության շրջանին Թիֆլիսը դեռ պահում էր շատ հին հետքեր անցյալ շրջանից և իմ տեսած նիստ ու կացը չէր հեռացած արքայական շրջանի Թիֆլիսի կյանքից... ժողովորի կյանքը նոր միայն սկսած էր փոխվիլ և նիստ ու կացը դեռ շատ հնամենի էր»¹: Այնուհետև շատ մանրամասն և ընդարձակ Ակարագրովում է այդ «նիստ ու կացը», վերատեղծվում այն իրականության պատկերը, ուր գրվել են Սայաթ-Նովայի տաղերը: Այս ամենը քննադատը հմտորեն օգտագործում է՝ տաղերի հետ կապված զուտ գեղարվեստական խնդիրները լուծելիս:

¹ Ն. Աղբալյան, Ամրողշական երկեր, հ. II, էջ 17:

Շանթի հերոսների մարդկային նկարագիրը տալիս առաջադրում է մի այլ կանխադրույթ, որը դարձյալ առնչվում է կոլտուր-պատմական դպրոցի, Հ. Տենի «եռուանդամ բանաձնի» սկզբունքներին. «Որևէ անձնավորության մենք այն չափով ենք համակրում, որ չափով նա մոտենում է մարդու մասին ունեցած գիտակցական կամ անգիտակցական իդեալին»²:

Այս ամենով հանդերձ Աղբալյանի՝ մասնավորապես 90-ական թվականների հոդվածներում տիրապետողը միայն կոլտուր-պատմական դպրոցի սկզբունքները չեն: Այդ շրջանի նրա լավագույն քննադատական ելույթներում առավելապես գգալի է հոգերանական ուղղության շունչն ու ոգին:

Հ. Տենի «եռուանդամ բանաձնի» սխեմատիկ գործածության դեմ բողոքելիս արդեն հիշված հոդվածում քննադատն ընդգծում էր. «Հեղինակը ծանոթ է նաև այն առարկության, որ անում են Տենի մեթոդի դեմ, ասելով, թե արվեստագետների անհատականությունը Տենը հաշվի չի առնում»²: Առաջ տանելով իր միտքը՝ այնուհետև նկատում է, թե արվեստագետի անհատականությունը հաշվի առնել չի նշանակում միայն շարադրել նրա «համառոտ կենսագրականը», ինչպես վարվել էր քննադատվող հոդվածի հեղինակը: Ի հականշիո կոլտուր-պատմական դպրոցի՝ հոգերանական դպրոցի ներկայացուցիչները, մշակութային խնդիրներ քննելիս, հատուկ տեղ էին հատկացնում ստեղծագործող անհատի հոգերանական խառնվածքին: Անհատն, այո, կրում է միջավայրի ազեցությունը, բայց ինչոր տեղ էլ այդ միջավայրից անկախ, միջավայրով չպայմանավորված երևույթ է:

Հոգերանական ուղղությունը մեզանում լայն տարածում ստացավ հատկապես դարասկրին: Սակայն Աղ-

¹ «Մուրճ», 1896, N 12, էջ 1611:

² Ն. Աղբալյան, Ամրողշական երկեր, հ. I, էջ 32:

բալլանի հակվածությունը՝ դեպի գեղարվեստական երևությունների հոգեքանական վերլուծությունը, ակնհայտ էր արդեն 90-ական թվականներին: Այս կամ այն որոշակի ստեղծագործության վերաբերյալ իր դիտարկումները քննադատն աշխատում է հիմնավորել հեղինակի բնութագրումներով: Ըստ դեպքերում նա նովճակ ընդգծում է իր մեթոդաբանական ելակետը:

Այսպես, օրինակ, Ավ. Խամբակյանի առաջին ժողովածուի գրախոսականում կարդում ենք: «Բայց մեզ հարկավոր է բանաստեղծի հոգին ուրվագծել այստեղ: Ահա ձեզ մի հարուստ, բազմակողմանի և տարօրինակ ու քննուրույն հոգեկան կազմ:»

Նա իր հոգին դրել է իր գրքովկի մեջ. այդ հոգին մեզ երևում է մի ձյունապատ լեռան նման, որի ստորոտները, փեշերը լայն փուած խրված են իրական կյանքի մեջ, ծածկված են արգավանդ և բերրի հողերով, մատչելի են բազմաթիվ մարդկանց, լանջը սիրուն արոտատեղեր են, ուր ամենքը չեն բարձրանում, բայց ուր կարելի է բարձրանալ, իսկ գագաթը սառն է սառուցի պես և թաղված անթափանցելի մշուշում ու գորշ ամպերում... Արա հիմքը պարզ է, արմատները կենսունակ են և հյութառատ, բունը հաստատուն է, թեև սուր ու դժվարակոխ, իսկ գլուխը չոր ու անկյանք»¹: Խամբակյանի «Աերքին մարդը» որոշելիս Աղբալյանը ելուս է նրա բանաստեղծությունների՝ իր համոզմամբ տարաշերտ քննություն, իսկ բանաստեղծությունները քննութագրելիս հաշվի է առնում «բանաստեղծի հոգու»՝ իր գծած պատկերը: Խամբակյանի «հոգեկան կազմին» տված պատկերավոր քննութագրումը քննադատը երեք շերտի է բաժանում: ա) բանաստեղծը ժողովորդի հետ է, և այս դեպքում նա ուժեղ է ու ինքնուրույն, բ)անձնական տրամադրություններ երգելիս «Արան հակակրողների օղակը նե-

դանում է... գ) բանաստեղծը շատ է հեռանում իրականությունից, «սառը բարձունքներում» նրա ձայնը կորցնում է իր բնականությունը, «զգացմունքները անորոշ են դառնում ու ցուրտ»: Անկախ այս ամենից, սակայն, նա հրաշալի բացահայտում է Ավ. Խամբակյանի բերած հսկայական նորությունները, մասնավորապես նրա խոր ժողովրդայնությունը:

Վ. Գ. Բելինսկու մահվան հիմնամյակի առթիվ գրած հոդվածում, «Դմիտրի Կալինին» ողբերգությունը գնահատելուց առաջ, նախապես պարզում է իր ելակետային սկզբունքը: «Աախքան այդ՝ մի քանի գծեր նրա այն ժամանակա հոգեկան կյանքից»²:

Տարիներ հետո նովն մեթոդը հաջողությամբ կիրառվու էր Սայաթ-Նովային նվիրված մի գեկուցման մեջ՝ «Ախս ներքին մարդու մասին կուզեմ խոսիլ»: Ինչպես մյուս դեպքերում, այստեղ էլ քննադատը տարրալուծում է իրեն այնքան սիրելի աշուղի «հոգեկան կազմը»: Սայաթ-Նովան քննադատին ներկայանում է իրուն «Աերքուստ պառակտված հոգի»: Այս տեսանկյունից էլ քննվում են տաղերը:

Վ. Գարշինի ստեղծագործությունները քննվում են հեղինակի հիվանդագին անհատականության ազդեցության տեսանկյունից:

Հոգեքանական դպրոցի ազդեցությամբ պետք է բացատրել Աղբալյանի հոդվածներում անընդհատ կրկնվող այն միտքը, թե գրականությունը ազգային ոգու արտահայտությունն է. «Գրականությունը մարդկային հոգու գրավոր արտահայտությունն է որևէ լեզվով»³: Սակայն Աղբալյանը արվեստում չէր բացարձականացնում մարդկային կամ ազգային հոգեքանության նշանակությունը, այլ դիտում էր այն իրուն հետևանք «ընկերա-

¹ «Մուրճ», 1898 N 6, էջ 810:

² Ն. Աղբալյան, «Ամրողական երկեր» հ. IV, էջ 14:

յին կյանքի»: «Ո՞րն է այն հիմնական երևույթը, որի հոլովան փողերը անդրադառնում են մարդու հոգեկան աշխարհի մեջ և շարժում են այդ ներքին աշխարհը իրենց ընթացքին զուգահեռ: Ընկերական կյանքն է դա և իր հոլովույթը»¹:

Հոգեբանական ուղղության հանդեպ հետաքրքրությունների առումով ուշագրավ է նրա մի գրառումը: Կրտսեր որդու՝ Ռուբենի փրկած թղթերում պահպանվել են «Русское богочтво» (1876-1918) ամսագրի 1897թ. - մի քանի համարների մշակումները: Նա սովորույթ ուներ մեծ լուսանցք թողնել, ուր նշում էր ընթացիկ նյութի հիմնական խնդիրը, առարկան: Ահա էջերից մեկի լուսանցքում կարդում ենք՝ «Նոր հոսանքներ քննադատության մեջ»: Ամսագրում կարդալով (N 3), ոմն Գօրհելեմ - ի «Կրիտիկա և լիրիկա» հոդվածը, կատարում է հետևյալ նշումը. «Վերին աստիճանի աչքի ընկնող հոդված իր տված նոր տեղեկություններով և մտքերով: Քննության է առած սուբյեկտիվ իմացություններական քննադատությունն ու առարկայականը և ցուց է տրված վերջինի առավելությունները: Նկատած է, որ կազմվելու է նոր քննադատական դարոց, որ միացնելու է բոլոր կտորկտոր հոսանքներն ի մի օրգանական ամբողջություն. դիտած է, որ այդ ուղղությամբ քայլեր են լինում: Ֆագե՛ Ֆրանսիայում և Օվայաննիկո-Կովկասկի Ռուսիայում: Այս վերջինս մի նոր գրող է քննադատության մեջ. գրվածքն է «Этиоды о творчестве Тургенева» (քաղվածքները փոքր տետրում): «Քաղվածքների» տեսրը դժբախտաբար չի պահպանվել: Կարելի է չկասկածել, որ այս հետաքրքրությունը գնալով խորացել է: Ապացուցը քննադատի հոդվածներն են:

1900-ական թվականների մի շարք-հոդվածներ («Երգ ու վերքից հետո», «Երազ և մեկուսացում», «Հ.

Թումանյանի «Քաջ նազարը», «Հ. Թումանյանի «Աղավնու վանքը», «Ի. Խաჩակյանի «Հեքիաթ Արսի տակ», «Առաջարան Ստ. Զորյանի «Տխոր մարդիկ» հատորին» / յուրօրինակ համակցությամբ խտացնում են կուտոր-պատմական, հոգեբանական, գեղագիտական կուրուցների, մասնավորապես ոսկական առաջարիմական քննադատության լավագույն ավանդույթները:

Հայտնի է, որ կուտոր-պատմական դպրոցի ներկայացուցիչները իրենց վերլուծություններում ինչ-որ տևող անտեսում էին երկի գեղարվեստական յուրահատկությունները: Ստեղծագործության համար վճռական կուրապահելով ճանաչողական կողմին, հասարատեղ վերապահելով ճանաչողական կողմին, համարական-պատմական ճշմարտացիությանը՝ նրանք հաճախ խախտում էին արժեքների գնահատման չափանիշները: Աղբայանը այս երկու ծայրահեղություններից էլ զերծ մնաց: Ավելին՝ նա մեզանում առաջիններից էր, որ ստեղծագործության գնահատման հիմնական ու կարևոր չափանիշներից մեկը համարում է գեղարվեստականոր չափանիշներից մեկը համարում է գեղարվեստականությունը: Հատուկ պետք է ընդգծել, որ ոչ մի մերձգրական երևույթ չարժանացավ նրա խրախուսանքին: Օժտված լինելով գեղեցիկն ընկալելու բացառիկ կարողությամբ՝ անսխալ որոշում էր տաղանդի ուժը:

Իր գրական-քննադատական գործունեության ընթացքում Աղբայանն առիթ է ունեցել արժեքավորելու մի քանի տասնյակի հասնող գեղարվեստական-հրապարակախոսական ու այլ բնույթի գործեր, գրական տարրեր երևույթներ, ինչպես նաև գրական-մշակութային բազմաթիվ գործիչների: Չնայած վիճելի, նույնիսկ հնացած որոշ տեսակետների առկայության, ամբողջության մեջ նրա բնութագրումները գիտական և ընդունելի են մեր օրերի համար ևս: Գեղարվեստական զարգացման շարժում ընթացքի մեջ նա բարձր է գնահատել Խ. Արովյանի, Պ. Պողոսյանի, Ղ. Աղայանի, Ռ. Պատկանյանի, Գ.

Սունդուկյանի, Ռաֆֆու, Հ. Հովհաննիսյանի, Հովհ. Թումանյանի, Ավ. Խասհակյանի, Լ. Չամթի, Վ. Տերյանի, Ստ. Զորյանի, Ե. Չարենցի ստեղծագործությունը: «Գրախոսական Նավասարդ գրական տարեգրքի»... հոդվածում, Պոլսի գրական ասովիսներին վերաբերող մանրամասն տեսություններում, բազմաթիվ այլ առիթներով բնութագրել և արժեքավորել է նաև արևմտահայ մշակութային գործիքներից շատերին, ինչպես՝ Խրիմյան Հայրիկին, Գ. Սրվանձտյանին, Ծերենցին, Հ. Պարոնյանին, Գր. Զոհրապին, Միամանթոյին, Վարուժանին՝ կոչելով նրանց «թրքահայ հայտնի գրական դեմքեր», «թրքահայ ականավոր հեղինակներ....»: Սա, անշուշտ, քննադատի տաղանդի վկայությունն է, եթե գրողի մեծությունը չափվում է նրանվ, թե որքան խորն ու ճշմարտացի է արտացոլում իրականությունը, քննադատի կարողության չափանիշն էլ այն է, թե ժամանակին որքանով է ճիշտ ընկալել ընթացիկ գրականության զարգացման միտումները, այդ միտումները կրող արվեստագետ անհատներին բնորոշ գրական երևույթները...

Աղբայանի սկզբնական շրջանի հոդվածներում կովտոր-պատմական դպրոցի սկզբունքները յուրացվում էին առավելապես ոուսական առաջադիմական քննադատության և գրականության միջոցով: Այդ փորձի խոր նատկածքները պայմանավորում են քննադատի հայացքների ողջ համակարգը: Գրականության հասարակական-քաղաքական նշանակության ու ուելիզմի սկզբունքները պաշտպանելիս նա ակնհայտորեն ելնում է Բելինսկու դիրքերից: Հետազոտողները նկատել են, որ՝ «Բելինսկու ազդեցությունը դպրոցի (կովտորպատմական-Գ. Ա.) ոուս ներկայացուցիչներին ստիպում էր «տենիզմի» սխեմաներն անցկացնելիս ավելի քիչ ուղղագիծ լինել, ավելի շատ հաշվի առնել հետազոտվող

նյութի առանձնահատկությունը»¹: Այս բնութագիրը հավասարապես կարող է վերաբերել նաև Աղբայանին:

Բելինսկու, Դոբրոյուրովի հայացքների խոր իմացությունը իսկապես օգնել է նրան հրաժարվելու կովտոր-պատմական և այլ դպրոցների ծայրահեղություններից, ստեղծագործությունները քննելիս լրջորեն հաշվի առնել նրանց գեղարվեստական յուրահատկությունները: Առաջին իսկ հոդվածներում նա ընդգծում է գրականության իբրև մտածողության ինքնուրույն տեսակի, առանձնահատկությունը: Հ. Շուղուրյանի «Մոռացված աշխարհ» գրքի Գ հատորի գրախոսականում կարդում ենք. «Ստեղծագործությունը կապված է ավելի կամ պակաս չափով լայն ընդհանրացումներ անելու ընդունակության հետ: Այդ ընդհանրացումները գիտական ընդհանրացումներ չեն: Ստեղծագործող գրողն ընդունակ է դիտելով ժամանակը և մարդկանց ի մի հավաքել նրանց էական հատկությունները և բանաստեղծական պատկերներով վերարտադրել»²: Կարևոր ու վճռական նշանակություն տալով գրականության բովանդակությանը՝ միշտ ընդգծում էր, որ այդ բովանդակությունը իր բարոյական դերի լիարժեքությանը կարող է հասնել միայն «բանաստեղծական պատկերներով»: Տարիներ հետո ևս քննադատը հավաստում էր իր հավատարմությունը որդեգրած սկզբունքին. «Գիտություն և բանաստեղծություն իմացական տարբեր աշխատանքներ են. գիտուն և բանաստեղծ կարող են վերլուծել, բայց ի՞նչ. մեկը գաղափարներ, մյուս՝ պատկերներ»³:

Քննադատության հիմնական խնդիրը համարելով հենց «բանաստեղծական պատկերներով» «կատարված իմացական... աշխատանքի» բացահայտումը, դեմ էր

¹Академические школы в русском литературоведении, стр. 169.

²«Մուրճ», 1896, N 12, էջ 1597:

³Ն. Աղբայան, Ամրողչական երկեր, հ. I, էջ 439:

այնպիսի քննադատության, որ ուշադրությունը բևեռում է միայն ձևի խնդիրներին. «Գնահատությունների մեծ մասը արված են գրական տեսակետից. երկերի հասարակական արժեքը որոշելուն հազիվ մի քանի խոսքեր են նվիրված»¹: Մի այլ առիթով մերժում է «գեղեցկությունը ինքն իրմով» գնահատելու տեսակետը, համարելով այն միակողմանի: «Արդեն գործն» «ինքն իր մեջ» դատելով, մենք դատում ենք մեր դավանանքի համեմատ, որ ունենք արվեստի մասին: Մյուս կողմից՝ միայն «ինքն իր մեջ» տեսակետը պաշտպանել, «նշանակում է ուրանալ գրականության հասարակական արժեքը»: Նախընտելին տարբեր մոտեցումների համադրումն է. «Արվեստի գործը պահի դատվի և ինքն իր մեջ, և մեր հավատամքի համեմատ, մեկը մյուսին չի խանգարում, եթե մարդ կարողանա երկու կողմից էլ արդարամիտ դատաստան անել»²:

Քննադատության դերի մասին Աղբայանի ըմբռնումը որոշակի ուրվագծվում է հատկապես արևելահայ և արևմտահայ գրական քննադատության տարրերությունների մասին խոսքում: Նշելով, որ քննադատության բնագավառում ուսահայերն ու թուրքահայերը հակունյաներ են, այնուինը շարունակում է. «Նրանք (թուրքահայերը. - Գ. Ա.) խորշում են սիստեմներից, մենք անհատական բնորոշումներից: Սովորաբար ամեն մի նոր գիրք նրանց համար մի անջատ երևույթ է, մեզ համար մի որոշ շարժման ցուցանիշ: Նրանք պես ի արվեստին, ձևին են կարևորություն տալիս, մենք բովանդակությանը: Պետք է գտնել քննադատության այնպիսի ձև, որը այս երկու հակումները համադրվեին և կազմեին մի ներդաշնակ ամրողություն»³: Գեղարվեստական երկի բովանդակությունն ու ձևը «մի ներդաշնակ ամրող-

¹Նույն տեղում, էջ 280:

²Նույն տեղում, էջ 29:

³Նույն տեղում, էջ 281:

չուրժյան» մեջ համադրաբար քննելու պահանջը Աղբայ-յանի համար ոչ միայն տեսական առաջադրություն էր, այլ նաև քննադատական գործունեության եղանակ, որ դրսերվում է նրա գրեթե բոլոր հոդվածներում:

Ավ. Խսահակյանի «Երգեր ու Վերքեր» ժողովածուին նվիրված հոդվածում, որն, ինչպես հայտնի է, առաջին հոդվածներից է, ամենայն որոշակիությամբ գրում էր. «Հավ են այն գրվածները միայն, ուր նյութն ու ձևը իրար բռնում են, ներդաշնակ են, համապատասխան: Եվ հենց այստեղ է թարմված գեղարվեստական երկի գաղտնիքը, ուր նյութն ու ձևը, զգացմունքն ու միտքը և նրանց ար-տահայտությունն իրար չեն գալիս, այնտեղ միք փնտրի գեղարվեստականություն»¹:

Երկի գեղարվեստականության չափանիշները սահ-մանելիս, բովանդակության ու ձևի ներդաշնակության պահանջը առաջադրելով հանդերձ, առաջնությունը տա-լիս է բովանդակությանը: Նրա համոզմամբ՝ հենց բո-վանդակությունն է, որ պայմանավորում է ձևը. «Ամեն զգացմունք, ամեն նյութ իր արտահայտության ձևն ունի իր լեզուն, իր չափը, իր պատկերը»... Ծարունակության մեջ ընդգծում է. «... գեղարվեստականությունը չի որո-շում երկի կարևորության չափը»: «Հասարակական, հո-գերանական և պատմական» ի՞նչ բովանդակություն է արտահայտում այն, ահա այն չափանիշը, որից պետք է ելնել՝ երկի գեղարվեստականության մասին խոսելիս: Ունալիզմի և ժողովրդայնության կատեգորիաներով մտա-ծող քննադատը մի այլ տեղ գեղարվեստականության կարևոր պայմանը համարում է հավատարմությունը կյանքի ճշմարտությանը. «Գեղարվեստական լինելու առաջին պայմանը իրականության հավատարիմ լինելն է»²: Քննադատի իրավացի տեսակետով հենց բովան-

¹Նույն տեղում, էջ 93:

²«Մուլթ», 1897, Ն. 5, էջ 678:

դակության առաջնության մասին է խոսում այն հայտնի իրողությունը, որ ինչպես ձևի բացարձակացումը, այնպես էլ ձևի և իմաստի ներդաշնակության խախտումը բացասաբար են անդրադառնում երկի գեղարվեստականության վրա: Նշելով, որ Լ. Շամբի «Երազ օրեր» վիպակի լեզուն ընդհանրապես ներդաշնակ է հյութին, հերոսներից մեկի լեզվի վերաբերյալ նկատում է. «Ավսոս, որ նա ավելի մեղմ, նուրբ ու ճկուն է, քան սազ կգար մեր լեռների ու կոշտ պայմանների զավակ Միքել»¹: Մի այլ առիթով բանաստեղծի անհաջողության գիշավոր պատճառը համարվում է այն, որ «... հանգն է դեկավարել հետինակին և ոչ թե հետինակը իշխել հանգին»:

Բազմիցս կրկնվող այս մտքերը տեսական հստակ ձևակերպում են ստանում կյանքի վերջին շրջանում գրած «Պատմություն հայոց գրականության» գրքի ներածության մեջ, որն ըստ Էության Աղրայյանի գեղագիտական ըմբռնումների հանրագումարն է. «Կատարյալ են այն գործերը միայն, - աներկմիտ և ուղղակի գրում է քննադատը, - ուր ձև ու բովանդակություն ներդաշնակ են, այսինքն՝ հարմարած են իրար»²: Գեղարվեստականության այս ստուգ չափանիշով է քննադատն արժեքավորում Պոռշյանի ստեղծագործությունը: Իբրև բարձր արժանիք դիտելով գրողի իրապաշտական ուղղությունը՝ նա, այնուամենայնիվ, սուր դիտողություններ է անում վիպասանի ստեղծագործություններում նկատելի գեղարվեստական պակասությունների վերաբերյալ: «Նա» պատկերում, օրինակ, «արձակագրին թիշ է հաջողվել կենդանի և ամբողջական իրական բնութագրություններ ստեղծել»: Ընդհանրացնելով իր միտքը՝ քննադատն այնուինեն կտրուկ նկատում է. «Զի հաջողվել նրան և իր գրական ամբողջ գործունեության ընթացքում մի կատա-

¹ «Մուրճ», 1896, N. 12, էջ 1607:

² Ն. Աղրայյան, «Ամրողական երկեր», h. IV, էջ 43:

րելապես գեղարվեստական վեա կամ վեպիկ ստեղծել», քանի որ՝ «նրա գրվածքներում շատ են պատահում բոլորվին ավելորդ կտորներ և երկարաբանություններ»¹:

Աղբայլանը սրատես հայացքով նկատում ու գնահատում էր ոչ միայն գրականության, այլև հենց քննադատության մեջ կատարվող դրական տեղաշարժերը: 1913-ին գրած մի հոդվածում գրիունակությամբ արձանագրում է մեզանում ոչ միայն «քննադատական գրականության անսովոր աճը, այլև զանազան ուղղությունների գոյության փաստը. «... Հրապարակ է իշել մի նոր սերունդ, տարբեր ճաշակի և գրական ըմբռնումների տեր, տարբեր պատմաշրջանի պտուղ և տարբեր հայցք ունեցող աշխարհի վրա»²:

Նոր սերնդի ներկայացուցիչներից մասնավորապես առանձնացնում էր Արսեն Տերտերյանին. «Հեղինակը (Տերտերյանը. - Գ. Ա.), որ արդեն մեն մենակ մի ամբողջ քննադատական գրականություն է ստեղծել մեզանում, ամենամեծ ուշադրության արժանի մի դեմք է, որ ունի որոշ աշխարհայցք, գնահատության որոշ չափ և աշխատանքի մեծ կարողություն»³: Այս դեպքում ևս Աղրայյանի կուահումները ճիշտ էին, ինչպես հետագայում պիտի հաստատեր գրականության պատմության փորձը:

2

Քննադատական գործունեությունն սկսել է «Մուրճ» էջերում: 90-ական թվականների նրա հոդվածները՝ իրենց ուղղվածությամբ, հարցադրումներով համարունչ են ամսագրի խմբագիր Ա.Վ. Արասխանյանի ըմբռնումներին: Զգտելով իր ամսագիրը դարձնել ոչ միայն գեղարվեստական անթերի գործերի ժողովածու, այլև գեղար-

¹ «Մուրճ» 1897, N 1, էջ 131:

² Ն. Աղրայյան, «Ամրողական երկեր», h. I, էջ 280:

³ Նույն տեղում:

վեստական զարգացման ընթացքը ամբողջության մեջ արտացոլող և այդ ընթացքի վրա ներգործող օրգան, Արախսանանը «Մուրճի» էջերը լայնորեն բացել էր և՝ դասականների, և՝ սկսնակների առաջ, այստեղ տպագրվում էին և՝ ուսանութերը, և՝ ոռմանտիկները, այլ խոսքով՝ խմբագիրը ձգուում էր ընդգրել գրական կյանքի ամբողջական համայնապատկերը։ Աղբալյանի որոշ ըմբռնումներ ուղղակի արձագանքում են Արախսանանի հայացքներին։

Իր քննադատական գործունեության առաջին իսկ քայլերից Աղբալյանը հետևու՞ է Արախսանանի գրական քաղաքականությունից բխող մի հիմնական սկզբունքի՝ արժեքները գնահատել ոչ թե նկատի ունենալով նրանց ուսանութական կամ ոռմանտիկական ուղղությունը, այլ գեղարվեստականության աստիճանը։ «Մուրճի» միևնույն համարում նա ընդարձակ գրախոսականներով հանդես է գալիս միաժամանակ Լ. Շանթի «Երազ օրերի» և Հ. Շուղուրյանի «Մոռացված աշխարհի» մասին՝ երկու դեպքում էլ երկը գնահատելով բարձր գաղափարայնության ու գեղարվեստականության դիրքերից։ Ինչպիսի կրոք քննադատը պաշտպանում էր իսկական արժեքները, նույնպիսի կրքոտությամբ էլ մերժում էր այն ամենը, ինչ կապ չուներ գրականության հետ կամ, այսօրվա տերմինով, մերձգրական երևոյթ էր։ Աղբալյանի առաջին քննադատական ելույթը Ալ. Շիրվանզադեի «Կրակը» պատմվածքի մասին գրախոսությունն է։ Արձակագրի ստեղծագործության համապատկերում քննելով պատմվածքը, անելով կառուցվածքին ու հոգեբանական բնույթի կարևոր դիտողություններ, մանրակրկիտ բնութագրում է Սանթուրյանին՝ նշանակալից հասարակական կշիռ վերապահելով այդ տիպի անհատներին։ «Անկախ մտքի, ազնիվ զգացմունքների տեր մարդիկ են, որ հասարակությունը առաջ են մղում և հասարակության հալածանքները նոցա ավելի

կոփում, ամրացնում են»¹։ Եթե, այսպիսով, Շիրվանզադեի պատմվածքը դիտվում է որպես գեղարվեստական բարձր արժեք, ապա նույն հետևողականությամբ հաջորդ հոդվածում մերժվում են Գ. Բարուրյանի «Փոքրիկ ընթերցարան», «Փոքրիկ զրուցներ» գրքույկները, իբր գաղափարազորկ, հասարակական հետաքրքրություն չունեցող իրողություններ։

Հավանաբար նաև «Մուրճի» մատերիալիստ խըմքագրի ազդեցությամբ պետք է բացատրել Աղբալյանի հայացքներում նկատելի մատերիալիստական նըստվածքները։ Դա ակնառու է գրականության ու արվեստի խնդիրները մեկնաբանելիս։

«Տնտեսական պայմանները, որոնք ամեն կյանքի գլխավոր հիմքերից մեկն են կազմում, իրենց փոփոխվելով ահագին ազդեցություն են անում և նրա վրա գտնված շենքի՝ կյանքի վրա»²։ Ա. Աղելյանի «Տգիտության զոհեր» վեպի կապակցությամբ արտահայտած այս միտքը մերժելու հետինակային գաղափարի միադատի համար՝ մերժելու հետինակային գաղափարի մերժում է այդ կյանքի մեկնաբանության հեղինակային ելակետը, այն, թե իբր «Տգիտությունն է, որի պատճառով մարդը իր համար կորստաբեր հանգամանքներ է ստեղծում և դառնում նոցա գերին»³։ Մատերիալիստական աշխարհայացքի հիմունքներին ծանոթ Աղբալյանը չէր կարող ընդունել այս միակողմանի ընդհանրացումը։ Ոչ միայն տգիտությունը, նկատում է այնուհետև, այն ընդհանրապես «մտային տարրը որպես գործոն գլխավոր դեր չի խաղում, այլ միայն գլխավոր դերերից մեկն է

¹ «Մուրճ, 1896, N 9, էջ 1174։

² «Մուրճ», 1897, N 9, էջ 1252։

³ «Մուրճ», 1896, N 9, էջ 1059։

խաղում»: Զժխտելով մտավոր ու հոգևոր գործոնների դերը հասարակական զարգացման գործում քննադատն առաջնությունը տալիս է տնտեսական ու քաղաքական այն պայմաններին, որոնք որոշում են իրենց վրա հենավոր «շենքի» բնույթը: «Ինքը տգիտությունը,- եզրակացնում է նա,- ենթակա է տնտեսական պայմանների ազդեցության, քաղաքական այս կամ այն կազմը նրան այս կամ այն գումն է տալիս»¹: Գրողի գծած պատկերները ընթերցողին պատկերացում են տալիս «տնտեսական պայմանների անկանոնության» մասին (դա «մենք կարող ենք մակարեել, վեպում հիշատակություն չկա այդ մասին», - շեշտում է քննադատը), մինչդեռ գրողն իր նկատած երևությունների պատճառը որոնում է սույ տգիտության մեջ: Այս հանգամանքը հիմք է տալիս Աղբալյանին հակասություն տեսնելու Աղելյան-գրողի և Աղելյան - մտածողի միջև, այսինքն կրկնում է աշխարհայացքի և մեթոդի միջև հնարավոր հակասության հայտնի տեսակետը. «Գրականության պատմության մեջ անուկոր երևույթ չէ, որ ինեղինակն իր գրվածքի ընդհանուր միտքը այնպես չի հասկանում, ինչպես ընթերցողը կամ թե ուղղակի սխալ է հասկանում: Նույնը պատահել է և Աղելյանին: Հեղինակ Աղելյանը և մտածող Աղելյանը ձեռք ձեռքի տված չեն գնում վեպի մեջ, այլ բաժանված և իրարից բավականին հեռու»²:

Աղբալյան-քննադատի բնորոշ գծերից մեկն էլ այն է, որ նա գրողի կամ նրա առանձին ստեղծագործության մեջ ամենից առաջ որսում է կարևոր, գլխավորը, ինքնատիպ և ընդգծում այն: Ավ. համակալյանի «Երգեր ու Վերքերի» հիմնական հատկանիշը քննադատն իրավացիորեն համարում է ժողովրդայնությունը, Աղելյանի «Տգիտության զոհեր» վեպում առաջին պլան է մղում

¹ «Մուրճ», 1897, N 9, էջ 1261:

² «Մուրճ», 1897, N 9, էջ 1262:

«ղոչաղի» տիպը, որին գրողն ինքը շատ էլ ու - շադրություն չի դարձնում: Մինչդեռ քննադատը հենց այդ տիպն է դարձնում վերլուծության առանցք, որով հետև այդ տիպն է, որ հնարավորություն է տալիս ճանաչել «ժողովրդական կյանքում» կատարված մեծ տեղաշարժերն ու երևույթները: Աղբալյանը ամսագրերի երկու համար զբաղեցնող ընդարձակ ուսումնախորություն է գրում այդ բնորոշ երևույթի և հարակից խնդիրների մասին՝ տեսադաշտից դուրս թողնելով հեղինակի ուշադրության կենտրոնում գտնվող բազմաթիվ անկարևոր իրողություններ: Սա քննադատի խորաթափանցության լավագույն վկայությունն է:

Իսահակյանի «Երգեր ու Վերքեր» ժողովածուում ժողովրդական երգերի առկայությունը Աղբալյանը համարում է «պատահմունք» (այս սխալը շտկեց մի քանի տարի հետո գրած երկրորդ հոդվածում. - Գ. Ա.), գրողին ոչ բնորոշ: Սակայն լինելով գրականության ժողովրդայնության կողմնակից և այդ խնդիրը մեկնաբանելով Դոբրոլյուբովի ու Բելինսկու դիրքերից, ընդգծված սիրով ու զերմությամբ հենց այդ երգերն է մանրամասնորեն քննադատի առաջնական ներքարկում. «Ժողովրդական բանաստեղծությունները շատ չեն թվով, բայց որակով թանկագին են»: Զորյանի առաջին գրքի առաջարանում շատ դիպուկ նկատելով երիտասարդ արձակագրի տաղանդի բնույթը՝ «համակերպություն, ահա իր հիմնական տրամադրությունը. իր սրտի պես համակերպված ու անզոր են և իր պատկերացրած անձերը»¹: Քննադատը պահանջում է դուրս գալ «տխուր մարդկանց» համակերպության աշխարհից, դիմել իրական կյանքին, հասկանալ ու մեկնաբանել այն, որը ստեղծագործական նոր հորիզոններ կրացի արձակագրի առջև. «Եվ քանի Ստ. Զորյանի հոգին կմնա նկուն, հակված դիտելու և գգալու

¹ Ն. Աղբալյան, Ամրողշական երկեր, հ. II, էջ 246:

կյանքի մեծ ճամփից դուրս շպրտվածների տխուր վիճակը՝ նա միշտ կմնա մանր պատկերների հեղինակ, որովհետև համակերպում են անհատները, իսկ խմբերը մաքառում են. առկայծող ու մեջմ բարության կողքին կարոցավառ բարություն, որ հրդեհում է բազմություններ ու լուսավորում է նոր հորիզոններ, ստեղծագործելով կյանքի նոր ձևեր ու կապեր»: Երիտասարդ Զարենցի ստեղծագործություններում առաջին հերթին ողջունում էր հենց այդ «բոցավառ բարությունը», հրդեհված բազմությունների, «նոր հորիզոնների» ոգեշունչ պաթոսը...

3

Հատուկ հետազոտություններ չի նվիրել գրական ուղղություններին, բայց առանձին հեղինակների ու առանձին գործերի նվիրած հոդվածներում, գրական տեսություններում և այլ առիթներով արտահայտված տեսակետներն ու մտքերը բերում են այն համոզման, որ գրական արդիականության տեսակետից առաջնային էր համարում ուսալիստական ուղղությունը՝ չթերազնահատելով, սակայն, ոռմանտիկականը և ժիտողական վերաբերմունք դրսևորելով անկումային հոսանքների հանդեպ:

«Բելետրիստական գրվածքի» գլխավոր արժանիքը հավատարմությունն է կյանքին. «Մի հեղինակ մեր աչքում այնքան ավելի գին ունի, որքան նա, առանց կանխակալ դիտավորությունների, տալիս է ներկա կամ պատմական կյանքի ավելի լայն շրջանի հավատարիմ պատկերը»¹: Ուսալիզմը մյուս ուղղություններից առանձնանում է նրանով, որ «իրական կյանքը» պատկերում է առանց «որոշ տեսակետների հարմարեցնելու»: Արովյանի մեծությունը, օրինակ, առաջին հերթին նրանում է, որ գրեց «ժողովրդի համար և նրա կյանքը նյութ

առավ»: Համառոտ տեսության մեջ բարձր է գնահատում Արովյանի բերած նորությունները, նրա դեռը գրականության զարգացման հետագա ընթացքի վրա ունեցած վիթխարի ազդեցության տեսանկյունից. «Նոր գրականության հայոր չամաչեց, այլ սիրով ու պատվով հյուր կանչեց գյուղացուն իր տրեխով ու մորթե փափախով, իր ցնցությաներով ու խոնչացած մարմնով և գրականության մեջ առաջնակարգ ու պատվավոր տեղը հատկացրավ նրան»¹: Հետագա գրողները, Պոռշյանից ու Աղայանից մինչև 90-ական թվականների ներկայացուցիչները, մինչև Ծիրվանզադե ու այսօրվա ըմբռնումով՝ գյուղագիրներ (Աղելյան, Շուղուրյան), որդեգրեցին այդ սկզբունքը: «Սունդուկյանն իր իրականին հավատարիմ դրամաներով» շարունակում էր ուսալիստական գրականության պամենդերը:

Ոչ Արովյանը, ոչ էլ Պոռշյանը (նկատի ուներ «Սոս և Վարդիթերը».- Գ. Ա.) «զուտ իրական վեպի ներկայացուցիչները» չեն, քանի որ երկուսն ել «գյուղացուն իդեալականացնում էին», «երկու հեղինակների գրվածներում էլ իդեալականն ու իրականը ձեռք-ձեռքի տված են զնում»: Աղայանն է, որ «Արություն և Մանկել» վիպակով «պինդ խրվում է իրականության մեջ», «այստեղ գյուղացին հավատարմությամբ է վերարտադրված»:

Թուլանալով հետագա տասնամյակներում, «Այս կենսունակ ուղղությունը նոր զարկ է ստանում միայն 90-ական թվականներին և շարունակում է զարգանալ»: Դրան նպաստեց Սունդուկյանը «իրականին հավատարիմ դրամաներով», Պոռշյանը հետագա տարիների գործերով, որոնք «ավելի ու ավելի մոտենում էին իրականության», «Ծիրվանզադե իր ամբողջ գրական գործությամբ»:

¹ «Մուրճ», 1896, N 12, էջ 1598:

¹ «Մուրճ», 1897, N 7-8, էջ 1060:

Բավականին հստակ գծելով նոր գրականության մեջ ու առաջարկ անցած ուղին, ոչ միայն նկատում է «կենսունակ» ուղղության «նոր զարկ» ստանալը 90-ական թվականներին, այլև ընդգծում է որակական տեղաշարժերը: Առաջին բնորոշ գիծն այն է, որ ժամանակակից ու առաջարկ ուղղությունը անհամեմատ լայնացրել է կյանքի ընդգրկման շրջանակները: Եթե նախկին տասնամյակների «ժողովրդական գրողները գլխավորապես աչքի առաջ ունեն գյուղական դասի ընտանեկան կյանքը, ընտանիքի անդամների փոխադարձ հարաբերությունները», ապա նորագույն ժամանակների գրողները «գլխավորապես հետաքրքրվում են գյուղական համայնքի կյանքով, համայնքի անդամների փոխադարձ հարաբերություններով»: Վերջին տասնամյակներում «ժողովրդական կյանքը» հսկայական փոփոխություններ է կրել, և գրականության պարտքն է նկատել դրանք, արձագանքել դրանց, նկարագրել: Բայց սա դեռ հարցի մի կողմն է, գրականությունը աետք է ոչ միայն իր վերաբերմունքը ցուց տա «շատ խոշոր և ուշադրության արժանի փոփոխությունների» հանդեպ, այլև բացատրի դրանք, բացահայտի դրանց զարգացման ուղղությունը, դրսերի որոշակի վերաբերմունքը: Հենց այստեղ էլ, ինչպես դիտում է քննադատը, դրսերի պատճենը է մյուս առանձնահատկությունը: Նոր ժամանակների ու առաջիկմը ձեռք է բերել սոցիալական խորություն: Առաջ փորձեր է անում կյանքի նկարագրությունից անցնելու կյանքի բացարության, կյանքի մեկնության: «Դեպի առաջ արած» քայլերից մեկն էլ այն է, որ նոր ժամանակների գրողները ձգտում են ընթանել ժողովրդի կյանքի «հիմունքները և բացատրել նրա բազմաթիվ ու բարդ երևույթների հիմնական պատճառները»: «Տեխնիկայի կողմից և շարունակում է իր միտքը հետազոտողը, նշանավոր առաջադիմություն է եղել... նորերի գրվածները

ավելի ու ավելի են մոտենում վիպագրության իսկական ձևերին»¹:

90-ական թվականների ու առաջիկմի վերաբերյալ Աղբայանի հայացքների համար խիստ բնութագրական է «Ղոչադը իբրև տիպար հայ վիպագրության մեջ» հոդվածը, որը Աղելյանի «Տգիտության զոհեր» վեաի օրինակով հիմնականում ներկայացվում են «ժողովրդական կյանքը» նկարագրող վիպագրության մեջ կատարված տեղաշարժերը:

Խորապես համոզված, որ գեղարվեստականության հիմքը նմանությունն է կյանքին, այսինքն՝ գրականության խնդիրը համարելով իրականության ճշմարտացի արտացոլումը, կյանքի խոր ճանաչողությունից էր ելնում գեղարվեստական երկը արժեքավորելիս: Աղելյանի վեաի գլխավոր արժանիքը քննադատը համարում է այն, որ այստեղ արձանագրված են «ժողովրդական կյանքում» տեղի ունեցած «ուշադրության արժանի» տեղաշարժերը: «Ղոչադի» տիպի նկատմամբ ցուցաբերած հատուկ ուշադրությունը ցուց է տալիս, որ քննադատն օժտված է կյանքի սուր հակասությունները, իրականության մեջ կատարված նոր երևույթները նկատելու բացարիկ կարողությամբ: «Ղոչադը» նախնական կուտակման շրջանի այն տիպն է, որը հետևանքն ու խտացումն է «ժողովրդական կյանքը» ներխուժած բորժուական հարաբերությունների: Այս տիպի մոտ դիզելու, ինչ գնով և ումից ուզում է լինի մի պատառ փախցնելու, «տունը լցնելու» սկզբունքը բնականաբար մոռացնել է տվել հասարակական, բարոյական բոլոր շահագրգռությունները, դարերով սրբագրության օրենքները: Այս «տիպարի» աղբայանական մեկնաբանությունը համոզիչ է, կատարված տեսական ու գործնական հմտությամբ և այսօր էլ պահպանում է իր իմացաւ

կան նշանակությունը: «Ղոչաղի» տիպը քննվում է ծագման, զարգացման, վաղվա, ապագայի համար «ունեցած նշանակության տեսանկյունից», հանգամանք, որը նրա հոդվածին հաղորդում է խոր գիտականություն, վերլուծական բնույթ: «Ղոչաղի» արածը այսօրվա համար չէ, որ նշանակություն ունի, այսօրը մի կերպ կմթնի, բան այն է, որ նա ծանր հանգամանքներ է ստեղծում «վաղվա, ապագայի համար»: Այնուհետև բերվում են գյուղացու տնտեսական, բարոյական, ընտանեկան սովորությունների աշխարհում կատարված այն փոփոխությունները, որոնք հետևանք են «ղոչաղության» և հղի են վտանգավոր ու վնասակար հետևանքներով:

Ծարունակելով կյանքում կատարված տեղաշարժերի տեսանկյունից Սղելլանի վեպի քննությունը՝ արձանագրում է շատ դրական մի երևոյթ: «Այդ տիրապետող, քայլայիշ ուժը՝ ղոչաղությունը, մենակ չէ գյուղում, նա միահեծան չէ: Նա ունի իր հակառակորդ ուժը, որ ընդհարվում է նրա հետ, մեծ մասամբ անուղղակի կերպով և կովի է բռնվում»¹: «Ղոչաղության» դեմ կովի ելած «ոչ ղոչաղների» դասի բնութագրումը արտահայտում է քննադատի խոր համակրանքը վերջիններիս նկատմամբ: Այդ համակրանքի հիմքը «ոչ ղոչաղների» կովի նշանակությունն է և այսօրվա, և՛ թերևս առաջն հերթին, վաղվա համար. «Որպես թարմ, հզոր և արդարություն բերող մի նոր ուժի կրողներ նրանք («ոչ ղոչաղները»). - Գ. Ա.) արժանի են խորին ուշադրության և մանրագնին ուսումնասիրության. ապագայում նրանք են հաղթանակելու»²: Տասնամյակներ առաջ նալբանդանը ոգևորությամբ ողջունում էր Վայկունի կերպարը «Սոս և Վարդիթերում»: Մեծ քննադատը երևոյթը դիտում էր պատմական հեռամկարի մեջ՝ դրսերելով քննադատա-

կան հստակատեսություն: Աղբալյանը շարունակում էր իր մեծ ճախորդին: Սոցիալական ավելի բարդ հարաբերությունների մեջ նա գոհումակությամբ նկատում է այն նոր ուժը, որի անվան հետ էր կապում ապագա պատմական վերափոխումների հեռանկարը. «Սրտի բարախումով մարդ հետևում է այդ նոր մարդկանց գործունեությանը, գործելու եղանակներին և ձգտումներին»: Այս ամենը ակնհայտորեն ցուց է տալիս քննադատի աշխարհայացքի դեմոկրատական տարերքը:

Աղբալյանը սերտ կապ էր տեսնում գրական ուղղության, ժողովրդայնության և գրականության հասարակական նշանակության միջև: Գրական իրողությունների նրա վերլուծությունները կատարվում են այս երեք հատկանիշների հաշվառմամբ: Հենց առաջին լուրջ հոդվածներից մեկում՝ նվիրված Լ. Շանթի «Երազ օրեր» վիպակին, քննադատն իրեն որոշակիորեն սահմանագատում է «գրական բնավորության» այն տիպերից, որոնք հանուն իդեալականի հեռանում են կյանքի հրական շահագրգռություններից: «Շանթը այն գրողներից է, որոնց տեսածը վարդ է ու վարդ են երգում», - դիսում է նա՝ շարունակության մեջ ավելի պարզելով իր միտքը. «Նա նման է մի մարդու, որ նստած ամառային մի պարզ ու զով գիշեր բանաստեղծական կահավորության մեջ, նայում է աստղաշող երկնքին և հիանում նրա տեսքով և չի ել ուզում այդ անդորր ու վերացնող բովանդակությունը կորցնել, նայելով շուրջը և տեսնելով, որ «հազարը հազարաց և բյուրք բյուրոց» մարդիկ ամենաշնչին միջոցներ անգամ չունին մի փոքր ժամանակ գոնե երկնքով հրճվելու»³: Դժվար չէ նկատել, որ ուսումնական դիրքերից քննադատվում է ոռմանտիկական հայացքը կյանքի նկատմամբ: 90-ական թվականները մեզանում ուսալիգմի տիրապետության տարիներ են, սոցիալական սուր-

¹ «Մուրճ» 1897, N 9, էջ 1253:

² Նույն տեղում, էջ 1256:

³ «Մուրճ», N 12, էջ 1606:

բախումների բացահայտման տարիներ: Աղբալյանը բնականարար թաքրու դժգոհություն է դրսորում Շանթի ռումանտիզմի հանդեպ, մի գրողի, որ որքան էլ տաղանդավոր, այնուամենայնիվ իր տաղանդի բնույթով կյանքի հակասություններից վեր էր կանգնած, թեն նրա հերուների խոհերը հենց այդ հակասությունների վերացման շուրջ են: Այս իմաստով հետաքրքիր է նաև քննադատի մի ուրիշ միտքը Շանթի մասին՝ արտահայտված այլ կապակցությամբ. «Իր «Երենկ» բանաստեղծության մեջ, ուր նա իր «պետքի գալն» զգալու համար ամենատարօրինակ և թույիչ բաներ է ուզում դառնալ - երգ, երազ, ցողի շիթ և այլն, նա ցանկություն չի հայտնում լինել մի հասարակ գինվոր, որ կովում է ժողովրդի բարիքի համար»¹: Կարևոր չե, որ ինքը «այս նկատողությունը փոքր է» համարում, կարևոր ինքը՝ նկատողությունն է, որովհետև դրա մեջ դրսերպում է արվեստի ու գրականության հասարակական դերի մասին Աղբալյանի հայցքների էական կողմերից մեկը:

90-ական թվականների ռեալիզմի մասին ուշագրավ դիտարկումներ կան նաև Հ. Շուղուրյանի «Մոռացված աշխարհ» գրքի մասին հոդվածում, ուր համձին Շուղուրյանի բնութագրվում է հայ գյուղագրությունն առհասարակ:

Քննադատի դիտողությունները շոշափում են մի քանի սկզբունքային խնդիրներ, որոնք այսօր իսկ կարևոր նշանակություն ունեն հայ գյուղագրության էությունն ու պատմությունը ճիշտ հասկանալու տեսանկյունից: Արվեստի ուժը, ինչպես նկատում է քննադատը, կյանքի ճշմարտությունը «բանաստեղծական պատկերների» մեջ ընդհանրացնելն է, տիպեր ստեղծելը: Տիպը, քննադատի ըմբռնմամբ, խտացնում է իր նմանների էական գծերը՝ իրենով բնորոշելով պատմական որևէ շրջան: «Մեծ

վեպ ասելով,- հաստատում է նա,- մենք ծավալը չենք հասկանում, այլ այն, որ վեպի հերոսը մի կենտրոնական բնավորություն լինի, բնորոշի մի որոշ ժամանակաշրջան»¹, Շուղուրյանին, ահա, պակասում է ընդհանրացման ուժը: Պատճառն այն է, որ նա ոչ թե ստեղծագործում է այս բարի հսկական իմաստով, այլ՝ ընդամենը լուսանկարում: Շուղուրյանի տիպի գրողները «լավ քարտուղարներ են և ամենայն հավատարմությամբ արձանագրում են իրենց տեսածը, ուրիշի պատմածը, լսած խոսակցությունները, իրենց դիտողությունները... Այսպիսի գրողների գրվածներում չկան տիպեր. կան միայն անձնավորություններ, որոնք իրենցով չեն բնորոշում որևէ շրջան, այլ միայն անհատներ են. նրանք չեն բովանդակում իրենց նմանների էական հատկությունները»²:

Այս տիպի գրողները քիչ ուշադրություն են դարձնում իրենց հերոսների ներքին աշխարհի բացահայտմանը. «Հոգեբանական վերլուծություն ասած բանը նրանց մեջ (գրվածների մեջ. -Գ. Ա.) քիչ է պատհում»:

Քննադատի մյուս դիտողությունը վերաբերում է գեղարվեստական ձևին. նման տիպի գրողների երկերում, չափի զգացողության պակասի հետևանքով, աչքի են զարնում կատարման պակասությունները: Հավատարմությամբ պատկերելով տեսածն ու լսածը՝ գյուղագիրը «չի հոգում գրվածների համաշափության, կոկելու վրա»:

«Շուղուրյանը քիչ է ճանաչում այն անհրաժեշտ հատկությունները, որ պիտի ունենա մի գեղարվեստական գրվածք: Այս ցուց է տալիս, որ նրա շնորհը չի իմանում իր անելիքն ու նրա սահմանները, ընտրություն

¹ «Մուլք», 1896, N 10-11, էջ 1356:

² «Մուլք», 1896, N 12, էջ 1587:

չի անում կարեռի և ամենառի, հարկավորի և ավելորդի, գլխավորի և մասնավորի միջև»¹:

Այս ամենի կողքին չի անտեսվում այն հիմնական արժանիքը, որով Շուղուրյանն ու իր նմաները տեղ են գրավում գրականության մեջ. «... Նրա գրվածներն ունեն մի մեծ և գլխավոր արժանիք, նրանց մեջ կյանքի ճշմարտություն կա. այսինքն հենց այն՝ ինչ ամենից առաջ շատ է հարկավոր, հենց այն, ինչ որ վեպիկում, վեպում, մի խոսքով ամեն մի բելետրիստական գրվածքում ամենագլխավորն է և ուշադրության արժանին»²: Մի այլ առիթով կոնկրետացնում է «կյանքի ճշմարտություն կա» արտահայտությունը. 50-60-ական թթ. գրողների ստեղծագործություններում պատկերված է նահապետական գյուղը՝ իր լուսով ու ստվերով, դեռևս չենթարկված կապիտալիզմի արշավանքին... Հաջորդ տասնամյակների նշանավոր գործերում արդեն երկփեղկված գյուղն է, նրա վիճակը:

Տարբեր գրախոսականներում, որքան հնարավորություն է տալիս ժամրի տարողությունը, փորձում է նաև տեսականորեն հիմնավորել կյանքի ճշմարտությանը հավատարիմ լինելու սկզբունքը: Բոլոր դեպքերում, իբրև տեսաբան, նա կանգնած է ժամանակի տեսական մտքի առաջավոր դիրքերում:

Ունալիստ գրողը վերարտադրում է կյանքի ճշմարտությունը, այն, ինչը ընդհանրական է տվյալ ժամանակաշրջանի համար: «Բացադի, ոչ սովորական, ոչ շատ հանդիպող երևույթներ» պատկերող և պատկերածը «ընդհանուր պատկերի տեղ» առաջարկող գրողը կասկածի տակ էր դնում իր խոսքի հավաստիությունը: Հետաքրքիր է, որ «երևակայության ուժով ինչ որ նոր կյանք» հնարելը մերժող քննադատը առանձնակի շեր-

մությամբ է վերաբերում գրական այն երկերին, որոնցում փորձ է արվում գուշակել... գալիքը: Ա. Ֆրանսի «Երեք ու կես դար հետո» «փոքրիկ գրվածքի» թարգմանության առիթով համառոտ տեսություն է տալիս ուսուպիական գրականության նշանավոր երևույթների մասին, գրքերի, որոնք անհրապար ներկային հակադրում են «հրապուրիչ ապագան»: «Ազատատենչ գրականությունը» արժեք ունի այն դեպքում, եթե խորությամբ հակադրվում է «ներկայի չարիքին»: Գրականության հասարակական դերի ըմբռնումը, գրականությունը հասարակական ազնիվ նպատակներին ծառայեցնելու գիտակցությունը քննադատին մղում է բարձր գնահատելու այն երկերը, որոնք «կարող են բանալ ընթերցողի աչքը մեր ընկերական կարգի թերությունների վրա և վարակել վերակազմության տեսչով շատերին, որոնք խոլ դժգոհություն ունեն աշխարհից, բայց պարզորեն չեն գիտակցում իրենց հակումներն ու ժամանակակից կյանքի զարգացման միտումները»¹:

Ուսուպիական գրականությունից ևս կյանքի ճանչողություն պահանջող Աղրայլանի ըմբռնմամբ՝ ճանաչել ու ներկայացնել իրական կյանքը բոլորովին էլ չի նշանակում «պրոտոկոլիստի նման» նկարագրել այն. գեղարվեստական երկից նա պահանջում էր խոր վերլուծություն, նկարագրվող դեպքերի ու հոգեբանությունների խոր համոզչականություն: Լումայի «Գաբոյի ընտանիքը» վեպի անհաջողության գլխավոր պատճառներից մեկը, իբրևս գլխավորը, այն է, որ «պ. Լուման հարցի արմատից չի բռնել, հիմնական պատճառը չի ցուց տվել մեզ և իր ցուց տված բացադիկ երևույթի պատճառը սկսալ կամ առնվազն շատ միակողմանի է հասկացել»²: Նկարագրվող դեպքերի ու հոգեբանությունների հիմնա-

¹Մուրճ 1899, N 2-3, էջ 290:

²Մուրճ, 1896, N 12, էջ 1598:

Վոր կամ անհիմն լինելը վճռվում էր կյանք-գրականություն կապի դիրքերից: Հոգևոր երևույթների պատճառները տնտեսական կյանքի պայմանների մեջ որոնելու ձգտումը երբեմն ուղղագիծ է՝ միշարկված կապի անտեսման չափ: Նա կարող էր պնդել, օրինակ, թե «երբ ազգն իրավագործ է և աղքատ՝ նա կլանված է առօրեական ապրուստի և գոյության տարրական հոգսերով: Նա ոչ ժամանակ ունի լայն ծրագրեր մշակելու և ոչ հնարավորություն հոգեկան վայելքներով ապրելու և նոր ուղիներ նշմարելու»¹:

Հետաքրքիր է, որ հայ գրականության անցած ուղուն լավատեղյակ հետազոտողը անտեսում է նրա ընձեռած օրինակները... Այնուամենայնիվ, գրական երևույթները այդ կապի տեսանկյունից գնահատելու տիրապետող ձգտումը Աղբայանին անկասկած դնում է 1890-1910-ական թվականների մեր քննադատության այն ներկայացուցիչների կողքին, որոնք գրականությունից պահանջում էին սոցիալական հագեցվածություն:

4

Ժողովրդայնությունը համարելով ուսալիստական գրականության անքաժան հատկությունը՝ քննադատի անդավաճան ձիրքը նրան հնարավորություն տվեց երկու դարերի սահմանագլխի մեր պոեզիայում առանձնացնելու Հովհաննես Թումանյանին և Ավետիք Իսահակյանին՝ իբրև հայ գրականության ամենաժողովրդական բանաստեղծների: Նրանց մասին հոդվածները այսօր ել պահպանում են իրենց գիտական նշանակությունը:

Իսահակյանի առաջին ժողովածուի արժեքը Աղբայանը տեսնում է այն հսկայական նորության մեջ, որով այն տարբերվում է նախորդ ու ժամանակակից բանաստեղծների գրվածքներից: «Այստեղ ամեն բան նոր է

¹Հորիզոն, 1913, N 1.

լեզվից ու ձևից սկսած մինչև զգացմունքներն ու նրանց արտահայտությունը: Այսպես ոչ ոք չի գրում և չի գրել, այսպես ոչ ոք չի զգացել ու արտահայտել»²: Սկսնակ բանաստեղծի բերած նորությունները թվարկելիս հատուկ ընդգծում է նրա ժողովրդայնությունը, իբրև բացառիկ մի հատկանիշ: Ծիշտ է, սիմալվում է, երբ «ժողովրդայնությունը» (չի համարում «նրա ընդհանուր բնագիծը», բայց տվյալ դեպքում դա չէ եականը, այլ այն, թե ինչ բովանդակությամբ է դիտվում ժողովրդայնության հատկանիշը). «Նա (Իսահակյանը. - Գ. Ա.) կարծեք հալվում է ժողովրդի մեծ սրտի ու հոգու մեջ, և այլևս նրան անկարելի է զոկել ժողովրդի մարդուց»: «Ինչումն է այդ ժողովրդայնությունը, - հարցնում է այնուհետև քննադատը, ինքն էլ պատասխանում, - նրա այն հատկության մեջ, որ կարողանում է ժողովրդի պես զգալ, նրա սրտով ապրել»³:

Մտածողության ժողովրդային տարերը պայմանավորել է նաև արտահայտության ձևը, այսինքն՝ ժողովրդային է իսահակյանի նաև լեզուն՝ «Իսահակյանը թափանցում է մեր լեզվի ոգու ներսը»: Սա է լեզվի ժողովրդայնության գաղտնիքը, որ քննադատն ընդգծում է շատ հստակ կերպով. «Այլ բան է ժողովրդական լեզվով գրել, նրա հոգով գրել, այլ բան է ժողովրդի լեզվով գրել. մեկը ցանկալի է մեր գրական լեզվի կենդանության համար, մյուսը վեասակար է»³:

Գրականության ժողովրդայնության մասին այս ըմբռնումները ավելի խորացան Թումանյանին նվիրված հոդվածներում: Թումանյանի յուրահատկությունն այն է, որ նա «օգտագործում է մեր ժողովրդական անգիր բա-

¹Մուրե, 1897, N 6, էջ 842:

²Նույն տեղում, էջ 853:

³Նույն տեղում:

Անհյուսության անհատնում շտեմարանը, իր ընտրած նյութը մշակելով հայ ժողովրդի ոգով ու ոճով»¹:

Ինչպես էր պատկերացնում բանահյուսական նյութը «ժողովրդի ոգով ու ոճով» մշակելու խնդիրները:

Նախ նշենք, որ բարձր էր գնահատում ժողովրդական բանահյուսությունը առհասարակ: «Նավասարդին» նպիրված հայտնի գրախոսականում բացառիկ ոգնությամբ է խոսում ժողովրդական «հանճարի ձայնի մասին, որին ունկնդրելը միայն կարող է արվեստագետին զանազան իշմերի ստեղծած «խեղուկ, կեղծ, շինծու և նեղ աշխարհից» դուրս հանել ստեղծագործական մեծ թոփշների: Ընդունելով հանճերձ Սիամանթոյի, Վարուժանի մեծ տաղանդը, մինչև վերջ չհասկանալով հեթանոսական շարժման էությունը, որի պատճառով էլ մասամբ չի ընդունում շարժման ներկայացուցիչներին, արևմտահայ գրականության կենսական ակունքը տեսնում է ժողովրդական «հանճարի ձայնը լսելու» խոհեմությունն ունեցած Հայրիկի, Սրվանդտյանի, Պարոնյանի ստեղծագործական ավանդների մեջ: Նույն նկատառումով արևելահայ գրականության մեջ առանձնացնում էր Թումանյանի և Խաչակյանի ստեղծագործությունը:

Սակայն բանահյուսական նյութի ամեն մի մշակում դեռևս գեղարվեստական արժեք չէ: «Ժողովրդի ոգի» հասկացության մեջ ընդգծում է գաղափարական այն դիրքորոշումը, որն ընկած պետք է լինի յուրաքանչյուր մշակման հիմքում:

Գերի մնալ ավանդական նյութի գաղափարին, նշանակում է արվեստի գործ ստեղծելու փոխարեն պարզապես «վաղեմի ժամանակներ» հիշեցնել: Հենց այս տեսանկյունից էլ խստորեն մերժվում է ոմն Պողոս Ղազարյանի «Սրտագին նվեր» ժողովածուն, որի հեղինակը «լրջորեն ու անկեղծությամբ շատ անհաջող ու անկաա

ուանավորներ է գրում ավանդական նյութերի մասին»: Այս հեղինակի համար «Արովյանից մինչև մեր օրերը» մտավորական կյանք գոյություն չունի, նա ամբողջովին հնի մեջ է, այն էլ՝ կրոնական ըմբռնումների մեջ, ահա թե ինչու նա «այրաբնակի տպավորություն է» թողնում:

Թումանյանի «Աղավնու վանքին» նվիրված հմտալից հետազոտության մեջ ընդգծված կրոնական երանգավորում ունեցող ավանդության թումանյանական վերստեղծման ամենամեծ արժանիքը համարում է այն, որ նորաստեղծ երկի ոգին արդեն «ազգային է և ոչ եկեղեցական»: Ազգային ոգու ընդգծումը «քայլքայած է կղերի հիացումը»: «Նյութը տալ իր ազգային կերպարանքի մեջ», – այսպէս է ընդհանրացնում քննադատը բանահյուսական նյութի մշակման թումանյանի փորձը: Բանահյուսական նյութը «միջազգային» է, «նման գծեր երևում են Հնդկաստանից մինչև Սկովտիա», բայց ամեն մի ժողովուրդ այդ նյութը ընկալում է իր պատմության, հոգերանության, բնավորության տեսանկյունից, ուստի և բանահյուսական նյութի գեղարվեստական մշակման հաջողության կարևոր պայմաններից մեկը բանահյուսական ստեղծագործության մեջ դրսնորված ազգային յուրահատկությունների բացահայտումն է: Գրողը ոչ միայն հավատարիմ պետք է մնա «ժողովրդի մտավճության, աշխարհայացքին և պատմական փորձին», այլև պետք է հատուկ ջանք թափի այդ՝ հատկամիշները առավել ընդգծելու, այդ գծերը ավելի ցայտուն դարձնելու համար: Գեղարվեստական այս խնդրի իրականացումը ենթադրում է գրողի ստեղծագործական ազատություն նյութի նկատմամբ. ստեղծագործողը կարող է որոշ հատվածներ դուրս գցել, ավելացնել նոր դրվագներ, իրադարձություններ: Այդ ամենը պետք է, սակայն, խստորեն ենթարկված լինի տվյալ ժողովրդի մտածողության բնույթին և օրինաչափություններին: Նշելով, որ «Քաջ նազարում» թումանյանը կատարել է հավելումներ, ավելացնում է.

¹Ն. Աղրալյան, Ամրողական երկեր, հ. I, էջ 132:

«Կարող ենք վկայել, որ իր ավելացրած մանրամասները չեն հակասում մեր ժողովրդի այդ ստեղծագործության բնույթին և հարազատության, ընդհակառակն նրանք լրացնում են այն ազգային իմաստությունը, որով տոգորված է Քաջ Նազարի բազմարովանդակ հյութը»¹:

Նույն մոտեցումը ընկած է «Աղավնու վանքի» գմահատման հիմքում: «Հապավելով ավանդության այս մասը (կրոնական իմաստ ունեցող հատվածը. - Գ. Ա.), Հ. Թումանյանը զորապես շեշտած է ավանդության հիմնական գաղափարը»: Իրեն հայտնի հյութը բանատեղը «համախմբած է տարբեր ձևերով. մի քանի գիծ հապաված է, մի երկու կետ պարզած, թերի թողածին տված է լրիվ կերպարանք և վերափոխած է ոգին, առանց հիմնական գաղափարին ձեռք տալու»²: Այս կարգի վերամշակումը «ազգային ավանդություններ(ի) վերստեղծում» է: Հենց այդ ազատ վերստեղծումն է, որ Թումանյանի հեքիաթին հաղորդել է փիլիսոփայական խորք և արդիական հնչեղություն. «Այո, մինչև այսօր ել թագավորում է Քաջ Նազարը և իրավունք ունի ծիծաղելու այս հիմար աշխարհի վրա: Նա ապրում է ամեն տեղ... ու քանի կա մարդկային սնակիառությունն ու վեճերութությունը և ինքնաներշնչումը ու նախապաշարման անհիմայլ հակումը՝ դեռ մարդկությունը շատ կը տեսնի «Վախկոտ նազարների Քաջ Նազար դարձած»³:

Քաջ Նազարի Թումանյանի մշակումը Աղբալյանը համարում էր հայ գրականության մնայուն արժեքներից, «որ ունի մեծ ստեղծագործութեանց անկասկածելի կմիջը - լինի մատչելի և թելադրական մանուկին ու մեծին և ազգի բոլոր խավերին»⁴: Քննադատը թումանյանական

¹Ն. Աղբալյան, Ամրողական երկեր, հ. I, էջ 134:

²Հորիզոն, 1913, N 53:

³Նույն տեղում, էջ 190:

⁴Նույն տեղում, էջ 191:

ուղղությունը, որի բնորոշ գիծը «ժողովրդի գգացումով ու մտածումով» տոգորվելն է, դիտում է իբրև գրականության զարգացման կենսականորեն կարևոր օրինաչափություն:

Գուշակել ժողովրդի «իդեալը գեղեցիկի աշխարհում» և տոգորվել նրանով՝ սա ժողովրդայնության հասնելու ճանապարհն է և բարձր քննադատության չափանիշը: Չի կարելի հայ գրողներին գնահատել գեղեցիկի մասին այլ ժողովուրդների ըմբռնումներով: «Մենք պիտի աշխատենք գտնել հայ ժողովրդի իդեալի ըմբռնումը» և դրանով գնահատենք հայ գեղարվեստի արժեքները, «եթե ուրիշ ազգի, թեկուզ զարգացած ազգի տեսակետով մոտենանք, սխալ կլինի»¹:

Ընկած լինելով արևելքի ու արևմուտքի սահմանագծում հայ ժողովուրդը յուրացրել է երկու աշխարհամասերում ապրող ժողովուրդների հոգեւոր արժեքների ավանդույթները: Սա յուրահատկություն է, որ չպետք է անտեսնլ:

5

20-րդ դարակզբին գրական ու գեղարվեստական նորագույն ուղղությունները, իրենց բնորոշ հակասություններով, այս կամ այն չափով արձագանք գտան նաև հայ իրականության մեջ: Մեր կյանքը առավել նպաստավոր հող էր ստեղծում այդ ուղղությունների ներթափանցման համար: 1905-1907 թթ. հեղափոխության պարտության ու սոցիալական հակասությունների սրմանը ավելանում էր ազգային երազանքների փլուզման ողբերգությունը:

Քննադատը չէր կարող անտարբեր անցնել գրականության ու արվեստի մեջ դրսնորվող նորագույն երևույթների կողքից: Վերաբերմունքը, դիրքորոշումը ինք-

¹Նույն տեղում, էջ 191:

Այն բնութագրում է քննադատին, բացահայտում նրա հայացքների ուղղվածությունը:

Նահանջը ուշակիմի ու ժողովրդայնության դիրքերից բացատրում էր «-ամենամեծ հասարակական և ընկերական» շարժման պարտությամբ.

«...Ծատ իդեալներ չիրականացան, շատ հույսեր մարեցին. եկավ մի ընդհանուր լքում և վհատություն... ամեն մարդ լքեց ընդհանուր գործը և անձնատուր եղավ իր անհատական կյանքին: Բնական էր, որ գլուխ բարձացնեին մի կողմից վայելքը, մյուս կողմից ինքնազընությունը»¹: Թող որ սա երևովի սպառիչ բացատրություն չէ, բայց գլխավոր նախադրյալներից մեկը ճիշտ է կուռիված:

Մշտապես հանդես գալով ունեալիստական, ժողովրդային գրականության դիրքերից, 20-րդ դարի առաջին երկու տասնամյակներում ընդգծված բացասական դիրքորոշում ունի ոչ ունեալիստական ուղղությունների ու հոսանքների հանդեպ: Այդ շրջանի հոդվածներն ու գրախոսականները հաստատում են, որ շարունակում է հավատարիմ մնալ դասական ունեալիմի ավանդներին: Տարբեր առիթներով բազմիցս իր դժգոհությունն է հայտնել գրական այն դպրոցներից, որոնք հրաժարվում են «հանրային նպատակներից»՝ «ամայացած շրջապատում» գերի դառնալով «սեփական սրտի բախումներին» և «սեռական բնազդի մթին խլրտումներին». «Մարդն իրեն գորում է մենակ, լրված. վերը երկինք, վարը իր «ես»-ը և դիմացը հակառակ սեռին պատկանող էակները: Ինքնանպատակ սիրո վայելքը հասցնում է իր բնական վախճանին՝ հիանափակության կամ հագեցման, և մարդիկ ավելի քարշ են գալիս, քան ապրում: Տխոր խազները գերակշռում են բոլոր եղանակների մեջ և թախ-

ծությունը համակում է ամեն վրձին, երգ ու երգիչ: Կորչությունը համակում է ամեն վրձին, երգ ու երգիչ: Կորչությունը համակում է մտքի պայծառությունը, զգացումի թափը և կամքի ամրությունը»²:

Նորարարությունն այն դեպքում արժեք ունի, եթե չի հրաժարվում «հանրային նպատակներից», այսինքն նորի որոնումը չի հանգում գրականության հասարակական կոչման ու արժեքի մերժմանը կամ թերագնահատմանը: Արտաշես Տեր-Մարտիրոսյանի «Աշնուտ» ժողովածուի գրախոսականում ուղղակի գրում է. «Հեղինակն ըստ երևույթին հետևում է բացի Տերյանից՝ նաև նորագույն անտաղանդ և մարդկանց զարմացնելու մարմաջով բռնված շարքորոշմներին, կարծելով նոր բան է գտել: Կանցնի տասը տարի և այսօրվա թերթն իրենց ոտանավորներով լցնող այդ «բանաստեղծներից» մեկի անունը չի մնա: Նորաձևության հետևում են ծանծաղամիտ գլուխները և թեև զբաղեցնում են մարդկանց, բայց ամենաշատը մի քանի տարի, այնուհետև ուրիշ նորաձևություն գալիս վանում է հինը: Ստեղծագործությունը ծանր խաչ է և ոչ նորաձևություն»³, - գրում է 1912 թ.: Մի այլ առիթով՝ «Կան հեղինակներ, - և նրանք վերջերս շատ են մեզանում, որոնց համար արտաքին աշխարհն իբր վերստեղծման՝ նյութ անարժեք է բնավիճ... Նրանք մտահոգված են իրենց անձնական ապրումները վերարտադրելու և երազները կերպարանելու»⁴: «Իրենց ներքին բովանդակությունը գեղող» այս հեղինակների ստեղծագործական անկեղծությանը քննադատը չի կասկածում: Բայց և գտնում է, որ դա մերժելի անկեղծություն է, քանի որ տանում է դեպի անտրտունց համակերպում: Աղքալյանի համար էականը գրականության հասարակական բովանդակությունն է: Այս ելակետից է խստորեն մեր-

¹Նույն տեղում, էջ 249:

²Նույն տեղում, էջ 238:

³Ն. Աղքալյան, Ամրողչական երկեր, հ. II, էջ 240:

ժում անկումային գաղափարաբանությունն ու գեղագիտությունը, քանի որ վերջիններս անհատին հաշտության են մղում «բախտի սուր սլաքների» և «անիրավությունների հետ»...

Մերժելով անորոշության, մթամած զգացումների ու մշուշային ապրումների գրականությունը՝ երիտասարդությանը կոչ էր անում կապվել կյանքին, մաքառել գեղեցիկ իդեալների իրականացման համար, գրականությանը կենդանություն հաղորդել կենսական ապրումների, գաղափարների շնչով: Մշտապես ուշադրության կենտրոնում պահելով գրական երիտասարդության, գրական հերթափոխի աճի ու զարգացման խնդիրները՝ չեր բավարարվում սուկ դատապարտելին մերժելով: Անգամ ավագների մասին գրելիս փորձում էր գուշակել տաղանդի զարգացման ուղղությունը, խորհուրդներ էր տալիս, ուղիներ նշում: Ահա ընդարձակ մի բնորոշում գրական զանազան «իզմերի» լարիրինթում խարիսխող երիտասարդության մասին: «Ի՞նչ սերունդ է սա, որ չի կարողանում իր դիրքը որոշել կյանքում, տիրել նրա ուղիներին և բարիքներին, հարձակումով գրավել կին ու դիրքեր և շառաչով անցնել աշխարհի վրա քանդելով ու ստեղծագործելով:

Հայության կյանքում բարձրանում է մի ալիք և փոխանակ կազմ ու ջապինդ կուրծքեր ու բազուկներ գտնելու իր դեմ, որ թոշեն նրա ուսին և բաց ծովերը լողորդեն, նա գալու է ծածկե շարժուն դիմակներ, որոնք մտորում են, երազում և անձնությամբ հարցնում՝ ո՞վ է մատնել մեզ մառախուտի և այլն...

Գրականության մեջ նրանք սեր են կապում նյարդային և միգամած հեղինակների և իրենց վարակում վիատ ու ամկենաւունակ տրամադրություններով ու զգացմունքներով, իբր թե մարդկությունը ստեղծած չիմեր հանճարներ, մարդկային մտքի և զգացումի բարձրագագաթներ, ուր օդը սառն է, մաքուր և կազդուրիչ և որտե-

դից վիատության մշուշապատ հովհանները երևում են խղճուկ տափակության մեջ...

Կյանքն անցնում է հակառակ ամեն տեսակ վայնասունի, «ախ»-երի և «ավաղ»-ների և ապրում ու հաղթում է նա, ով հզոր է իր տրամադրությամբ ու առուզ իր ինքնազգացումով: Ամեն մաքառում բերում է կենդանություն ոչ միայն մաքառողին, այլն նրա շրջապատին:

Թող երիտասարդությունը ականջին օդ անի այս ճշմարտությունը»¹:

Այս նորագոյն ուղղությունների աղբայանական մերժումը գերծ էր այն ծայրահեղություններից, որ նկատվում էր «ուղղափառ» ռեալիստների հոդվածներում: Նա հակված էր այդ ուղղությունների մեջ տեսնելու նաև ձեռքբերումներ... Ծատ բարձր էր գնահատում լրումի ու վիատության, «տրամադրության ամենատաղանդավոր ներկայացուցիչ» Վ. Տերյանին, որը «գոնավորում էր իր ազդեցությամբ բոլոր սկսնակ բնաստեղծների երկերը»: Քննադատը հատկապես ընդգծում էր բանաւեհծական արվեստի ասպարեզում այդ ուղղությունների ձեռք բերած նվաճումները: «Հին Աստվածների» կապակցությամբ ուշագրավ դիտարկումներ է անում սիմվոլիստական դրամայի բերած նորությունների վերաբերյալ: Գրականությանը հասարակական առաջադեմ գաղափարներին սպասարկուի դեր հատկացնելով՝ նման գաղափարներից խուսափող, «եսական երշանկության անձնատուր» գործերի ու հեղինակների արժեքը հայտնաբերում է մի կետում, որը դարձալ հանգում է բարձր գաղափարներին ծառայելուն: «Մանվելյանի գրքովկը մի ցուցափայտ է՝ տմկված մեր կյանքի ճամփին. նա ցուց է տալիս թե նեափ ուր չպետք է գնա մեր որոնող երիտասարդությունը»²:

¹ Ն. Աղրայան, Ամրողշական երկեր, հ. I, էջ 239:

² Հորիզոն, 1912, N 239:

Գրական երիտասարդության մի ստվար մասի համար կինը սոսկ «մի միջոց է տղամարդու երջանկության, մի հարդարանք»: Սերն է «խորհուրդ խորինը» կյանքի, նրանից դուրս չկա նպատակ, չկա մի բան, որի համար արժենար ապրել: Ավելի հեռուն չի կարող գնալ մարդկային հոգու աղքատությունը»¹...: Մինչդեռ կինն ու սերը ոգևորության աղբյուր պետք է լինեն մեծ նպատակների իրականացման ճանապարհին և կյանքում, և՝ գրականության մեջ, սա էր նրա համոզումը: Ահա մի հատված Համաստեղին գրած նամակից: «Սերն այնքան նույնացած է հիմա սեղի հետ, որ «մարդն» անտեսվում է և «կինն» է մարդու աչքին երևում... «Մարդուն» սիրելով պետք է «կին» առնել և ոչ կին սիրելով մարդ որոնել նրա մեջ»²: Գրական երիտասարդության համարձակ նորարարական փորձերի մեջ նկատում և արժեքավորում էր նաև առողջ ու կենսահաստատ միտումները, գեղարվեստական հետաքրքիր հայտնությունները: Այս տեսակետից ուշագրավ է իս. Խահակյանի «Հեքիաթ արևի տակ» ստեղծագործության գրախոսականը: Նկատելով, որ այս «գրվածքն իր ձևով գրական ոչ մի սովորական տեսակի չի հարմարում», որ այն «մի գեղում է կամ լավ ևս մի խանդավառ հիացում սիրո գոյության», քննադատը ոգևորությամբ արձանագրում է այն խանդավառ պաթոսը, որ առանձնացնում է երիտասարդ հեղինակին իր հասակակիցներից և ոչ միայն հասակակիցներից: «Այս տրամադրությունը նոր ու ցանկալի մեր երեկով լալկան և այսօրվա վհատ գրականության մեջ»³: Ի դեմս իս. Խահակյանի արձակ պոեմի՝ Աղբալյանը տեսնում էր երիտասարդությանը, ընդհանրապես գրականությանը ներկայացրած իր պահանջի իրականացումը. «Հար-

- 135 -

գրակումով գրավել կին ու դիրքեր և շառաչով անցնել աշխարհի վրա»... Հասարակական լայն բովանդակության, գրականության դերի առողջ ըմբռնման դիրքերից էր գնահատում այս ստեղծագործությունը. «Մի թարմ, կազդուրիչ հով է փշում այն պատաճեկան խիզախ կանչերից, այն ինքնավստահ հրավերներից, որ նետում է հեղինակը դեռատի սերունդին: Ես գգում եմ վհատության մղձավանջից ազատված ապագա մարտիկների գուսա ուժերի բարախումը դեռ չամրացած կուրծքերի տակ. Կարծես վարից բարձրանում են նրանք բեմը՝ պայծառ, զորեղ ու նշանակալից մի դեր խաղալու. ինչ ոգևորություն, ինչ լայն համակրություն, ինչ հմայիչ ինքնավստահություն»⁴: Սա գրական երևույթի գնահատական լինելուց բացի նաև գաղափարական ինքնարացահայտում է: Այս տողերի մեջ հատում է ապագայապաշտում ու քննադատը, որի համար գրական ստեղծագործությունների գնահատման կարևոր չափանիշներից մեկն էլ այն է, թե որքանով են այդ ստեղծագործությունները կոչված ծառայելու լուսավոր գալիքին: Քննադատությունը ուղղված պետք է լինի նաև գալիքի գրողներին, պետք է նախապատրաստի նրանց ծնունդը: 1916-ին հրատարակելով Վ. Տերյանի «Տիրություն» բանաստեղծության մասին՝ իր դիտողություններն ավարտում է իմաստակից մտորումներով, որոնք հետաքրքիր են հենց այդ տեսակետից: «Տումբերի որոտով և արյան հեղեղով աշխարհ է գալիս վաղվան մարդկությունը: Ավերակների վրա պիտի բարձրանա ավելի արդար, ավելի մարդկային մի շենք: Արդեն ծլում է նոր կյանքը և մարդկային ոչ մի հուր չի կարող քանդել նրա ծիլը, որ ժայտում աչքով նայում է արևին: Անհայտ տաղանդները աճում են անշուշտ նաև մեր կյանքում, այս թոհի ու բոհի մեջ և լուր ու առանձին՝ իրենց ներքին աշխարհում փայփայում են նոր

¹Նույն տեղում:

²Ավանգարդ, 1989, 19-ը ապրիլի:

³Ն. Աղբալյան, Ամրողչական երկեր, հ. I, էջ 224:

⁴Նույն տեղում, էջ 222:

գեղեցկության շքեղ պատկերները: Այդ ապագա վարպետներին գուցե սատարեն այս քանի մը տողերը: Դրանով միայն կարելի է արդարացնել սրանց երևումը արյունի և արցունքի այս ահավոր օրերին...»¹:

Աղբալյան-քննադատն օժտված էր գրական տաղանդը առաջին իսկ քայլերից ճանաչելու եզակի կարողությամբ: Գեղարվեստական երկը հասկանալու, ժամանակի հասարակական կյանքի ու գրողի տաղանդի առանձնահատկությունների հաշվառմամբ այն բացարձելու կարողությունը նրա մոտ ներդաշնակորեն գուգակցում էր տաղանդի ընթացքին հետևելու համբերատար հետատեսությանը: Դրա շնորհիվ է, որ արդեն իսկ առաջին գրքերով նա մեծ գալիք գուշակեց Լ. Շանթին, Ավ. Խահիկյանին, Վ. Տերյանին, Ե. Չարենցին, Ստ. - Զորյանին... Նորից հիշենք սկսնակ Լ. Շանթի առաջին ելույթի գնահատականը. «Այնպիսի մի դեբյուտ, որպիսին «Երազ օրերն» է, մի սկսնակ գրողի համար մեծ բան է... այդպես սկսողից ամենայն հանգստությամբ կարելի է սպասել ապագայում ավելի կատարյալ և գեղարվեստական երկեր»²: Այդպիսի ենթադրության համար քննադատին հիմք էր տալիս այն, որ «Շանթը մի կենսուրախ, լավատեսական, իդեալականի հակած և անկեղծ գրող է... իսկ ինչումն է տաղանդի ուժը, եթե ոչ անկեղծության մեջ»³:

Աղբալյան-քննադատի պրոֆեսիոնալ տաղանդը վկայող իրողություններից մեկն էլ այն է, որ նա ոչ միայն կարողանում էր ճշգրտորեն բնութագրել սկսնակի առաջին գործը, այլև գրեթե անսխալ գուշակում էր տաղանդի զարգացման ուղղությունը:

¹ «Հորիզոն», 1916, N 17:

² «Մուրճ», 1896 N 12, էջ 1605:

³ Նույն տեղում, էջ 1607:

Գնահատելով Լ. Շանթի «Երազ օրերը» և Ակատելով, որ գրողը հեռու է կյանքի դժվարությունների տակ կքած մարդուց, չի ուզում տեսնել «մի կտոր հացի համար» իր «մարմնական ու հոգեկան ուժերը» վատնող ամբոխին բվերջին նրան հետաքրքրում է միայն տեսականապես, կամ որպես իր հերոսների խոսակցությունների առարկա, կամ որպես նրանց ցնորքների և ձեզ տումների հետակետ՝ հանգում է մի հետևողաբար հաստատվում է Շանթի հետագա ողջ ստեղծագործությամբ. «Գործնականապես նա չի հետաքրքրվում, ցուց չի տալիս նրան (ամբոխին. - Գ. Ա.) և իսկ չի ել ցուց տա»): Խահիկյանի «Երգեր ու վերքեր» գրքի առիթով գրած ընդարձակ հոդվածում մասնավորապես նշում է բանաստեղծի խառնվածքի երկու կողմը՝ բուն ժողովրդայնությունը, որ շատ բարձր է գնահատում, և բանաստեղծի ոռմանտիկ սլացումները, բանաստեղծական ես-ի տիեզերական ընդհանրացումները, որոնք բոլորովին դուր չեն գալիս նրան: Իր հոդվածը Աղբալյանն ավարտում է իրեն շատ բնորոշ մի հարցումով. «Մենք տեսանք Պ. Խահիկյանի հոգու շրջման կետերը՝ մեկը ժողովրդի մեջ, մյուսը վերացականության սառուցներում. սիրով նա կապված է երկրի հետ, իսկ ինչ - որ անհականալի վերքերով «հեռու ափերի» հետ: Որտեղից է սկսել և ու՞ր է գնում, մի՞թե դեպի սառն ու մեռած բարձունքները...»

¹ Ենք ուզում հավատալ!»⁴:

Զհավատաց և տարիներ հետո իրավունք ուներ հպարտանալու. «Ուրախ եմ, որ այդ գրքին առաջին գնահատողն եղած եմ և անոր հեղինակի մեջ մատնանշած եմ նշանավոր բանաստեղծ մը»⁵:

⁴ Ն. Աղբալյան, Ամբողջական երկեր, հ. I, էջ 108:

⁵ Նույն տեղում, էջ 120:

Իսահակյանին նվիրված հետագա հոդվածներում խորացրեց բանաստեղծի ժողովրդայնության մասին իր հայացքը և նորովի մեկնաբանեց նրա բանաստեղծական ես-ի համապարփակ ընդհանրացում-ընդգրկումները:

Հավատարիմ իր սկզբունքին՝ պատրաստվում էր գրել Տերյանի երկրորդ գրքի մասին ևս («Բանաստեղծություններ», 1912): Ռուբեն որդու փրկած թղթերում պահպանվել են դեղնավուն թղթի վրա կատարված նշումներ, դժվար ընթեռնելի, որոնք, սակայն, ինչ-ինչ պատճառներով հոդված չեն դարձել:

Բայց նա չմոռացավ Տերյանին: «Ռուսահայ գրականությունը 1912 թվին» ընթիանուր տեսության մեջ խոստովանեց, որ հեղափոխության պարտությամբ պայմանավորված վիճառության ու լրումի տրամադրությունների «ամենատաղանդավոր արտահայտչը» Վահան Տերյանն է, «որ այսօր կենտրոնական դեմքն է ռուսահայ բանաստեղծության մեջ», իսկ նրա «Բանաստեղծություններ» ժողովածուն «անցյալ տարվա հրատարակությունների մեջ... անտարակուս ամենից աչքի ընկնող երևույթն է մեզանում»¹:

Հայ գրողների ընկերության նիստերից մեկը նվիրվում է «բանաստեղծ Վահան Տերյանին» (բանախոս՝ Վարդգես Ահարոնյան), հանդես է գալիս նաև ինքը՝ անելով մի քանի դիպուկ լրացումներ: «Ն. Աղբալյանն ասում է, որ Տերյանի ստեղծագործությունները քննելիս չպետք է նրանք խիստ որոշ բաժանումների ենթարկել: Դասախոսի ասածով այնպես դուրս եկավ, որպես թե սերը, տիսրությունը, միայնությունը և այլն առանձին ջոկված են Տերյանի մոտ, մինչդեռ դրանք միաժամանակ կատարվող բաներ են»²: Տերյանի կրած ազդեցությունների խնդրում դասախոսի արած դիտողությունները հա-

¹Հորիզոն, 1913, N 4:

²Հորիզոն, 1913, N 270:

մարել է «արժեքավոր»: Իսկ դասախոսը մասնակորապես նշել է ոռուական և ֆրանսիական «դեկադենտների շկոլայի» ազդեցությունը:

Հաջորդ տարին Ա. Տիգրանյանի մասին գրախոսականում հապանցիկ անդրադառնում է Տերյանին՝ կատարելով մի մեծ ընդհանրացում և սրբագրելով «Զանգակի» հոդվածի վերապահումները: «Մթնշաղի անուրջներով» նշանավորվում էր պոեզիայի մի նոր շրջան: 80-ական թթ. բանաստեղծության կենտրոնական դեմքը Հ. Հովհաննեսյանն է, 90-ականներինը՝ Թումանյանն ու Իսահակյանը, 900-ականներինը՝ Վ. Տերյանը: «Վ. Տերյանը նոյնական դարձել է կենտրոնական դեմք. շատերը զգում են նրա բանաստեղծության թարմությունը և ավելի կամ նվազ չափով ազդվում նրա տրամադրությունից, լեզվից, արտահայտության ձևերից, նյութերի մշակման եղանակից»: Նրա ստեղծագործության մեջ «նկատվում է ձևի հոգատար մշակում և մեր լեզվի թաքուն կարողությանց նրբին գգացում»³:

Իսկ 1916-ին հրատարակած «Տրտում օրերից» (Վ. Տերյանի մասին) մանրապատումը վկայում է, որ քննադատը անընդհատ զբաղված է եղել Տերյանի ստեղծագործությամբ: Հետագա տարիներին էլ բազմիցս դասխոսություններ է կարդացել նրա մասին:

Այս իմաստով հետաքրքիր է Ստ. Զորյանի և Ե. Զարենցի օրինակը ևս:

Ստ. Զորյանի «Տխուր մարդիկ» պատմվածաշարը լույս տեսավ 1918 թվին, Թիֆլիսում: Առաջաբանը, որով երիտասարդ հեղինակը ներկայացվում էր գրական աշխարհին, Աղբալյանի գրչին էր պատկանում: «Նշանավոր հեղինակի մասին գրել, նշանակում է վերծանել ու մեկնել նրա գործը. սկսնակ մեկի մասին խոսել, նոյնն է

³Ն. Աղբալյան, Ամրողշական երկեր, հ. II, էջ 239:

Զորյանի գրական վարպետության մի քանի առանձնահատկություններ բացահայտվում են արդեն իսկ առաջին պատմվածքներում: «Իր աչքը սուր է կյանքի մանրությունը դիտելու և շատ հաճախ կարողանում է բնորոշը զատել»... Սրան ավելանում է երգիծելու շնորհը, բնության գեղեցկությունը զգալու և վերարտադրելու կարողությունը: «Աչքի ընկնող է և Ստ. Զորյանի վերլուծական կարողությունը»: Մի քանի պատմվածքներ, որոնցում երիտասարդ արձակագիրը կարողանում է մեկնել, բացահայտել, ընդհանրացնել իր տեսածը, «անհասկանալին» ու «պատմականը», իիմք են տալիս քննադատին եզրակացնելու, թե «հեղինակը կարող է պակելի հետագայում արժեքավոր երկեր տալ մեզ, քան ինչ որ գետեղել է ժողովածուի մեջ»: Նրա աչքից չեն վրիպում այն աղերսները, ուսումնառության իմաստով, որ դրսերում են Զորյանի մի շարք պատմվածքներ Չեխովի ու Մոպասանի ստեղծագործության հետ: Քննադատը խրախուսում է այդ կապը, որը կարող է հետագա ստեղծագործական հաջողությունների խթան հանդիսանալ. «Ուսումնասիրել ոչ թե նրանց (Բոկաչչո, Մոպասան, Չեխով. - Գ. Ա.) հետևելու ստրկաբար, ինչ որ կլիներ ծիծաղելի, այլ նրանց օգնությամբ սեփական ճամփան հարթելու, որ կլիներ մի ծառայություն մեր գրականության և փառք ու հոչակ հեղինակին»¹: Հենց այս ուղղությամբ էլ ընթացավ արձակագրի տաղանդի զարգացումը:

Փորձված ու նրանաշակ քննադատը իսկովն նկատում է երիտասարդ Զարենցի տաղանդը. որքան անվերապահ և դիպուկ է նրա ձևակերպումը. «Վ. Տերյանի հետքով մի նոր բանաստեղծ էր ծագում գրականության հորիզոնից»: Եթե առաջին երկու գրքույի մեջ Աղբայանը տեսնում է «տաղանդավոր սկսնակին», ապա հե-

թե հանձնարարել նրան ընթերցողի ուշադրության»²: Հավատարիմ վերծանողի ու մեկնողի իր կոչումն՝ ոչ միայն ներկայացնում է սկսնակին, այլև բնութագրում է նրա տաղանդը, գուշակում զարգացման ուղղությունը:

Երիտասարդ արձակագրի առաջին գրքի գլխավոր արժանիքը ուսալիստական ուղղության պատկանելուն է: 1900-1910-ական թթ. գրական զարգացումը երևան է հանել մեծ թվով ստեղծագործողների, որոնց «համար արտաքին աշխարհը» իրու վերստեղծման նյութ «անարժեք է բնավիճ»: Եվ ահա «մի քանի անուններ», երիտասարդ Զորյանը նրանց հետ, փորձում են շարունակել Շիրվանզադեի սկսած «գրական աշխատանքը»: Սրանք «ձգուում են արտաքին իրականությունը, ինչպես որ կա, հասկանալ և մեկնել իրենց անձնական ապրումների օգնությամբ»:

Սակայն ուժեղ բնավորություններ չեն Զորյանի հերոսները: «Նկուն սիրու է Ստ. Զորյան և աշխարհից ձեռնթափ: Համակերպություն, ահա իր հիմնական տրամադրությունը, իր սրտի պես համակերպած ու անզոր են իր պատկերացած անձերը... Նրանք ապրում են անշատ, ամեն մեկը հլու իր ցավին ու ճակատագրին, որի դեմն առնելու անճարակ է կամ անզոր: Անողոք ուժեղ ծանրանում են ամենքի վրա և պայքարը նրանց դեմ հարուցանում է ծիծաղելի կացություն, թշվառագին վիճակ կամ հանցանք: Ահա թե ինչու իր պատկերները տոգորում են տրտմությամբ»²: Մեծ կյանքից դուրս նետված այս մարդկանց՝ զյուղի և գավառական քաղաքի բնակիչներ, Զորյանը ներկայացնում է բնության ու կենցաղի համապատկերում: Քանի դեռ սրանք են Զորյանի հերոսները, նա կատեղի միայն մանք պատկերներ:

¹Ն. Աղբայան, Ամրողական երկեր, հ. 2, էջ 239:

²Նույն տեղում, էջ 248:

տագա գործերում արդեն հայտնաբերում է ձևավորված բանաստեղծին: Այդ վկայում է նաև հայտարարության ձևակերպումը՝ «Մի նոր բանաստեղծ-Չարենց»: Ահա ունկնդրի վկայությունը ևս այդ օրը ամբողջ Երևանն իմացավ, որ նոր մեծ բանաստեղծ է ծնվել: Հիացմունքով լսեցինք Աղբայանին. դասավորեց Չարենցի բանաստեղծությունները երեք մասի, խորունկ վերլուծում ըրավ, խոսեցավ մեկուկես ժամից ավելի...»¹:

Այս գեկուցումը փաստորեն Չարենցի հայտնությունն էր: Իրավացի է քննադատը. «Լրագիրները հաշիվ տվին դասախոսության մասին և Ե. Չարենց դարձավ մի անուն»: Խսկապես, 6-7 գիրք էր հրատարակել բանաստեղծը, բայց կիսաբերան ու կցկոտուր երկու գրախոսականից այն կողմ ոչինչ չէր եղել, իսկ Աղբայանի գեկուցումից հետո գրականության մասին ոչ մի լուր խոսակցություն առանց Չարենցի այլևս չէր լինում:

Մամուլի կցկոտուր արձագանքներից միայն կոահել կարելի է, թե «մի լուր քննադատը» ինչպես է արժեքավորել Չարենցի ստեղծագործությունը: «Զգիտեմ, կենդանի է գրողը, թե մեռած,- զեկուցողի խոսքը հիշում է Կ. Քոթանցյանը,- բայց նրա երկերից ելնելով կարելի է ասել, որ բանաստեղծը պետք է, որ բոլորած լինի 40 - տարին»²: Կարելի է ենթադրել, թե ինչ խորություններ է տեսել քննադատը բանաստեղծի երկերում, որ նրան վերագրել է արդեն «իմաստուն այրության» տարիք, մինչդեռ այդ երկերը ստեղծվել էին 16-21 տարեկան հասակում:

Աղբայանի գեկուցումից հետո Չարենցի ստեղծագործությանը հաճախ են անդրադառնում երբեմն վիճակելով նրա տեսակետները: Հենց այսպես կողմնակիրեն կարելի է կոահել նրա որոշ սկզբունքները: «19

¹ «Զահակիր», Բեյրութ, 1963, N 12, էջ 7:

² «Սովետական գրականություն», 1967, N 9, էջ 22:

թվին հանդես եկավ մի այլ քննարերգակ՝ Եղիշե Չարենց: Մեր ականավոր քննադատ Ն. Աղբայանը հմտալից վերլուծությամբ դասեց նրան հայ գրական ընտանիքի մեջ և այն էլ բավական պատվավոր տեղ, տալով միաժամանակ երիտասարդ բանաստեղծին մի լայն վկայական,- գրական նոր և արթնացնող տրամադրության կրողն ու երգիչը լինելու պատիկ»¹: 10-ական թվականների մեր գրականության ընդհանուր համապատկերում, որը գերազանցապես շնչում էր «ողբի ու որրի» թեմաներով, արյունուր ու մահաշոնչ պատկերներով՝ փըրկության համար վերակոչելով հեթանոս աստվածներին կամ նահրիի հնամյա ոգին, Չարենցի պոեմները բերում էին պայքարի ու ոգնորության անսպառ հնարավորություններ, հեղափոխության հրացողքի տակ տեսնում էին կյանքի գեղեցկությունները և փառաբանում դրանք: Կենսասիրությունը «Սոմա» և «Ամբոխները խելագարված» պոեմների մեծագույն առավելությունն էր, մեր ժողովուրի համար այնքան անհրաժեշտ մի հատկանիշ: Քննադատը այդ պատիկը վերցնում է Չարենցից և տալիս նրա տաղանդավոր ժամանակակիցներից մեկին. «Աղբայանի այն պնդումը, թե գրական այն նոր, կենսախինդ ու աշխարհանք տրամադրությունը, որ ունի Չարենցը և որ նրան է պատկանում առաջնությունը Չարենցը և որ նրան է պատկանում առաջնությունը Ավ. ուղիղ չե... այդ տրամադրության նախակարապետը Ավ. Խսահակյանն է իր «Հեքիաթ արևի տակ» երկով»²: Թերևս որոշ ճշմարտություն կա քննադատի դիտողությունների մեջ, քանի որ Խ. Խսահակյանի այս ստեղծագործությունը, իսկապես, գեղեցիկ ու ներդաշնակ իրականության մասին մի երկ է՝ ողղոված լուսով, գեղեցիկ ու ծիրանագույն երազներով: Բայց այդ երկը չի լեցին ու ծիրանագույն երազներով: Բայց այդ երկը չի լեցին ու աշխարհանքը» այն տրամադրկարող «կենսախինդ ու աշխարհանքը» այն տրամադ-

¹ «Յառաջ», 1920, N 39:

² Նույն տեղում:

րության սկիզբը լինել (ոչ առավել ևս Դ. Վարուժանի ստեղծագործությունը), որի գաղափարական ու ստեղծագործական ակունքը սոցիալիստական հեղափոխությունն էր՝ աշխարհը վերափոխելու, այն համընդհանուր գեղեցկության թագավորություն դարձնելու խոստումներով:

Աղբայանը կոահել է Զարենցի տաղանդի մի առանձնահատկությունը ևս՝ համակողմանիությունը, առանձնահատկություն, որ քննադատի ընդդիմախոսները ներկայացրին իրեն Զարենցի... թերություն: «... Եթե մնանք այն եղրակացության, ինչ անում է Աղբայանը, Եղիշե Զարենցը չունի դեռ իր հաստատ մնայուն հուզական կենտրոնը»¹: Նկատի ունենալով Աղբայանի հետագա տարիների զննումները ևս, կարելի է եղրակացնել, որ քննադատը նկատի ունի տաղանդավոր սկսնակի ստեղծագործական «բազմադիմությունը»: Խնապես, բացառությամբ թերևս Դ. Վարուժանի, դարասկզբի բանաստեղծական աստղաբոյլի բոլոր նշանավոր ներկայացուցիչները շատ էին նման իրենք իրենց (սա իրեն տաղանդի առանձնահատկություն և ոչ իրեն թերություն): Մինչդեռ Զարենցի «Երեք երգն» ու «Դանթեական առասպելը», «Կապուտաչյա հայրենիքն» ու «Սոման», «Ծիծան» ու «Ամբոխները խելազարվածը», ինչպես ակունքների, այնպես էլ գաղափարականգեղարվեստական յուրահատկությունների առումով, միևնույն բանաստեղծի անհատականության ու ոճի ներքին միասնության կնիքը ունենալով հանդերձ, իրարից տարրեր էին ու բազմազան: Եթե Աղբայանի նման պրոֆեսիոնալները կոահում էին այս առանձնահատկությունը, ապա սովորական գրական մարդիկ դրա մեջ տեսնում էին... տաղանդի բացակայություն: «Բանաստեղծը պետք է և կարենիություններ ներշնչի», - «հաստատ մնայուն հուզա-

կան կենտրոնի» բացակայությունից այս նզրակացությանն է հանգում Աղբայանի ընդդիմախոսը:

Բանաստեղծը երբեք չմոռացավ գրականագետ-նախարարի իմաստավորված հովանավորությունը: Երբ հանգամանքների բերումով Աղբայանն անցավ արտասահման՝ նվիրվելով գրական-մանկավարժական գործութեության, Զարենցը բարեկամների միջոցով նրան ուղարկեց իր գրքերը («Երկերի ժողովածովի» մոսկովյան երկիատորյակը, «Ռոմանս անսերը», «Պոեզոգունան», (ինձերորդը հնարավոր չեղավ պարզել) (չերմ մակագրություններով: «Հին ու մի քանի նոր հատվածները կարդացի մեծ հաճուքով, երբ ձեռք առա «Ռոմանս անսեր»-ը, որ անպատկան բովանդակություն ուներ և ոգու անկում էր ցուցադրում՝ զայրույթ պահել չկարողաց: Իր իսկ անպատկան ոճով մի նամակ գրեցի ու իր նորորինակ տաղաչափությամբ մի «պոեզոկարծիք» շարադրեցի»²: Աղբայանի վրա ճնշող տպավորություն են թողությունները: Աղբայան անսերը և «Պոեզոգունան», ընդդիմախոսը հեռու էր Զարենցի մոլորությունների գրական-հասարակական ընկալումից, բայց գրականագետի ճաշակն աներքին զգացողությունը կոահում էր շեղումը: Նախորդ շրջանի երգերով անկեղծորեն հիացող քննադատը անողոքությամբ դատապարտում է սիրելի բանաստեղծի ձախությունները: Ակադեմիկոս Կ. Մելիք Օհանջանյանի վկայությամբ Զարենցը մտերիմներին ցույց էր տալիս նամակը և ասում «Տես, Նիկոլա ինչ է գրել»: Անվանի գրականագետի խոսքը, անտարակույս, իր դերն ունեցավ նորագույն գրականության «մանկական հիվանդությունից» բանաստեղծի բուժվելու գործում: Թվում է՝ հիմքից զուրկ չէ Աղբայանի այն կոահումը, թե «Սիրելի Ա-ին» բանաստեղծությունը իրեն է նվիրված: Անհամոզիչը, թերևս, գրության թվականի վերաբերյալ դիտողությունն

¹Նույն տեղում:

²Ն. Աղբայան, Ամբողջական երկեր, հ. I, էջ 241:

Է,- «թվում է ինձ, որ նա մինչև իսկ պատասխանած է իմ գրությանց և հետքը կորցնելու համար իր բանաստեղծության տակ ուշ տարեթիվ է նշանակած»¹: Հիշենք, որ հին բարեկամին ուղարկած բոլոր գրքերը սկսվում էին «Սիրելի Նիկոլ Աղբայլանին» բառերով: Այդպես է սկսվում նաև հիշյալ բանաստեղծությունը՝ «Սիրելի Ա-ին», որ թվագրված է «1929. 27. 11. Երևան»: Ուշագրավ է, որ այդ թվականին ու ամսին լրացել է Աղբայլանի հայտնի գեկուցման 10 տարին: Ենթադրելի է, որ բանաստեղծությունը գրվել է իբրև վերհուշի արձագանք. չէ՞ որ գրքերից մեկին մակագրել էր. «Սիրելի Նիկոլ Աղբայլանին, իմ առաջին ուսուցչին, որին ես երբեք չեմ մոռնան և երբեք չեմ դադարի հարգել»:

Բանաստեղծության ներքին լիցը, գրուցային-«մենայական» տոնը, անցած ուղին հիշելու մասին խոստովանությունը ճշմարտության երանգ են հաղորդում կոահմանը:

Սիրելի Ա-ին

Ես չեմ մոռացել քեզ, բարեկամ,
եվ հիշում եմ քեզ կրկին, կրկին,
ինչպես անցորդը թափառական
Հիշում է միշտ իր անցած ուղին:
Սիրով է հիշում նա ուղին հին,
Գուցե թափիծով, սակայն երբեք
Նա չի ցանկանա կրկին, կրկին
Թողնել հեռուներն ու դառնալ ետ...
Երբ անցած ուղին հուշով անշեծ
Խոցում է, ինչպես կարոտի նետ,-
Խեղդում է նա այդ կարոտն իր մեջ,
Որ եղբեք, երբեք չդառնա ետ...

1929. 27. 11. Երևան

¹Նույն տեղում:

Մերժելով Զարենցի ձախությունները՝ Աղբայլանը հույս է հայտնում, որ իր մեծ տաղանդի ուժով նա կգտնի ճշմարիտ արվեստի ուղին. «... Աստված քեզ տվել էր շնորհք թնելու վեր, ամեն հնարավորություն կերտելու անանց գեղեցկություններ - երևակայության թոփչք, հորդահոսուն լեզու, զգացումի հզոր պոռթկումներ և մեղմի, երանգի, քնքուիչ ըմբռնում»:

Արդեն իսկ «Էպիկական լուսաբացը» քննադատը դիտում է իբրև զարգացման նոր փուլ, հին մոլորությունը հաղթահարելու և «դեպի անանց գեղեցկություններ» բարձրանալու սկիզբ:

Որքան հոգատար էր տաղանդի, նույնքան էլ անխընա էր անտաղանդության հանդեպ: «Վերջին տարիները մեզանում երևացել են մի շարք մեծ ու փոքր գրքեր, որոնց ես կանվանեի տգիտական գրականություն:

Տգետը մեծամիտ է լինում և անգիտակ իր տգիտության, սա մի նպաստավոր հանգամանք է հեղինակների համար, քանի որ դրանով նրանք ապրում են միամիտ մոլորության մեջ: Բայց խիստ աննպատակ պարագա է ընթերցողի համար, քանի որ ձեռքը առնելով նրանց գրքերը՝ կարծում ես շահեկան բան գտած լինել և տեսնում ես մեծամտության ու տգիտության մի վիճվածք:

Ա. Զանյանի «Լիլի»-ն այդ կարգին պատկանող գրվածների մի փոքրիկ ժողովածու է¹: «Տգիտական գրականության» «վիժվածքներից» են նաև Ս. Տարախյանի «Թարգմանական մեղեդիները», Ա. Պայազատի «Խելագարի կտակը» (սրա երկրորդ գրքի նկատմամբ ավելի բարյացակամ եղավ), Լ. Լարենցի «Դրախտի երգը», Ա. Եսայանի «Կամկարմատի շալվարը կամ մողմի յուրկեն» և էլի ուրիշ շատ գործեր: Այսպես՝ քննադատի իր պարտք էր համարում չխուսափել «փոքր» խնդիրներից, հսկել գրական զարգացման ընթացքը, օգնել գե-

¹Հորիզոն, 1912, N 215:

դարվեստական ճաշակի արմատավորմանն ու զարգացմանը:

Գրականության ընթացքին հետևող քննադատի համար մի էական առանձնահատկություն ևս. հիշաչար չէր, զարմանալի սթափ և արդար հայացքով էր նայում բոլորին: Ահա թե ինչու «տգիտական գրականության» ներկայացուցչի հաջորդ գործը, եթե նրա մեջ ինչ-ինչ արժանիքներ լինեին, նորից արժանանում էր նրա ուշադրությանը և ընդհակառակը՝ խրախուսի արժանացած առաջին գործի հետինակին կարող էր խստորեն հանդիմանել հաջորդ արդեն անհաջող գործի համար: Միայն մեկ օրինակ՝ Ա. Պայազատի «Խելագարի կտակը» ոչնչացնող քննադատության ենթարկեց. «Սա մի գիրք է, որ միշտ նույն տպավորությունն է անում, որ կողմից էլ կարդաք. վերջից դեպի առաջ, էջի վարից վեր, վերից վար, ամեն էջից երկու տող»¹: Բայց երբ լույս տեսավ նրա «Էսքիզներ» փոքրիկ ժողովածուն, շտապեց հայտարարել, որ այս գրքովկի հեղինակը, «անպայման շնորհը ունի, նա ունի հատուկ հոգեկան աշխարհ և հատուկ հայացք աշխարհի վրա, որ գուցե հեռուն չի տեսնում և մարդկային հոգու խորքը թափանցում, բայցևանակես իր հայացքն է: Սակայն թե նրա շնորհքը և թե լեզուն անմշակ է»²: Ահա մի նմուշ հակառակ օրինակից: «Զանգակում» բարձր գնահատեց Հր. Ֆալյանի «Թշնամիները» (հայ թուրքական ընդհարումներից) պատմվածքը: Թուրքերի դեմ կովում վիրավորված հերոսը հիվանդանոցում հայտնվում է... վիրավորված թուրքի կողքին, պատրաստվում է խեղդել նրան, բայց հանկարծ իրեն տեսնում է զառանցանքի մեջ որդուց ջուր խնդրող թուրքին ջուր տալիս...

¹ Գործ, 1908, Ն 2.

² Հորիզոն, 1912, Ն 207.

Քննադատի վրա տպավորություն էր գործել «ամենաբարդ հոգեբանական հանգույցներից մեկը» համոզիչ ներկայացնելու կարողությունը: Պակասությունները չեն վրիպում քննադատի հայացքից, դրանք թվում են անփորձության հետևանք, ուրեմն ուղղելի, պակասություններից մեկը «Ահարոնյանի չնչին ազդեցությունն» է: Բայց, ահա, լույս է տեսնում «Հաշտություն» վերնագրով երկրորդ պատմվածքը, կրկին «հայ-թուրքական ընդհարումներից»: «Հաշտությունը» համեմատած հեղինակի «Թշնամիների» հետ մի հետադիմություն է. պակասությունները մեծացել են և նոր առավելություն չի ավելացել»¹: Ինչպես են մեծացել պակասությունները: Պարզվում է, որ Ահարոնյանի «չնչին ազդեցությունը» դարձել է տիրական այն աստիճան, որ կարծեն Ահարոնյանը գրած լինի, իսկ «կրկնությունը միշտ ձանձրալի է, և ուր կա Ահարոնյան՝ Ֆալյանն ավելորդ է»: Ոճի առումով կրկնելով Ահարոնյանին՝ նյութի տեսակետից կրկնում է իրեն. վիրավոր հայն ու թուրքը իրար հանդիպում են ոչ թե հիվանդանոցում, այլ ուազմի դաշտում, «եղբայրուն համբուրում են իրար և մեռնում հաշտված»: Հակառակ առաջին պատմվածքի՝ այստեղ նույն գեղջուկները խոսում են կիրթ ու գրական հայերենով՝ ստեղծելով «նյութի և ձևի աններդաշնակություն»:

Երկրորդ պատմվածքի ժխտման կիրքը իրավունք է տալիս ենթադրելու, թե դրանում դեռ ուներ հոգեբանական մի հանգամանք ևս. եթե գրախոսում էր «Թշնամիները», իր կուսակցությունը փորձեր էր անում երիտթուրքերի հետ սովորանի դեմ հանուն դեմոկրատիայի համատեղ պայքարի ուղիներ գտնել, «Հաշտությունը» գրախոսելիս հաշտության հեռանկարը փլուզում էր ապահովությունը համարդաշնակությունը...

¹ Հորիզոն, 1912, Ն 151:

Գրական վարպետության բարձրացման ուղին, ունեցած շնորհը զարգացնելու միջոցը ուսումնառությունն է դասականներից, տքնացան աշխատասիրությունը: «Արվեստը հաճույք է վայելողի և տառապանք ստեղծողի համար և հեղինակների անանց փառքը պետք է որոնել ոչ թե վաղանցուկ հոչակի, այլ գրականության ընթացիկ և առօրեական ձևերից դեպի արվեստի բարձունքները մագլցելու մեջ»¹:

Մշտապես գրական կյանքի ընթացքի մեջ էր, արձագանքում էր հասունացած խնդիրներին, արժեքավորում նշանակալից ստեղծագործությունները, մերժում գրական միջակությունն ու խոտանը: Մի ուրիշ հատկանիշ էլ ուներ Աղրայան-քննադատը. սիրով հետևում էր իր ճանաչած տաղանդի զարգացմանը, խրախուսում նոր հաջողությունները, անխնա դատապարտում վրիպումները: Այս հոգատար հետևողականության բացառիկ օրինակներ են Շանթի, Խսահակյանի, Զարենցի մասին նոր հոդվածներն ու ուսումնասիրությունները: Գրախոսել, գնահատել, արժեքավորել է Շանթի գրեթե բոլոր ստեղծագործությունները, ամբողջ կյանքում մշտապես իր հոգում կրել է Խսահակյանի առեզրիան՝ անընդհատ լրացնելով բանաստեղծի ստեղծագործության իր գնահատումները, ուշի-ուշով հետևում էր Զարենցի ստեղծագործական աճին:

«Երազ օրերի» մասին ընդարձակ հոդվածը սկիզբ դրեց քննադատի ու գորդի բարեկամության, որը նրանց ուղեկցեց մինչև իրենց կյանքի վերջը: Առաջին համար պում հավանաբար կայացել է «Մուրճի» խմբագրությունում: Աղրայանի ուշադրությունը ոչ միայն ու ոչ այնքան բարեկամության պարտադրանք էր, որքան Շանթի ստեղծագործության գեղարվեստական արժեքի խոր ըմբռնում:

Աղրայանի լավագույն հոդվածներից մեկը, որ նաև «Հին աստվածների» մասին գրված բազմաթիվ նյութերի մեջ հաջողվածներից է, «Երազ և մեկուսացումն» է: Դրամայի հաջողության հասարակական և գրական նախադրյալների խոր ըմբռնումը, գեղարվեստական ինքնատիպ արժանիքների հմուտ ընկալումը, Վերլուծական ձիրքն ու վարպետությունը, ներշնչված շարադրանքն ու գեղեցիկ լեզուն, վիճելի, նույնիսկ սխալ տեսակետներով հանդերձ, այժմեական շունչ են հաղորդում ուսումնասիրությանը:

Դրամայի «անօրինակ հաջողությունը» երկու կարևոր նախապայման ունի: Որուսական առաջին հեղափոխությունը, որ «մի ընդհանուր և ոգևորիչ տրամադրությամբ» էր համակել «հին ու անարդար համարված կարգերը» տապալելու, արդարության հաղթանակն ու «աշխատանքի թագավորությունը» հաստատելու կոչված բոլոր առաջադեմ ուժերին, պարտություն կրեց: Վրա հասավ համատարած հուսահատության ժամանակը. «Համատարած հավատն ու կորովը տեղի տվին նույնքան համատարած լքումի և բոլոր իդեալները, որոնք շողում էին այնքան պայման և որոնց իրագործումը այնքան մոտ էր համարվում կորցրին իրենց թովչությունը և համարվեցին անարժեք... Ամեն տասներկուսից մեկ եղավ մի Հուդա և ապրելը հնարավոր դարձավ ոգեկան մահի կերպարանքով միայն»¹:

Ահա այսպիսի մթնոլորտում «Հին աստվածները» հնչում է իրեւ նախամիների հզոր ոգու վերակենդանացման, բոլոր տեսակի կապանքները մերժելու, ազատ ու լիարժեք կյանքով ապրելու պահանջ: «Հին աստվածները» մերժում էր հենց այն մթնոլորտն ու իրականությունը, որի մեջ ապրում էր հասարակությունը: Հաջողության մյուս գաղտնիքը, ինչպես նկատում է քննադա-

¹Հորիզոն, 1912, N 207:

¹Ն. Աղրայան, Ամրողշական երկեր, հ. I, էջ 37:

տղ, գեղարվեստական մտածողության նորությունն էր, որը շլացրեց թատերասեր հասարակությանը. «Թատերական գրականության նոր հոսանքն էր, որ բեմական արտահայտություն էր գտնում մեզանում. նորագոյն դրամայի մի ազգային նմուշ էր դա, որ գալիս էր շլացնելու հասարակության ամսովոր աչքերը: Գրական հին ճաշակմերին և ըմբռնումներին, հին ու սովորական ձևի հոդումներին ու կատարումներին «Հին աստվածները» տաղանդով ու համարձակությամբ հակադրում էին նորը»¹: Այս նորը, գեղարվեստական այս նոր մտածողությունը հասարակական ճանաչում ունի, այլապես դրաման «փոթորկալի և տևական ծափերի» դիմաց «սուլոց պիտի վաստակեր»: Այսպիսով՝ քննադատը վավերացնում է դարասկզբի մեր գրականության մեջ կատարված մեծ տեղաշարժը՝ «սիմվոլիք» մտածողության խոր նստվածքները:

Զարմանալի հմտությամբ այնուհետև բացում է դրամայի գեղարվեստական համակարգը, «իրապաշտականի» և «ոչ իրապաշտականի» համադրությունը, բնութագրում կերպարները դիպուկ, հաճախ աֆորիզմի ուժ ստացող ձևակերպումներով («իշխանության պարտավորության աղախինն է», Արեղան «մի աշխարհիկ մարդ է», «Վանահայրը ոչ թե գայթակղվում է աշխարհիկ իրապուրներից, այլ վիճում է աշխարհիկ սկզբունքների դեմ»), բացահայտում թատերագրի հիմնական հնարքները, կատարում հոգեբանական խոր վերլուծություններ՝ երբեք չմոռանալով ընդգծել այն նորը, որ բերում է հենակը:

Ամեն ինչ չէ, սակայն, որ ճիշտ ընկալեց քննադատը, երբեմն էլ ճիշտ նկատվածից սխալ կամ վիճելի եղորակացության հանգեց: Ամբողջ ուսումնասիրության ընթացքում հմտությամբ բացելով այն հակադրությունը,

որն, ըստ Էության, առաջ է տանում դրաման, հակադրություն կրքերով լի իրական աշխարհի և վանական անապատի, հեթանոսական կյանքի և քրիստոնեական ինքնաժխատումի, ազատության, «կովի ու սիրո» և սառը խուցի, մենակության ու անզոր համակերպության միջն, որի ընթացքում փառարանվում է կյանքը, ազատությունը, անկաշկանդ ապրելու բնածին ձգտումը, քննադատը հանկարծ եզրակացնում է, թե «Հին աստվածները» «խորապես հողեւեսական մի գրվածք է»: Նման եզրակացության համար հիմք է ծառայում այն միակողմանիությունը, որ երբեմն դրսնորվում է հիմնական հերոսների բնութագրման մեջ. մերժելով աշխարհիկ կյանքը՝ Վանահայրը գնում է դեպի մեկուսացում, Արեղան երազը գերադասում է իրականությունից, իշխանության հակադրվում է իր ծանր խաչին... և հերոսներից ոչ մեկը երջանիկ չէ: Այստեղից էլ վերնագիրը՝ «Երազ և մեկուսացում»: Բայց որ իր մահով աբեղան հաստատում է իրական կյանքը, իր դժբախտությամբ իշխանության մեծ սիրո օրիներգությունն է անում, Վանահիրը դեպի մեկուսացում է տանում այն գիտակցությունը, որ իր դեկավարծ վանքում ու վանականների մեջ ապրում են հզոր հին աստվածները... անտեսվում է: Դրամայի վերնագիրն էլ հաստատում էր հին աստվածների կյանքի ու գործի գեղեցկությունը: Քննադատն, արդյոք, չի հակասում իրեն, չէ՞ որ նա դրամայի «անօրիակ հաջողությունը» բացատրում է նրանով, որ բոլոր հասակների հանդիսատեսները լցվում էին թատրոն, «այնտեղ լսելու մի կենդանի կոչ, գտնելու մի լուսավոր ու կախարդիչ հորիզոն, մի լավագույն կյանքի ու աշխարհի հեռանկար»:

Նման «մեղանչումների» էլի կարելի է հանդիպել: «Հին աստվածները» համարելով «սիմվոլիկ դրամա»՝ միևնույն ժամանակ ճիգ է թափում հիմնավորելու, թե այն «իրապաշտական» է կամ կամուրջ է «ստեղծագործական իրապաշտ և սիմվոլական հոդացումների միջև»:

Նկատելով, որ Ծանթի նոր դրաման «երկու կարգի տեսարաններ ունի»՝ իրական, առարկայական և պատրանքային, ոչ իրական, որոնք սերտորեն միահյուսված են իրար, դա իրավացիորեն բացատրում է ընտրած նյութով, դրամատորդի մտահյացմամբ և այն աղերսակցությամբ, որ դրաման դրսնորում է նորագույն գեղարվեստական մտածողության, «թատերական գրականության նոր հոսանքի» հետ: Բայց, ահա, դիպուկ նկատված մի ուրիշ հատկանիշ խուսափում է բացատրել նոյն «նոր հոսանքի» պահանջներով: Հայտնի է, որ գործողությունների ծավալմամբ հանգուցալուծման հասնելու իրապաշտական դրամայի հատկանիշը սիմվոլիստական դրաման արմատապես փոխեց՝ իրականությունից այն փոխադրելով հերոսների ներաշխարհը: Աղբայինը նկատեց այս նորությունը: Դրամայի թերություններից մեկը նա համարում էր գործողության բացակայությունը, բայց զարմանալիորեն սա չի ընկալում իբրև սիմվոլիստական դրամայի յուրահատկություն: Նկատել, որ դրամայի «հերոսները դրաման ապրում են իրենց ներսը» և դա նոյնպես, ինչպես այլ դեպքերում, չկապել նոր ուղղության հետ, պարզապես անհավատալի է: Աղբայանը պետք նկատեր դա:

Ինչ էլ լինի, «Երազ և մեկուսացումը» «Հին աստվածների» մասին գրված լավագույն ուսումնասիրություններից է:

Սրանով չապառեց քննադատի հետաքրքրությունը դրամայի, ընդհանրապես Ծանթի ստեղծագործության նկատմամբ: Ամբողջ կյանքում, ամենատարբեր առիթներով (գրքի հրատարակություն, ներկայացում, հորելլյան և այլն) իր խոսքն է ասել՝ հիմնականում կրկնելով նշված հոդվածի գլխավոր սկզբունքները: Արժե հիշել մի ընդհանրացում, որը լրացնում է Ծանթ-արվեստագետի դիմանկարը. «Իր նյութն է ոչ թե հայ կյանքն ու հայ մարդը, այլ մարդը հայի մեջ, հայի մարդկայինը, կամ կարճ

և՛ մարդկայինը, որ մեծ արվեստի նյութն է բոլոր դարերի»¹:

Քննադատի հետաքրքրությունը տևական է եղել իսահակյանի նկատմամբ ևս: Եթե 1903-ին Բաքվում լույս տեսավ «Բանաստեղծություններ» ժողովածուն, արձագանքուն անմիջապես՝ «Երգ ու վերքից» հետո շատ խոսուն վերնագրով: Հայտնի է նաև նրա ելույթը բանաստեղծի ծննդյան 70-ամյակի առթիվ: Ի տարբերություն Ծանթի՝ Իսահակյանի ստեղծագործության գնահատականը գնալով ամբողջացել է:

Առաջին գրախոսականում ժողովրդական երգերը, որոնք այնպես հիացրել էին իրեն, համարում էր «պատահմունքի արդյունք», այժմ փորձում է գտնել նոյն ժողովրդականության ակունքները: Ելնելով ի. Տենի «Եռանդամ տեսության» սկզբունքից՝ հատուկ շեշտում է միջավայրի դերը գրողի ժողովրդական երգերի ու «մանիների», աշուտների ու երգիչների միջավայրում է ձևավորվել բանաստեղծի աշխարհը՝ կրելով միջավայրի անշնչելի կանոնը: «Թեև ճեմարան ուսած է և Գերմանիա եղած՝ բայց եթե գրիչը ձեռք առնե՝ ան շիրակեցի հայ մարդն է»:

Հատուկ ուշադրություն դարձեց բանաստեղծի բնութենապաշտությանը. «Բնության անդրածայնելու, նրա հետ ապրելու ընդունակությունը այնպիսի կենսաբեր աղբյուր է, որ կարող է մեր կյանքի անապատը նեղ կանաչուտով կապել գորոնակության դրախտի հետ»²: Բնության ու բանաստեղծի ներդաշնակ միաձուլումից ծնվում են «խորագույն բանաստեղծություններ»՝ ճանապարհ բացելով բանաստեղծի առջև դեպի անհուն ու անեղոր տիեզերքը... Աման «բանաստեղծությունների մեջ մենք տեսնում ենք մարդու և տիեզերքի սերտ կապը»:

¹Ն. Աղբայան, Ամրողական երկեր, հ. I, էջ 83:

²Նույն տեղում, էջ 112:

Դժվար է շհամաձայնել նրա մի ուրիշ տեսակետի հետ. «Գրականության պատմության մեջ որոշ և հաստատուն է Ավ. Խահիակյանի տեղը: Ան Կուգա Հ. Թումանյանն ինտո և ձեռք կմեկնե Վ. Տերյանին»¹: Աղբայանը ուշադրություն է դարձնում այն կապին, որ Ակատվում է բանաստեղծի և Նիշշեի փիլիսոփայության միջև:

Առաջին ժողովածուին նվիրված գրախոսականը ավարտվում էր քննադատի մտահոգությունը արտահայտող մի հարցումով. «Մենք տեսանք Պ. Խահիակյանի հոգու շրջման կետերը՝ մեկը ժողովրդի մեջ, մյուսը վերացականության սառուցներում... Որտեղից է սկսել և որ է գնում, մի՞թե դեպի սառն ու մեռած բարձունքները... Չենք ուզում հավատալ...» «Եթզ ու վերքից» հետո գրախոսականը այս հարցի վատահ ու իմաստավորված պատասխանն է. Խահիակյանը սկիզբ է առել ժողովրդական ակունքներից, «հասունանում է, կյանքը խոհուն հայացքով դիտում, իմաստահրում և հաստատ քայլերով բարձրանում է ազգային պարծանքների բնակավայրը»:

Աղբայանի քննադատական ժառանգության մեջ կարևոր տեղ են զբաղեցնում արևմտահայ գրականության խնդիրները: Զարգացման ընդհանուր օրինաչափությունների, գրական մեծ դեմքերի մասին հատուկ հոդվածներ քիչ է գրել, ավելի շատ հանդիպում ենք առանձին ասուլների, տարբեր առիթներով արտահայտված մտքերի ու գնահատականների: Այնուամենայնիվ նրա դիրքորոշումը արևմտահայ գրականության ու քննադատության բնորոշ երևույթների Ակատմամբ շատ որոշակի է: «Նոր հոսանքի» խմբագիրը պարբերաբար անդրադառնում է նոր սկսած գրական ասուլիսներին՝ դիտելով դրանք իբրև արևմտահայ կյանքի աշխուժացման ակնհայտ վկայություն: Ընդարձակ տեղեկություն-

ենք են տպագրվում Գր. Զոհրապի նորավեպերի, Դ. Վարուժանի «Հեթանոս երգերի», Ռ. Զարդարյանի «Ճայգալուսի» մասին ասուլիսների վերաբերյալ: Պետք է հիշել հատկապես «Նավասարդ» տարեգրի առաջին համարին նվիրված ընդարձակ ու բովանդակալից գրախոսականը. «Մենք չերմապես հանձնարարում ենք այս ժողովածուն այն բոլոր մարդկանց, որոնք կուզեին մի գաղափար կազմել ենուրքահայ նոր գրականության վրա, ծանոթանալ այդ գրականության նորագույն ձգտումներին: «Նավասարդից»-ից կարելի է բան սովորել և հանույց ստանալ»¹:

Քննադատի ուշադրությանն ու դրվատանքին արժանանում է ամենից առաջ այն, որ հայ գրականության ու արվեստի զարգացման նպատակին կոչված տարեգրի «հատորը համարյա ամբողջովին ինքնուրույն գործերից է կազմված»:

Ազգային ինքնուրույն մշակույթի զարգացման տեսանկյունից նա բարձր է գնահատում ոչ միայն «թուրքահայ ականավոր հեղինակների» ստեղծագործությունները, այլև հատորում տպագրված հայ ժողովրդական երգերը և Լոռվա գութաներգերի մասին կոմիտաս վարդապետի ուսումնասիրությունը: Վերջիններս արժեքավորվում են և այլ առողջումով. դրանք ինքնուրույն մշակույթի գոյության հաստատումն են և ցոյց են տալիս, որ ինքնուրույն մշակույթը ունի ազգային դեմք ու դիմագիծ: Խոր ու ճշգրիտ է քննադատի դիտողությունը մասնավորապես կոմիտասի հոդվածի մասին. «Մեր կարծիքով այդ հոդվածը ամենից առաջ արժեքավոր, հմտալից և արտասովոր գրությունն է «Նավասարդի» մեջ, արժանի ամենախորին ուշադրության: Կոմիտաս վարդապետը նույնն է հայ երաժշտության համար, ինչ որ Թ. Թորամանյանը հայ ճարտարապետության համար: Հովհ.

Թումանյան, Կոմիտաս վարդապետ և Թ. Թորամանյան - ահա երեք անուն, որ խորհրդանշում են մեր կոլտուրական զարգացման աստիճանը. մեկն ստեղծագործում է հայոց ինքնուրուց գրականություն, մյուսները հետազոտում են հայ երաժշտությունն ու ճարտարապետությունը՝ ապագա ստեղծագործողների ուղին հարթելով»¹:

Միանգամայն հասկանալի պետք է համարել և այն, որ ուշական ուղղության շատագով Աղբայլանը, ի հակածիո հեթանոսական շարժման, պաշտպանության տակ է առնում ժողովրդական գրականության ներկայացուցիչներին. «Հայրիկ, Սրբանձտյան, Պարոնյան. Արանց սիրո տրոփում էր ժողովրդի լայն բարախին ներդաշնակ»²:

Քննադատը մեծ իմաստ է տեսնում այն բանում, որ գրախոսվող տարեգրքում արևմտահայ ականավոր հեղինակների կողքին զգալի տեղ է հատկացվել նաև «ոռուահայ հին ու նոր անուններին»: Նա առանձին հիացմունքով չի խոսում վերջիններիս մասին, արան ուրախացնողը երկու հատվածների գրականությունները միասնության մեջ ընդունելու երևութեան է:

Սկզբունքորեն չընդունելով «հեթանոսական շարժումը՝» Աղբայլանը, այնուամենայնիվ, իր ժամանակակիցներից տարբերվեց նրանով, որ հասու եղավ շարժումը ծնող հասարակական ու գեղագիտական նախադրյալներին: «Գրականության հասարակական և գեղարվեստական արժեքը» որոնելով կյանքի առաջադրած խնդիրներին «տեղին... և հաջող» պատասխաննելու մեջ՝ նա նրբորեն նկատում է, որ շարժումը «ուժի և գեղեցկության» պահանջ է առաջադրում և ներկայի մեջ այն չգտնելով՝ «հածում է հայ հեթանոսական անցյալը, ուր կա ուժ ու գեղեցկություն» («Սիամանթոն դիմում է Անա-

հիտին, ասելով. «Տուր ինձի շեկ զորությունը Արտաշիսյան նախնիքներուն»)¹: «Հեթանոսական շարժման» արդիական նշանակությունը՝ իբրև «թուրքահայ վերածնության», «ազգային իդեալների ու տեսիլքների» արտահայտություն, հասկանում և ընդունում է: Սակայն «հայության տեսիլքների այս թարգմանությունը» անհարազատ է համարում, քանի որ գրականությունը կյանքից պիտի առնի իր նյութը և պատասխանի կյանքի իրական խնդիրներին: Աղբայլանը դեմ չէ պատմական թեմային, միայն թե պատմության ոգին պետք է ըմբռնել, և պատմությունը չպետք է «դիտել իբրև թատերական տեսարաններ»: Անշուշտ, այս հարցում նա սխալվում էր. հեթանոսական շարժումը հենց պատմության ոգին էր վերակոչում ներկայի ու ապագայի մտահոգություններով անհանգստացած: Բայց պետք է հասկանալ նաև քննադատին. նա աշխատում էր գրողների ու գրականության ուշադրությունը բնեուել ներկա կյանքի վրա, իրական կյանքի հոգսերը արծարծել իրական կյանքի պատկերներով: Արձագանքելով բնաշխարհիկ և տարաշխարհիկ գրականության խնդրին՝ հատուկ ընդգծում էր, որ «հայոց գրականությունը Հայաստանում միայն կարող է ատեղձվել ու ապրել»: Ահա թե ինչու բարձր է գնահատում Ռ. Զարդարյանի ստեղծագործությունը. «Գավառը, որ քան տարի առաջ կատարեց իր առաջին խուժումը գրական ասպարեզ, այնուհետև դառնալու է տեր ու տնօրեն... Զարդարյանը մեկն է այն մարդկանցից, որ հայության տարագրի միտքն ու զգացումը կապում են բնաշխարհի հետ: Դա զարգացման մի աստիճան է, որ տանում է դեպի ազգային գրականություն բառի ճշմարիտ առումով»²: Ուրեմն՝ ազգային հողի վրա ազգային կյանք, հենց այսօրվա կյանքի նյութով,- սա է քննադա-

¹Նույն տեղում, էջ 202:

²Նույն տեղում, հ. II, էջ 208:

¹Նույն տեղում, էջ 205:

²Նույն տեղում, էջ 293:

տի պահանջը, այս տեսանկյունից է մերժում արդիականության խնդիրների արձարծումը հեթանոսական կյանքի պատկերմամբ. թուրքահայ գրականության «ականավոր ներկայացուցիչները» «իրական կյանքի միտումները թարգմանում են անհարազատ ու մթին պատկերներով...»: «Եվ եթե հիշենք, որ քննադատի ըմբռնումով «գրականությունն իր բովանդակ առողմով պաշտոն ունի պարզել մթինը», ապա հասկանալի կդառնա նրա հայացքի հետևողականությունը, որը, ինչ խոսք, չի արդարացնում հայացքի միակողմանիությունը, այլ միայն բացատրում է:

6

Խոր արմատներով կապված էր ոուս գրականությանն ու մշակույթին, մասնավորապես դեմոկրատական գրաքննադատությանը: Ա. Զեխովի մահվան կապակցությամբ գրած նշանավոր էսան ունի շատ բնութագրական մի ծանոթություն: «Այս թոռուցիկ նկատողությունը գրելիս մենք ոչ մի աղբյուր չունենք ձեռքի տակ՝ բացի մեր հիշողությունից»¹: Եվ հիշողությամբ գծում է «նրազգաց և սիրելի հեղինակի» դիմանկարը: Հայ քննադատը այդպես «հիշողությամբ» կարող էր գրել ոուս գրողներից շատերի, ոուսական կյանքի ու գրականության շատ երևությունների մասին: Դա իրոք ենթադրում է ոուսական կյանքի ու մշակույթի հետ գաղափարական և ստեղծագործական խոր հոգեհարազատություն: Մ. Նալբանդյանից հետո Ն. Աղբալյանը երկրորդն է, որ այնքան մեծ ընդհանրություններ է դրսերում մասնավորապես ոուս հեղափոխական-դեմոկրատական գեղագիտական մտքի հետ: Նրա հոդվածներում հանդիպում են առանձին ձևակերպումներ, մտքեր, արտահայտություններ, որոնք անմիջաբար հիշեցնում են Ն.

Դոբրոլյուբովին, Վ. Բելինսկուն, Ն. Չերնիշևսկուն: Այսպես, օրինակ՝ Ա. Աղելյանի «Տգիտության զոհեր» վեպի հերոսներից մեկի՝ Վառվառի մասին գրում է. «Ղոչաղության խավար երկնքում նա միակ լուսավոր աստղն է»: Ակամա հիշում ես Ն. Օստրովսկու Կատերինայի մասին Դոբրոլյուբովի ձևակերպումը՝ «Լոյսի շող խավարի թագավորության մեջ»: Ի դեպ՝ Աղբալյանի «Ղոչաղը իբրև տիպ...» հոդվածը, որից կատարված է քաղվածքը, հարցադրումներով, առաջադրված խնդիրների լուսաբանման մեթոդներով Դոբրոլյուբովի նշված հոդվածի հետ շատ ավելի ընդհանուր զուգահեռների հնարավորություն է տալիս:

Իսահակյանի «Երգեր ու վերքերի» առիթով գրած ընդհարձակ հոդվածում պոեզիայի, ընդհանրապես գրականության ժողովրդայնության բնութագրումը կրկին հիշեցնում է դոբրոլյուբովյան ձևակերպումը: Տեղին է հիշել նաև, որ թարգմանությունների առիթով հայ քննադատը սիրում էր կրկնել Ժոկովսկու հայտնի խոսքը՝ «Արձակի թարգմանիչը ստրուկ է, բանաստեղծությանը մրցակից»:

Գրականության մեջ ուալիզմի, ժողովրդայնության պաշտպանությունը, բարձր գաղափարայնության ու ձևի կատարելության պահանջը իբրև գեղարվեստականության չափանիշ առաջադրելը իրենց ակունքները առնում են նաև ոուսական առաջադրմական գրաքննադատության հետ ունեցած սերտ աղերսներից: Այս ամենից բացի հաճախակի և անմիջապես անդրադարձել է ոուս գրականության առանձին խնդիրների՝ գերազանցապես ոուս հեղինակներից կատարված թարգմանությունների, առանձին դեպքերում՝ հոբելյանների առիթով: Նա ուշադրություն է դարձնում զիսավորապես այն հեղինակներին, որոնք ինչպես իրենց ժամանակին, այնպես էլ հետագայում աչքի ընկնող դեր են կատարել ոուս գրականության մեջ: Հատկապես անկումային ուղղություններ-

րի ոչ մի ներկայացուցիչ նրա ուշադրության չարժանացավ: Նովելիսկ առաջադեմ գործիչների ժառանգության մեջ հայ քննադատը մերժում էր ժամանակավոր նահանջներն ու այն ամենը, ինչը չէր կապվում «Լուսավոր Ռուսիայի» հետ: Ծատ բնորոշ է այս առումով Բելինսկուն նվիրած հոդվածաշարի ծանրագործություններից մեկը: Հայտնի է, որ Բելինսկին մոլորություններ ևս ունեցավ: Որդեգրելով Վ. Գյորեի «ինչ իրական է՝ բանական է» սկզբունքը, կարճատև մի շրջանում նա հրաժարվեց Ռուսաստանի արատները քննադատելուց: Եվ ահա, եթե «Տարազում» Բելինսկուց մի հատված է տպագրվում իբրև նմուշ հայ ընթերցողին ծանրացնելու նպատակով՝ անմիջապես հետևում է Աղրայանի դիտողությունը. «Տարազի» այս տարվա հունիսի համարներում տպված Բելինսկու հոդվածի կտորը այդ շրջանի (նահանջի շրջանի. - Գ. Ա.) գրվածներից է. լուս է տեսել 1837 թ., այնպես, որ պետք է գգուշանալ. այդտեղ իսկական թանկացին Բելինսկին չէ խոսդը»¹:

Քննադատի խոստովանությունը այն մասին, որ «մոլեկան եռանդով անձնատուր» է եղել «ոռուաց գրականության, պատմության և արվեստի» ուսումնասիրությանը, հաստատվում է բազմաթիվ այլ հոդվածներով ևս: Ըստ որում անմիջաբար ոռուաց գրականության վերաբերող հոդվածներից բացի, քննադատը ուսումնապետի հետ կապված առանձին խնդիրներ արծարծել է նաև հարակից ձևով, հայ գրականությանն ու այլ հարցերի նվիրված ելույթներում:

Նրա համար ոսու գրականությունը կատարելության չափանիշ էր: Միայն այս դեպքում կարող է հասկանալի լինել դառը համդիմանությունը. «Անպատվություն է մեզ համար, որ մինչև այսօր չունեմք Տոլստոյի «Պատե-

րազմն ու խաղաղությունը» և «Աննա Կարենինան»¹: Հաշվի առնելով հայ գրականության համար թարգմանությունների նշանակությունը, կարող անձանցից և «մեծ միջոցներ ունեցող միություններից» պահանջում էր թարգմանել ոսու ու համաշխարհային գրականության լավագույն երկերը:

Սկզբունքորեն մերժելով անկումային գրական հոսանքները՝ ոսու գրականության երևույթները գնահատելիս ևս արժեքավորում է հատկապես ուսալիզմի նվաճումները: Ռուսական իրականության 30-ական թվականների ամենաբնորոշ իրողությունը Պուշկին երևույթն է. «Պուշկինը հասունանում էր և պատրաստում էր Գոգոլի գրական ուղղությունը, որի նպատակը պիտի լիներ իրականության հավատարիմ ստեղծագործությունը»²: Ուսալիզմի մեջ նա գնահատում է ոչ միայն կյանքի ճշմարտացի արտացոլումը, այլև, դրա շնորհիվ ազգային ինքնատիպ օճեր արտահայտելու կարողությունը: «Գոգոլն առաջինն էր, որ չենթարկվեց այդ ազդեցության («օտար երեկի գրողների ազդեցության»). - Գ. Ա.) և գնաց նոր, ինքնուրույն և սեփական ճանապարհով, այդ կողմից նա կարող է հայր համարվել հետագա բոլոր գրողների համար»³: «Նոր, ինքնուրույն և սեփական ճանապարհը», ըստ քննադատի, «իրական շկոլայի» նվաճումն էր: Այնուհետև տարբեր առիթներով ու տարբեր ժամանակներում գրած հոդվածներում մշտապես նկատում ու արժեքավորում է ուսալիստական ուղղության ներկայացուցիչներին Գոգոլից մինչև Կորոլենկո:

«Լ. Տոլստոյ ամենահարուստ և բարդ հոգիներից մեկն է, որ երբեմն ապրած է աստղերի տակ: Ահագին գեղարվեստական տաղանդը, միացած չափազանց սուր-

¹ «Զանգակ», 1908, N 14:

² «Մուրճ», 1898, N 7-8, էջ 1073:

³ «Մուրճ», 1898, N 10-11, էջ 1349:

ու թափանցիկ մտքի և անօրինակ աշխատասիրության հետ, նրան դարձրին համաշխարհային մի հեղինակ և մտածող»¹: Համակրանքով է արտահայտվել երիտասարդ Վ. Կորոլենկոյի մասին. «Իր «Վեպիկներ ու պատկերներով» արդեն ուշադրություն է գրավել թե գրվածների գեղարվեստական արժանիքների և թե իր համակրելի հայացքների պատճառով»²: Հաջորդ հեղինակը, որից կատարված թարգմանությունները գրավում են քննադատի ուշադրությունը, Վ. Գարշինն է: Աղբայլանին գրավում էին ոչ միայն «գրական զորավորներ Տոլստոյի ու Տուրգենևի բարձր գնահատականները», այլև այն, որ Գարշինի պատմվածքները «անվիճելի գրական արժանիքներ ունեն» և իրենց հեղինակին բնութագրում են իրեն «առաջադիմական ուղղության տեր գրողի»³:

1895 թվին Մոսկվայում Ալ. Շատուրյանի թարգմանությամբ լուս տեսավ Տուրգենևի «Արձակ բանաստեղծությունները»: Ն. Աղբայլանը «Մուրճում» բարձր գնահատեց ոչ միայն թարգմանությունը («Ինչ վերաբերում է թարգմանության՝ դրականապես լավ է»), այլև Տուրգենևի՝ Աշված ժանրի գործերը: Ի. Տուրգենևը Գոգոյի «իրական շկոլայի» և Բելինսկու արթմացրած մթնոլորտի ծնունդն է և «ոռու գրականության մեջ առաջնակարգ» տեղ է գրավում:

Հարկ է նշել, որ ոռու գրողների ու գրական երևույթների վերաբերյալ դիպուկ բնութագրումներ է կատարել նաև այն հայ գրողներին գնահատելիս, որոնք զանազան խնդիրներում աղերավում էին ոռու գրականությանը: Զարմանալի մի նրբությամբ որտում էր ազդեցությունը, բացահայտում երևույթի հասարակական գրական ազդակները: Դրանում համոզվել կարելի է

մասնավորապես Աղելյանի, Զորյանի, Չարենցի ստեղծագործություններին նվիրված հոդվածներում ու նշումներում: Խոսելով Գ. Ուսպենսկու ազդեցության մասին գյուղագիր Ա. Աղելյանի պատմվածքների վրա («Առվենիսկ գրվածների ձևը, որ ձգտում է հրապարակախոսական ակնարկների բնավորություն ստանալ, Ուսպենսկուն է»), մեծ հմտությամբ ու համոզականությամբ բացահայտում է նաև Լ. Տոլստոյի «Խավարի թագավորություն» դրամայի հետ «Տգիտության զոհերի» դրսերած աղերսները. «Առաջ նա (Աղելյանը. - Գ. Ա.) դիմում էր Գ. Ուսպենսկուն, այժմ, հավանորեն, Տոլստոյին (վեպի մի քանի տեսարանները և երևույթների բացարությունը զգալի կերպով հիշեցնում են հայտնի ոռու գրողի «Վլաստ Եմք» պիեսը)»¹:

Չեխովի մահվան առիթով գրած հոդվածում, որ խորին սիրով ու քնարականությամբ է շնչում, նշանավոր գորոդի ստեղծագործական խառնվածքի մի քանի բնութագրական կողմեր նշելով հանդերձ, քննադատը հատկապես ընդգծում է մի կարևոր օրինաչափություն. «Նա գնում էր ոռու մեծ արվեստագետների ճանապարհով. նա շարունակում էր Պուշկինի, Գոգոյի, Տուրգենևի և Տոլստոյի գործը»:

Մ. Լերմոնտովը միակ բացառությունն է, որ Գոգոյի «Ժկոլային» չպատկանելով՝ արժանացել է նրա բարձր գնահատականին: Հրաշքով փրկված թղթերի մեջ պահպանվել է մի պատահիկ՝ «Աղջկա հուշատետրից» վերնագրով, որը Լերմոնտովի հանդեպ նրա անմնացորդ սիրո արտահայտությունն է. «...Ոչ ոք չի կարող փոխարինել Լերմոնտովին ինձ համար»: Քննադատի պատճենության տարիների գեղումներ են սրանք, որտեղ փորձում է բացատրել Նախոնի բարության դիմաց Լերմոնտովի «չար բնավորության» պատճառները. անտարբեր

¹ «Զանգակ», 1908, N 14.

² «Մուրճ», 1896, N 10-11, էջ 1356:

³ «Մուրճ», 1897, N 1, էջ 134:

¹ «Մուրճ», 1897, N 9, էջ 1263:

մարդիկ և չար միշավայրը ծնունդ տվին այդ չարությանը: Ընդգծված սերը Լեռմոնտովի նկատմամբ դրսեռություն է հոդվածներում ու նամակներում ամենահիան հանդիպող թեկուզն հապանցիկ գնահատումների, խոստովանությունների ձևով ևս: Այնուհետև ամբողջ կյանքում, ամենատարբեր առիթներով հիշել է խոռվահույզ բանատեղին, որը պատանության տարիներին գրավուած «իր օտարությամբ», մատնանշել է նրա առանձին գործեր, խոստովանել իր համակրանքը:

1898-ին լրանում էր Վ. Գ. Բելինսկու մահվան 50 տարին: Այս կապակցությամբ «Մուրճում» հանդես եկավ հոդվածաշարով, որը, ըստ էության, նշանավոր գործի մասին մեզանում գրված լավագույն գործն է: Պատահական չպետք է համարել Աղրայանի բուռն սերը Բելինսկու նկատմամբ: Վերջինիս մեծության, որուական քննադատության ու հասարակական մտքի համար ունեցած նշանակության ընթրոնումից բացի, այստեղ վճռական նշանակություն է ստանում նաև ներքին հարազատության հանգամանքը: Իզուր չէ, որ Թումանյանի «Վերնատանը» Աղրայանին «հայկական Բելինսկի» էին անվանում: Սրանով ընդգծում էր ոչ միայն հայ քննադատի՝ Բելինսկու հետևորդ լինելը, այլև Բելինսկի-քննադատի հետ Աղրայանի ունեցած ընդհանրությունները: Գրական ստեղծագործությանը առաջադրվող բարձր գաղափարայնության և գեղարվեստականության պահանջներ, կրքու հետևողականություն սեփական հայացքների ու սկզբունքների մեջ, գրական առաջին քայլերից իսկ տաղանդի ուժն ու զարգացման ուղղությունը գուշակելու կարողություն, - սրանք հատկանիշներ են, որոնք Աղրայանին հարազատ են դարձնում Բելինսկուն: Այս հոգեհարազատությունը նույնպես մեծ ազդակ էր նշանավոր գործի կյանքն ու գործը մահվան 50-ամյակի առիթով գնահատելու համար: Ահա բնութագրումներ, որոնք իրեն՝ Աղրայանին էլ կարող են վերաբերել.

«Առաջին անգամ հասարակությունն առիթ ունեցավ իր գրողների մասին այնպիսի կարծիքներ լսելու, որոնք հիմնված են ոչ թե անձնական ճաշակի, այլ հայտնի տեսակետների վրա»¹: «Գնահատելով անցյալը, նա աչքից երբեք բաց չէր թողնում ներկան և միշտ առաջինն էր, որ նկատում էր նոր գրողի երևալը և գնահատում նրան ու նրա երկը»²:

Դեռևս Տուրգենևի «Արձակ բանաստեղծությունների» մասին գրախոսականում հայ քննադատը բարձր է գնահատում Վ. Բելինսկու տաղանդը և ճիշտ մեկնաբանում նրա ժառանգության ընդգծված սոցիալական - քաղաքական տարերը. «Հոչակավոր քննադատի կրակոտ հոդվածները շարժում ձգեցին մեռած հասարակության մեջ և դուրս կոչեցին մարդիկ, որոնք, Նեկրասովի ասած՝ «Դեռ զգացմունքի մնացորդներ ունեին և բոլորովին չեն մեռել»: Այնուհետև՝ «Ստիպված լինելով հարմարվել խիստ ժամանակների ուժիմին, նա բավականանում էր միայն գեղագիտական (էստետիկ) և փիլիսոփայական հարցերով. թեև շատերի համար պարզ ու նկատելի էին այն մտքերը, որոնք ավելի թանկ էին նրա համար և որոնց ուղղակի չկարողանալով՝ արծարծում էր տողամեջ»³: Եվ, վերջապես, Գոգոլի հետ միասին Բելինսկու գործունեությունը «սնեց գրողների մի նոր սերունդ, որ նշանավոր երկերով ասպարեզ դուրս եկավ և գրավեց ոուս գրականության մեջ առաջնակարգ տեղեր»: Այսպես էր հայ քննադատը բացահայտում Բելինսկու անփիսարինելի դերը ոուս կյանքի ու մշակութի պատմության մեջ: Ներկայացնելով կյանքի ու գործունեության ուղին՝ ամբողջացնում է իր միտքը. «Նրա գծած ուղ-

¹ «Մուրճ», 1898, N 9, էջ 1233:

² Նույն տեղում, էջ 1234:

³ «Մուրճ», 1896, N 10-11, էջ 1349:

ηությամբ գնաց ոչ միայն ոռու գրականության վիպական ճյուղը, այլև քննադատականը»:

Վերջապես Բելինսկու բնավորության մի գիծ ևս շատ դիպուկ է նկատված. «Նա ապրում էր այն ամենի համար, ինչ համարում էր ճշմարտություն, մոլոզնաբար ձգուում էր ու փնտրում այդ ճշմարտությունը և կրոնական մարդու պես կապված էր նրա հետ: Նա կատաղի կերպով պաշտպանում էր իր ընդունած ճշմարտությունը»¹:

Աղբալյանը հատուկ ընդգծում էր Վ. Բելինսկու գործունեության վիթխարի նշանակությունը՝ ոռու գրականքնադատական ու հասրակական մտքի վրա՝ բոլոր ժամանակների համար. նրա ազատատենչ գաղափարներով են «սնվել... այն բոլոր մարդիկ, որ մեծ են... Ռուսիայում»²: «... Նա մինչև այսօր իր շնչով տաքացնում է ոռու միտքը»³:

Տարբեր առիթներով քննադատն ընդգծել է նաև ընդհանրապես ոռու գրականության նշանավոր գրողների նշանակությունը հայ գրականության զարգացման համար. «Ռուսահայերիս գեղարվեստական կրթության համար ևս ավելի լավ միջոց չեմ ճանաչում,- Ա. Չեխովի կապակցությամբ գրում է Աղբալյանը,- քան այս հեղինակի երկերն ուսումնասիրելը»⁴: Ավելի բնորոշ է Բելինսկու առիթով խոստովանությունը. «Մենք՝ հայերս նույնապես շատ ենք պարտական այդ մարդուն. մեզանից շատ շատերն են սնվել նրա և նրա հաջորդների մտքերից. լինելով ոռու գրականության ազդեցության տակ՝ մեր թե գրականությունը, թե քննադատությունը և թե նորահաս միտքը կրել է նրա ազդեցությունը: Միայն ոռու-

¹ «Մուրճ», 1898, N 7-8, էջ 1077:

² «Մուրճ», 1898, N 9, էջ 1238:

³ Նույն տեղում, էջ 1236:

⁴ «Մուրճ», 1904, N 7, էջ 131:

ները չեն որ պարտական են նրան. մենք էլ ենք շատ պարտական»¹:

7

Առանձնակի համակրանք էր տածում Միսիթարյան-Անդրի հանդեպ, բարձր էր գնահատում նրանց գրականքնասիրական-հայագիտական գործունեությունը: «Դարավոր, պատկառելի և երախտավոր հիմնարկություններ»,- այսպես է բնութագրում նրանց: Հետազոտական մեթոդի տարրերություններից և դավանաբանական վեճերից բացի վենետիկցիներն ու վիեննացիները զանազանվում են իրենց հիմնական հետաքրքրություններով ևս: Հայագիտությունից բացի առաջինները հաջողություններ ունեն գեղարվեստի ասպարեզում, երկրորդների նվաճումները գեղազանցապես գիտության ոլորտում են: Սա էլ իր կնիքն է դնում նրանց հանդեսների վրա՝ «անզուգական» «Հանդես Ամսօրյային» բնորոշ է «գերմանական մանրախոյզ և ստուգաներ բանասիրության ոգին և համեմատական մեթոդ»², «Բազմավեպը» «խառն բնավորություն ունի», այստեղ գեղարվեստն ու գիտությունը ընթանում են գիրկընդհանուն:

«Եվրոպական հոչակի» տեր հայկաբաններ իրենց ամբողջ կյանքը նվիրել են «մեր հնագույն գրականության և արվեստի», մեր պատմության, լեզվի, աշխարհագրության ուսումնասիրությանը: Աղբալյանը լավատեղյակ էր նրանց հետազոտություններին:

Նոր ժամանակների ոգով կրթված հայագետը մերժում է նրանց կրոնական քարոզչությունը և նկատում հետազոտական մեթոդի պակասությունները:

«Այնտեղ, ուր պետք է հետազոտել մի բնագիր, որոնել նրա աղբյուրները, որոշել գրության ժամանակը և

¹ «Մուրճ», 1898, N 9, էջ 1238:

² «Հորիզոն», 1912, N 243:

առնչությունները, համեմատել նրա օրինակները, մենակ մութ հատվածներն ու բառերը, վերջապես տպագրել արդի գիտության և տպագրական արհեստի պահանջների համեմատ՝ Մխիթարյան հայրերը անզուգական են»¹, բայց ահա կառչած մնալով որդեգրած կրոնական ըմբռնումներին՝ զարմանալիորեն անմասնակից են մնում «Հմկերաբանական և հոգեբանական», այլ բնագավառների «նոր տեսություններին», թեև ապրում ու գործում են լուսավոր Եկրոպայի հենց սրտում։ Սա շատ էական պակասություն է, որը խանգարում է, որպեսզի նրանց «ծովածավալ» հմտությունը դառնա ժամանակակից գիտություն։ «Բուն գիտությունը, որ երևովաճերի մեկնություն ասել է, շատ հեռու է նրանցից»²։

Այս, ինչ չեն անում հոգեբանական Մխիթարյանները, պետք է անեն աշխարհական գիտնականները։ Բայց վերջիններս չունեն առաջինների նյութական ապահովվածությունը, գիտական աշխատանքով զբաղվելու նրանց հնարավորությունները։ Նա երազում էր, որպեսզի իր ջանքերով ևս Բեյրութում հիմնադրված ճեմարանը դառնար գիտության աշխարհականացման մի համեստ կենտրոն։ Ծիշտ է՝ «Հայաստանի համալսարանը կատարում է այդ գործը», բայց Հայաստանի մեջ չկա մտքի ազատություն, թեև եղած միտքը «աշխարհական է»։ «Չկար մի հասարակություն, որի հովանու տակ աշխարհական մարդը հմտանար իր անցյալին և աշխարհիկ գիտության ընդհանուր գաղափարներով լուսավորեր այդ անցյալը»։ Նամակը Համաստեղին գրվել է 1934-ին, բայց այս խոհերը նրան մտահոգում էին դեռևս դարասկրին։ դեռևս 1912-ին խորը ցավով հարցնում էր. «Հոգևորականը նյութ է հավաքում ու ստուգում է հավաքածը, աշխարհականը պետք է կառուցան։ Նյութ հա-

վաքողները աշխատում են երկու դար, իսկ ու՞ր են կառուցողները»…

Հասկանալիորեն մերժում էր նրանց անհասկանալի հավատարմությունը գրաբարին. «Ժամանակ չէ՝ ձեռք քաշելու այդ թանկագին դիակից»։

8

Ճեմարանը թողնելուց հետո վերադառնում է Թիֆլիս և ակտիվորեն մասնակցում գրական-հասարակական կյանքի իրադարձություններին։ Դա հաստատում են պատամեկության տարիների մշակումներն ու գրառումները։ Տեսրերից մեկում վրդովմունքով նշումներ է անում Հրատարակչական ընկերության մի ընդհանուր ժողովի վերաբերյալ, ուր գրական մարդկանց ճակատագիրը վճռել են... Հմկերության ոչ գրական անդամները։ Ընդհանուր ժողովում հանդես են եկել Պ. Աղայանը, Հովհաննես Բեյրութում հիմնադրված ճեմարանը գործը կանոնավորելու իսկական պահանջ առաջադրելով թարգմանիչներին վճարելու» կանոնավորապես։

Հարցադրումը, սակայն, համախորհներ չի հավաքել, և ահա զայրացած Նիկոլը տեսրում գրում է. «... ամրոխային հակումներով մարդիկ եկան և գրական մարդու վիճակը որոշեցին այն ընկերության մեջ, որը կարող էր հոգալ մեր թարգմանիչներու վարձատրության բարձրացնելու և հարմարեցնելու մասին»։

Նույն օրերին, հավանաբար ընդհանուր ժողովի ազդեցության տակ, կատարում է ուրիշ մի գրառում, որ անհրաժեշտ ենք համարում մեջ բերել ամրողությամբ։

«-Ամեն անգամ, երբ մարդ թերթում է նոր լույս տեսած գրեթերը, անկարելի է, որ չհարցնի իրան, թե ինչո՞ւ է այս ինչ գիրքը գրած, ինչո՞ւ թարգմանած, ու՞մ համար է, ով է ինչ օգտվելու և այլն։ Մենք այնքան քիչ ենք գիրք առնել սիրում և այնքան քիչ են մեզ մոտ ընթերցանությամբ պարապողները գիտակցում իրանց պա-

¹ Հորիգոն, 1912, N 243.

² ԳԱԹ, Համաստեղի ֆոնդ, 58-2:

հանջները, որ գիրք թարգմանողը (գրողի համար չեմ ասում) պիտի միշտ այս երկու հարցը տա իրան՝ ինչի՞ համար և ու՞մ համար եմ թարգմանում: Որոշելով, որ իր ընտրած գիրքը հարկավոր է, նա պիտի նայի այն բանից, թե ինչպես անի, որ գիրքը մատչելի լինի նրանց, որոնց համար նշանակվում է: այս արդեն լեզվի և գնի խնդիր է: Մեր թարգմանիչները հենց այն են մտածում, որ թարգմանեն, դրանից «դենը» էլ չեն գնում, այդ է պատճառը, որ մեր մի տարվա գորքերը թերթելիս մարդ ուզում է բացականչել՝ սүմբոր և նույած հիւպերօնում:

Կա և այս և այն, և այս մասին, և այն, ինքը էլ չես իմանում, թե ինչու այս և ոչ այն: Աշխատում ես գիրքը կարդալով նրա ընտրողին, թարգմանողին և հրատարակողին ճանաչել և ինչքան էլ գլուխդ շարդում ես, ստիպված ես այն եզրակացության գալ, թե թարգմանիչը, ընտրողն ու հրատարակողը չի ճանաչում այն «հոդը», ուր գործում է և այդ ինչ ասելու խոսք է, որ գլխավոր պատճառն է մեր անսիստեմ, աննպատակ հրատարակության գործի:

Ահա ձեզ օրինակ «Մ.- Ֆլուն». լավ, մի հարցնող լինի ա. Օհանյանին. ախր ժողովրդական գրադարան որ կացրել եք երեսին ժողովուրդը ձեր լեզուն կհասկանակամ այդ նյութից ավելի լավը չգտա՞ք»:

Ոչ մի տեղ չտպագրված այս գրառման հիմնական գաղափարները, այլ խնդիրների հետ միասին, թարգմանված գրքերին նվիրված իր գրախոսականներում անընդհատ պետք է արծարծե՛ դրսերելով ամբողջական մի հայացք խնդրի վերաբերյալ:

Ժողովուրդների փոխադարձ ճանաչման, գրականությունների փոխադարձ կապի ու հարատացման առումով ն. Աղբալյանը ևս մեծ նշանակություն էր տալիս թարգմանություններին. «Ոչ մի միջոց այնպես չի մոտեցմում երկու ազգ կամ ժողովուրդ, որքան միմյանց

մտքի արտադրություններին փոխադարձ հաղորդակից լինելը»¹:

Հստ երևոյթին հետևելով հոգերանական դպրոցի սկզբունքներին՝ նա թարգմանությունը համարում էր լեզվի երևոյթ, որով թարգմանված է. «Միևնույն գրքի տարալեզու թարգմանությունները տարբեր գրականությանց են վերաբերում. մեկը նրանից տերն է բնագրի, մյուսներն՝ թարգմանության»: Այստեղից էլ քննադատի այն համոզումը, թե թարգմանչի աշխատանքը նույնական ինքնուրույն ու արժեքավոր է, որքան բնագրի հեղինակինը. «Թարգմանիչը վերամտածում է հեղինակի խոհերը և վերապրում նրա զգացումները և ապա իր լեզվով արտահայտում իրենք դարձած օտարի խոհերն ու զգացումները: Իմաստի ամեն յուրացում և զգացումի ամեն ներապրում նույնպես անձնական ճիգ է պահանջում և անհատական բնույթ ունի, ինչպես ամեն յուրածին միտք ու զգացում»: Հայտնի է, որ հոգերանական ուղղության ներկայացուցիչները գրականության հիմքը համարում էին լեզուն, ավելի ճիշտ՝ խոսքը, բառը: Այս տեսակետը պաշտպանում է նաև Աղբալյանը. «Գիրը չէ անշուշտ, որ արտահայտում է մարդկային հոգին, այլ այդ գրով դրոշմված բառերն ու խոսքերը և նրանց շարակցությունը»: Դրա համար էլ «գրականությունը մարդկային հոգու գրավոր արտահայտությունն է որևէ լեզվով»,- գրեթե բառացիորեն կրկնում է նա իր ուսուցիչներին:

Աղբալյանը ամենից շատ անդրադառն է ուս գրականությունից կատարված թարգմանություններին, որոնց առանձնակի նշանակություն էր տալիս. «... Չենք կարող ընթերցողներին չհայտնել մի ուրախալի լուր. պ. Մատուրյանը հայտարարել է... որ պատրաստում է իր «Ռուս բանաստեղծներ» խորագրով աշխատության առաջին գրքով... ուր պիտի մտնեն թարգմանություն-

¹«Մուրճ», 1896, N 10-11, էջ 1351:

Աեր Պուշկինի, Լերմոնտովի և Նեկրասովի երկերից: Սրտանց ուրախանում ենք, որովհետև ժամանակ է հարկավոր, որ մենք ծանոթանանք մի ժողովրդի ստեղծագործություններին, որի հետ այնքան կապված ենք»¹:

Այսքան կարևոր մի գործ, սակայն, մեզանում տարերային ընթացքով է իրականանում, «չկա համակարգ, չկան դեկավարող սկզբունքներ», այստեղից էլ մտահոգությունը որևէ ընկերություն հիմնելու վերաբերյալ, որը նպատակաւաց ծրագրով, ընթերցողների տարբեր շերտերի ու հասակների հետաքրքրության հաշվառմամբ, իրականացներ այս լուրջ գործի կազմակերպումը: Նման մի ընկերության գոյությունը կփակեր դուռը բոլոր անկոչ թարգմանիչների առջև, իսկ քանի որ այն դեռևս չկա, ապա դա քննադատների պարտականությունն է: Ցույց տալով Զ. Դիկկենսի «Ժլատ Սկրուջ» պատմվածքի թարգմանության արատները և թարգմանության ճակատին կարդալով, որ թարգմանիչը պատրաստվում է նոր գրքեր ներկայացնել ընթերցողներին, գրում է. «Եթե այդպիսի թարգմանություններ պիտի լինեն հրատարակությունները, լավ է (թարգմանիչը. - Գ. Ա.) մեզ ազատի արջի ծառապությունից»²: Հատուկ ընդգծում է հեղինակի ու թարգմանչի կապի անհրաժեշտությունը, որը վճռական պայման է հաջողության համար:

Իսկ որն է հաջողության չափանիշը.

«Ամեն թարգմանության արժանիքը ճշմարտությունն է, եթե թարգմանելիք գիրքը բանաստեղծություն չէ, պահպանելը՝ ճշմարտության հետ «ոգին» պահպանելը՝ եթե թարգմանելիք գիրքը բանաստեղծություն է (ընդարձակ մտքով ասած՝ վեպ, դրամա, ոդբերգություն և այլն): Ոգին պահպանել, նշանակում է այնպես թարգմանել, որ կարդալիս մարդ կարծի, թե

բնագիրն է կարդում»¹: Մի այլ տեղ՝ «թարգմանել չի նշանակում մի լեզվի խոսքերը մյուս լեզվի խոսքերին վերածել, այլ թափանցել հեղինակի հոգու մեջ և արտահայտել նրա զգացածը»²: Այստեղ էլ ընդգծում է թարգմանչի ու թարգմանվող հեղինակի հոգեհարազատության խնդիրը՝ «Ըեքսափիրին թարգմանողը պիտի Ըեքսափիր լինի»:

Հեղինակները տարբերվում են ոչ այնքան պատկերած ցյութով ու մոտիվներով, որքան «իրանց տեսողության անկյուններով»: «Զգացմունքի խորության, ըմբռնելու ուժի, թափանցելու կարողության, ճաշակի նրբության, դրդումների տարբերության աստիճանները հիմք են դառնում բանաստեղծների տարբերության», և թարգմանչի հաջողության գրավականներից մեկն էլ այս յուրահատկությունները փոխանցելու կարողությունն է: Այս տեսանկյունից էր Աղբայանը մերժում Ցու. Վեսելիվսկու «Բանաստեղծական թարգմանություններ», պրակ I գիրքը. չնայած հեղինակի բարի կամքին ու ցանկության, գործադրած եռանդին ու շանքերին՝ թարգմանություններն անհաջող են, որովհետև «Մենք ունինք հայերենից թարգմանություններ, բայց չունինք Շահ. Ազիզի, Հ. Հովհաննիսյանի, Մատուրյանի բանաստեղծությունների թարգմանությունը», թարգմանիչը բոլորին «մի հայտարարի է բերել»:

Մյուս չափանիշը, որ առաջնային էր քննադատի համար, թարգմանության լեզուն էր, այն, թե թարգմանչին որքանով է հաջողվել հեղինակի լեզուն դարձնել հայերեն: Գրեթե բոլոր գրքերի համար, իբրև կարևոր պայման, այս համգամանքը ճշվում է. «գալով թարգմանչի լեզվին-ուղղակի վատ է, նրա շարահարությունը ավելի ոուսերեն է, միայն բառերն են հայացրած»: «Երկու տեղ

¹Նույն տեղում:

²«Մուրճ», 1897, N 5, էջ 680:

«Մուրճ» 1897, N 1, էջ 136:

«Մուրճ», 1897 N 11-12, էջ 1642:

է թարգմանիչն ուղղակի կարողացել հայերեն արտահայտել հեղինակի միտքը», «թարգմանության լեզուն տանելի է» և այլն:

Արդեն Հայաստանի Հանրապետության նախարար Աղբայանը, որ ձգտում էր պետական հովանավորությամբ շրջապատել գրականության ու արվեստի մարդկանց, բնականաբար մոռացության չպետք է տար թարգմանության գործը: Նրա պահանջով «հայ հեղինակների ինքնուրույն ու թարգմանական երկերի հրատարակության համար» Մինհստրների խորհուրդը Հանրային կրթության և արվեստի մինհստրության անունով բացում է մեկ միլիոն վեց հարյուր տաս հազար ռուբլով վարկ»¹:

9

Գեղարվեստական ձևի խնդիրներին հետամուտ քննադատը չէր կարող աշքաթող անել այնպիսի մի բնագավառ, որպիսին ստեղծագործության լեզուն է: Գրեթե բոլոր գրախոսականներում, մեծ ու փոքր հոդվածներում անհրաժեշտ է համարում անդրադառնալ լեզվի խնդիրներին, գնահատել հեղինակի կամ թարգմանչի լեզվական արվեստը, առաջադրել զարգացման ուղիներ:

Աղբայանը գրական լեզվի փայլուն օրինակներ էր համարում Հովհ. Թումանյանի, Ավ. Խասհակյանի, Լ. Շանթի ստեղծագործությունների լեզուն. «Ավելորդ եմ համարում խոսել Հովհ. Թումանյանի լեզվի մասին, թեկուզ ունենայի ինչ-ինչ մանր դիտողություններ: Նա ինքը հայ լեզվի ստեղծողներից մեկն է, նա բանաստեղծ է. «ոտից մինչև գլուխ», ինչպես Հիրը՝ թագավոր, այսինքն նա ստեղծում է մեր ազգային բանը, որ խոսք և իմաստ է նշանակում միանգամայն: Խսկ ուր

խոսում է բանաստեղծը՝ քերականը լուսում է»¹: Նույն, այսինքն՝ «ազգային բանի» դիրքերից էր գնահատում նաև Ավ. Խասհակյանին. «Այն աստիճան հայերեն է գրում, որ մեր կիսահայ լեզվին սովոր ականջին երբեմն խորթ են հնչում նրա դարձվածներն ու արտահայտությունները: Կանգնում եք, մտածում, հիշողությունը քչփորում և նոր նկատում, որ հայերս հենց այդպես էլ ասում ենք»²:

Խոր դժգոհություն էր հայտնում բարբառով գրելու տարածված իրողությունից: Բարբառը, այս, «մի շտեմարան է գրական լեզվի համար», բայց բարբառով գրելը մեղացնում է ընթերցողների շոշանակը, խոչընդոտում միասնական գրական լեզվի ստեղծմանը. «Մեր նպատակը պետք է լինի ստեղծել ոչ թե գավառական, այլ հայոց գրականություն, մատչելի ազգության բոլոր խավերին»³: Մանավանդ, ինչպես պնդում է քննադատը նույն տեղում, «միշտ հնարավոր է ժողովրդական լեզվի ոգին, համն ու հոտը պահել, առանց բարբառի մեջ ընկելուու»: Գրականության ժողովրդայնությունը ենթադրում է նաև լեզվի ժողովրդայնություն: Իբրև այս ճշմարտության մարմնացում քննադատը մատնանշում էր Ղ. Աղայանին, Հովհ. Թումանյանին, Ավ. Խասհակյանին: Ահա մի բնորոշ դիտողություն գրախոսվող գրքերից մեկի հեղինակին. «Միանգամայն անհրաժեշտ է, որ նա իր լեզուն գրական դարձնի. պետք է գրել ժողովրդի ոգով և ոչ թե ժողովրդի ոճով... Զեզ օրինակ Ղ. Աղայանը՝ նրա լեզուն հայերեն է, հայի հոտ է գալիս նրա լեզվից, բայց միննույն ժամանակ գրական է և լիբը չէ ժողովրդական բառերով: Ահա այդպիսի լեզվով պետք է գրել, որ ժո-

¹Ն. Աղբայան, Ամբողջական երկեր, հ. I, էջ 191:

²«Մուրճ», 1898, N 6, էջ 842:

³Ն. Աղբայան, Ամբողջական երկեր, հ. I, էջ 296:

հովրդական հոգին ունենալու հետ, միևնույն ժամանակ մաքուր գրական լեզու լինի»¹:

Լուրջ պահանջներ էր դնում հեղինակների առջև՝ հերոսներին լեզվական միջոցներով և անհատականացնելու կապակցությամբ: Ընդհանուր առմամբ բարձր գնահատելով Հ. Շանթի «Երազ օրեր» վիպակը՝ առնում է նաև մի բնորոշ դիտողություն. «Շանթի ... հերոսները խոսում են միևնույն ձևով – գեղարվեստական չեն. ինչպես մարդիկ տարբեր են, այնպես էլ տարբեր է նրանց խոսելու ձևը. խոշոր և արվեստագետ գրողները միշտ հետևում են դրան, ուշադրության են առնում այդ»²:

10

Հայոց գրականության «մի գիտական և հմտալից» պատմություն «Իորինելը» Ն. Աղբալյանի կյանքի նպատակներից էր: Տարիներ հետո, սակայն, ավելի ու ավելի հասու է դարձել մեկ մարդու ուժերով այդ խնդրի իրականացման և այլ բնույթի նժվարություններին. Ժամանակի մեծ մասը կլանել է հասարակական-քաղաքական գործունեությունը, և օր ծերության, բարեկամների համառ հորդորներին ունենալիք՝ ձեռնարկելով այն, իրեն հատուկ շիտակությամբ խոստովանել. «Գիտեմ թե ինչ պետք է և ինչպես. բայց բավական չեն պայծառ գաղափար ունենալ գրականության լավ և հմտալից պատմության մասին, պետք է այդ գաղափարն իրացնել կարենալ գործնապես:

Եվ բավական չեն իրացնելու կարողություն ունենալ, պետք է նաև հնար ու միջոց»³: Առաջին հերթին պակասում էր վերջինը՝ «հնար ու միջոցը»: Հիշենք դարասկրի գանգատը. «Կանեմ այն, ինչ որ հնարավոր է,

հնարավորություն չունենալով անելու այն, ինչ որ կարող եմ և ընդունակ են»: Նյութականից բացի կային ավելի լուրջ ոժվարություններ, որոնց մասին կրկին ցավով ինքն է գրում. «Չունինք մեր գրական ժառանգության լրիվ իրացանկ, չունինք գրական պատմական մասնակի հետազոտություններ, չունինք բնագիրների գիտական հիրատարակություն... Հին գրականության հետազոտությունը դեռ չետ է դուրս եկած բանասիրական բովից... Նույն վիճակի մեջ է գրական գործերի գրապատմական հետազոտությունը. աղբյուրների և ազդեցությանց խնդիրների քննությունը հազիկ սկսված է: Կան գրական ընդարձակ դաշտեր, որ դեռ խոփի չեն հանդիպած»⁴ ...

Մի կյանքը բավական չեն այս «չունինքների» փոքրիկ մասն անգամ լուծելու համար: Ուստի և իր պատմությունը համեստորեն կոչեց «ընդարձակ էջեր»: Եվ, այնուամենայնիվ, ինչ որ արեց՝ կրկին արեց որոշակի մի համակարգով, որի նպատակը, սակայն, ոչ թե «լավ ու հմտալից» պատմությունն էր, այլ ընթերցող լայն զանգվածներին գրականության անցած հազարամյա ուղուն ծանոթացնելը: Սրանով պետք է բացատրել «Ներածության» (1947) և «Դասախոսություններ հայ մատենագրության մասին» (1951) անավարտ հատորի էական տարբերությունները:

«Ներածության» մեջ խոստովանում է, որ գրականության պատմության վերաբերյալ իր ըմբռնումները ձևավորվել են «Ա. Պիպինի Ռուսաց գրականության և Հ. Տենի անգիտական գրականության պատմությանց» սկզբունքների վրա: Հատ երևույթին հետևելով իր ուսուցիչներին՝ գրականության պատմության համար իբրև կարևոր պայման ընդունում է գրական պատմության գոյությունը՝ գրականության պատմությունը արհեստականորեն բաժանելով երկու մասի: Գրական պատմությունը

¹ «Մուրճ», 1896, N 12, էջ 1599:

² Նույն տեղում, էջ 1607-1608:

³ Ն. Աղբալյան, Ամբողջական երկեր, հ. IV, էջ 80:

⁴ Նույն տեղում:

հեղինակներին ու երկերը քննում է առանձին-առանձին նախապատրաստելով գրականության պատմության «հորինումը», որի նպատակը, արդեն, «գրական տեսակների հոլովով» «պատճառական կապակցությանց» մեկնաբանությունն է: Երկու բաժիններում առաջադրված խնդիրների միամական քննությունը բացահայտում է գրականության պատմության վերաբերյալ Աղբալյանի ըմբռնումների համակարգը:

Եղիշե պատրիարք Դուրյանի «Պատմություն հայ մատենագրության» աշխատությունը «գոհացում չի տալիս... որովհետև գիտական չէ իր բնույթով»: Գիտական չէ, քանի որ հեղինակը չունի «ստուգի ու ճշգրտի» վրա հենվող «որոշ տեսություն հայոց գրականության պատմության մասին»: Ո՞րն է իր տեսությունը:

Գրականության պատմությունը «Մի ազգի ոգեկան կյանքի գրական արտահայտութեանց և նրանց տարրեր կերպերի (ոճերի) պատճառակապ հաջորդությանց» մեկնությունն է: Գիտունի գործը ոչ թե փաստերի պարզ շարադրանքն է, այլ գրական երևույթների «պատճառական մեկնությունը»: «Այդ մեկնությունն է գիտության բուն գործը», -սա է ելակետային դրույթներից մեկը:

Ամեն գիտություն ունի հետաքրքրությունների իր շրջանակը, հետևաբար պետք է պարզել, թե որ գործերը կարող են նյութ դառնալ գրականության պատմության: Յուրաքանչյուր գրավոր խոսք դեռևս գրականություն չէ. իր ժամանակի համար միանգամայն հասկանալի վեճ է բացում նրանց հետ, ում համար գրականության «գաղափարը որոշ սահմաններ չունի», որի պատճառով էլ այդ հասկացության մեջ ներառում են «ճարտասանությունն ու պատմագրությունը», քննադատությունն ու «գիտական երկերը», այլ ասպարեզների ստեղծագործությունները՝ գրականությունը դարձնելով «ամեն տեսակ գրությանց համագումար»: Այստեղ է, որ ընդգծում է, թե նույնիսկ բոլոր «գրական վաստակները» չպետք է

դառնան գրականության պատմաբանի հետազոտության առարկա:

Հարկավոր է ընտրություն կատարել, որովհետև «ամեն գիտություն և գիտակարգ ունի իր հետազոտության առարկան, այսինքն՝ երևույթների մի համագումար, որ կազմում են այդ գիտության կամ գիտակարգի կալվածքը»¹:

Այսպես, ուրեմն, գրականության պատմության «կալվածքը» կազմում են գեղարվեստական ստեղծագործությունները, բայց ոչ բոլորը: Իսկ որո՞նք, ինչպես պետք է կատարել ընտրություն, ի՞նչն է դառնալու «հիմունք ընտրանքի»: Գրական երկերի ընտրությունը «անձնական» հմայքի խնդիր չէ. «Գրական վաստակների» «շեղջակույտից» ընտրության «կշռաչափը» պետք է լինի ձևի և բովանդակության ներդաշնակությունը: Հիշենք նրա բանաձև՝ «Կատարյալ են այն գործերը միայն, ուր ձև ու բովանդակություն ներդաշնակ են, այսինքն՝ հարմարած են իրար»: Եվ քանի որ ամեն բովանդակություն ունի իր ձևը և հակառակը, ուստի միայն «հանրային բովանդակություն» ունեցող «ձևավոր հորինումով» գործերը կարող են հավակնել տեղ գրավելու գրականության պատմության մեջ: Գրականության պատմությունը վեր է հանում գրական տվյալ տեսակի «բարձրագույն կետը», ոիտված իր «հոլովով» մեջ, «իբր մթնոլորտ»:

Բայց սա բոլորովին էլ չի նշանակում, ավելի նվազ արժեք ունեցող երկերը մոռացության են տրվում: Գրական մեծարժեք երկերը հավերժական են և կազմում են գրականության պատմության լեռնաշղթայի բարձր և անկրկնելի գագաթները: Ծղբան, սակայն, ստեղծվում է բոլոր գեղարվեստական ստեղծագործությունների համադիր քննությամբ: «Գրականության պատմության հա-

¹Ն. Աղբալյան, «Ամբողջական երկեր», հ. IV, էջ 35:

մար կարևոր են ոչ միայն գլուխգործոցները, որոնք իրենց ժամանակեն ու շրջապատեն դուրս կապրին, այլ նաև երկրորդական հեղինակները, որոնք իրենց ժամանակը լավապես կրնորոշեն, «քանի որ անոնք միայն իրենց դարու գաղափարներով կապրին»¹: Եվ, այնուամենայնիվ, պետք է հիշել, որ բովանդակության ու ձեռների անդամակության պահանջը չբավարարող երկերը դուրս եր թողնում գրականության «լավ ու հմտալից» պատմության շրջանակից՝ հանձնելով դրանք «լիակատար պատմության» տնօրինությանը:

Գրականության պատմության տիրույթը որոշելուց հետո ծագում է հաջորդ խնդիրը՝ «գրական նյութի հայտնաբերումը»: Իր պատմությունը գրելու շրջանում հայ բազմադարյան գրականության աղբյուրները հավաքված էին Երևանի, Երևանի Վենետիկի, Վիեննայի, Եվրոպայի և Ռուսաստանի զանազան ձեռագրատներում, չկային նրանց մասին լիակատար տեղեկություններ տվյալ ցուցակներ ու աղբյուրներ, շատ քիչ բան եր տպագրված: Տվյալները թերի էին նաև հայ տպագրության գյուտից հետո, լույս տեսած գրքերի վերաբերմամբ: Հսկայական թվով հեղինակներ կորած էին պարբերական մամուլի «շեղակուպտերում»: «Հայ գրականության մի մասը գրչագիրների մեջ է, մի մասը՝ գրքերի ու մեծագույն մասը պարբերական հրատարակությանց», մինչև այս ամենի մասին և ստուգ տեղեկություններ չինեն, անհնար է ստեղծել հայ գրականության «մի գիտական և հմտալից պատմություն»:

Հայ գրականության պատմության դեպքում ծագում է մի դժվարություն ևս. քիչ ձեռագրեր են մեզ հասել ինքնազրով: Բազմաթիվ ձեռագրեր ունեն տարբեր ժամանակներում կատարված ընտօրինակումներ, որոնք հաճախ լուրջ տարբերություններ ունեն:

Մի մարդու կարողությունից վեր է դրանց բաղդատությունն ու բնագրի վերականգնումը: «Այս գործը կարող է կազմակերպել Հայոց աեստությունը՝ ստեղծելով մատենագիտական մի հաստատություն»: Իր պատմությունը գրելու ժամանակ կար այս դժվարությունը ևս, թեև նա զարմանք հարուցելու չափ տեղյակ էր բնագրագիտական ու բանասիրական աշխատանքներին:

Գրականության պատմությունը պետք է շարադրել «հաջորդական փուլերուն»՝ նրանց «պատճառական մեկնությամբ»: «Գրական երևովաների հաջորդական փուլերի ցուցադրությունը և նրանց հոլովովի մեկնությունն է գրականության նյութն ու բովանդակությունը»¹:

Արդեն պարզ է, որ փուլերի բաժանելը ևս գիտական հստակ չափանիշների պետք է հենվեր: Մերժում էր թե՝ «լեզվական» թե՝ «դասակարգային» սկզբունքները: Առաջինը կարծես ուղղված էր ժամանակացի ու բարեկամի՝ Լ. Շամթի դեմ, որը գրականության պատմության պարբերացման հիմքում դնում էր լեզվական գործոնը, երկրորդը՝ 20-30-ական թվականներին մեզնում ծաղկող գոեթիկ -սոցիոլոգիզմին: Վերջինս անտեսում էր գեղարվեստական զարգացման յուրահատկությունները, կենծ չափանիշներից ելնելով՝ ծուռ հայելու մեջ ներկայացնում գրական արժեքներն ու այն ստեղծողներին: «Լեզվի պատմության փուլերը գրականության պատմության փուլերը չեն», որովհետև հասարակական գրական նույն պայմանների ծնունդ և նույն փուլի պատկանող երկերը կարող են գրված լինել տարբեր լեզուներով՝ գրաբարով, բարբառով, ժամանակակից գրականով: Խղբալյանի մոտ հանդիպում է մի միտք, որ առաջին պահ թողնում է գրականության դասակարգայնության վերաբերյալ մեզ հայտնի մարքսիստական թեզը. «Գրա-

կանությունն ազգային է իր լեզվով և դասակարգային բովանդակությամբ»:

Մրանով նա միայն ընդգծել էր ուզում մի հանգամանք. հասարակությունը բաղկացած է խմբերից, դասերից, որոնք ստեղծում են իրենց միջավայրը և ունեն իրենց հատուկ մտածողություն: «Ինքնին պարզ է, որ մարդու հորինած խոսքը շատ ավելի մատչելի է այն միջավայրին, որ նա ծնած է, որովհետև նրա հորինած գաղափարներն ու ստեղծած պատկերները այն տարրերով են կառուցված, որ ստացած է իր միջավայրից»: Քննադատի բերած օրինակը կրկին հաստատում է, որ նրա դասակարգամությունը հեռու է մարդքսիստականից: «Գյուղացի Խ. Աբրովյանը, Պ. Պոռշյանը, Ղ. Աղայանը և Հ. Թումանյանը մի ուամկական որոշ գունավորում տված են Ռուսաստանի հայոց գրականության մի ընդարձակ շերտի լեզվին և բովանդակության, իսկ քաղքենի Ս. Նազարյան և Շիրվանզադե նույն գրականության լեզվին ու բովանդակության տված են տարրեր գունավորում»:

Այս իմաստով, ահա, «գրականության պատմության մեջ պետք է տարրերել շերտավորումները և բնորոշել ամեն մի խմբակցության գաղափարները, զգացումներն ու արվեստը»: Դժվար չէ նկատել, որ խոսքը վերաբերում է ընդամենը գրողի միջավայրին հատկացվող դերին:

Այս կամ այն միջավայրից ելած գրողի ստեղծագործության արժեքը, սակայն, չափվում է ոչ թե «առաջնորդության դասակարգի հատկանիշներով», այլ նրանով, թե գրական երկը որքան համամարդկային է, որքան հանրային: «Լայնազեցիկ են» այն ստեղծագործությունները, որոնք «խոսում են լայն բազմության մտքին ու սրտին», իսկ «խմբական շահեր, գաղափարներ» արտահայտող երկերը կարճատև կյանք ունեն և գեղարվեստական չեն:

Տասնամյակներ առաջ ավելի հստակ էր ձևակերպել այս միտքը. իսկական արվեստագետի «հայացը լայն է և չի ճանաչում կուսակցություն»: Սա ոչ միայն արվեստի համամարդկային արժեքի ընդունումն է, այլև ինքնարացահայտում. առաջնորդվելով գեղեցկության չափանիշներով, ինքը՝ Աղբալյանը, քննադատի մեջ հաղթահարեց նեղ կուսակցական ըմբռնումները, որի շնորհիվ էլ միշտ գուշակեց ու գնահատեց իսկական «լայնազեցիկ» գեղեցկությունները, անկախ նրանից՝ խոսքը ունալիստ Թումանյանի, սիմվոլիստ Շամթի, դաշնակցական Ահարոնյանի, թե բոլշևիկ Զարենցի մասին է:

Գրականությունը ժողովրդի մշակույթի բաղկացուցիչ մասն է, «մեկ երեսը»: Չատ բնական է, որ նույն պայմանների ծնունդ հոգևոր տարրեր ոլորտներ սերտորեն աղերավեն իրար: Մշակույթի մյուս «երեսները-կրոն, տնտեսություն, արվեստ, պետություն, իրավունք անշատ երևույթներ չեն», փոխադարձաբար կապված են իրար:

Գրականության պատմաբանը մշակույթի բնագավառների «Բավարար հմտություն պետք է ունենա, ոչ միայն նրա համար, որ «գրական շատ երևույթներ իրենց մեկնությունն ու զուգահեռ գտնում են մշակույթի պատմության մեջ», այլև նրա, որ ժողովրդի հոգևոր ոլորտներ լինելով՝ «առնչակից» են իրար, «եթե ոչ ներդաշնակ՝ առնվազն մի կապակից միություն»:

Գրականության պատմությունը պետք է բացահայտի «այն պատճառները, որ այս կամ այն կերպարանները տված են ստեղծագործություններին: Պատմական հանգամանքները նկատի ունի քննադատը (նա անտես չի առնում նաև գրական նախադրյալները): «Կյանքի և գրականության փոխադարձ կապը բանալին է գրապատմական մեկնությանց, հետևապես հիմնական նյութերից մեկը գրականության պատմության»:

Գրականության պատմությունը մի կարևոր հատկություն էլ պետք է ունենա. ոուսական ամսագրերից մեկի չորս համարներում տպագրված ընդարձակ մի հետազոտության արժեքների կողքին նկատում է մի էական թերություն. «... Բայց պատկեր չի ստացվում, այլ հատվածական բան: պատմաբանը պիտի արվեստագիտական տակտ ունենա և հոտառություն»:

Նույն դիտողությունն անում է Ե. Դուրյանի «Պատմություն հայ մատենագիտության» հատորի կապակցությամբ. «Մանր հատվածներ են, որ տեղ-տեղ կապակցություն չունին իրար հետ և երբեմն առանց կապի հաջորդում են իրար»:

Աղբալյանի մեթոդաբանական ընդհանրացումները ներառում են հեղինակի գնահատման, երկի վերլուծության եղանակները ևս: Այստեղ արդեն մեզ ծանոթ Աղբալյանն է՝ Հ. Տեսի տեսության հայտնի ելակետային դրույթով. գրականության պատմաբանին պետք է հետաքրքի հեղինակը, նրա երկը, ապրած ու ստեղծագործական միջավայրը:

«Այս երեք նյութերից հիմնականը երկն է, մյուս երկուն կարևոր են, որքան կարող են մեկնել երկի ծագումն ու բնույթը»¹:

Գլխավորը երկն է, մանրամասնում է քննադատը, բայց պետք է սկսել միջավայրից: Զգուշացնում էր, որ միջավայրի նկարագրությունը ինքնանպատակ չպետք է լինի, հատկապես պետք է խուսափել «սնափառությամբ ընդարձակ շրջանակ գծելու մոլորությունից»:

Հեղինակի կենսագրությունը «կարող է գրվել երկու նպատակով՝ մեկն ինքնին, իբրև տվյալ հեղինակի կենսագրություն «ընդհանրապես», մյուսը՝ հատուկ միտումով, այն առնչությունների հաշվառմամբ, որ այդ կյանքն» ունի երկի հետ և կարող է մեկնել այդ երկը»:

¹ Նույն տեղում:

Մյուս կողմից հետազոտողից պահանջում էր երկի քննություն «ինքն իր մեջ»՝ «հեղինակի ներքին աշխարհը» հայտնաբերելու համար: Ստեղծագործողի ներքին աշխարհը «կարողությանց, հույզերի և գաղափարների աշխարհն է»:

Այս փոխադարձ կապից բացի կա նաև ստեղծագործության «ինքնուրույն կյանք, որ կարող է տևական կամ կարճատև լինել: Ամեն ինչ չափ ու կշոր ենթարկող Աղբալյանը երկի «ինքնուրույն կյանքի» տևողությունը գեղարվեստական զարգացման ընթացքի վրա թողած ազդեցությամբ էր չափում: Ավելի ընդարձակելով խնդիրը՝ գրականության պատմաբանի հետազոտության շրջանակի մեջ մտցնում էր պարզելը այն բանի, թե գրական երկը ինչ է ժառանգել նախորդներից և թե որքանով է արգասավորել հետագա զարգացումը: Գեղարվեստական արժեքների «գրական-պատմական տեսակետից» գնահատությունն էլ համարում էր գրականության պատմաբանի խնդիրներից մյուսը: Այսպես, ահա, գրական երևույթները «ժամանակի թեկին շարելով՝ որոշել նրանց հաջորդական ձևառումները և գտնել նրանց հավանական պատճառները»:

Եվ, վերջապես, գրականության պատմության հիմք պետք է դարձնել հեղինակների «երկերի բովանդակությունը, նրանց հորինման եղանակները, նրանց մտածման ընթացքը, զգացումի երանգը, գրական երկերի դրդիչ պատճառները, հեղինակների ներքին մարդը, որ ցոլանում է իրենց ոճի մեջ»¹:

Գրականության գիտական պատմության ներկայացվող պահանջները անպայմանորեն ընկած են «Դասախոսություններ հայ մատենագրության մասին» ուսումնասիրության հիմքում, թեև, իհարկե, ոչ այն խորությամբ, ինչպես ինքն էր պատկերացնում:

¹ Ն. Աղբալյան, Ամբողջական երկեր, հ. I, էջ 437:

Իր գրականության պատմությունն սկսում է «Հայոց ազգն ու աշխարհը» գլխով, և սա լիովին հասկանալի է. եթե գրողի երկը հասկանալու համար պետք է ծանոթ լինել նրա միջավայրին, որ սկսում է կենսագրությունից, բնական է, որ ժողովրդի հոգևոր աշխարհի մի «երես» հանդիսացող գրականության պատմությունն էլ սկսվի ժողովրդի կենսագրությունից ու «միջավայրից»:

Սովորական իմաստով պատմություն չէ սա. զանազան աղբյուրների օգտագործմամբ փորձում է որսալ հայի բնավորության այն գծերը, որոնք մշակվել են անցած ճամապարհի ընթացքում, մինչև գրավոր գրականության ստեղծումը: Հավատարիմ իր սկզբունքին՝ գգուշանում է «սնափառությամբ ընդարձակ շրջանակ գծելու մոլորությունից»: Գերազանցապես նկատի ունենալով մեր պատմության նախագրային շրջանը՝ հաճգում է այսպիսի հետևողական. հայ ժողովուրդը գալիս էր «շատ հին դարերից, ստեղծած էր մի քանի մշակովք, կրած էր օտար ազեղությունները, բայց պահած էր իր ինքնությունը»¹: Հակառակ «Ազգն ու աշխարհը» բաժնի՝ «Հայոց լեզուն» գլխում կարծես թե չի կարողացել հաղթահարել լայն շրջանակ գծելու «սնափառությունը»: Ելակետը որքան էլ ճիշտ՝ «Պետք է... ճանաչել այն լեզուն, որով մերոնք գրականություն ստեղծեցին Ե. դարում», այնուամենայիկ լեզվական ու լեզվաբանական նրա լայնածավալ հետազոտությունը միշտ չէ, որ պատասխանում է առաջդրված խնդրին՝ մեր լեզուն ճանաչելով «մասսամբ կճանաչենք նաև այն հնարավորությունները, որ ընձեռած է մեր լեզուն մեր դասական շրջանի հեղինակներին և թարգմանիչներին և այն ճիգերի անհրաժեշտությունն ու տարողությունը, որով ձգտած են

նրանք գրականության գործիքը՝ լեզուն՝ դարձնել ճկուն ու հատու իրենց սուսերի նման»²:

Պատմության Յ-րդ գլուխը «Գիրք և գրիչ» է վերագրված: «Թեև այս նյութն ավելի պատշաճ կիներ մեր մշակույթի, քան գրականության պատմության, նկատում է ըննադատը,- բայց մեր գրիչների և ձեռագրական գործին սատարողների հազարածայն աղերսանքը՝ հիշատակել իրենց անունը երբ առիթ ունենանք իրենց գործը կարդալու, ընդորինակելու կամ պարզապես տեսնելու՝ ստիպում է ինձ երախտագիտությամբ կանգ առնել նրանց հիշատակի առջև...»: Եվ եթե հաշվի առնենք, որ այս ժամանակ հրատարակված հիշատակարաններ չկային, ապա սա մի ապացուց է, թե ինչ տքնածան աշխատասիրությամբ է հավաքել նա այնքան հմտությամբ ու գորովով ներկայացրած ահազին նյութը, բազմաբնույթ այն հիշատակարանները, որոնց հեղինակների «անուն Տեր գիտե»:

«Ներածության» հիմնական սկզբունքները և երկու գլուխների գլխավոր դրույթները, մատչելի շարադրանքով և առանց գիտական հիմնավորումների, կրկնում են «Մատենագրության» ներածության մեջ. գիտական ներածությունը, ոճական միասնության նկատառումով, հարմարեցվել է պատմության շարադրանքին:

Այսուհետև անցնում է հայ գրականության պատմության շարադրանքին՝ պահպանելով իր գծած համակարգի սկզբունքը, սկսելով բանավոր ստեղծագործությունից և կարողանալով շարադրանքը հասցնել մինչև 7-րդ դար: Մեր խնդրից դուրս համարելով «Դասախոսությունների» ամբողջական գնահատությունը՝ առնենք միայն, որ Աղբայլանի շատ տեսակետներ, առանձին բնորոշումներ ու մոտեցումներ, ժամանակի

¹Նույն տեղում, էջ 128:

²Նույն տեղում, էջ 179:

հայագիտության մակարդակը սերկայացնելով հանդերձ, այսօր վիճելի են կամ մերժելի: Եվ, այնուամենայնիվ, բանասիրական սուր, երբեմն էլ զարմանք հարուցելու չափ նուրբ ու տարողունակ դիտարկումները, գրական-պատմական մթնոլորտի խոր զգացողությունը, բանահյուսության, մասնավորապես «գրական վաստակների» գեղարվեստական արժանիքների, գրականության պատմության ընդհանուր շղթայում նրանց գրաված տեղի բացահայտումները, գրողների ու գործիչների, պատմական ու գրական երևույթների դիպուկ բնութագրումները, շարադրանքի անկեղծ հայրենաշունչ ոգին ու հստակությունը և այլ արժանիքներ «Դասախոսությունները» արժեքավոր են դարձնում այսօրվա ընթերցողի համար ևս:

11

Գրականության պարբերացման մասին հստակ պատկերացում ունենալով, կոնկրետ չի զբաղվել հայ գրականության շրջափուլերի խնդրով: «Դասախոսությունները» հասցրեց մինչև 7-րդ դար՝ ամբողջ ժամանակաշրջանը բաժանելով երեք փուլի. I. Նախագրական շրջան՝ երկու ենթափուլով. 1. Բանավոր ստեղծագործություն, 2. Սրբախոսական գրականություն, III-IV դարի գրականություն. այսուղ գետեղում էր օտարալեզու հայ գրական նմուշները, որոնք հետո թարգմանվել են հայերենի. 5-7-րդ դդ. գրականություն. սկիզբ առնելով գրերի գյուտից՝ ծաղկում և ինքնատիպ դիմագիծ է ստանում ինքնուրույն ու թարգմանական մի գրականություն, որ կրած ազդեցություններով հանդերձ՝ խորապես ազգային է և մեծ խթան է հանդիսացել հետագա գեղարվեստական զարգացման համար: «Հայ գրականության հիմքը կդրվի օտար լեզվով, բայց կմշակվի հայ ոգով: Ե. դարում այդ գրականությունը կհայանա առաջ

լեզվով»¹: Դժվար չէ նկատել, շրջանաբաժանումը հենց վում է ժամանակի բանասիրական ու գրականագիտական մտքի ընդունված սկզբունքներին:

Հավանական է ենթադրել, որ նա ումեր հին և միջնադրյան շրջանի ըմբռնումը, թեև, չմոռանանք, գուսանական պոեզիան, իբրև բանավոր ստեղծագործության մի տեսակ, դուրս էր դնում գրավոր գրականության ընդհանուր շղթայից:

Ծատ ավելի հմաստավորված է գրականության նոր շրջանի ըմբռնումը: «Հորիզոնի» և «Նոր հոսանքի» հոդվածներում, գերազանցապես հայ դասականներին նվիրված խմբագրական առաջնորդողներում, դիմանկարներում, երբեմն էլ գրախոսականներում հանդիպում են բնութագրումներ, գնահատականներ, համառոտ տեսական ընդհանրացումներ, որոնք հայտնաբերում են մի ճշմարիտ հայացք նոր գրականության անցած ուղու, զարգացման գլխավոր օրինաչափությունների, նրա ինկական մեծությունների գրաված տեղի ու նրանց վաստակի գնահատման վերաբերյալ:

«Մոտ հարյուր տարվա անցյալ ունի արդեն հայոց նոր գրականությունը», – դարասկզբին հայտարարում էր ըննադարը՝ առանձին հոդվածներում մեծացնելով ընդգրկման շրջանակները մինչև Միիթարյաններ:

1914-ի սկզբներին Թիֆլիսում Հայ գրական ընկերության երեկովըներից մեկում հանդես է գալիս «Հայ գրականության ապագան» թեմայով դասախոսությամբ, ուր մի շարք ուշագրավ դիտարկումներով, նոր գրականության զարգացումը բաժանում է երեք շրջանի՝ 1. «Անցյալի փառաբանության շրջան (Միիթարյաններ)», բնորոշ է պատմական անցյալի բանաստեղծականացումը, 2. «Հայրենասիրական շրջան (Խ. Արովյան, Ռաֆֆի, Պատկանյան, Պոռշյան, Աղայան և մյուսները)», այժմ

գրողների հայացքը հառված է ոչ թե անցյալին, այլ՝ ներկային: «Այս շրջանը մի տեսակ խառնուրդ է եվրոպական և հայրենական ազդեցությունների, գրողները չեն կարողանում ճշտութամբ պատկերացնել հային»¹: Յ. «Նոր սկսած շրջան» (Հովհ. Թումանյան), գրականությունն սկսում է «ազգայնանալ, ազատվել օտար ազդեցություններից և սնվել հայրենի մթնոլորտում»²: Նախորդ շարադրանքից հայտնի է, որ այս «Նոր շրջանի» առանձնահատկությունը համարում էր ունալիզմի և ժողովրդայան հաղթանակը (Հովհ. Թումանյան, Ավ. Իսահակյան):

Նոր շրջանի գրականության ակունքներում արժեքավորում էր Մխիթարյանների գեղարվեստական գործունեությունը, մասնավորապես Ղ. Ալիշանի ստեղծագործությունը: Վերջինիս հայրենասիրական երգերը «մեծ ազդեցություն են ունեցել ուսամհայ գրականության վրա»: Ռ. Պատկանյանն ու Մ. Նալբանդյանը շարունակեցին Ալիշանի ավանդները՝ պայմանավորելով նոր շրջանի բանաստեղծության ինքնուրույն մի փուլ: Այն ավարտին է հասնում ուսւթուրքական պատերազմից հետո, երբ հայության ակնկալած հուսերը փլուզում են ապրում:

«Այն ազգային-քաղաքական իդեալները, որոնք ոգևորում էին Հ. Հովհաննիայանի նախընթաց սերունդին... դադրել էին ոգեկան կյանքի զորեղ խթան լինելուց», նոր սերունդը, որին պատկանում էր Հովհաննիանը ևս, «ընդունում էր նրանց վեհությունը... բայց անգոր ու անպատրաստ էր համոզումով նրանց փարելու»³... Վեհ իդեալների փլուզումը պայմանավորեց հուսահատության ու տրտմության մի շրջան, որի արտահայտիչը

¹ «Հորիզոն», 1913, N 90:

² «Հորիզոն», 1914, N 64:

³ «Հորիզոն», 1913, N 90:

եղավ Հովհաննիայանը: Բանատեղն ու հասարակությունը հայտնվում են «երկու ճանապարհի» ճամփարաժնում «առանց կորով ունենալու ընտրել այս կամ այն ուղին»: Անցման այս շրջանի տրամադրությունների արտահայտիչը Հովհաննիայանն է:

Միայնակ չէր. Հովհաննիայանը ունեցավ բազում հետևողներ, որոնցից, բնականաբար, նկատում է առավել տաղանդավորներին: Հովհ. Թումանյանը, Ավ. Իսահակյանը, Ալ. Շատուրյանը, Լ. Մանվելյանը իրենց ուսուցչի հետ միասին պայմանավորեցին «հայ բանատեղության... մի նոր շրջան»:

Ինչո՞վ է բնութագրվում այս շրջանը: «Հ. Հովհաննիայանը բերում էր իր հետ նոր տրամադրություն և նյութի մշակության ավելի կատարյալ ձևեր»¹: Նկատված է Հովհաննիայանի բերած երկու կարևոր նորություն: Անտես չի առնվում նրա ստեղծագործության կապը Օսմանականի «գրական դպրոցի» հետ, ինչպես նաև Գ. Քաթիպային հետևելով՝ ժողովրդական մոտիվներ հնչեցնելը, որ «հետո այնքան ցայտուն զարգացման պիտի» հասներ Հովհ. Թումանյանի և Ավ. Իսահակյանի ստեղծագործություններում: Ահա հատկանիշներ, որ սերնդի այլ ներկայացուցիչների հետ բերած վիթխարի նորություններով անհրաժեշտ մթնոլորտ ու հող են ստեղծում 90-ական թվականներին գրելու համար «հայոց նորագույն պատմության փառավոր էշերից մեկը»: Մի ուրիշ առիթով խոստովանում է, որ Հ. Հովհաննիայանը, Հովհ. Թումանյանը և Ավ. Իսահակյանը «բոլորովին տարբեր մարդիկ են» Գ. Քաթիպայից: Տարբերությունը առկա է ոչ միայն ընտրած նյութի, այլև նրա մշակման տեսանկյունից: Այսօր իբրև քրեստոմատիական ճշմարտություն հնչող միտքը 1890-1900-ականներին դժվարությամբ էր ճանապարհ հարթում իր համար: Ազգային-ազատագ-

¹ Նույն տեղում:

րական պայքարի երգերին վարժված քննադատությունը չէր ուզում ճանաչել նոր սերնդի նորարարությունը:

XX դ. սկզբներին հայոց բանաստեղծության մեջ նոր տեղաշարժեր են նկատվում. պոեզիայի աշխարհին գունավորում է տալիս Վ. Տերյանը:

Մնացածներին տեղավորում էր այս շրջանների մեջ: Ալ. Շատուրյանի համար, օրինակ, գրում էր. «տեղ ունի գրական այն շարքի մեջ, որ Ս. Շահազիզից գալով և Հովհաննիսյանին մեջ առնելով՝ հասնում է Վ. Տերյանին... Ա. Շատուրյանը կանգնած է Հ. Հովհաննիսյանի և Վ. Տերյանի արանքում»¹:

Գրականության և կյանքի կապը մշտապես աչքի առաջ ունեցող ուշադիր քննադատը նկատում է, որ Տերյանի հզոր ազդեցությունը տեղի է տալիս, նկատվում են նոր տեղաշարժեր. «Նոր ուղիներ են որոնվում հին իդեալները իրականացնելու կամ ներկայիս հարմարեցնելու համար»²: Նոր ու կարևոր խնդիրներից մեկը հոգնոր ինքնուրուցնության պահպանումն է. «Այդ խնդիրներից զիխավորը այն է, որ մենք չաետք է կորցնենք մեր ինքնուրուցնությունը: Ժողովուրդը ձգտում է պահպանել ոչ միայն իր գոյությունը (հողային) շարժման միջոցով, այլև պահպանել իր կուլտուրան և հոգեբանական դեմքը մտավորական շարժման միջոցով: Դրանով արդեն մենք թեակոնսում ենք մի նոր ստեղծագործական շրջան»:

Հետաքրքիր դիտարկումներ են անում հայ վեպի, նրա նշանավոր ներկայացուցիչների մասին: Նշելով, որ հայ վեպը սկսվում է Մ. Թաղիադյանի «Վեպ Վարդգեսի Տեառն Տուիաց» գործով՝ ավելացնում է՝ «հայ գրականության մեջ վեպի գաղափար կար»³: Վեպի ակունքները տեսնում են «Հայսմավուրքի», արևելյան գրուցներ

¹«Հորիզոն», 1917, N 72:

²«Հորիզոն», 1914, N 119:

³Ն. Աղրալյան, Ամբողջական երկեր, հ. I, էջ 320:

«Պղնձեն քաղաքի պատմության», «Ալեքսանդր Մակեդոնացու պատմության», ինչպես նաև Քյոռ օղլու տիպի «օտար գրուցների» մեջ, որոնք «հայ հոգիի դրոշմը տառած» են:

Իսկական հայտնությունը Խ. Արովյանն էր, «հայ հանճարի ծնունդ», որի «իրական բովանդակությամբ և ազգային ուղղությամբ» վեպը «հիմնական ուղին գծեց հայ գրականության»: Այնուհետև բացում է «իրապաշտ բովանդակության» իմաստը. իրական կյանքից առնված պատկերներ ու հերոսներ, ժողովրդական վարք ու բարք, հերոսները «ժողովրդին կխոսեին»:

Մեծ գրողը անպայման հետք է թողնում հետնորդների վրա: Արովյանի թողած ազդեցության մասին խոսելիս բնականաբար առաջին հերթին հիշում է Պոռշանին և Աղայանին, որոնք «Վերքի» ընթերցումներին կպարտեն, իրենց հայտնությունը»: «Վերք Հայատանի»-ի հետ աղերսներ ունի նաև Ռաֆֆու «Սալբին». Արովյանի հման Ռաֆֆին «Կներկայացնե իր գավառը», նա էլ «ազգագրություն կընե», «իր հերոսը հասարակաց կետեր ունի Խ. Արովյանի վեպի հերոսին հետ»¹:

Հայ վեպի մյուս նշանավոր դեմքը Ռաֆֆին է, որի հանդեպ տևական պաշտամունք է ունեցել:

Մահվան 25-ամյակի առիթով գրած առաջնորդողում ընդգծում է մեծ վիպասանի արդիականությունը: Դա տեսնում է այն խնդիրների, առաջին հերթին անցյալ 70-ական թվականներին հայ գրական-հասարակական միտքը հուզող կենտրոնական խնդիրն՝ արևմտահայության դրության բարելավմանը նվիրված լինելու մեջ: «Տաղանդը փայլ էր տալիս այդ խնդիրին և խնդիրը բարձրացնում տաղանդի արժեքը»²: Ռաֆֆին «մտքերի

¹Նույն տեղում, էջ 321:

²Հորիզոն, 1913, N 88:

երկրորդ հզոր իշխանն էր հայ գրականության ոլորտում» Արծրունուց հետո, բայց նրա կողքին:

Րաֆֆին առաջադրեց գաղափարներ, ծրագրեր, որոնք համակեցին ժողովրդին, ուղեցուց եղան երիտասարդության համար, վերջինիս մղեցին ազգանվեր գործունեության: Րաֆֆու պատկերած «հմայիչ հեռանկարը իր ժամանակին և նրանից հետո շատ ազնիվ հոգիներ վառեց ու զինեց պայքարի համար, որոնք անձնվիրության և հերոսության անսովոր օրինակներ տվին հայության և ի զարմանս ամբողջ աշխարհի, որ կարծու էր, թե հայությունը մեռած է հոգով»¹: Անշուշտ, անհամոզիչ է նրա կանխատեսությունը. Րաֆֆու «դերը կվերջանա այն օրը, երբ հայությունը կազատվի թուրքական լուծից»: Սա թերևս վերաբերի Րաֆֆի-հրապարականոսին, գեղագետի համար անհամոզիչ գուշակություն է:

Մահվան 25-ամյակի առթիվ կազմակերպած երեկոյթներին մասնակցեց: Դրանցից մեկում ընդգծեց վիպասանի վերաբերմունքը դեպի ժողովուրդը՝ «Րաֆֆիի ցայտուն մի հատկությունն էր նրա անպայման վստահությունը բուն ժողովրդին՝ հանդեպ մյուս դասերի»²:

Աղբայանի թղթերում պահպանվել է Րաֆֆու մասին մի գրություն, ուր սեղմ բնութագրումներ կան: Սա, հավանական է ենթադրել, ծավալուն մի ուսումնասիրության կոնսավետ է: Րաֆֆու ստեղծագործական մեթոդի հակիրճ բնութագրումը բավականին ճշգրիտ է: «Րաֆֆին իրապաշտ մըն է իրեն նկարագրող իրականության», – այստեղ առարկություն լինել չի կարող, իսկական կյանքի ճանաչողությամբ քերը կարող են մրցել նրա հետ: Ըստ Աղբայանի ընկալման՝ Րաֆֆին, սակայն, միայն իրականությունը չի նկարագրել, մինչույն ժամանակ նա «կստեղծե հերոսներ, որոնք գոյություն

¹Նույն տեղում:

²«Հորիզոն», 1913, N 90:

չունին»... Այս «գոյություն չունինը» նախատիպի իմաստով չպետք է հասկանալ, նրա կերտած հերոսներից շատերը, այս, չկային և չէին էլ կարող գոյություն ունենալ. նրանք գալիքի մասին և այդ գալիքը կերտելու համար գրողի երազանքների մարմնավորումն էին: Հետաքրքիր մի դիտարկում էլ մոռացության չպետք է տալ. Աշելով, որ Րաֆֆին ստեղծում է հերոսներ, «որոնք գոյություն չունին», միաժամանակ շարունակում է. «բայց որոնք պետք է գոյություն ունենան»¹:

Այս վերջին միտքը ուրիշ անգամներ էլ ընդգծել է քննադատը: Րաֆֆին «զարմանալի ճշտությամբ գուշակեց մի քանի տասնյակ տարիներ հետո եկող ազգային կյանքի ընթացքը»²: Ժամանակակից կյանքի խոր իմացությունը, որ հնարավորություն էր տալիս նրան հանճարեղորեն կոահելու առաջիկա տասնամյակների մեր հասարակական կյանքի ընթացքը, իրապաշտական հզոր շունչ է հաղորդում նրա ոռմանտիզմին: Այս նկատի ունի քննադատը, երբ նրա գոյություն չունեցող հերոսների մասին վստահորեն գրում է՝ «բայց... պետք է գոյություն ունենան»: «Րաֆֆիի երևակայած սիրելի հերոսները ծնան և գործեցին», – վստահորեն եզրափակում է քննադատը:

Ելնելով գրողի գնահատման այն չափանիշից, թե նա ինչ է ավելացնում նախորդների ստեղծածին, բացահայտում է Րաֆֆու բերած նորությունները:

«Րաֆֆին ընդարձակեց հայ վեպի սահմանները»: Այս դեպքում նկատի ուներ և թեմատիկան («Հայ վեպին մեջ մտցուց պարսկահայությունը... նյութ դարձուց պարսկի ու բուրդերուն կյանքը»): Ներկայացրեց նաև «դրացի ժողովուրդներուն կյանքը»: Բացի այդ՝ «Կնկարագրե հայ ազգի զանազան դասակարգերը», և ժամանակին նո-

¹Ն. Աղբայան, Ամրողչական երկեր, հ. I, էջ 321-322:

²«Հորիզոն», 1913, N 90:

րությունները: «Հիմքը դրավ վարքագրական գրականության», «Մշակած է ծրագրային վեպը», իրմով կսկսի պատմական վեպը»):

Բաֆֆու վարպետությունը ևս արժանանում է սեղմ, տարողունակ բնութագրումների. «Իր տաղանդին հիմնական հատկանիշը պայծառ և հզոր երևակայությունն է», «Բաֆֆիի գործերուն մեջ կտիրե քնարական շունչը», «Բաֆֆին հետաքրքրիր պատմող մըն է» «խոսակցականը, որով լեցուն են իր վեպերը, հաճելի է. մինչ նկարագրականը կդանդաղեցնե հետաքրքրությունը»:

Իր վեպերը լեցուն են ժողովրդական առածներով... «Առածածն կգրե, այսինքն կարճ և ամփոփ», «Անբրին կշուշը մը կա իր նախադասությանց մեջ», «պայծառությունը իր սիրածն է: Ասով անիկա Տեսանող է»¹:

Բարձր է գնահատել Ծերենցի տաղանդը ևս: Բաֆֆու հետ միասին նա «հայ պատմական վեպի ականավոր ստեղծողն է մեզանում»: Ի՞նչն էր նրան մղում պատմական թեմային. ազգային արթնացած գիտակցությունը, հետամուտ ներկայի խնդիրներին, լուծման բանալիները որոնում էր նաև անցյալում: Ծերենցի «Երևակայությունը հածում էր բացառապես հայի պատմական անցյալում և ընտրում էր այնպիսի հյութեր, որ երևում է հայի ինքնապաշտպանության կորովը և նոր կյանքի հետամուտ լինելու անխորտակելի կամքն ու կարողությունը»²:

Դիպուկ բնութագրում է պատմավեպի յուրահատկությունը: Անցյալի իրադարձություններին դիմելով՝ վիպասանը փորձում էր «անցյալի դասնորով» ներկային հուզող պատասխանները գտնել: Բայց քանի որ ավելի շուտ հետամուտ էր «հասարակական գաղափարներ

¹Ն. Աղբալյան, Ամրողական երկեր, N 1, էջ 323-324:

²«Հորիզոն», 1913, N 112:

արձարծելուն», առանձնակի ուշադրություն չի դարձնում «հոգեբանական կողմին»¹:

Հակառակ Արովյանի և Բաֆֆու, որոնք լեզվի ոլորտում ևս նոր աստիճան են ապահովում (Արովյանը «կարողացել է գրական լեզվի հասցեն իր ոճը»), Ծերենցի «լեզուն ծանր է և գրաբարախառն»:

Գ. Սունդուկյանի առումով դիտարկումներ է անում դրամատիկական ժանրի անցած ուղղությալ:

Անկասկած է, որ Սունդուկյանը «մեր գրական փառքերից մեկն է և թատրագիր տաղանդներից ամենափայլունն ու զորեղը»: Նա ոչ միայն եվրոպական մակարդակի է բարձրացրել հայկական դրաման, այլև զորեղ ազդեցություն է թողել դրամատիկական ժանրերի գարգացման վրա: Ա. Վարդանյանի վորեկիլի մասին խոսելիս նշում է. «Տեղ-տեղ նկատելի է «Պեպոյի» ազդեցությունը. մի տեղ կարծես խոսքերն արտագրված են այնտեղից»²:

Սունդուկյանի ազդեցության մասին խոսելիս նույն հոդվածում հատուկ նշում էր մի հանգամանք. «Ամենքը փորձում են գրել Թիֆլիսի բարբառով: Սա մի սխալ ճանապարհ է, որ ժամանակն է թողելու: Որքան բնական էր այդ բարբառին դիմելը 70-80-ական թվերին, եթե նա խոսվում էր կյանքում, այնքան անբնական և ուշացած է այժմ, եթե այդ բարբառը մեռած է համարյա»:

Ընդհանուր գծերով ներկայացվում է նախատեսվածական դրամատուրգիայի պատկերը: «Մեր պատմական դարավոր կյանքում չենք մշակած գրականության այդ ճյուղը»³: Առաջին փորձերը մեզանում «կրոնական բնույթ» ունեին, «հոգեբանորեն չպատճառաբանված վարմունքների մի հյուսվածք» էին, քան թա-

¹«Հորիզոն», 1913, N 114:

²Զանգակ, 1908, N 23:

³«Հորիզոն», 1913, N 60:

տերական գործեր: Հետագա ընթացքը բնութագրվում է պատմական անցյալի հանդեպ հետաքրքրությամբ: Բայց «Արանց մեջ զուր է որոնել պատմական ճշմարտություն կամ մարդկային հոգու ճանաչողություն», դրանք էլ «ազատասիրական քարոզներ» են հիշեցնում և ուրիշ ոչինչ: Ուշագրավ զննողի հայացքից չեն վրիպում նաև «իրականության շունչ» պարունակող զավեշտները, որոնք գորշակում էին «Առ ուղղության» գալուստը: Եվ, այնուամենայնիվ, կրոնական ու պատմական թեմաներով գործերում «քարոզչական տարրը խեղդում էր արվեստի զգացումը», իսկ զավեշտները «շատ անբավարար թատերական գրականություն» էին:

Այս համապատկերում, ահա, բարձրանում է Սունդուկյանը՝ իբրև «ազգային թատերագրության ստեղծող», թատերագրություն, որ ոչ միայն ազգային է, այլև «գեղարվեստական միանգամայն»: Հետազոտողը բարձր է գնահատում Սունդուկյանի ուսախիզմը ևս: Նրա ստեղծագործումներում արդեն բացակայում են քարոզն ու պատգամը, այստեղ «հայ կյանքը անդրադարձած» է «մեծ տաղանդի» ուժով: Չի վրիպում նաև նրա «հարուցած խնդիրների» կարևորությունը «մեր ազգի համար»:

Աղքայլյանն առանձին հոդված նվիրեց մեծ դրամատուրգի «Կտակին»՝ բարձր գնահատելով նրա գեղարվեստական արժանիքները, այս առումով հավասար դասելով «Պեպոյին», «Կտակի» մեջ հայտնաբերելով մարդուն, ստեղծագործողին, մտավորականին: Այստեղ ավելի խորացրեց Սունդուկյանի ստեղծագործության ժողովրդայնության, դեմոկրատական հզոր տարերքի, առարարական բնույթի մասին իր ըմբռնումները՝ քաղաքան համոզումների առումով կապելով նրան 60-ականների հետ...

Նոր գրականության ներկա փուլի յուրահատկություններից մեկն էլ այն է, որ նա սկզբնավորվել է «հեռավոր սահմաններում»՝ Վենետիկ, Պոլիս, Մոսկվա,

ինտո սկսել է մոտենալ մեզ՝ Թիֆլիս, նրա բնականոն զարգացման համար անհրաժեշտ է հայրենի հողի վրա ստեղծել «ազգային ամբողջական մթնոլորտ»: Հանրապետության ստեղծումը հասկանալի կերպով դիտում էր ոչ միայն գրականության, այլև ընդհանրապես ազգային մշակույթի զարգացման կարևորագույն պայման: «Այժմ մենք գտնվում ենք գրականության զարգացման այն աստիճանի վրա, որ հայ գրականությունը ուզում է եզերական լինելուց դադարել, ստեղծել մի հաստատում բնակավայր, որտեղ ամեն ինչ հայկական կլինի: Հայ գրականությունը գնում է դեպի հայրենացում և ազգայնացում, աշխատելով ազատվել օտար ազդեցություններից»¹: Ծատ ավելի ընդհանրական է այս տեսանկյունից «Դասախոսությունների» հետևյալ «ուրվագիծը»: «Մեր գրականությունը սկսած է Հայոց միջնաշխարհին մեջ: ԺԱ դարուն անցած է Կիլիկիա, ԺԶ. դարուն՝ Պոլիս, Եվրոպա, ԺՂ դարուն՝ Մխիթարյան վանք: ԺԹ դարուն կեսեն փորձեր եղած են կրկին վերադառնալու միջնաշխարհ (Խրիմյան Հայրիկի փորձը Վարագա մեջ): Ի. դարուն է վերջապես, որ մենք այսօր Հայաստանի մեջ ունինք Հայոց գրականության ամբիոն մը, ուր կրնանք մեր գրականությունը ուսումնասիրել մեր հողին վրա»²:

¹ «Հորիզոն», 1914, N 64:

² Ն. Աղքայլյան, Ամրողական երկեր, հ. IV, էջ 246:

ՀՐԱՊԱՐԱԿԱՆ ՈՍԵ

Աղբայլան հրապարակախոսը մեզանում ավելի քիչ է հայտնի, քան քննադատը։ Պատճառներից մեկն այն է, որ նրա հրապարակախոսական հոդվածները սփոփած են հիմնականում դաշնակցական մամուլի էջերում, որը մինչև վերջերս յոթ փակի տակ էր։ Բացի այդ՝ հրապարակախոսությունը զուտ գաղափարախոսական ոլորտ է։ Մտածող անհատի քաղաքական դիրքորոշումն ու համոզումները առավել տեսանելի են, քան, ասենք, գրականագիտության ոլորտում, որը և պայմանավորում է այս ասպարեզում «իդեղոգիական» ցերբերների առավել մեծ զգնություն ու հսկողություն։ Եթե ասվածին ավելացնենք, որ գործիչների հասարակական-քաղաքական հայացքները, գրական-գեղագիտականի համեմատությամբ, ավելի քիչ հետաքրքրության են արժանանում, պարզ կդառնա, թե ինչու Աղբայլան հրապարակախոսը մեզանում անհամեմատ քիչ է հայտնի։

Գործունյա խառնվածքով Աղբայլանը դեռևս երիտասարդական տարիներին մասնակցում էր հասարակական միջոցառումներին, հետաքրքրություն ընկերվարական ուսմունքներով, նախապատրաստվում եռանդուն գործունեության։ Բնավորությամբ ու խառնվածքով քարոզիչ էր, կրօնու հրապարակախոս, սիրում էր լինել հրադարձությունների ամենատաք տեղերում։ Հիշենք, թե ինչ անմիջականությամբ Սևանի վանքում քարոզչական գործունեության է անցել նորընծաների շրջանում...

1890-ական թվականներին, տեսդագին ուսումնառության շրջանում, երբ ձեռքն ընկած ամեն գիրք ու հանդես կարդում էր, մշակում, վերաբերմունք դրսնորում համաձայնելով կամ վիճելով, լրացնելով կամ ժխտելով, «Մուրճի» 1893 թ. առաջին համարի նյութերից արտագ-

րում է հետևյալ միտքը. «Կարելի է եղել գտնել այն հայցակետերը, որոնք որոշում են բռնկիք ուղղությունը մարդկային համայնքի, ազգի և անհատի մտավոր, բարյական և նյութական գործերի մեջ»։ Ահա, որոշակի հայեցակետով, «մարդկային համայնքի, ազգի և անհատի» գործունեության հոգերը ու տնտեսական գործունեությունը որոշակի ժամանակահատվածում գնահատելու ձգտումը ծնունդ է տվել «գրականության մեջ հրապարակախոսություն կոչված ճյուղին»։ Հետագայում պետք է լրացներ, որ «հրապարակախոսության հետազոտությունը պահանջում է լայն ծանոթություն ընկերային գիտությանց և քաղաքական մտքի զարգացման»¹։ Նրա հրապարակախոսությունն, ահա, գերազանցապես 20-րդ դարի պատմական իրադարձությունների ու զարգացման քննության «հետազոտությունն» է, դրանց համակարգում հայ ժողովրդի հարատևության կովանների, զարգացման ուղիների հայտնաբերման ճիգը։

Առաջին հրապարակախոսական ելույթը, որքան հայտնի է, 1890-ական թվականների շարդերից մազապուրծ Թիֆլիսի հայ գաղթականների թշվառ վիճակը ներկայացնող հոդվածն է, որ թեև իր հետ միասին ստորագրել են նաև Վրթ. Փափազյանն ու Ա. Ղազարյանը, իր իսկ վկայությամբ, ինքն է գրել։ Հայտնի է նաև, որ դեռ շատ երիտասարդ տարիքից սիրում էր շրջագայել հայկական գյուղերում, ծանոթանալ ժողովրդի կյանքին ու ընթացքին, հավաքել ազգագրական բազմաբնույթ նյութեր, ժողովրդական երգեր, այլ ստեղծագործություններ։ 1898 թ. հունիսի 17-ին Զալալօղլիից մորը գրած նաև մակում հայտնում է. «Վաղը փուանգների գյուղերն են գնալու երգեր հավաքեմ»²։ Մի մեծ շրջագայություն 1896-ի գարնանը կատարել է Զանգեզուրում, արդյունք

¹Ն. Աղբայլան, Ամբողջական երկեր, հ. IV, էջ 70:

²ԳԱԹ, Ն. Աղբայլանի փոնդ, գ. 3839:

«Նամակներ Զանգեզորի գավառից» նոթերն եղան, որ լուս տեսան «Մուրճի» 1900 թ. երկու համարում (N 3, N 4):

Անվանի գործի հրապարակախոսական տաղանդը բուն զարգացում ունեցավ առաջին համաշխարհային պատերազմի նախօրյակին ու ընթացքում: Իբրև դաշնակցության աչքի ընկնող գաղափարախոս ու գործիչ բոլոր մեծ ու փոքր իրադարձությունների մասնակիցն էր, երբեմն էլ՝ կազմակերպիչը: Օժոված քննական-վերլուծական մտածողությամբ, նա ոչ միայն արձանագրել, այլև բնութագրել է ընթացիկ դարի առաջին կեսի գրեթե բոլոր նշանակալից իրադարձությունները: Անվերապահորեն իր ապրած ժամանակի հայ հասարակական-քաղաքական կյանքի տարեգիրներից ու խորիմաստ մեկնողներից է: Տարեգիր ոչ միայն իրադարձությունները արձանագրելու, այլև տարեգրի նման հակիրճ ու ընդգրկուն բնութագրելու իմաստով:

Տասական թվականների նրա հրապարակախոսության կենտրոնական խնդիրը հայոց դատն է, արևելյան հարցը:

Հասունացող ոուս-թուրքական հակամարտության մթնոլորտում ցարական կառավարությունը մեղմացնում է ճնշումը դաշնակցության և մյուս քաղաքական կուսակցությունների նկատմամբ: Այս պայմաններում հնարավոր եղավ մշտապես ոստիկանական հետապնդումների ենթակա Աղքայանի վերադարձ Թիֆլիս և գլխուղին նվիրումը գրական, հասարակական, ժուռնալիստական գործունեության:

Բականյան առաջին պատերազմը դեռ չէր սկսվել, բայց այն կար մթնոլորտում: Թուրքերի դեմ Բալկանյան ժողովուրդների ընդվզումը համարելով անխոսափելի՝ գուշակություններ է անում նրա հետագա ընթացքի մասին՝ կվերաճի⁹ այն համաշխարհային պատերազմի, թե՝ ոչ: Մեծ տերությունները հազիվ թե թույլ տան պատե-

րազմի հրդերի ծավալման. խորհ են, անշուշտ, նրանց հակասությունները, բայց կան նաև «զայիչ» ուժեր: «Բոլոր մեծ պետությունները ոչ միայն ունեն արտաքին թշնամիներ, այլև ներքին հակամարտ ուժեր, որոնք չեն վարանի համատարած շփորթ մեջ փորձ ամելու իրենց ձեռքը ձգել պետական կյանքի ղեկը»¹:

Դժվար չեն կատել, որ ընդհանրացվում է մասնավորակես Ռուսաստանի փորձը: Խշոնդ կառավարությունները, այսպիսով, հաշվի պետք է նստեն ոչ միայն իրենց պետությունների «միջազգային կացության», այլև «ընկերական կազմի» հնարավոր փոփոխությունների հետ: Հետագայում էլ նա միշտ աչքի առաջ ուներ ներքին ուժերի դիրքորոշումը. ծագած Բալկանյան պատերազմում Ավստրիայի գրաված հանդուժող դիրքը բացատրում էր ապատամբած ժողովուրդների նկատմամբ իր 25 միլիոն պլազոն քննակչության համակրանքի թելադրանքով:

Այս պարագաներում մեծ պետությունները մի կողմից պետք է պահանջեն Թուրքիայից բարեփոխումներ կատարել Մակեդոնիայում, մյուս կողմից էլ պետք է հորդորեն փոքր պետություններին չափավորել իրենց «ուզագմանց եռանդը»: Իրատես հրապարակախոսը մեծ պատրանքներ չունի այս խնդրում. նա լավ գիտի, որ մեծ պետությունների «քաղաքագետների դյուրաշարժ» լեզվին շատ էլ հավատ ընծայելու չե, քանի որ նրանց հետաքրքրում են առաջին հերթին սեփական շահերը, որոնց վրա միշտ էլ հմտորեն խաղացել է թուրքական խորամանկ քաղաքականությունը: Թուրքիան երբեք չի հավատացել և չի էլ հավատա, թե Եվրոպան առանց շահի, սոսկ մարդասիրական սկզբունքներից դրդված «մարդ ու դրամ» կզոհի: Աղքայանի կոահիումը, թե մեծ պետությունների շահադիտական նկրտումների հակա-

¹ «Հորիզոն», 1912, N 209:

սությունները կարող են լուրջ բարդություններ ստեղծել ոչ միայն Բալկաններում, այլև աշխարհի այլ մասերում, իրականացավ:

Կար մի վտանգավոր հեռանկար ևս. աշխարհի հզորները պայմանավորվել էին «թուլ չտալ ոչ մի նոր հողային գրավում»: Այս դեպքում գալիքը բավականին մոռայլ է ներկայանում հրապարակախոսուհն: «...անհավանական չէ, որ արյուն հոսե առուներով, կովող կողմերը տնտեսապես քայլայվին ու թուլանան, բայց քրիստոնյա ազգաբնակության վիճակը մնա անփոփոխ»¹: Գիտակցումն այն բանի, որ Բալկանյան թերակղզու վրա սպասվելիք և կատարվող իրադարձությունների թիկունքում գործում են մեծ պետությունների դիվանագիտական խարդավանքները, տխուր խորհրդածություններ են ծնում ավարը բաժանելու վերաբերյալ. «Երբ երկու կողմից հազարավոր զոհեր ննջեն հավիտենական քնով արյունաներկ դաշտերի վրա, մեծ պետությունները հանդես կգան իրեն կովող կողմերի բախտի տօնօրեն և կծնեն ու կշափեն ամեն մեկին հասանելիք բաժինը, հարկավ իրենք ևս այս կամ այն կերպ անմասն չմնալով»:

Ծիշտ են ասել, թե վայ թուլերին այս աշխարհում»²:

Աշխարհը դեկավարում են հզորները, և Աղբայանը իր ժողովրդի փրկության ուղիները որոնում է նրանց բախվող շահախնդրությունների, երբեմն էլ ներդաշնակության գործողությունների խաչուղիներում:

Սկսվեց Բալկանյան պատերազմը:

«Հորիզոնի» էջերում նրա ընթացքը լուսաբանում էր հիմնականում Աղբայանը: «Բալկանյան պատերազմը» խորագրով գրեթե ամենօրյա տեղեկատվությունը հիմնականում երկու մասից էր բաղկացած՝ «պատերազմի

¹ «Հորիզոն», 1912, N 209:

² «Հորիզոն», 1912, N 219.

դաշտում» տեսությունը, որ անստորագիր էր և Աղբայանի գրչին էր պատկանում (կնոջ՝ տիկին Հրարիի վկայությամբ), և զանազան գործակալությունների հաղորդումներ: Երբ տեսություն չէր լինում (հազվադեպ), ամբողջ բաժինը զբաղեցնում էին հեռագրերը: Անտեսելով առանձին մանրամասներ՝ Աղբայանը ձգտում էր տեսություններում ընթերցողին տեղյակ պահել պատերազմի դաշտում «ուզմական ուժերի փոխադարձ» դրությանը և «հնարավոր չափով նախորոշել կովի ընթացքը»: Ոչ քիչ դեպքերում նա գուշակեց և «կովի ընթացքը», և առանձին պետությունների գրավելիք դիրքորոշումը: «Երկու օր առաջ գրել էինք, որ կիսանկախ Սամոսն անշուշտ չի դադարի կամովին միանալ Հունաստանին. այսօրվան հեռագիրը հաստատում է մեր ենթադրությունը: Կղզու ազգային ժողովը որոշել է կամովին միանալ Հունաստանին...»: Մի այլ օրինակ՝ «Մենք գրել էինք, որ Մոնաստիրի գրավումից հետո սերը զորքերը հավանորեն կշարժվեն դեպի Ադրիատիքի ափը՝ դեպի Դուրացցո: Օխրիդայի գրավումը հաստատեց մեր ենթադրությունը...»¹: Այս կոախում - գուշակումները հետաքրքրություն էին հաղորդում պատերազմական իրադարձությունների ամփոփագիր հիշեցնող աղբայանական տեսություններին:

Առաջին օրերին մտահոգությունը մեկն էր՝ սկսված պատերազմը կսահմանափակվի միայն Մակեոնիայի ժողովուրդների խնդրո՞վ, թե՝ կվերաճի Արևելյան հարցի: Լինելով այն համոզման, որ հայության ճակատագիրը մեծ կոչվող տերությունների ձեռքին է, ակնկալում էր Բալկանյան ճգնաժամի վերաճման Արևելյան հարցի՝ հայերին վերապահելով ոչ թե պասիվ սպասողի, այլ դեպքերի ընթացքին հնարավորին չափ միջամտելու, սեփական ուժերը նախապատրաստելու և համախմբելու

¹ «Հորիզոն», 1912, N 256:

դեր: Պատմությունն ինքն էր հարկադրում այդպես մտածել. «Հազարավոր բանակներ ունեցող մանր ազգերը (Բալկանների. - Գ. Ա.) թվում են նույնքան անզոր մեծերի առաջ, ինչպես փոքր ու անզեն ազգերը մեծ պետությանց մեջ...»¹:

Աղբալլան ակնկալում էր «նշանավոր դեպքերի», որոնք կարող էին «մեծ դեր խաղալ» թուրքահայատակ քրիստոնյաների ճակատագրում: Անվանի հրապարակախոսը չէր կասկածում Բալկան փոքր ժողովուրդների հաղթանակին. նրանց միավորում է դարավոր ատելությունը ամեն ինչ ամպացնող թուրքական տիրապետության համեմապ: Թուրքիայի դեմ պատերազմը չերնոգորցիների, բոլղարների, սերբերի, հուների համար «ազատարար պատերազմի բնույթ» ունի: «Տաճիկները նպատակ ունին բնաշխնջ անելու բոլոր մանր ազգերին, որ միայն իրանք մնան Թյուրքիայում»²: Այս պանթյուրքիստական քաղաքականությունը համախմբում է բոլորին մի դրոշի տակ: Վերջիններիս հաղթանակին նպաստելու է այն, որ թուրքերը ստիպված կլինեն կովկելու կանոնավոր բանակների դեմ «ճամփա բանալով ժողովրդական ապստամբության հրդեհի միջով»: Հետագայում առանձնակի հետևողականությամբ պետք է հիշատակեր այս բանը հաստատող փաստերը:

Արժանին մատուցելով լլավոն ժողովուրդների քաղությանն ու ազատահրական ձգտումներին՝ կոռհումներ է անում այն մասին, որ նրանց թիկունքում, հավանաբար, կանգնած են հզոր պետությունները: Ընդհանրապես նրա համար գաղտնիք չէ, որ իրադարձությունների դեմքը գտնվում է «չեզոք» մեծ տերությունների ձեռքին: Նա կոռհում է, որ չերնոգորցիների «համարձակությունն» ու «անվեհներությունը» «որոշ հենարան ունի

¹ «Հորիզոն», 1913, N 50:

² «Հորիզոն», 1912, N 220:

մեծ պետությանց մի քանիսի քաղաքականության մեջ»: «Ավստրիան ու Գերմանիան ըստ երևութին գաղտնի օժանդակություն են անում Թյուրքիային»¹: Մոռացության չի տրվում նման օժանդակության վտանգավորությունը. մանր, օգնության կարու երկրներին գաղտնի կամ բացահայտ ցուց տրվող օժանդակությունը այդ երկրներին կարող է կանգնեցնել «Եվրոպայի տնտեսական գերիշխանության վտանգի դիմաց...»:

Ոչ ուշադիր ընթերցողն անգամ կնկատի Բալկանյան պատերազմի շուրջ հրապարակախոսի խորհրդածությունների միտումը՝ նախապատրաստել հայ հասարակական միտքը, մեզանում համանման խնդիրների արծարծում խթանել:

Այսպես, օրինակ՝ իր հաշվետվություններում հատուկ ուշադրություն էր դարձնում այն հաղորդումներին, որոնք վերաբերում էին Թուրքիայից ազատագրված վայրերում տեղական ինքնավարության մարմինների ստեղծմանը: «Բոլոր գրաված վայրերում համերաշխ պետությունները հաստատել են քաղաքացիական նոր վարչություն: Այսպես՝ Սանչակը դարձել է մի նոր շրջան իր նոր վարչությամբ. նույնը կատարվում է բոլգար սահմաններին մոտ՝ հյուսիսային Մակեդոնիայում, նոյն վիճակն ունին և նոր տիրած վայրերը հունական սահմանի վրա»²: «Իրենց գրաված վայրերից սերբերն արդեն կազմել են 11 վարչական շրջան և ամեն տեղ մտցրել են սերբական կարգեր»³: «Նոր գրաված քաղաքում անմիջապես հաստատված է բոլգարական վարչություն և ոչ մի անկարգություն չի պատահած»⁴:

¹ «Հորիզոն», 1913, N 72:

² «Հորիզոն», 1913, N 256:

³ «Հորիզոն», 1912, N 256:

⁴ «Հորիզոն», 1913, N 61:

Ոգևորությամբ նշելով ոուսական հասարակայնության համակրանքի ցուցերը ալավոնական ժողովուրդների ազատագրական պայքարի հանդեպ, Աղբալյանը գրում է. «Անկասկած Ռուսաստանը իր հեղինակավոր ձայնով թույլ չի տա, որ Բալկանի քրիստոնյա ազգաբնակության այս հերոսական ճիգերն անցնեն ապարդյուն և շատ հավանական է, որ Եվրոպական Տաճկաստանում ստեղծվեն կարգեր, որոնք պատմության սեփականություն դարձնեն Թյուրքիայի անիրավ վարչականը, անգութ սուրը և համառ հետամնացություն:

Նպատակային պետք է համարել նաև այն հետևողականությունը, որով տեղեկություններ էր հաղորդում բալկանյան երկրներում կամավորական շարժման, հանգանակվող գումարների, հոգեստրականության գրաված դիրքի, ժողովուրդի վերաբերմունքի մասին. «Դարավոր բռնությունից ազատվող ժողովուրդը ամեն տեղ ցննությամբ ընդունում է ազատարար զորքերին և նրանց կարիքը հոգում սիրով և առանց փոխարինության»¹:

Բալկանյան առաջին պատերազմի իրադարձությունների մեկնաբանություններն անգամ բացահայտում են Աղբալյանի ակնհայտ ոուսական կողմնորոշումը: «Մանր պետությունների զորքերը» հաղթական մոտենում են Պոլսին: Նրանց համերաշխությունը պարտության է մատնում «ամեն մեկի համար առանձին առած... շատ սոսկալի և հզոր» ոսխին և հարկադրում մեծ պետություններին ակնածանքով և ըմբռնումով վերաբերվելու միասնությամբ շատ հզորացած մանրերի արդարացի պահանջներին: Այսպիսով Եվրոպայում ձևավորվում է նոր ուժ՝ բալկան մանր տերությունների «դաշնակցական պետությունը», որի հետ հաշվի չնատել հնարավոր չէ: Բալկանյան պատերազմից իր ժողովրդի համար նոր հուսեր ակնկալող Աղբալյանը ցանկանում է

¹Հորիզոն, 1912, N 224:

առավել հզոր տեսնել «դաշնակցական պետությունը», որի միջոցը համարում է Ռուսաստանի հետ համագործակցությունը: Երազելով սլավոնական ժողովուրդների համերաշխություն, Աղբալյանը գուշակում է, թե մանր տերությանց հաջողություններն ու Ռուսաստանի հետ համագործակցությունը կարող են արթնացնել նաև Բունակայի և Հերցեգովինիայի ժողովուրդներին, «որ նոր միայն ավստրիական նահանգներ դարձան»: «Ռուսաց ազատարար պատերազմները», ոուսական դիվանագիտության հովանավորությունը, անշուշտ, խրախուսել են Բալկանի սլավ ժողովուրդներին և սրանք հավանաբար կապահպաննեն «մշտական հակումը... դեպի մեր լայնածավալ կայսրությունը». «Դրանով նա ավելի պատկառելի կդառնա, իր հերթին նոր ուժ ու հմայք հաղորդելով Ռուսաստանի միջազգային կացության և դերին թե համաեվրոպական խնդիրներում և թե մանավանդ Մերձավոր Արևելքում»²: Դեպքերի հետագա այսպիսի ընթացքը կարող է ծնունդ տալ «նոր ու հզոր դաշնակցության» և ավետել «մի հին ու բռնակալ պետության անկում ու քայլացում»:

Պատերազմի սկզբում մեծ պետությունները վկայում էին «վայրամփոփ պահել պատերազմը» և թույլ չտալ սահմանային նոր փոփոխություններ: Սակայն սլավոն ժողովուրդների իրար հաջորդող հաղթանակներին զուգընթաց նման բնույթի խոսակցությունները աստիճանաբար նվազում են՝ տեղի տալու համար հաղթողների իրավունքների ճանաչմանը: «Զինված ուժը թափ է ներշնչում փոքրերին և ակնածանքի հրավիրում մեծերին»²:

Թուրքիայի տիրապետության ներքո ինքնավար Հայաստանի ակնկալություն ունեցող Աղբալյանը գու-

¹«Հորիզոն», 1912, N 231:

²Նույն տեղում:

շացնում էր, որ քրիստոնյաների տարրական իրավունքների ոտնահարումը ճակատագրական կարող է լինել Թուրքիայի համար:

«...Քրիստոնյա կառավարիչ, հատուկ զորք ու ժանդարմերիա, ազատ կրթություն, կենտրոնական և ընտրովի մարմին՝ օրենսդրական իրավունքներով»¹: Մրան են հանգում Բալկանյան մանր տերությունների պահանջները, որոնք Թուրքիան մերժեց անամոթաբար՝ ձգտելով «հավերժացնել կարգեր... որոնք խորապես անմարդասեր են և հետադիմական»: Սլավոն ժողովուրդների համերաշխ բանակների հարվածներից մինչև Պոլիսի դարպասները նահանջած Թուրքիայի մասին Աղբալյանը գրում է. այն, ինչ «Թյուրքիան չուզեց անել կամովին, այսօր զենքի ուժով նրան ստիպում են անել ակամա»²:

Մի հանգամանքի վրա հատուկ ուշադրություն էր դարձնում. թուրքը ամեն դեպքում մնում է թուրք: «...Փախուստի ժամանակ իսկ նրանք չեն դանդաղում մի անգամ ևս թափելու գյավուրի արյունը. թուրքերը կոտորել են 400 անզեն ու անպաշտպան բռլգար գյուղացի և հրդեհել են մի գյուղ... Անցած ճանապարհը սրի և հրի ճարակ դարձնելով՝ թյուրքերը նահանջում են նաև սերբերի առաջ»³: Սա էլ նախազգուշացում էր, ահա թե ինչու երազում էր. «Հուսանք, որ Թյուրքիան վերջին անգամն է խմում քրիստոնյա խաղաղ ազգաբնակության արյունը, որից նա չհագեցավ դարերով»⁴:

Լավագույն հոդվածներից մեկը կրում է «Եվրոպան և հաշտությունը» խորագիրը: Պատերազմը դեռ շարունակվում էր, «համերաշխ զորքերը» հասնում էին Պոլիս, մոտ էր հաղթանակը, և Աղբալյանը գուշակություններ էր

անում իրադարձությունների հետագա ընթացքի մասին:

Մեծ պետությունները առաջմ անպատասխան են թողնում Թուրքիայի դիմումը՝ հաշտության միջնորդ հանդես գալու վերաբերյալ. նրանք գաղտնի ու բացահայտ հուշում են, որ հաշտության առաջարկով պետք է դիմել հաղթողներին և ոչ իրենց, և «անհավանական չէ, որ Թուրքիան վերջիվերջո ստիպված լինի այդ քայլն անելու»: Մեծ տերություններին դիմելով՝ Թուրքիան նպատակ ուներ ոչ միայն նրանց օգնությամբ քիչ կորուստներ ունենալ, այլև շարունակում էր «մնալ մեծամիտ»՝ իբրև ոչ միայն հաղթողների, այլև իբրև հավասարների չընդունելով իր երրեմնի վասպելուն:

Մեծ տերությունները այլևս կասկած չունեն, որ Բալկանների քարտեզը պետք է փոխվի, նախկին վիճակը փոխելու անհրաժեշտությունը գիտակցում են բոլորը, բայց «ու՞մ օգտին»: Ահա «ծանրակշիռ հարցը», որ պառակտում է մտցրել մեծ տերությունների շարքերում: Արդեն Ակատվում է երկու խմբավորում, որը և սպառնալից է դարձնում քաղաքական մթնոլորտը: Եղակ համաձայնությունը՝ Անգլիան, Ֆրանսիան և Ռուսաստանը, կողմնակից են Բալկանյան մանր պետությունների անկախ ու ինքնավար գոյությանը, իսկ եղակ գինակցությունը՝ Գերմանիա, Իտալիա, Ավստրիա, դեմ է. սրանք հետամուտ են այլ նպատակների: Մինչ իրականում փոքր ժողովուրդները արյուն են թափում սեփական ազատության համար, մեծ պետությունները պատրաստվում են իրենց շահերը պարտադրել և՝ հաղթողներին, և պարտվողին: Եվ կրկին տեսդագին աշխատում է քաղաքականության կարուսելը. «Տեսնելով, որ դժվար պիտի լինի եղակ Համաձայնության հետ բախվելը, եղակ գինակցությունը աշխատում է գոնե մի կովան ստեղծել

¹Հորիզոն, 1912, N 216:

²«Հորիզոն», 1912, N 212:

³«Հորիզոն», 1912 N 224:

⁴«Հորիզոն», 1912 N 228:

ապագայի համար»¹: Այսպես է ծնվում Ալբանիային ինքնավարություն տալու գաղափարը՝ սովորանի գերիշխանության ներքո:

Ի՞նչ էր նշանակում սա կողմերի համար:

Ինքնավար Ալբանիայի սահմանները գծում են այնպես, որ Սերբիան դժվարություններ ունենա Աղրիատիկ ծով դրու գալու. Երկուական միջև մշտական բախումների առիթը պահպանվում է: Բացի այդ՝ սովորանի գերիշխանության տակ մնալը Թուրքիայի և Եոյակ Զինակցության ձեռքին «կդառնա մի գործիք Բալկանի մասը տերությանց խաղաղ զարգացումը վրդովելու», նրանց համերաշխությունը խաթարելու համար: Ալբանիայի ճակատագիրը շատ է մտահոգել նրան: Դրա պատճառը ոչ միայն այն է, որ այս խնդրի լուծումից շատ բան է կախված պավոն ժողովուրդների հաղթանակի և երկրամասում կայուն իրավիճակ հաստատելու գործում: «Եվրոպան մեծ ու փոքր տերությանց շահերի մրցման թատերաբեմ է դարձել այդ երկիրը»²: Ալբանիայի ճակատագիրը նրան մտահոգում էր իր ժողովրդի ակնկալիքների տեսանկյունից ևս: Պատահական չէ, որ հանդես եկավ «Ալբանիան և Հայաստան» ընդարձակ հոդվածով, որի մասին խոսք կլինի դեռևս:

Ալբանիայում և նրա շուրջ ծավալվող իրադրանությունները պայմանավորված են Եվրոպայում արդեն ձևավորված երկու մեծ ուժերի՝ Եոյակ համաձայնության և Եոյակ զինակցության գաղտնի գործողություններով: Եոյակ զինակցության անդամ երկրներից մասնավորապես Ավստրիան խիստ շահագրգոված էր այնպես տնօրինելու Ալբանիայի ճակատագիրը, որպեսզի նա հակադրվի բալկանյան մյուս ժողովուրդներին: Ալվա ժողովուրդների արթնացումը, ինքնուրույն պետությունների կազմականացումը կազմականացնելու համար»³:

Իրումը վտանգավոր էր Ավստրիայի համար, քանի որ իր բնակչության կեսը ևս ալվորններ էին՝ համերաշխ բալկանյան ժողովուրդների հետ: «Ավստրիան ընդնշմարում է այդ անմիտթար ապագան սլավ թնդանոթների ծովերի միջից»⁴: Բացի այդ՝ ինքնուրույն և ինքնիշխան բալկանյան պետությունները, բաժանեն Ալբանիան իրար մեջ, թե այդ երկիրը ունենան իրենց հետ, իբրև համախոհ երկրի, կփակեն իր ճանապարհը դեպի ծով ... Ահա թե ինչու նա գաղտնի բանակցություններ էր Վարում Ալբանիայի հետ՝ մասը տերությունների դեմ դավադիր գործողություններ ծավալելու հեռանկարով:

Մեկնաբանելով Ալբանիայում կատարվող որոշ իրադրանություններ, որոնք դժվարացնում են Ավստրիայի ճապատակների իրականացումը, գրում է. «Մեզ թվում է, որ մի ճարպիկ ձեռք դժվարություններ է ստեղծում իրար ետևից Ավստրիային քաղաքական դասեր տալու համար»⁵:

Լավագույն տարբերակը, հրապարակախոսի կարծիքով, մասն տերությունների կողմից Ալբանիայի ինքնավարության ճանաչումն է՝ «ազատ որևէ եկրոպական պետության շահախնդիր հովանուց»: Բնական է, որ Ալբանիան ճախապատվությունը կտա վերջինին: Հետագայում ցավով պիտի արձանագրեր ազատարար բանակին «անվայել» որոշումը՝ Ալբանիան բաժանել Սերբիայի, Չեռնիգորիայի և Հունաստանի միջև: Գուշակում է նաև նման միտումի «աղետավոր» հետևանքները: Դա կարող է բարդություններ ստեղծել իրենց գործի հաջողության ճանապարհին: Նման անխոհեմ քաղաքականությունը, իսկապես, իր դերը ունեցավ նրանում, որ վերսկսած բանակցություններում մեծ պետությունները Ալբանիան զատում են դաշնակիցների գրաված հողե-

¹ «Հորիզոն», 1912, N 237:

² «Հորիզոն», 1913, N 96:

³ «Հորիզոն», 1913, N 96:

⁴ «Հորիզոն», 1913, N 82:

րից՝ իրենց վերապահելով նրա սահմանների ոիոշտմը. մեծերը իրենց շահերը նկատի ունեին: Նույն տրամաբանությամբ նրանք իրենց տնօրինության տակ են դնում էգեյան ծովի կղզիների հակողությունը: Հունաստանի նվաճած այս կղզիները Դարդանելի դարպասներն են, և մեծ տերությունները նման մի կարևոր տարածքի վրա իշխանությունը իրենց պետք է վերապահենի: Թուրքիայի մի քանի նավահանգիստներ միջազգային առևտրի համար «բաց հայտարարելու» առաջարկությունը, մի շարք երկաթուղիներ միջազգային ճանաչելը կրկին նպատակ ունեն «կնճոտել հարաբերությունները այդ նոր նվաճած երկրում, դրանով թուլացնել հաղթողներին և օգտվել այդ թուլացումից»¹: Աղբայանը բացառում էր չորս փոքր պետությունների պառակտումը հետագայում, որովհետև «ամեն բան բաժանված է նախքան պատերազմը՝ փոխադարձ համաձայնությամբ»: Այս հույսը, սակայն, չիրականացավ: Զինադադարի նախօրյակին Հունաստանը ձեռնարկեց քայլեր, որոնք խախտում էին դաշնակցության դաշնությունը: Աղբայանի աչքից չվրիպեց դա, և նա գուշակեց տիսուր հետևանքներ... Նախնական պայմանավորվածությունը, զենքի հաջողությանը զուգընթաց, կարծես թե վերանում է: Դաշնակից պետությունների համերաշխության վերաբերյալ լավատեսությունը աստիճանաբար տեղը զիջում է ներքին երկպառակությունների ի հայտ գալուն. «Դաշնակից մանր տերությունները դժվար կարողանան համաձայնել տիրած երկրները իրենց մեջ բաժանելու ժամանակ: Հունաստանն այս գործում ևս աններդաշնակություն կմտցնի... մանր տերությունները պիտի սկսեն իրար հետ գժտվել»²: Տարբեր պետությունների սադրիչ գործողությունները նպաստելու են սրան, այստեղ աչքի կը նկ-

նեն Գերմանիան և Ավստրիան: «Ալբանիայի կմնոու խնդիրը, Ռումինիայի հավակնությունները» կլրացնեն պակասը: Մանր տերությունների վարիչները մեծ խոհեմություն պետք է դրսորեն «հայթության պտուղները» շվատնելու և համերաշխությունը չխախտելու համար:

Դաշնակից զորքերը հասնում են Պոլսի դարպասներին, և պատմական զուգահեռող դառնում է անխուսափելի: Հինգ հարյուր տարի առաջ Պոլիսը կրկին պաշարված էր, սակայն, «Այն ժամանակ կիսավայրենի հորդաներն էին սպառնում քաղաքակրթության, այսօր քաղաքակրթությունն է արշավում ասիական անշարժության վրա»¹: Վճռվում է ոչ միայն թուրքիայի ճակատագիրը. խաղաքարտի վրա առաջադիմության և բարբարության պայքարի խնդիրն է, որի լուծումը միայն դաշնակից պետությունների կամքից չի կախված: Վերջիններս թուրքիայի ճակատագիրը վճռում են ուզմի դաշտում, նույն խնդիրը մտահոգում է նաև մեծ պետություններին՝ դիվանագիտության ոլորտում: Բացի այդ, ինչպես տեսանք, Աղբայանին հուզում է մի խնդիր ևս. «Արդյոք հաջողելու» են դաշնակից պետությունները նույն բախտով հաղթել թուրքիային դիվանագիտության ասպարեզում»²: Ակնկալվող վեհաժողովին թուրքիան ձգտում էր ներկայանալ «պատճեշի վրա», ոչ իբրև պարտված կողմ, Բալկանյան պետությունները ուզում էին վեհաժողովին ներկայանալ իբրև հաղթողներ՝ իրենց կամքը թելադրելու համար: Դեպքերի ընթացքը, սակայն, վերահսկում էին «չեզոք» մեծերը: Համենայն դեպս դաշնակից պետությունների զորքը չգրավեց Պոլիսը, քանի որ այստեղ բախվում էին բոլոր մեծ պետությունների շահերը: «Մոգական գավազանով» զինադադար հայտարարվեց: Պատճառը բոլորովին էլ մեծ տերություննե-

¹ «Հորիզոն», 1912, N 237:

² «Հորիզոն», 1912, N 263:

Ի թուրքասիրությունը չէր: Կար մի կետ, որտեղ նրանց շահերը համընկնում էին: «Եվրոպան,- գրում է Աղբալյանը,- որ մեծամեծ պահանջներ ունի Թյուրքիայից, չէր կարող թույլ տալ, որ իր դիմացը իբրև պարտապան կանգներ պատերազմից ու հոռի վարչությունից քայլայված մի երկիր»¹:

Ինչևէ, բոլոր հարցերի պատասխանը պետք է տար Լոնդոնում հրավիրվող վեհածողովը: Աղբալյանը գիտեր, որ այստեղ հավաքվելու են մարդասիրության մասին շաղակրատող, հաղթանակի ... գիշատիչներ: «Այսպիսով Բալկանի թատերաբեմում վերջացել է բալկանյան արյունոտ դրամայի մեկ գործողությունը և զինադադարի վարագույն իշել է հազարավոր դիակների, տասնյակ հազարավոր վիրավորների, մեծամագրության ու փոքրոգության, հաղթանակի և պարտության վրա:

Թե հանդիսական և թե դերակատար այժմ աչքերը դարձնում են դեպի Լոնդոն, որտեղից Եվրոպական Թյուրքիայի տառապած բնակիչները սպասում են կամ ազատ կարգերի հաստատում, կամ անիրավ բոնության վերադարձ»²: Սան-Ստեֆանոյի պայմանագրի պատմությանը լավատեղյակ Աղբալյանը շատ էլ հավատ չի ընծայում մեծ պետությունների շիտակությանը, լավ գիտի, որ գերյալների թափած արյան գինը հաճախ ուրիշներն են վայելու:

Մեծ պետությունների հարաբերությունները ավելի են հստակվում: Պարզվում է, օրինակ, որ Գերմանիան «հակված է ավելի Թյուրքիայի շահերը պաշտպանելու, քան Բալկանի մանր տերությանց»: Ռուսինիան հակվում է դեպի «եռապետյան դաշնակցությունը»: Չատ ավելի ուշագրավ է «Բալկանյան պատերազմի մոտավոր հետևանքները» առաջնորդողը: Բալկանի մանր տերություն-

¹ «Հորիզոն», 1913, N 56:

² «Հորիզոն», 1912, N 261:

ների պահանջներն ընդունելու դեպքում Թուրքիան դառնում է ասիական երկիր: Հարավոր է, որ նա իր ձեռքում պահի Բուֆորն ու Դարդանելը, բայց դրանք չեն կարող, իրենց ունեցած աշխարհագրական ու քաղաքական կարևորությամբ, Թյուրքիային տալ այն միջազգային նշանակությունը, ինչ որ նա ունի Բալկանների տերը լինելու դեպքում:

Թուրքիայի հարևանները կիմեն Ռուսաստանն ու Բողդարիան, երկու պլազմ պետություններ, որոնք նոր կշիռ պետք է հաղորդեն քրիստոնյա ժողովուրդների պայքարին: Եթե, իհարկե, մանր տերությունները խոհեմություն ունենան ամուր պահելու իրենց դաշինքը:

Բալկաններում ապրող թուրքերի մի մասը կանցնի փոքր Ասիա՝ «հավատակից պետության դրոշի տակ» ապրելու և որոշակի հետք կթողնի երկրամասի ազգաբնակչության «տոկոսական հարաբերության» վրա: Սա էլ, իր հերթին, կնպաստի համիսլամության գաղափարի նոր ծաղկման:

Իրադրությունը ցուց տվեց, որ «չպետք է չափազանցնել նրա (Թյուրքիայի. - Գ. Ա.) գերկան, բայց չպետք է գերազնահատել նրա թուկությունը»:

Ռուսաստանի հարավում, այսպիսով, կկազմավորվի մի քաղաքական ուժ, որը «Եվրոպական պետությունների ուրիշ խմբումների ժամանակ» կարող է նրա համար սպառնալից ուժ դառնալ: Գուշակում է վաղվա օրը. այդ սպառնալիքը շատ կմեծանա, եթե «Թյուրքիայի հետ դաշինք կապն Ավստրիան և Գերմանիան ընդդեմ Ռուսաստանի»:

Մինչ Աղբալյանն ու հայ հասարակական միտքը գուշակություններով էին գրաղված, պատերազմի սպառնալիքը կրկին կախվեց օդում: «Երիտասարդ թուրքերի առաջ բերած վերջին քաղաքական հեղաշրջումը», - հատուկ ընդգծում է «Հորիզոն» իր առաջնորդողում, թելադրում է, որ պատերազմը անխոսափելի է: Թյուրքա-

կան կողմը զինադադարն օգտագործեց իր ֆինանսական ու ռազմական դրույթունը շտկելու համար. սա էր Թուրքիայի և իր թաքուն ու բացահայտ համակիրների կողմից բանակցությունները ձգձգելու պատճառը: Բանակցություններից դժգոհ էին և հաղթողները, և՝ պարտվողը: Մեծ պետությունները, նկատում է Աղրայլանը, «դաշնակիցներին զիշում են պակաս, քան պահանջում էին նրանք, և ավել, քան տրամադիր էր Թուրքիան նրանց թողնելու»: Այս ընթացքում Թուրքիայում տեղի են ունենում վճռորչ իրադարձություններ. պարտության հեղանակարից դժգոհ կառավարությունն ու խուժանը փորձում են պատճառը տեսնել երիտրութերի պառակտից գործունեության մեջ, և ահա մեկ զիշերում ձերքակալվում են նրանց «ամենից ականավոր անդամները»: Դժգոհության մյուս ալիքը փշրկում է կառավարության վրա: Հենվելով այդ ալիքին՝ երիտրութերը 1913-ի հունվարի 10-ին հեղաշրջում կատարեցին և կրկին հասան իշխանության՝ մերժելով Լոնդոնի վեհաժողովի բոլոր պայմանները: Երիտրութերի իշխանության գլուխ անցնելը Աղրայլանը գնահատեց իբրև պատերազմը վերսկըսելու նախապայման: Վերսկսկած պատերազմում հաջողությունը կրկին ուղեկցում է Բալկանյան պետություններին: Աղրայլանի գուշակությամբ հեռու չէ այն օրը, երբ պատագրվող ժողովուրդների հուժկու հարվածներից կը ըստ Աղրիանապոլիսն ու Սկյուտարին՝ ստիպելով «երիտասարդ» թուրքերին խոսել բանակցությանց մասին, ինչպես խոսեցին «հին» համարված թուրքերը»¹: Այդպես էլ եղավ: Թուրքիան երկրորդ անգամ պարտվեց և հարկադրված եղավ հաշտվել Բալկանի ժողովուրդների պատագրության հետ: Իրականացավ Աղրայլանի գուշակությունը այն մասին, թե Եվրոպայում կծնավորվի

¹«Հորիզոն», 1913, N 56:

²«Հորիզոն», 1913, N 22:

քաղաքական նոր ուժ՝ ի դեմս Թուրքիայից ազատագրված բալկանյան պակոն ժողովուրդների պետությունների: Մյուս «քաղաքական նոր մարմինը» կլինի Ալբանիան: Թուրքիան պատերազմից դուրս կգա «թուլացած ու անդամահատված», նրա «հեղինակությունը ընկնելով արևոտքում՝ կերթա նվազելու նաև արևելքում...»:

Բալկանյան պատերազմն ավարտվեց Թուրքիայի պարտությամբ: Վերջապես հաղթանակեց պատմական արդարությունը: Սլավոն ժողովուրդների ազատագրական պայքարի պասկը ինքնուրույն պետությունների ծնունդը եղավ: Քաղաքակրթությունը մի հաղթանակ ևս տարավ բարբարոսության նկատմամբ:

Բալկանյան պատերազմի և նրա հետ կապված խնդիրների քննությունը հենվում էր Թուրքիայի անցյալի ու ներկայի քաղաքականության հստակ ըմբռնմանը:

Ասիական տիպի բռնակալական մի երկիր է սա, որ ոչինչ չի տվել քաղաքակրթությանը, գիտակցելով իր եկվոր լինելը՝ ոչնչացրել է նախորդների մշակույթի արժեքները կամ «ազգայնացրել»: Բուն Անատոլիայում այս քաղաքականությունը վայրագ մի դրսնորում էլ է ստանում. ամեն միշոցներով ոչնչացնել բնիկներին, դառնալ միատարր մահմեդական երկիր: Սա է Թուրքիայում ապրող ժողովուրդների նկատմամբ տարվող քաղաքականության հիմքը: Նոր կոչվող թուրքերը միայն իրենց արտաքինն են փոխել, եղությամբ նրանք սովորանների արժանավոր ժառանգորդներն են:

Ելնելով մասնավորապես մեծ տերությունների փոխարարերություններից, որոնց հիմքում միշտ էլ ընկած է սեփական շահը, փորձում է գուշակել դեպքերի հետագա ընթացքը, ազգին սպառնացող վտանգը դիմագրավելու միշոցներ է առաջարկում, գլխովին նվիրվում է ազտագրական պայքարի գործին:

Ըստ հրապարակախոսի՝ Թուրքիան կանգնած է սոցիալական ու քաղաքական լուրջ խնդիրների լուծման

առջև, որոնք վճռական նշանակություն կունենան ինչպես թուրք, այնպես էլ քրիստոնյա ժողովուրդների համար:

Դարասկզբին քաղաքական միտքը արծարծում էր վայրենի բռնապետության՝ Թուրքիայի մասնատման, իբրև պետական միավորի վերացման խնդիրը: Հայ հասարակական միտքը հաճախ է սնվել այս հեռանկարով. Աղբայլանի հրապարակախոսությունը՝ սրա վկան: Նա հաճախ էր ոգևորվում, թե մի օր այն էլ շուտով, աշխարհի քարտեզը կկազմվի առանց Թուրքիայի: Եթե թուրքերը ողջամտություն չունենան համագործակցելու նույն հողակտորի վրա ապրող «ցեղագրական միությունների» հետ, ապա կարող են վտանգել իրենց իսկ գոյությունը և այդ դեպքում պատմության առջև միայն իրենք պատասխանատու կլինեն, թե ինչու քարտեզներից վերացվ «Թյուրքիայի անունը»: Սա անհող ոռմանտիզմ չէր. հայտնի չէ, թե ինչպես կլուծվեր Թուրքիայի ճակատագիրը, եթե մի փոքր ուշանար նրա փրկարարի՝ Լենինի գլխավորած հեղափոխությունը...:

Ի՞նչ սահմաններում էր ընկալում «ցեղագրական միությունների» հետ համագործակցությունը: «Հայերի պահանջը տարրական բան է. կյանքի, գույքի և պատվի ապահովություն և կոլտուրական զարգացման հնարավորություն: Թե ինչ քաղաքական ծն կստանա այս պահանջների իրագործումը, այդ մեզանից կախված չէ»¹:

Այս տարրական պահանջը պետք է կատարել, այլապես առաջմ համերաշխ մեծ պետությունները կարող են միջամտել՝ Թուրքիայի համար անցանկալի հետևանքներով:

«Նոր թուրքերը սակայն՝ վերահաստատելով սահմանադրությունը և քաղաքացիության իրավունքներ տալով իրենց երբեմնի հպատակներին- չեն ցանկանում

նրանց հետ միասին տիրել իրենց ժառանգություն հասած գեղեցիկ ու բարեբեր երկրին և ձգտում են՝ համառորեն ու ապարդյուն՝ ազգային պետություն ստեղծել մի երկրում, որը դրա համար չկան ոչ պատմական, ոչ տնտեսական և ոչ իրավական հիմունքներ»²: Այս անմիտ քաղաքականությունը կարող է հանգեցնել նրան, որ «չուզենալով հավասար լինել իրենց հպատակներին իբրև տիրող, կդառնան հավասար իբրև հպատակ՝ պետի արդարամիտ ու խելացի պետությանց դրոշակների տակ»³:

Երիտթուրքերի քաղաքական նպատակների հստակ գիտակցումը և մեծ պետությունների միջամտության գերազանահատումը նրան հայտնաբերում են իր կուսակցության որոշ քայլեր մերժողի դերում: Դժգոհության տեղիք է տալիս հատկապես երիտթուրքերի հետ դաշինքի մեջ մտնելու քաղաքականությունը: Եթե «Մշակը» «Հորիզոննին» մեղադրեց իթթիհատի նկատմամբ համակրական ցուցեր անելու մեջ, Աղբայլանը հանդես եկավ առաջնորդող հոդվածով՝ հիմնովին հերքելով «Մշակի» մեղադրանքը. «Նոր են մարդիկ,- գրում է «Վտանգը» առաջնորդողում,- բայց նրանց վարչական միտքը և քաղաքական իմաստությունը հածում են հին ու բազմիցս ապարդյուն ճանաչված ճանապարհներին»³: Իհարկե, երիտթուրքերը «կարողացան մասամբ ախտահանել երկրի նեխած մթնոլորտը, ինչ-ինչ դյուրություններ տրվեցին այստեղ» , բայց իրավիճակը հիմնականում չփոխվեց: Նրանք հավատարիմ մնացին իրենց նախորդ արյունոտ սովորաների քաղաքականությանը: Նա չէր կարող հաշվի չառնել այն, որ «երիտթասարդ թյուրքերը սնունդ են տալիս համիլա-

¹ «Հորիզոն», 1912, N 203:

² Նույն տեղում:

³ «Հորիզոն», 1912, N 213:

մության»: Սա կարող է տիսուր հետևանքներ ունենալ: «Կրոնական մոլեռանդությունը ընդհարումներին կտա մի չտեսնված ջարդի բնավորություն», – արյունոտ գալիքը գուշակում էր հրապարակախոսը:

Պատերազմը Թուրքիայի համար աննպաստ պայմաններում է ընթանում: Նրան «ի նպաստ» «ոչ մի համակրական ձայն չի լսվում», թուրքական զորքը հարկադրված պետք է լինի կովելու ոչ միայն քրիստոնյաների կանոնավոր բանակների, այլև ապստամբած քրիստոնյա ժողովուրդների «հրոսակախմբերի» հետ: Մեծ պետությունների «ազատ քաղաքացիները» համակրանքի ցուցեր են կազմակերպում քրիստոնյաների օգտին, «դրամ են ժողովում», կարմիր խաչի կազմակերպությունները օգնության են շտապում...

«Բոլոր նշանները ցուց են տալիս, որ Եվրոպան լքել է Թյուրքիային և սովորաների երկիրը ստիպված է օրինասական կոյիվ մղելու Բալկանյան մանր պետությանց դեմ, որոնց միացնում է մի դարավոր ատելություն դեպի թյուրքը»¹:

Ազգաբնակչության համակրանքը շահելու համար Սերբիայի թագավորը հրովարտակով դիմում է թուրքերին՝ հավաստիացնելով, որ նրանց դեմ ոչինչ չունի, որ իրենք զենք են բարձրացրել իրենց ազատության համար: Իր հերթին սովորանը հրամայում է զորքերին, որ քրիստոնյա ժողովուրդների հետ լավ վարպեմ: «Կասկած չկա, – գրում է Աղբալյանը, – որ թուրքերը շատ ավելի հիմք ունեն հավատալու սերը թագավորի հավաստիացումներին, քան քրիստոնյաները սովորանի կարգադրության»²:

Արևմտահայության ազատագրության խնդիրների արծարծումը հենվում էր Բալկանյան պատերազմի շար-

ժիշ ուժերի խոր ճանաչողությանը, Թուրքիայի անցյալի ու ներկայի մասին ճիշտ պատկերացումներին: Հոկտեմբերի կեսերից հանդես է գալիս «Թյուրքիան և հայերը» հոդվածաշրով, ուր համակողմանիորեն քննում է սկսված պատերազմի հետևանքները արևմտահայության կյանքի վրա, հայերի ու քրդերի նկատմամբ թուրքական կառավարության դիրքորոշումը, առաջիկայում թուրքերից ակնկալվող քաղաքականությունը և այլ հարցեր:

Բալկաններում ծավալվող պատերազմական գործողությունները հովաներին, սերբերին, բոլղարացիներին խոստանում են ազատության արշալույս՝ խանգարելով «կարգը հայկական բարձրավանդակի վրա». «Թյուրքիայի հայերը գիշերն անկողին են մտնում նոր ջարդերի սարսափով և առավոտյան արթնանում են տագնապալից օրվան համար»³: Հայերի և քրդերի վերաբերմունքը միանշանակ չէ թուրքական սահմանադրության վերաբերմամբ. առաջինները որքան շահագրգուզած են նրա իրականացմամբ, երկրորդները նույնքան դեմ են, որովհետև օրենքի ու օրինականության հաստատումը հայերին խոստանում է մարդավայել գոյության հնարավորություն՝ կաշկանդելով ավարառության սովոր քրդերի ալան-թալանի գործողությունները: Չընդառաջել հայերին, նշանակում է հնարավորություն տալ եվրոպական պետություններին ցանկացած ժամանակ միջամտելու թուրքական գործերին, վտանգը մեծ էր մասնավորապես Ռուսաստանից, Աեղացնել քրդերին ու նրանց «ազդեցիկ ցեղապետներին», նշանակում է Թյուրքիայի համար աննպաստ այս պայմաններում թիկունքում նպաստել զինված ապստամբության: Եվ քանի որ Թյուրքիան որդեգրել է համիդյան Թյուրքիայի քաղաքականությունը՝ Հայաստան առանց հայերի, փոխելով միայն գործունեության եղանակները, ուստի հայերի նկատմամբ ցու-

¹ «Հորիզոն», 1912, N 213:

² «Հորիզոն», 1912, N 220:

³ «Հորիզոն», 1912, N 226:
15-7

ցարերում է դեռևս ներողամիտ քաղաքականություն, մյուս կողմից էլ վճռական միջոցներ չի ձեռնարկում սպանություններին ու անկարգություններին վերջ տալու համար: Որքա՞ն կարող է հարատևել այս «տարտամ քաղաքականությունը»: Աղբայանի համար գաղտնիք չէ, որ Թուրքիան ի վերջո վճռականապես կհակվի քրդերի կողմը, որովհետև «չի վստահում հայերին և վախենում է, որ հայերն այդ գենքը իր դեմ դարձնեն, մինչդեռ լիովին հավատում է քյուրդերին, որ նրանք ոռուս-տաճկական պատերազմի դեպքում այդ գենքը գործ կածեն ոռուսի դեմ, իսկ հայերի ապստամբության դեպքում նրանց բնաշինց անելու համար»¹:

Հայ-քրդական հարաբերությունները միշտ էլ զբաղեցրել են նրան: «Թուրքական կառավարության աշքում հայը և մյուս քրիստոնյաները անվստահելի են, քուրդը ավելի գերադասելի է, քան հայությունը, որովհետև առաջինը դավանակից է, խնդիր չունի, իսկ երկրորդը այնուամենայնիվ այլադավան է և կարող է միշտ խնդիրներ հարուցանել, լինի դա միջազգային մի դաշինքի հիման վրա, ինչպես Բեղլինին է իր 61-րդ հոդվածով, թե իբր մշակութափես բարձր ու զարգացման ընդունակ և տենչացող մի տարր»²:

Քոչվոր ու եկվոր թուրքերի «հին» ու «նոր» առաջնորդները քաղաքական մի վերջնական նպատակ ունեն ստեղծել հայրենիք գրավված լայնածավալ տարածությունների վրա: Բալկանյան ժողովուրդները նրանց դուրս են միում Եվրոպայից մեծ տերությունների թաքուն ու բացահայտ հովանավորությամբ: Թուրքերին կմնա միայն Անատոլիան, որտեղ և կաշխատեն իրագործել իրենց պլանը՝ Թուրքիան տեսնել «ոչ միայն իբրև քաղաքական միություն, այլ մանավանդ իբր տեղագրական

ամբողջություն... միապահաղ թյուրք ազգաբնակչությամբ», եթե Եվրոպական պետությունները, առաջին հերթին Ռուսաստանը և Թուրքիայի լծի տակ հեծող քրիստոնյաները թուլ տան դա:

Հետաքրքիր է, որ Աղբայանը չի գուշակում հայերից հետո քրդերին սպանացող վտանգը. հավանաբար հավատակից լինելու հանգամանքն է թյուրիմացության մեջ ձգում նրան:

Լրջորեն քննել է սահմանադրության խնդիրը: Հին եղանակով Թուրքիան պահել այլևս հնարավոր չէր: «Եվրոպական գրոհը» դիմագրավելու համար հարկավոր է մի քիչ Եվրոպական կերպարանք առնել: Բայց սահմանադրությունը «զորավոր թշնամիներ» ունի ինչպես երկրի ներսում, ի դեմս «թյուրք հոծ խուժանների... որոնք շարունակում են մնալ անկիրթ ու անհաղորդ Եվրոպական լուսավորության և քաղաքացիական օրգացման», այնպես էլ դրսում. Թուրքիայի սահմանադրությանը անհանգստությամբ են նայում Սերբիան, Բուլղարիան, Հունաստանը, Չեռնոգորիան, որովհետև «սահմանադրությամբ Թյուրքիան կարող էր վերականգնել իր վաղեմի առողջությունը»՝ գրաված երկրների վրա տևական դարձնելով իր գերիշխանությունը: «Արթնացող Թյուրքիան, մի երրորդ ուժ էլ նկատում է Աղբայանը, մի սպանալիք էր ուրիշ հարեւան ու հեռավոր պետությանց համար»³:

Միակ տարրը, որ «անկեղծորեն փարած է սահմանադրության», հայությունն է: Ահա այն հիմքը, որ պայմանավորում է հայ մտավորականության ու քաղաքական որոշ կուսակցությունների մերձեցումը երիտասարդ «լուսամիտ» թուրքերին:

¹ «Հորիզոն», 1912, N 226:

² «Հորիզոն», 1912, N 228:

Թուրքերը գնահատում են այս ծառայությունները «աննշան գոհացումներով»: Աղբալյանը չի խաբկում սուտ խոստումներին, մանր զիջումներին: Նրա սթափ հայացքը տեսնում է թուրքերի վերջնական նպատակը և փորձում առաջադրել միջոցներ: «Նոր Թյուրքիան հետապնդում է հին Թյուրքիայի վաղեմի նպատակներին, վճռականորեն հայտարարում է նա, – բայց այն ձևով, որ ոչ հայերը վճռակար գործողությունների հիմքեր ունենան, ոչ Եվրոպան միջամտելու առիթ»¹:

Հայերի նկատմամբ նոր թուրքերի «երկդիմի քաղաքանությունը» լավ է հասկանում: Բալկանյան թերակղում ծավալվող իրադրությունների հանդեպ բուռն հետաքրքրությունը միտում ուներ նախապատրաստել հայ հասարակական միտքը, կոահել դեպքերի հետագա ընթացքը՝ սեփական ժողովրդի փրկության ուղիները հայտնաբերելու ակնկալությամբ: «Քաղաքական պայմանների ներկա դասավորության մեջ ի՞նչ պիտի անեն տաճկահայերը», – հարցը ուղղված էր արևելահայերին, գաղթօջախներում ապրողներին ևս և, բնականաբար, հուզում էր ոչ միայն Աղբալյանին, այլև քաղաքական կուսակցություններին, հասարակական խմբավորումներին, ողջ հայությանը:

Միջազգային ստեղծված իրադրությունը հրամայաբար պահանջում էր գործունեության հստակ եղանակների մշակում: Ելակետ ունենալով Արևմտյան Հայաստանում Թյուրքիայի հովանավորության ներք ինքնավարության հաստատումը մեծ տերությունների միջամտությամբ՝ պահանջում է դիմել այնպիսի գործողությունների, որոնք հարուցեն այդ միջամտությունը: Սկզբնապես կարծելով, թե Մակեդոնիայի «խնդիրը մասնակի բնավորություն ունի», չի վերաբերի հայկական նահանգներին, քանի որ առանց այդ էլ կնճոտ հարցը սե-

փական նախաձեռնությամբ մեծ տերությունները «ավելի բարդ և դժվարալույս» չեն դարձնի՝ ներառելով հայկական խնդիրը ևս, բազմանշանակ հանձնարարում էր իր հայրենակիցներին «իրերին այնպիսի ընթացք տալ, որ հայարձնակ նահանգների բարեկարգման հարցը համարժեք դառնա մակեդոնական խնդիրն և նրա լուծումը հրամայական՝ մեծ պետությանց համար»¹: Ակնարկը շատ թափանցիկ է և բացատրության անկարոտ: Սակայն դեպքերի հետագա ընթացքը թելադրում է, որ վճռական ժամանակներ են գալիս հայության համար ևս, և փոխվում է հրապարակախոսի տոնը:

Աղբալյանն առաջադրում էր գործողությունների ամրողական մի ծրագիր, որի առաջին պահանջը միասնությունն էր: Պետք է մոռանալ ոխ ու քեն, դառնալ «մի ոգի մի կամք» և միասնական ջանքերով պաշտպանել արևմտահայության վտանգված լինելիությունը: Բայց իրար չհանդուրժող կուսակցություններով ու խմբավորումներով մասնատված հասարակությունն ու հասարակական քաղաքական միտքը անզոր եղան անսալու ժամանակի հրամայականը: Յուրաքանչյուր հանդես էր գալիս իր ծրագրով, հաճախ իրար հակադիր: Եղան առև դեպքեր, երբ ողջ ժողովրդի ճակատագիրը նեթարկվում էր փորձության՝ հանուն նրա որևէ հատվածի բարօրության: Ստեղծված ցավալի իրողության գիտակցումը հրապարակախոսին հասցնում էր մի մտքի. գալիք օրերի բախտորոշ իրադրությունների մեջ ժողովրդի լինելության նավի դեկը պետք է հանձնել Ամենայն Հայոց Հայրապետին: Միայն առ է ի վիճակի և առ իրավունք ունի հանդես գալու ամբողջ ժողովրդի անունից: Դրա համար առ հարուստ և ուսանելի փորձ ունի: Բացի այդ՝ միակ մարդն է մեզանում, որին ընտրում է ժողովուրդը: «Ազգը, որ ընտրող է, իր գործերի բարձր դեկավա-

¹«Հորիզոն», 1912, N 230:

¹Հորիզոն, 1912, N 210:

րության իրավունքը իր քվեով փոխանցում է իր Ընտրյալին ցմահի¹, ուրեմն՝ այնպիսի մի կարևոր հարցում, որպիսին հայոց դատն է, միայն Ընտրյալը իրավունք ունի հանդես գալու ժողովրդի անունից:

Միանական ղեկավարության բացակայությունը, առանձին-առանձին գործելը դիպուկ բնութագրմամբ որակվում է իբրև «քաղաքական տհասություն»:

Նրա քաղաքական ծրագիրը հենվում էր ոչ թե անհող երևակայության, այլ պետությունների շահերը ճանաչելու, նրանց շահադիտական նկատառումները կուահելու և դրանցից օգտվելու վրա: Աղբայլանի համոզմամբ ավելորդ գունազարդումը, զգացմունքները, սնապարծությունը վատ օգնականներ են քաղաքական լուրջ հարցերի քննության ժամանակ: Պետք է սթափ հայացքով նայել կյանքին: «Քաղաքական խնդիրները վճռելու համար հաստատուն կովաններ են պետք և ոչ զգացուներ», - սա էր ընկած հայկական հարցի լուսաբանման հիմքում: Նման մոտեցումը հնարավորություն տվեց ավելի խորն ընկալելու եվրոպական պետությունների օգնության խնդիրը: «Հայկական բարձրավանդակի վրա խաչաձևում են քաղաքական մեծ շահեր, որոնց հաշտեցնելու մեջն է դժվարությունը»²: Նրան բնորոշ է երևույթներն իրենց անուններով կոչելը. որքան էլ դժվար լինի իրողությունը, պետք է ասել ճշմարտությունը և «իրական հիմունքներ» որոնել նպատակին հասնելու համար. «... Շատերը կիրասթափվեն մեր ամփոփումները կարդալով, բայց արիությունը պահանջում է իրականության երեսին ուղիղ նայել և ոչ մի դժվարին կացության մեջ չերերալ, այլ եղածը ընդունելով՝ իրական հիմունքներ գտնել իդեալների համար»³:

¹«Հորիզոն», 1912, N 275:

²Ն. Աղբայլան, Ամրողական երկեր, հ. III, էջ 173:

³«Հորիզոն», 1912, N 265:

Աղբայլանի քաղաքական մտածողությունը երևան է գալիս հատկապես մեծ պետությունների դիվանագիտական հարաբերությունների, նրանց վարած քաղաքականության գնահատման ժամանակ: Հավատ չընձայելով նրանց ներկայացուցիչների ու ղեկավարների մարդասիրական ելույթներին՝ աշխատում է ամեն դեպքում հայտնաբերել այն շահը, որը առաջնորդում է նշված երկրներին իրենց քաղաքականությունը որոշելիս: «Բարոյական տեսակետները. - խորին համոզմունքով գրում է նա, կարող են իբր մի տարր մտնել պաշտոնական ճառերի մեջ, վարագուրելու համար շահախնդրության այլանդակ կերպարանքը»¹: Բալկանյան պատերազմին նվիրված նրա տեսությունները բացահայտում են Ռուսաստանի, Անգլիայի, Ֆրանսիայի, Գերմանիայի, Իտալիայի, Ավստրիայի, Թուրքիայի քաղաքական-տնտեսական շահերի, նրանց փոխհարաբերությունների, մարդասիրական ճառերի հետևում նրանց «շահախնդրության այլանդակ կերպարանքը» տեսնելու զարմանալի մի կարողություն: «... Եվրոպական մեծ ու փոքր պետությանց շահերի մրցման թատերաբեմ է դարձել այդ երկիրը» (Բալկանները. - Գ. Ա.): Հենց այդ շահերն ել թելադրելու են եվրոպական մեծ պետություններին անդրադառնալ հայկական հարցին ևս: Բալկանյան պլավոն ժողովորդների ազատագրությունը ոգևորում է նրան. «... Բալկանյան հաշտություն՝ նշանակում է հայոց հարցի հարուցում և ո՞վ զիտե՝ գուցե նաև լուծում այնպիսի ձևով, որ հայությունը» նույնական պատվեր թուրքական լծից: Թուրքական բռնությանը «միմիայն օտարները կարող են վերջ դնել», այն օտարները, որոնց «հարկավոր է սպառողական կարողություն ունեցող շուկա և պարտքերն ու տոկոսները վճարող կառավարություն»²: Կոահվում է

¹Ն. Աղբայլան, Ամրողական երկեր, հ. III, էջ 139:

²Նույն տեղում, էջ 122:

հայկական հարցի համեմատ ցուցաբերվող հետաքրքրության տնտեսական շարժառիթը, որի մասին քիչ հետո ավելի որոշակի պետք է խոսեր: Նույն սթափությամբ քննում է խնդրի քաղաքական և ռազմական կողմերը ևս: Ի տարբերություն նախորդ շրջանների, եթք Եվրոպայի վրա ցանկանում էին ազդել բարոյական միջոցներով (հայտնի է՝ Խրիմյան Հայրիկը պատրաստվում էր Բենջինի վեհաժողովում խոսել այնպիսի միջազգային լեզվով, ինչպիսին էր... լացը) կամ հայերին վերապահված քաղաքակրթական դերի թմբկահարմամբ, Աղբալյանը շեշտում է հարցի քաղաքական և տնտեսական կողմը: Համոզված, որ «քաղաքականություն և բարոյականություն մեր օրերում («և ամեն ժամանակ») իրար ջնջում են», հավատարիմ քաղաքական խնդիրներում «հաստատուն կովաններ» ունենալու իր սկզբունքին, բոլոր գործիքներից պահանջում է քաղաքական մտածողություն, որի «հաստատուն կովանը» ձևակերպում է ինքը. «Չպետք է մոռանալ, որ հայոց հարցը լուծել կառող է ոչ թե այն Եվրոպան, որ բարի սիրո ունի և գութ դեպի որբերն ու անպաշտպանները, այլ այն Եվրոպան, որ ունի զրահանավ, զորք ու թնդանոթ: Առաջինի վրա կարելի է ազդել բարոյական կարգի կշռադատումներով, բայց երկրորդը ոչ ժամանակ և ոչ էլ ախորժակ ունի բարոյական հիշեցումներ լսելու: Դեսպանները ոչ թե առաջին, այլ երկրորդ Եվրոպայի գործակալներն են և նրանց հետ պետք է խոսել այնպիսի լեզվով, որ նրանք հասկանան»¹:

Անվերապահ համառությամբ մերժում էր հայկական հարցի լուծումը թուրքական դեմոկրատական ուժերի հետ կապող մտայնությունը՝ համարելով այն դասային շահագրգության և քաղաքականության մեջ անհեռատեսության դրսերում: «Այսօր Թուրքիային դեռ հավա-

տում են թրքահայ պաշտոնեությունը և ուստահայ խավարամիտ պահպանողականությունը: Այն ամենը, ինչ կենդանի է հայության մեջ, այլևս հավատ չունի թյուրք կառավարության վրա»²: Հայոց խնդիրը վաղուց դադարել է «Թյուրքիայի ներքին խնդիր» լինելուց, հայերի և մյուս քրիստոնյաների ճակատագիրը կարող է լուծվել միայն Եվրոպական պետությունների, մասնավորապես Ռուսաստանի միջամտությամբ, այն երկրի, որի տնտեսական շահերը ավելի շատ են համընկնում հայության ազգային տեսչերին:

Եվ, այնուամենայնիվ, Աղբալյանը լավ գիտի Եվրոպական միջամտության գինը. հայերի համար դեռևս ապահովության երաշխիք չէ: Ավելին՝ այդ միջամտության հնարավորությունը, բարեփոխումների պահանջները, վերջին տասնամյակներում գեթ, «չարադեռ» հետևանքներ են ունեցել. «Հայությունը տեսել է երկու չարադեռ վիժում, ոչ մեկ ապահովություն կա, որ չի լինի նաև երրորդը»²: Մեծ տերությունների միջամտությունն ու թուրքական խոստումները լավագույն դեպքում կարող են «ապահովել մեր վաղը», մինչդեռ ամեն ճիգ պետք է թափել ապահովելու համար «թյուրքահայության այս օրը»: Միակ միջոցը ինքնապաշտպանությունն է: Հայ մամուլը տասնամյակներ շարունակ գրել է ինքնապաշտպանության նշանակության մասին: Բայց ժողովուրդն ու նրա առաջնորդները անհրաժեշտ հետևություններ չեն արել: «Դեռ պետք է նրա կարևորությունն ապացուել, նրա անհրաժեշտությունը բացարել, նրա անխուսափելիությունը փաստաբանել», ցավով ու դանությամբ արձանագրում է հրապարակախոսը: Բազմաթիվ հոդվածներում անդրադառնում է այս հարցին, առաջադրում եղանակներ, հուշում միջոցներ՝

¹ «Հորիզոն», 1913, N 16:

² «Հորիզոն», 1913, N 126:

դրամական հանգանակություններով զենք ձեռք բերելուց և երկիր առաքելուց մինչև «մարմնակրթության»-ը զարկ տալը, որը «կորովի և առովգ» կղարձնի ժողովրդի բոլոր խավերի «անդամներին»:

Քրերի մշտական վտանգին պատերազմի տարիներին ավելանում է «մի նոր վտանգ». Բալկաններից վտարված, բալկաններում վտանգված թուրքական տարյը ապաստան է որոնում կրոնակիցների մոտ թուրքիայում: Պատերազմի ավարտին նրանք արդեն մի հոծ ուշատ վտանգավոր զանգված էին կազմում, որ հեղեղել էին Պոլիսն ու այլ քաղաքներ: Անկարող ապաստան ու սառնդ տալու, նաև հետամուտ որոշակի նպատակների, կառավարությունը նրանց քշում է նահանգներ, մասնավորապես հայարձնակ նահանգներ: «Վաչկատուն քյուրդին գալիս է ավելանալու ընչազուրկ թյուրքը, և թրքահայի դրությունը հայարձնակ նահանգներում կրկնապես դառնալու է վատթար»¹: Կառավարությունը սրանով լուծում է մի քանի հարց՝ հայկական նահանգներում թուրքական տարրը ստվարանում է՝ սպառնալով փոխել բնակչության ազգային կազմը, ոուսական հնարավոր հարձակման դեմ ստեղծվում է մահմեդական պատճեց, ամեն կողմից նեղվող հայության շրջանում խթանվում է գաղթականությունը...

Դրությունը փրկելու միակ միջոցը զինված ինքնապաշտպանությունն է, իսկ այդ մասին մտածող չկա... «Մենք միմիայն հավատում ենք զենքին, զենք հայի ձեռքին՝ ինքնապաշտպանության համար... ժամանակ չէ՝ հասկանալու վերջապես, որ 61-րդ հոդվածը հայ հրացանի փողին է»²:

Կրկին «արյուն է հոսում» և չկա մի ուժ, դաշնակցությունից բացի, որ կարողանա արյունահեղության

առաջն առնել: Դա գգում է նաև «ապիկար կառավարությունը» և, ահա, ձգտում է չեղոքացնել այս ուժը: «Դաշնակցության դեմ գործել-նշանակում է հարվածել թյուրքահայերին. այդ վտանգավոր ուղին է, ահա, որ բոնել է թյուրք կառավարությունը»¹:

Այս իրադրության մեջ առանձին արժեք են ստանում դաշնակցության ջանքերը, որոնք չեն վրիպում կառավարության աչքից: Ուրանալով այն օգնությունը, որ դաշնակցությունը ցուց է տվել երիտթուրքերին իշխանության հասնելու ճանապարհին, մոռանալով երկիրը դեմոկրատական զարգացման հունով տանելու, այսինքն՝ բոլոր ժողովորդների իրավահավասարությունը ճանաչելու վերաբերյալ խոստումները, երիտթուրքերը հալածանք են կազմակերպում դաշնակցականների դեմ՝ հայության ինքնապաշտպանության գործին վնասելու նպատակով:

Դեռևս պատերազմի սկզբում կոահիում էր, որ պարտության զայրությը կարող է թափվել հպատակ մյուս քրիստոնյաների գլխին: Դրությունը նույնիսկ Պոլսում այնքան տագնապալից էր, որ քրիստոնյա երկրների դիվանագետները հատուկ դիմում են իրենց կառավարություններին՝ ապահովության վճռական միջոցներ ձեռնարկելու: «Եթե այսպես են օտարահպատակները, տագնապով արձանագրում է հրապարակախոսը,՝ կարելի է երևակայել, թե ի՞նչ տագնապի մեջ են թյուրքահպատակ քրիստոնյաները՝ հովաները, հայերը, բոլգարները... ի՞նչը կարող է փրկել նրանց հաղթված գործի զայրութից և ընչաքաղ խուժանի վայրագությունից»²: Եվրոպական պետությունները ուզումանավեր են մոտեցնում Պոլիս՝ երաշխավորելու համար իրենց հյուպատոսների ու մյուս աշխատակիցների անվտանգությունը, նրանց

¹ «Հորիզոն», 1913, N 43:

² Ն. Աղրայան, Ամրողշական երկեր, հ. III, էջ 133-134:

¹ «Հորիզոն», 1913, N 90:

² «Հորիզոն», 1912, N 232:

թերևս հաջողվի «ապահովել մայրաքաղաքի անդրությունը», բայց ի՞նչ է լինելու գավառների բնակչության վիճակը:

Տագնապը մեծանում է նրանով, որ պատերազմի անհաջող ընթացքը օգտագործելով՝ երիտրուրքերը խոռվություն են բարձրացնում զորքի մեջ ընդդեմ կառավարության: Թուրքիայում կատարյալ անշխանություն է տիրում. «Կենտրոնական կառավարությունը կարծես մոտ է քայլայման—դրա հետևանքները աղետավոր կլինեն ամբողջ Թյուրքիայի համար և իսկապես արդեն լուրեր են գալիս Սիրիայից և Հայաստանից, որ կոտրածերն սկսվել են այն տեղերում»¹:

Կարելի էր հուսալ, շարունակում է իր վերլուծությունը, որ կենտրոնական կառավարությունը, հաշվի առնելով «միջազգային փափուկ դրությունը», թույլ չէր տա հայերի շարդեր կազմակերպելու «գեր մոտավոր ապագայում»: Բայց, ահա, երիտրուրքերը գլուխ են բարձրացրել, կրկին արթնացել են «կուսակցական պայքարն ու իշխանասիրական ինտրիգները»՝ երկիրը կանգնեցնելով իսկական անշխանության վտանգի առջև: Իսկ հայտնի է, որ «Կառավարական անարխիան թե Տաճկաստանում և թե Պարսկաստանում միշտ առաջ է բերել քրիստոնյաների ջարդ»: Այժմ, երբ Թուրքիան նման մի «անարխիայի» նախադուռն է, ի՞նչ պիտի անեն հայերը՝ կանխելու համար «մի նոր քստմնելի ջարդի» հնարավորությունը:

Հայ հասարակական միտքը անտարբեր չէր ստեղծված պայմաններում հայերի գործունեության հանդեպ: Որուսահայ իրականության մեջ էլ կային հոսանքներ, որոնք ելքը տեսնում էին Թուրքիայի «սահմանադրական կարգերի մեջ», մի ուրիշ հոսանք, որը հավատ չի ընծայում սահմանադրության, խնդրի լուծումը կապում

է «մի օտար քրիստոնյա պետության» հետ, որը պետք է գրավի Անատոլիան և այնտեղ մարդավայել կարգեր հաստատի, մի երրորդ տեսակետ էլ ամեն ինչ կապում է 61-րդ հոդվածում նախատեսվող բարենորդությունների հետ: Աղբայլանը, որ այս վերջին տեսակետը պաշտպանողներից էր, հասունացող դեպքերին ընդառաջ գնալով, մի քայլ առաջ է անցնում: Վտանգը որոշակի էր, որոշակի պետք է լինենին պատասխանն ու ձեռնարկված միջոցները ևս: Այստեղ է, ահա, որ նա մի կողմ է դնում դիվանագիտական միջոցները՝ բնակչին տեսակով նրանց անհրաժեշտությունը և միանշանակ պատասխանում պետք է կազմակերպել ինքնապաշտպանություն: «Ինքնապաշտպանություն կազմակերպել նշանակում է դրամ հայրայթել, զենք հասցնել Տաճկահայատան, այնտեղ համապատասխան կազմակերպություններ առաջ բերել, ի հարկին նաև կուրծք տալ վայրենի խուժանի գրոհին...»¹: «Տաճկական անշխանության հնարավորությունը և հայ ժողովուրդը» հոդվածաշարը Աղբայլանի հրապարակախոսության լավագույն էջերից է՝ սուր, կրթու, համարձակ և իրատես հարցադրություններով ու եզրահանգումներով:

Իրական վտանգը արթնացնում է ինքնապաշտպանության առողջ բնագործ: Մերժելով «խոհեմության» կոչերը, ստրկության ու համակերպության քարոզները համարելով «այլասերված երևույթներ», որոնք կանհինտանան «ազգային կյանքի առողջացման հետ», մեծ տերությունների զգձգվող, միշտ սեփական շահին հետամուտ օգնությունը համարելով հեռավոր հովու՝ զենքի է կոչում ժողովորդին՝ վտանգված գոյությունը պաշտպանելու համար:

Իսկ ժողովուրդը հապաղում է: Նրա «ղեկավար շրջաններն» ու «բարձր ինտելիգենցիան» զոհողության

¹Հորիզոն, 1912, N 249:

¹«Հորիզոն», 1912, N 249:

ընդունակ չեն, ինքնապաշտպանության գործը ժողովուրդն ինքը ախտի կազմակերպի. «Մենք հավատացած ենք, որ հայ ժողովրդի միջից դուրս կգան մարդիկ, որոնք իրենց առողջ բնազդների շնորհիվ... դիմումատիական խաղերի ու քայլերի ստվերի տակից դուրս կհանեն ինքնապաշտպանության գործը և անձնվիրաբար առաջ կտանեն այն»¹:

«Միակ միջոցը ցեղերի, դասերի և վայրի ախորժակների այդ խառնարանում (նկատի ունի արևմտահայերի վիճակը քրդական ու թուրքական շրջապատում. Գ. Ա.) գենքն է առայժմ: Միայն գենքով նա կարող է պատշաճ հեռավորության վրա պահել վարանու խուժանին և դիմադրել ավելի վճռական հրոձանքներին»²: Սա ապատամբության կոչ չէր, սա ինքնապաշտպանության պահանջ էր՝ ի հակակշիռ կառավարության հայացինց քաղաքականության: Զենքով հայը պետք է պահի իր գլուխը՝ սպասելով «լավագույն ապագայի»:

Սուավել ծանր է արևմտահայության վիճակը: «...Թյուրքահայը անշարժ է ինչպես դիակ», «պատրիարքարանի դիմումները մնում են անհետևանք», «արտաքին միջամտությունը կաշկանդված է միջազգային հարաբերությանց բարդ ցանցի մեջ», կան անձնվեր կտրինեներ, բայց նրանց թիվը շատ աննշան է ցավով ու ահաբեկ ժողովրդին ոգի ներշնչելու և պաշտպանելու համար». ստեղծվել է «անել կացություն», որի նմանը «հազիկ թե որևէ ժողովուրդ ապրած լինի»...

Մամուլում լուրեր են պնդում, թե Անգլիան ու Ֆրանսիան համաձայնել են Թյուրքիայի հայարձնակ նահանգներին ինքնավարություն տալ՝ Ռուսաստանի հովանավորության տակ»³: Սա հենց այն էր, ինչին ձգտում էր:

¹Նույն տեղում:

²«Հորիզոն», 1912, N 281:

³«Հորիզոն» 1912, N 273:

Բայց լուրը սպասված ուրախությունը չի պարզնում, և պատճառը այն չէ, որ ոչ պաշտոնական լուր է, այլ այն, որ «հայությունն ընդհանրապես առաջմ վարդագույն երազներով տարվելու ոչ մի տեղիք չունի»¹: Հետևում է խոր ու համոզիչ վերլուծությունը, որը նպատակ ունի սթափության կոչելու ժողովրդին՝ չինի թե հանկարծ հավատան և աչքաթող անեն զենքով պաշտպանվելու խնդիրը:

Աղբայանի ծրագրում որոշակի դեր է հատկացվում մամուլին: Գիտակցելով հանդերձ, որ քաղաքական խնդիրների լուծման «բանալին գոտինում է ոչ թե մամուլի, այլ պետությանց և նրանց դիվանագետների ձեռքին», այնուամենայնիվ պահանջում է չթերագնահատել մամուլի դերը, քանի որ վերջինս «պատրաստում է մի բարյացակամ մթնոլորտ հայ դատի լուծման համար»: Ծիշտ է՝ դրանից այն կողմ «չի անցնում ոչ նրա դերը, ոչ պարտականությունը և ոչ իրավասությունը»², բայց այդքանն էլ քիչ չէ: Ժողովուրդը «աշխարհի տեսնում է իր կարդացած լրագրի աչքերով», կառավարությունները երբեմն հարկադրված են լինում հաշվի նատել հասարակական կարծիքի հետ, ուստի Մոսկվայի և Պետերբուրգի հայ ուսանողության պարտքն է համարում «Այութեր մատակարարել ոուս հրապարակագիրներին, շարունակ տեղեկություններ հաղորդել ոուս ազդեցիկ լրագիրներին և ընդհանրապես վառ պահել հետաքրքրությունը դեպի հայոց հարցը»³:

Աղբայանին մտահոգող խնդիրներից մեկը պատմական Հայաստանի տարածքում հայ և մահմեդական բնակչության թվի հարաբերակցությունն էր: Թուրքերը փորձում էին համոզել միջազգային հասարակական

¹Նույն տեղում:

²«Հորիզոն», 1913, N 32:

³«Հորիզոն», 1913, N 6:

միտքն ու դիվանագիտությունը, թե Հայաստանում հայերը, մյուս ազգերի համեմատությամբ, փոքր թիվ են կազմում, և բոլորովին էլ չարժե քննության նյութ դարձնել նրանց ինքնավարություն տալու խնդիրը: Նկատի ունենալով թուրքահայերի թվի «քաղաքական» նշանակությունը, «Հորիզոնի» մի շարք համարներում կատարում է Ա. Դոյի գրքի տվյալների մանրամասն վերլուծություն, հորդորում է տաճկահայ եղբայրներին ժամանակավորապես մի կողմ թողնել գրականությունը և գրաղել ազգային բնույթի հետազոտություններով՝ պարզելու համար հայերի ու մյուս ազգերի թվական հարաբերությունը: Զանազան ուսումնասիրություններից նյութեր քաղելով, «խոսեցնելով» չոր թվերը, փաստերով համոզելով, որ իրենց բնակավայրերում հայերը մահմետականներից ավելի են, հավասար են նրանց կամ շատ քիչ են զիջում, հանգում է շատ կարևոր հետևության. «ոչ ներկան է հուսահատորեն վատ և ոչ ապագան անհուսորեն մոռյլ»: Թուրք կառավարության տվյալները կեղծված են, հայ և օտարազգի աղբյուրները՝ հնացած: Անհրաժեշտ են նոր հետազոտություններ, և կապարզի, որ այսօրվա վիճակը «մեծապես տարբերվում է» մինչ այժմ ներկայացվածից՝ հօգուտ հայերի: Եվ ինքը կատարում է «-ընթերցողի համբերությունը... հատացնող» բազմաթիվ հաշվարկներ, որոնք, ճշգրիտ լինելու ձգտումի հետ միասին, շատ են հիշեցնում նրա առաջին ուսուցիչներից մեկի՝ Ավ. Արասխանյանի՝ աշխատանքային ոճը: Պատահական չէ, որ մի տեղ հիշում է, թե այսօր այն նույն աշխատանքն է հարկավոր, ինչ անում էր Արասխանյանը «Մուրճում»: Ցավով արձանագրելով, որ արևմտահայ եղբայրները նման աշխատանք անել չեն սիրում, քննադրատարար հիշում է «ականավոր գրական դեմք» Ա. Չոպանյանի կարծիքը «Մուրճում» լույս տեսած տնտեսագիտական ու վիճակագրական հետազոտությունների մասին. վերջիններս նա որակել էր «դեզ մը ծանրա-

տաղտուկ ուսումնասիրություններու»: Հայերի և ոչ հայերի քանակական գրեթե հավասարակշիռ վիճակը հիմք տալիս էր կազմելու համար «մի շատ համեստ և միանգամայն ընդունելի բարեկարգությանց ծրագիր, որ երաշխավորեր կյանքի, գույքի և պատվի ապահովություն և կուլտուրական գարգացման հնարավորություն»¹:

Աղբալյանի այս շրջանի հրապարակախոսության մեջ կա մի կետ, որ արժանի է առանձնահատուկ ուշադրության. խոսքը կովող կողմերի բանակներում հայերի ծառայությանն է վերաբերում: Պատերազմական իրադարձությունների լուսաբանմանը նվիրված առաջին հոդվածներից մեկում հապարտությամբ է նշվում այն հանգամանքը, որ թուրքերի դեմ կամավոր ջոկատ կազմած 800 մակեդոնացիների հետ կան նաև «փոքրաթիվ ոռու կամավորներ և մի քանի հայ հրոսակախմբեր»: «Ծատերին կարող է անխոհեմ թվական հայերի այդ քայլը, բայց դա սրբազն մի պարտականություն է հայերի կողմից դեպի Բոլգարիան... Բոլգարական սահմանում հայերը գտել են այն տեսչալի անդորրությունը, որ նրանք իզուր մինչև այժմ որոնում են Թյուրքիայում. գաղթականության ժամանակ բոլգարները հյուրընկալեցին հայերին մի հազվագյուտ մարդասիրությամբ... Հետին երախտամոռը կլիներ Բոլգարիայի հայությունը, եթե այսօր գենք չառներ բոլգարներին օգնելու»²:

Բուղարահայերի քաղաքացիական պարտականությունն է այդ: Նույն շիտակությամբ պետք է գնահատեր թուրքական բանակում կովող հայերի հավատարմությունը. «Լուրերին նայելով հայ նորակոչ զինվորներն ու սպաները անձնվիրությամբ կովում են Թյուրք զորքի շարքում և դասալիքների մեջ հայեր չեն պատահում»³:

¹Ն. Աղբալյան, Ամրողշական երկեր, հ. III, էջ 95:

²«Հորիզոն», 1912, N 236:

³«Հորիզոն», 1912, N 255:

«Քաղաքացիության պարտականությունը» առաջնորդողում բերելով տարրեր երկրների օրինակներ, երկրներ (Թուրքիա, Պարսկաստան, Ռուսաստան, Բուլղարիա), որտեղ բնակվող հայերը իրենց պարտքն են համարել այդ երկրների ժողովուրդների հետ միասին կովել նրանց թշնամիների դեմ, համարելով դա քաղաքացիական պարտականություն, հրաշալի ձևակերպում է տալիս. «Կոիվ պետության ներսը արդարության համար և դուրս իր պատկանած պետության հաջողության համարայս է եղել հայերի ավանդական քաղաքականությունը, ուրիշ ամեն մի վերաբերում կլիներ դաշտանություն իր պատկանած պետության և իր ազգային շահերին և արժանապատվության»¹:

Ոչինչ, որ մյուս պետությունները պետք է հիշեին ներռուներին, իսկ Թյուրքիան երախտամոռ պիտի գտնվի «պատճեշի վրա» մենողների հիշատակի և նրանց հարազատների հանդեպ...

Գալիք իրադարձություններին նախապատրաստվելը պարտադրում էր հետադարձ հայացքով վերագնահատել հայկական հարցի անցած ուղին, անհրաժեշտ հետևողուններ անել անցյալի դասերից: Խոր ծանոթությունը «ընկերական գիտություններին» հնարավորություն է տալիս ճիշտ պատկերացում կազմել ազգային ու հասարակական մեծ շարժումների ծագման, շարժիչ ուժերի ու բնույթի մասին: Կուսակցությունները, խմբավորումները, անհատները, որքան էլ ազդեցություն ունենան զանգվածների վրա, չեն կարող մեծ շարժումներ առաջացնել, նրանք իրենք հենց համանման շարժումների ծնունդ են ու հետևանք և ոչ երբեք պատճառ: Ի տարբերություն ամեն ինչ ժխտողների՝ նա որոշ առաջադիմություն տեսնում է անցած ճանապարհի մեջ: Սան Ստեփանոյի և Բենվինի որոշումներով «հայոց հարցը ստանում էր մի-

¹Նույն տեղում:

շագգային բնավորություն»: Սուլթանները հարկադրված էին ընդունել, որ կա հայկական հարց, հետևաբար՝ նաև այն լուծելու անհրաժեշտություն: Հայկական հարցի երկրորդ շրջանը սկսվում է 1895 թ. արյունոտ դեպքերից, որոնց արդյունքը եղավ այսպես կոչված մայիսյան ծրագրի ընդունումը: Նախկին որոշման «հայարենակ վայրեր» անորոշ ձևակերպումը որոշակի իմաստ է ստանում՝ հայկական վեց վիլայեթներ, իսկ «բարենորոգումներ» ոչինչ չասող բառի փոխարեն կազմվեց մի ծրագիր կոնկրետ կետերով: Հստակություն է մտնում նաև «Եվրոպական հսկողություն ձևակերպման մեջ. «պիտի կազմվեր մի հատուկ հանձնաժողով, որ պիտի հսկեր նոր մշակած ծրագրի ճշտիվ իրագործման վրա»: Դիվանագիտական այս հաջողությունները ոչնչով չբարելավեցին հայերի վիճակը, ընդհակառակը՝ ավելի ծանրացրին: Աղքայլանը գիտի սա և շարունակում է հավատալ նրանց միջամտության դերին: «Բայկանյան պատերազմի հետևանքով հայոց հարցը մտնում է իր զարգացման երրորդ փուլի մեջ, որ հուսանք, վերջին շրջանը պիտի կազմի»: Ավաղ, բոլշևիկյան հեղափոխությունը նոր շունչ տվեց հոգեվարք ապրող Թուրքիային և հայոց հարցի երրորդ շրջանը վերջինը չեղավ... Ի՞նչ է ակնկալում հրապարակախոսը՝ «Վարչական ապակենորոնացում, քրիստոնյա կառավարիչ և մի պետության հսկողություն»:

Հակադրվելով այն մտայնության, որը անցած ճանապարհին ոչ մի բան չէր տեսնում, հատուկ ընդգծում է ձեռքբերումները. «Ազգային գիտակցության զարգացումն ու ծավալումը, հայության հատվածների մտավոր ու բարյական կապերի ընդլայնումն ու ամրացումը, հայուազմական կորովի արթնացումը, հայության բարոյական կերպարանքի նկատելի փոփոխությունը դեպի լավը, հայ մտածողության քաղաքական բնույթ ստանալը և գրականության համագային իդեալներով տոգորվիլը և

ուրիշ երևութներ - հայկական խնդրի դրական հետևանքներ են»¹: Չնայած տնտեսական ու քաղաքական ծանր վիճակին՝ ապրում է ժողովրդի կենսունակությունը, մաքառման ոգին, և հայ հրապարակախոսության չհատուցած պարտքն է այդ կենսունակության ու ոգու բացահայտումը, դրանով ոգևորվելը: Որոշ շրջաններում տիրող «անհետացող Հայաստանի» գաղափարին հակադրելով «ավերակների և մոխիրների տակից... վերածնվող Հայաստանի» գաղափարը՝ ցավով արձանագրում է, որ հայ ընթերցողը ամեն օր տեղեկանում է բոնության դեպքերին, բայց «գրող չկա այն ճիգերի մասին, որ ծավալում է հայկական բովանդակ բարձրավանդակի վրա հայ ժողովուրդը, որ դեռ շարունակում է ամուր կառչած մնալ իր հայրենի հողին, թեև անզեն, անպաշտպան և անօգնական»²: Սրանով պետք է բացատրել Մաֆֆու հրապարակախոսության և ծրագրերի հանդեպ նրա սկեռուն հետաքրքրությունը: Մաֆֆին Աղբայլյանի կուոքերից էր, բարձր է գնահատել նրա ոչ միայն գրական վաստակը, այլև հրապարակախոսությունը: Վիպասանի մահվան 25-ամյակի կապակցությամբ հրատարակում է ազատագրական պայքարի առաջին համատակներից մեկի՝ Ալեքսանդր Գոլոշյանի համակենքը, որոնցում Մաֆֆու ժամանակակիցը, նրա ստեղծագործությամբ դաստիարակված ու ժողովրդի ազատագրության սրբազն գործին նվիրված գործիչը գնահատում է իր գաղափարական ուսուցչին. «Զկա այն մարդը, որի... լուսավոր գաղափարները մեզ՝ երիտասարդության, տարան ճշմարիտ ճանապարհի վրա, որի գորավոր և կյանքով լի խոսքը իր թուվիչ ուժով զարթեցնեց և ապագան ձեռք բերելու ցանկություն ներշնչեց»³:

¹Ն. Աղբայլյան, Ամրողշական երկեր, հ. III, էջ 118-119:

²Նույն տեղում, էջ 152-153:

³«Հորիզոն», 1913, N 101:

Նամակները բացահայտում էին Մաֆֆու դերը սերնդի դաստիարակության գործում անափ ոգևորությամբ ու անձնուրաց նվիրաբերումով նոր սխրանքների մղելով ժամանակակիցներին: «Որքան կրթիչ են այս նամակները մեր վհատ օրերին, եթք կարծես սպառել է գաղափարական գործի ավյունը մարդկանց մեջ»:

Հայտնի է, որ 1877-1878 թթ. ոսու-թուրքական պատերազմի ավարտից և Բեղլինի վեհաժողովից հետո Մաֆֆին առաջարկեց գալիք իրադարձություններին նախապատրաստվելու մի ամբողջ ծրագիր: Բալկանյան պատերազմի շնորհիվ հայոց հարցի հնարավոր «Վերարձարձմամբ» մտահոգված Աղբայլյանը առաջին հերթին ընդգծում է հենց այս կողմը՝ սպասվելք իրադարձությունները դիմավորել գործողությունների որոշակի ծրագրով՝ դասեր քաղելով անցյալից: Այս մտահոգությունը պայմանավորելու էր նրա եռանդուն գործունեությունը ազգային բյուրոյում և կամավորական խմբերի կազմավորման վարչությունում: Մաֆֆու պահանջների մանրամասն շարադրումը հետևանք էր ոչ միայն և ոչ այնքան նրա, որ «այսօր էլ հայ պատանին նրա երկերը կարդում է հափշտակությամբ և լայնացնում իր տեսության հորիզոնները՝ հայ ու հայություն նկատելով սահմանի մյուս երեսին», այլև այն բանի, որ մեծ վիպասանի ծրագրային պահանջները խիստ արդիական էին, հնչում էին իբրև այսօրվա պահանջներ: Առաջին հերթին պետք է ճանաչել այն ժողովուրդը, որին պետք է օգնել, և այն երկիրը, ուր նա ապրում է: Մաֆֆու ծրագրային վեաերը այս խնդրի լուծմանն էին կոչված: Բալկանյան պատերազմի սկավելուց հետո Աղբայլյանի ուշադրությունը կենտրոնանում է այնպիսի գրքերի վրա, որոնք այս կամ այն կերպ առնչվում էին խնդրին: Հարկավոր է արթնացնել քաղաքական ու սոցիալական կրկնակի, եռակի ճնշման տակ ազգային դիմագիծը կորցնող ժողովրդին, լուսավորել նրան, արթնացնել ազգային ինք-

նասիրությունը: Առանձնահատուկ ուշադրություն է դարձնում այլաղավանության խնդրին: Ելեկով այն ըմբռնումից, որ ազգը ընդհանուր գաղափար է, եկեղեցին՝ մասնավոր (հետագայում Սփյուռքը մասնատող այլաղավանության խնդրին պետք է անդրադառնար րաֆֆիական ելակետով), նկատում է, թե «ընդհանուր եկեղեցու տեղը պետք է բռնե ազգայնության գաղափարը Աղքալյանին մասնավորապես ոգևորում է Բաֆֆու այն միտքը, թե հայկական հարցի լուծմանը ժողովրդին մասնակից անելու համար հարկավոր է «կազմել մի ընկերություն»:

Մի փոքր անց նա կրկին զայրույթով արձանագրում է Բաֆֆու առաջարկը իրականացնելու անհրաժեշտությունը. «Նորից կրկնում ենք, պետք է ուսումնասիրել Հայաստանը ոչ թե պատմական, ազգագրական, հնագիտական և նման տեսակետներից, որոնց կարևորությունը մերժողներից չենք, այլ տնտեսական-ընկերային տեսակետից: Ժամանակները շատ նպաստավոր են, պետք է կազմել մի համեստ ընկերություն, ընդհանուր գործի շուրջը համախմբել ձեռնահաս և պատրաստի ուժեր, հոգալ նրանց նյութականը և որոշ ծրագրով հետազոտել Հայաստանը և նրա ժողովուրդների փոխհարթերությունները և նրանց դերն ու նշանակությունը այդ երկրի ապագա զարգացման գործում»¹: Նորաստեղծ ազգային բյուրոն համանման մի նպատակ էր հետապնդում: Ազգային բյուրոյի գործունեության առանցքը ևս «Հայաստանի քաղաքական ապագայի գաղափարն» էր, որի իրագործման համար «պահանջ է զգացվում ազգային միության», «եկեղեցու միալար ուժի» ժխտման, դպրոցի «աշխարհականացման» և «ազգայնության գաղափարի արծարծման»: «Բաֆֆիական այս ծրագրի համար, որի իրականացումը Արևմտ-

յան Հայաստանի ազատագրության համար անհրաժեշտ պայմաններ պետք է ստեղծեր, հարկավոր է իր նպատակը նույնքան հստակ գիտակցող, նույնքան եռանդ ու նվիրում ունեցող մի սերունդ, որի «հավատքը» նույնպես լինի «անսասան», «զգացումը՝ գորեղ, միտքը՝ կտրուկ ու գործնական, ոճը՝ պարզ ու պայմանական»...

Մանրամասն շարադրելով Բաֆֆու հայացքները անվերջանալի թվացող Արևելյան խնդրի նկատմամբ, հրապարակախոսը մի անգամ ևս ընդգծում է իր ջանադիր հետաքրքրության պատճառը. «Այս ազատ ուրվագծից երևում է, որ Բաֆֆին, իբրև թրքահայության տառապանքի պատճառները վերլուծող և նրա ցավերի դեմ դարման առաջարկող, դեռ կարող է ժամանակակից գրող համարվել»²: Երկու կարևոր պատճառ է նշում հետազոտողը, որոնք վիպասանին շարունակում են ժամանակակից պահել. «Թյուրքիայի ավանդական դանդաղաշարժությունը» և, սա առաջին հերթին պետք է նշել, «Բաֆֆու մտքի սրությունը», որով կարողացել է «զատել անցողականն ու տևականը»:

Պատմական անցյալը գնահատելիս Աղքալյանը միշտ էլ ներկան նկատի ուներ, նրա ուշադրությունը կենտրոնանում էր մասնավորապես այնպիսի գրքերի վրա, որոնք հնարավորություն էին տալիս իմաստավորել ներկան պատասխանել այսօրվա խնդիրներին: Անդրդառնալով Սարուխանի գրքի այն հատվածներին, որը խոսվում է հայոց ծանր վիճակի վերաբերյալ Բ. դուռ ներկայացվող գանգատների մասին, հրապարակախոսը ներկացնում է. «Ուշադիր նայելով այն ժամանակվա և այսօրվա գանգատներին, ինչպես նաև այն ժամանակ և այժմ առաջարկող միջոցներին, մարդ զարմանում է, թե որքան անշարժ են Թյուրքիայի ներքին պայմանները և

¹Նույն տեղում, էջ 153:

²Նույն տեղում, էջ 70:

որքան անփոփոխ հայոց իրավագործ վիճակը»¹: Մի ուրիշ առիթով նշում է, կրկին զարմանքով, թե գավառների հայության տրամադրությունը և Թիֆլիսի հայոց դիմումը զարմանալի կերպով հիշեցնում են մեր օրերը: Այս մոտեցումը շատ ավելի ակնհայտ է Ռաֆֆու «Տաճկահայքին» նվիրված գրախոսականում:

**

Բայկանյան պատերազմի նախօրյակին ու ընթացքում վերլուծության է ենթարկում մեծ տերությունների միջակետական հարաբերությունները, փոքր ժողովուրդների նկատմամբ վերաբերմունքի դրդապատճառները՝ այս համապատերում փորձելով կուահել հայկական հարցի հետագա ընթացքը: «Բարեկամությունը հավիտենական չէ, մանավանդ քաղաքական աշխարհում», - հրապարակախոսի ելակետային սկզբունքներից է սա: Այսօրվա դաշնակիցները վաղը կարող են հայտնվել քարիկատի հակառակ կողմերում: Հրապարակախոսի խնդիրը ոչ միայն հարաբերությունների առկա վիճակի գնահատումն է, այլև հետագա ընթացքի կուահումը: Ելակետային մյուս սկզբունքը այն գիտակցությունն է, թե «Հայկական բարձրավանդակի վրա խաչաձևում են քաղաքական մեծ շահեր, որոնց հաշտեցնելու մեջն է դժվարությունը»²: Առավել մանրամասնությամբ ու հետևողականությամբ քննել է Ռուսաստանի, Անգլիայի և Թուրքիայի քաղաքականությունը. սրանցից էր կախված հայկական հարցի ընթացքը: Ֆրանսիան, Գերմանիան, Իտալիան, Ավստրիան ուշադրության են արժանանում վերոհիշյալ երկրների հետ ունեցած հարաբերությունների առնչությամբ:

¹Նույն տեղում, էջ 30:

²Ն. Աղքայան, Ամրողական երկեր, հ. III, էջ 173:

Թերեւս ավելորդ չինի նշելը, որ Անգլիայի նկատմամբ հետաքրքրությունը նրա մոտ ծագել է դեռևս պատանեկության տարիներին: Պահպանված սևագրերում ու մշակումներում հաճախ է հիշվում այս երկրի անունը, նրա պատմությանը և ներկային նվիրված հոդվածներն ու գործերը մշակվում են մանրամասնորեն: Դրա պատճառը ոչ միայն այն էր, որ Անգլիան դասական կապիտալիզմի «ազատ» երկիր էր, այլև, ու թերեւս առաջին հերթին այն, որ այս երկիրը վերջին տասնամյակներում ամենից վճռական միջամտությունն է ունեցել հայկական հարցում միշտ շահարկելով մեր ճակատագիրը իր շահերի տեսանկյունից: Սա է պատճառը, որ առանձնակի խստությամբ է արտահայտվում նրա քաղաքականության մասին: «Անգլիայի դիվանագետները» նշանավոր շահմատ խաղացողներ են. աշխարհն ամբողջ նրանց համար շահմատի տախտակ է, իսկ պետությունները՝ քարեր. ամեն շարժում, որ նկատվում է այս կամ այն «քարի» կողմից՝ անմիջապես առնվում և դեմք միշոցներ են ձեռնարկվում»¹: Այս «նշանավոր շահմատ խաղացողները» երբեք թույլ չեն տալու, որ «մեր պետությունը» (Աղքայանը այսպես է արտահայտվում Ռուսաստանի մասին. - Գ. Ա.) տիրանա Հայկական բարձրավանդակին, որովհետև դրան «տիրացողը կիշխէ Միջազգետքին և Միջերկրականի արևելյան-հյուսիսային ափերին»: Սա ոռու-անգլիական հակամարտությունների անկյունաքարն է, որ առաջիկայում դեռևս երկար իրեն զգացնել կտա: Այս հակամարտության վրա էր կառուցում այն հետևողությունը, թե ինչու այդ երկիրը պետք է ճնշում գործադրի Թուրքիայի վրա՝ հայկական նահանգներում բարեփոխություններ կատարելու համար: Հայերին օգնելու պատրվակով դեպի հարավ-արևելք ուսւների առաջխաղացումը կանխելու նպատակով է, որ Անգ-

¹Ն. Աղքայան, նշվ. աշխ. էջ 203:

լիան պետք է ճնշում գործադրի թուրքիայի վրա վերջապես տանելի պայմաններ ստեղծելու քրիստոնյա և ոչ միայն քրիստոնյա ճնշվող զանգվածների համար: «Այսպես, ուրեմն,- գրում է հրապարակախոսը,- վտանգն այն զինված միջամտության, որ կարող է անել Ռուսաստանը, ստիպում է Եվրոպային բարենորոգումներ պահանջելու հայերի համար: Հայերի վիճակը պետք է բարգրել ոչ թե նրանց արդար պահանջին գոհացում տալու համար, այլ թյուրքիայի ամբողջությունն ապահովելու համար»¹:

Հայկական բարձրավանդակում ազդեցության շրջաններ ձեռք բերելու հարցում Անգլիայի և Ռուսաստանի մշտական հակասությունները վերջին տարիներին, ավելի ստուգ՝ իրանում իրենց ազդեցությունը հավասարակշռելուց հետո, զգալիորեն մեղմացել են: Այս հողի վրա ձևավորվել է համերաշխություն նաև հայկական հարցում: Անգլիային ու Ռուսաստանին միացել է Ֆրանսիան: Բայց մի մեծ հարցավան դեռևս կա՝ ի հակաշիռ Անգլիայի, Ռուսաստանի և Ֆրանսիայի եռյակ դաշնակցության ձևավորվում է Գերմանիայի, Իտալիայի և Ավստրիայի «եռյակ նիզակակցությունը», և դեռևս հայտնի չե՞ն արևելյան հարցում նրանք ընդհանուր լեզու կդունե՞ն, թե՞ հակամարտությունը կշարունակվի այստեղ ևս: «Բացի եռյակ զինակցությունից, - շարունակում է հրապարակախոսը, - դեռ կա ի օքը՝ թյուրքիան, որի ներքին գործերին միջամտելով է, որ կարող է գլուխ գալ եռյակ համաձայնության որոշում»²: Իսկ մեկ անգամ չե՞ն, որ թուրքիային հաջողվել է օգտագործել մեծ տերությունների տարածայնությունները, նույնիսկ առաջացնել այդպիսիք և ջրից չոր դուրս գալ: Այդպես պատահեց Բեղյանի վեհաժողովի ժամանակ. Կիարոսը զիշելով Անգլիային՝

թուրքիան ապահովեց Հայաստանում հայերի նկատմամբ իր վայրենի քաղաքականությունը անփոփոխ պահելու իրավունքը: «Կիարոսի դաշնագիրը, - ամփոփում է Աղբալյանը, - արդեն նախորդչել էր հայոց հարցի լուծումը, դարձնելով այն թյուրք-անգլիական համաձայնության մի ներքին խնդիր»¹:

Աղբալյանը հայ հասարակական մտքի այն թևի ներկայացուցիչն է, որը ոուսական կողմնորոշում ուներ: Այդ կողմնորոշումը հենվում էր ոուսական զենքի հաջողությանը, մյուս տիրողների համեմատությամբ ոուսական քաղաքակրթության առավելություններին: «Ռուս զենքից հետո դանդաղ, բայց համառորեն մեր երկիրը մտավ և ոուսաց քաղաքակրթությունը՝ Կովկասի ժողովուրդներին հպատակ դարձնելով ոչ միայն «վասն ահի», այլև «վասն մտացն խոճի», կովկասցին պարզ աչքով տեսավ ոչ միայն ոուս զենքի հաջողությունն ու առավելությունը, այլև ոուս քաղաքակրթության բարիքները»²: Ռուսական «քաղաքակրթության բարիքները» տեսանելի էին դառնում մյուս հարևանների հետ համեմատության մեջ. կովկասցու «կողքին առաջավոր Ասիայի մի կողմն իրան էր, իր հանգած քաղաքակրթությամբ, մյուս կողմը թուրքիան, իր բարբարոս կարգերով. երկուսն էլ վատուժ, անկազմակերպ և այլամերժ»: Բայց միայն սա չէ Ռուսաստանի նկատմամբ հայերի բարյացակամ վերաբերմունքի պատճառը: Առավել կարևոր է այն, որ իր պատմական հայենիքում հայերի հարատելու ձգտումը համընկնում է «Ռուսաստանի քաղաքական շահերին», որոնք «ընթանում են ձեռք-ձեռքի՝ հավասարաշափ նպաստելով երկու կողմերին»: Հենց այս պատճառով էլ հայկական գավառներում նախատեսվող բարենորոգումների հաջողությունը,

¹Ն. Աղբալյան, Ամբողջական երկեր, հ. III, էջ 59:

²Նույն տեղում:

մյուս պետությունների համաձայնությամբ, արժե վստահել Ռուսաստանին:

Հայերի ճակատագրում Ռուսաստանի դերի ըմբռնումը զուգակցվում էր Արա ազգային, կրոնական հալածանքների և «պետական կազմակերպության» արտների բացահայտմանը: Վերիշելով այն հալածանքները, որոնց վերջին քանի տարում ենթարկվել է հայությունը, արտահայտելով իր շուրջը համախմբվածների ու համախոնների կարծիքը՝ «Հորիզոնը», պատվիրում էր չմոռանալ կարևորը՝ ռուսական կառավարությունը կարող է դեմ լինել հայության, բայց Ռուսաստանի պետական շահերը համընկնում են հայոց ազգային շահերին: «Մեր քաղաքացիական պարտականությունն է,- հանձնարարում է թերթը,- պայքարել ամեն մի կառավարության դեմ», չմոռանալով, որ «հայ ժողովրդի շահերը ըստ ինքյան վերցրած հակամարտության մեջ (չեն) գտնվում ուստաց պետական շահերի հետ»¹: Խոր համակրանք տածելով Ռուսաստանի, նովնարան խոր հակակրանք Անգլիայի հանդեպ, Աղբալյանը այնուամենայնիվ հարկադրված է խոստովանել, որ Անգլիայում «երկրի շահերն են դեկապատում դիվանագետներին», Ռուսաստանում՝ «դիվանագետներն են դեկապատում երկրի շահերը»²: «Պետական կազմակերպության» այս առավելությունն էլ Անգլիայի քաղաքականության հաջողությունների գլխավոր գրավականն է:

«Ռուսաստանը միակ պետությունն է, որ կարող է իր զորքերով անմիջապես ներս խուժել հայարենակ նահանգները»³, բայց սա որքան գերադասելի, նովնարան էլ անհնար տարբերակ է, որովհետև աշխարհակալական այս քաղաքականությունը չի կարող արժանանալ Արա

նովնիսկ այսօրվա համախորհներ Անգլիայի ու Ֆրանսիայի հավանությանը. «Թյուրքիայում այնքան եվրոպական շահեր են իրար բախվում»՝ վերին աստիճանի կնճոռոտ դարձնելով կացությունը: Կա նաև «Անրքին վտանգը»: Պատերազմը կարող է նոր խմորումների տեղիք տալ, «գուցե նոր հեղափոխության առիթ դառնա», մարգարեանում է հրապարակախոսը: Այս ամենը անհնար է դարձնում ռուսական գենքի օգնությունը հայերին: Մնում է միայն մեկ ելք՝ եվրոպական կամ ռուսական վերաբնակության ներքո «ինքնավար միության» ստեղծումը, թեկուզ «կիսանկախ»: Ռուս-անգլիական համերաշխությունը նման օրինակներ տվել է...

Ռուսաստանի քաղաքականության նկատմամբ համոզումքը մի փոքր երերաց պատերազմի շրջանում կամավորական շարժման առիթով: Այս առումով շատ բնորոշ է 1915-ին Փ. Վարդագարյանին գրած նամակը: «Զարմանում ես. հայերը տալիս են ամեն ապացուց, որ հարած են ռուս պետության շահերին, անձնվիրությամբ ծառայում են Արա գինական հաջողության, զոհաբերում են մարդ ու դրամ, աշխատանք և տեսնում են չարչացակամ վերաբերում: Իմ կարծիքով վարերն ուրիշ վերաբերում ունեն, վերերն՝ ուրիշ...»: Տե՛ս Բանքեր Հայաստանի արխիվների, 1989, N 2, «Նիկոլ Աղբալյանի նամակները Ֆիլիպ Վարդագարյանին» հրապարակումը:

Դեպքերը, սակայն, այլ ընթացք ստացան: Հանգամանքների բերումով ծնունդ առավ Հայաստանի Հանրապետությունը: Աղբալյանի խոստովանությամբ սա անակնկալ էր, ճիշտ է՝ երշամիկ անակնկալ: Հայերի պահանջը միշտ ավելի համեստ է եղել՝ Թուրքիայի ու Ռուսաստանի հովանավորությամբ Հայաստանի երկու հատվածներում այնպիսի մի ինքնավարություն, որը

¹ «Հորիզոն», 1912, N 252:

² Ն. Աղբալյան, Ամրողական երկեր, հ. III, էջ 205-206:

³ «Հորիզոն», 1912, N 15:

¹ Տե՛ս Բանքեր Հայաստանի արխիվների, 1989, N 2, «Նիկոլ Աղբալյանի նամակները Ֆիլիպ Վարդագարյանին»:

մարդավայել ապրելու պայմաններ ապահովեր: Հակառակ իրենց կամքի՝ «ինքնավար, բայց դաշնակցորեն Ռուսաստանին կապված հայարձնակ գավառների կուսակիցները դարձան Միացյալ և Անկախ Հայաստանի պաշտպանները» (Ն. Աղբալյան): Նոր իրադրությունը պայմանավորում է նոր վերաբերմունք Ռուսաստանի, այս դեպքում՝ հեղափոխական Ռուսաստանի նկատմամբ: Բացի այն, որ ինքնավար Հայաստանի գոյությունը ենթադրում էր իրավահավասարների հարաբերություն, հայ մտածող մարդկանց չէր կարող անհանգստություն չպատճել խորհրդա-թուրքական «սրտառուչ միությունը»: Հեղափոխական ծխածածկույթը չէր կարող մոլորեցնել Թուրքիայի պատմության լավատեղյակ ու թուրքերի հոգեբանությունը ճանաչող Աղբալյաններին: Նրանք կանխազգում էին, որ այդ միությունը տագնապալի սպառնալիք է Հայաստանի ինքնավար գոյության:

Այսօր հայտնի են այդ միության հետևանքները. քառատվեց Հայաստանը: Պատմական Հայաստանի բացարձակ մեծամասնությունը, առանց նրա բնակչության կամքն ու ցանկությունը հարցնելու, ինչպես և Բեռլինի վեհաժողովում առանց հայերին մասնակից անելու, հեղափոխության առաջնորդները «շոալորեն» նվիրեցին Թուրքիային, ներառյալ այն տարածությունները, որոնք մտնում էին Ռուսաստանի կազմի մեջ. հանուն Արևելքում հեղափոխության ծավալման: Կաշառք՝ հանուն հեղափոխության: Ահա թե գործնականում ուր էր գործվել... մարքսիզմը: Նախիջևանն ու Արցախը, Զավախը նույնպես, պոկեցին Հայաստանից...

Մի ամբողջ ժողովուրդ ու երկիր խաչ էր հանվում իրեն թե հանուն այլ երկրների ու ժողովուրդների սոցիալական ազատագրության: Մարքսիզմը սկզբնավորողներին ծանոթ էր նմանօրինակ հեղափոխության հնարավորությունը:

Հայ ժողովրդի ճակատագիրը դիտարկվում էր ազատ-դեմոկրատական Ռուսաստանի հետ բարեկամական հարաբերությունների համակարգում: Սոցիալ-դեմոկրատական համոգումները պայմանավորեցին ինքնակալության անկման ողջունումը: «Ռուսական հեղափոխություն... ուժանակի պես ցնցեց մարդկային թմրած ուղեղները»¹ հրավեր կարդալով «բռվանդակ աշխարհի աշխատավորությանը ոտքի ելնել» և բոլոր երկրներում պայքարել աշխատավորության թշնամի իմպերիալիզմի դեմ: Մեծ հույսեր էր կապում փետրվարյան հեղափոխության հաղթանակի հետ: Կծաղկի ժողովրդավարությունը, որ նշանակում է, թե ժողովրդի կամքի դրսերումը կպայմանավորի իշխանությունների գործունեությունը: Բայց դա ինքն իրեն չի ստացվի: Ժողովուրդն ինքը «անձամբ» պետք է հետամտի իր իրավունքների պաշտպանությանը, և այդուհետև «ոչ մի պաշտոնյա, որ չի վայելում համայնքի, գավառի, նահանգի և երկրի վստահությունը՝ տանուտերից մինչև մինհատը՝ չի կարող մնալ պաշտոնի գլխին»²: Բնականաբար պաշտպանում էր ժամանակավոր կառավարությունը: Նրա դեմ հանդես եկող ուժերի, մասնավորպես ոուս մեծամասնականների արածը հավասարազոր է դավաճանության: Վերջիններիս շարքերում միավորված են «գերմանական գաղտնի գործակալը իր արքանյակներով, հին կարգի կողմնակիցներն ու նոր կարգից հիասթափվածները, շփոթից անձնական ու անցողիկ շահ ակնկալողները և զանազան զառանցողներ ու նյարդասպառ մարդիկ, որ մեծ թվով հանդես են գալիս հեղաշրջումների ժամանակ, իբրև արդյունք գաղափարական շփոթի և անիշխանության»³: Հեղափոխություններին հաջորդող

¹ «Հորիզոն», 1917, N 112:

² «Հորիզոն», 1917, N 143:

³ «Հորիզոն», 1917, N 141:

այս շրջանը դժվար հաղթահարելի է, և հրապարակախոսը ցավով է արձանագրում ժամանակավոր կառավարության անկարողությունը՝ տիրել իրադրությանը ինչպես երկրի ներսում, այնպես էլ ուզմանակատում։ Նրան պատճառն էլ հայտնի է։ Ռուսաստանը մշտապես ղեկավարել են բյուրոկրատները, որոնց դեմ մշտապես հանդես են եկել «լուսամիտ ու բարեսիրտ մտավորականները»։ Մի կողմը ծնել էր Ստոլիպին, մյուսը՝ Տոլստոյ։ Մի կողմը որքան խստացել է դաժանությամբ, մյուսը՝ «թուլամորթացել» «բարեսրտությամբ» հորդորներ կարդալու մեջ։ Հեղափոխությունը փոխել է սրանց տեղերը, և իշխանության եկած մտավորականը ապարդյուն փորձեր է անում «Տոլստոյի մտավիճակով Ստոլիպինի գործ կատարել»։

Ուժեղ իշխանության բացակայությունը լուրջ սպառնալիք է առաջին հերթին Ռուսաստանի ապագային։ Այսուհետև՝ Ռուսաստանի մեջ մտնող ժողովուրդների, առաջին հերթին՝ հայության համար։ Թշնամական ուժերը, սրանց մեջ առջևում են մեծամասնականները՝ «անձնական պատվի զգացումից զորկ մարդիկ, փախուստի դիմելով ճակատից և զրաբանելով թիկունքում՝ անարժեք են դարձնում այն դերը, որ կարող է խաղալ մեծ և ազատ Ռուսաստանը իրավունքի և խաղաղության համար մղվող այս տիտանական պայքարում»¹։ Համանանան իրողություններ մեզանում էլ պետք է դրսնորվեին ճակատագրական նշանակություն ունենալով անկախություն ստացած Հայաստանի Հանրապետության գոյության համար։

Ռուսաստանի «ներքին խլրտում»-ներին ու «արտաքին անհաջողություններին» հետամուտ հրապարակախոսը մեծ տագնապով ընդունեց հոկտեմբերյան հեղափոխության լուրը։ Ռուսական երկու բոլորուադե-

մոկրատական հեղափոխությունները ողջունած, ընկերային գաղափարներով դաստիարակված Աղբալյանը չընդունեց սոցիալիզմ կառուցելու խստումով հանդես եկող մեծամասնականների գործողությունները։

Ողջունելով մայիսնեկյան տոնը՝ իբրև աշխատավորության «չքնաղ համերաշխության» և «հանուն գիտակցության» արտահայտություն, զուգահեռ է անցկացնում սոցիալիզմի ու քրիստոնեության միջև։ Երկու ուսմունքներն էլ ձգուում են մարդկությանը համախմբել և «դարձնել մի դաշնավոր եղբայրություն»։ Հակառակ քրիստոնեության, որը դիմում է «մարդու բարի և այլասեր մղումներին», որի պատճառով էլ հաջողության շիհասավ, ընկերվարությունը «հենվում է աշխատանքին և նրա շահերի պայծառ գիտակցությամ՝ ներդաշնակությունը որոնելով ոչ թե երկնքում, այլ իրական երկրի վրա, ուստի և պիտի հաջողի»։ Խորապես հավատում էր սոցիալական, կրոնական ու սեռային հակասություններից զերծ, աշխատանքի ու բարոյականության սկզբունքներին հենված հասարակության ստեղծման հնարավորությանը։ «Աշխարհը տուն ամենքին, աշխատանոց և հանգստավայր, ուր չկա զրկում ու կեղեքում, գոեհիկ անկումներ և մտքի ու նյարդի հանցավոր նրբացումներ, այլ հանրօգուտ միտք, առողջ զգացում և խաղաղություն տիեզերական»²։

Այս կապակցությամբ անհրաժեշտ ենք համարում անդրադառնալ մի խնդրի ևս։ Ծառ թե քիչ նշանակալից որևէ իրադրություն, որևէ գաղափար Աղբալյանը ընդունում էր իր ժողովրդի ճակատագրի տեսանկյունից՝ երբեմն էլ իր համարձակ միջամտությամբ շտկումներ մացնելով։ Սոցիալիզմը այնպես, ինչպես պատկերանում էր իրեն, միանգամայն ընդունելի էր։ Բայց, ահա, այդ ուսմունքը ժխտում էր հայրենիքի գաղափարը։ «Ընդ-

¹Հորիզոն, 1917, N 150:

²«Հորիզոն», 1917, N 78:
17-7

հանրական արդարության» ստեղծմանը խանգարում են հայրենիքները՝ ջլատելով «համաշխարհային աշխատավորության ուժերը»: «Հայրենիքներ պետք չէին լինի», եթե ազգային և պետական ուժերը կարողանային «արդարություն և խաղաղություն ապահովել աշխարհում»¹, իսկ քանի դեռ տիրում է անարդարությունը, պետական մեծ «միավորները» ձգտում են ոչնչացնել կամ իրենց ենթարկել փոքրերին, վերջիններս պետք է պայքարեն արևի տակ իրենց տեղն ունենալու համար, իրենց հայրենիքը փրկելու համար:

Հեղափոխություն, թե հայրենիք հարցադրման կապակցությամբ գրում է. «Ոմանք պահանջում են նախ հեղափոխություն, ապա՝ հայրենիք, որիշներն ասում են՝ նախ հայրենիք, ապա՝ հեղափոխություն: Մենք պնդում ենք՝ և հայրենիք և հեղափոխություն»²:

1917-ի սեպտեմբերին հանդես եկավ բոլոր կուսակցություններին ուղղված մի կոչով՝ համախմբվել և պաշտպանել «ոուսական հեղափոխությունը, որովհետև» հեղափոխության վերջնական հաղթանակով միայն լուծում կատանան ոչ միայն հանրապետական այրող հարցերը, այլև Ռուսաստանում ապրող բոլոր ժողովուրդների ազգային տեսչանքները»: Սրանով է բացատրվում կոչը՝ ուղղված բոլոր կուսակցություններին: Չէ՞ որ անցյալում էլ եղել են «բացառիկ կարևորություն ներկայացնող պատմական մոնենտներ», որոնք քաղաքական կուսակցություններին մոռացնել են տվել տարածայնություններն ու հակամարտությունները՝ հարկադրելով հանդես գալ «բոլորի համար նվիրական դրոշակի տակ»³:

Նման վերաբերմունքը պայմանավորում է հասարակական-քաղաքական մյուս խնդիրների մեկնարանու-

մը, կառավարությանը համակիր ու հակակիր կուսակցությունների գործունեության գնահատումը:

Միանգամայն ուրվագծվում է Ժմատական վերաբերմունքը «ոուսական մարքսիզմի» հանդեպ: «Մարքսիզմը, որ հավակնություն ուներ Ռուսաստանի տիրող կուսակցությունը լինելու, արագորեն թողնում է իր դիրքերը՝ անույժ դիմադրելու հեղափոխական սոցիալիզմի գրոհին: Նրան հայտնի է այն պատճառը ևս. «Անսպառ պոռտախոսության և նեղմիտ դոգմատիզմով վարակված ուսական մարքսիզմը չէր կարող համակրանքը վայելել աշխատավորական լայն զանգվածների, որոնք բարձրաթուիչը խոսքերից ավելի գնահատում են կենդանի և շիտակ գործը»⁴: Հակակրանքի պատճառներից էին նաև պատերազմում կառավարության պարտության քարոզները, թուրքերի հետ «սեպարատ» հաշտության պահանջը...

«Սոցիալիստ ոուս մեծամասնականները» գործում են «հօգուտ գերման զենքի հաջողության»՝ «Լենինի և ընկ. դեկավարությամբ», «աշխատում են» մեծ Ռուսաստանի կազմալուծման վրա»⁵: Ռամկավարական իշխանություններ ունեցող դաշնակից պետությունների հետ միասին Գերմանիայի և Թուրքիայի դեմ ռամկավարացած Ռուսաստանի պատերազմը ընկալում էր իբրև երկու քաղաքակրթությունների անզիջում պայքար. այն պետք է շարունակել մինչև ռամկավարությունը իշխի աշխարհում, այլապես կհաղթանակեն «գերմանական կարգերը և թուրքական մարդասապանությունը»: Չի կարելի թույլ տալ, որ «ազգերը ստրկանան գերմանական բոռնցքին և չքանան թուրքի սրից»: Մյուս կողմի հաղթանակի դեպքում բոլորի համար կստեղծվի «համերաշխ ու խաղաղ հառաջադիմության հնարավորություն»: Բոլո-

¹ «Հորիզոն», 1917, N 50:

² «Հորիզոն», 1917, N 156:

³ «Հորիզոն», 1917 N 196:

¹ «Հորիզոն», 1917, N 164:

² «Հորիզոն», 1917, N 144:

ոի մեջ տեսնելով նաև հայերի փրկության հեռանկարը՝ խստորեն մերժում էր ոռու մեծամասնականների տեսակետներն ու գործունեությունը, որոնց արդյունքում «սովորանների երկիրը համադապում է Վաշինգտոնների երկրին և երկուսի պատերազմը հայտարարվում է «բոլորուական», «իմպերիալիստական», առանց հաշվի առնելու, թե մենի «իմպերիալիզմը» ջնջում է ազգեր և քաղաքակրթություններ, մյուսինը պաշտպանում ազգերի իրավունքները»¹: «Վաշինգտոնների երկիրը» նրա համար «ազատ և աննախապաշար մեծ աշխարհ» էր:

Դեռևս Հոկտեմբերի նախօրյակին քննելով պատերազմի ու հեղափոխության խնդիրները՝ շատ որոշակիությամբ է դրանորում իր տեսակետը. «Եթե Ռուսատանը խառնվի՝ շատ ծանր կլինի մեր վիճակը թե Կովասում և թե Թյուրքիայում. դրա համար պետք է պատրաստ լինեաք,- 1915-ի հունիսին է գրում,- մեր ապահովությունը Կովկասում պարտական ենք ոռու բանակին և ոռու պետության, եթե ներքին խոռվությանց հետևանքով պետության <հմայքն> այստեղ նվազի, ինչպես 1905 թ., այն ժամանակ մեր հարևանները կբարձրանան մեզ վրա ամեն կողմից՝ Միջագետքից մինչև Կովկասյան շղթան և Բաթումից մինչև Ուրմիա: Անջուշտ Ռուսատանը վերջը կճզմե ամենքին իր գարշապարի տակ, բայց շատ ենք վախենում, որ մենք այդ շփոթից դուրս գանք բոլորովին ուժասպառ և քաղաքականապես անարժեք»²: Իրատես հրապարակախոսի գուշակությունը, դժբախտաբար, իրականացավ: Կյանքի խոր ճանաչողությունը, ընկերային ուսունքներին լավատեղյակությունը հնարավոր դարձրին պատմական մի ուրիշ իրողության կոահումը ևս: «Եթե, տերը մի արասցե, հեղափոխություն պայթի մեր երկրում,- նույն նամակում գրում է Աղբալյանը,-

¹ «Հորիզոն», 1917, N 150:

² Բանքեր Հայաստանի արխիվների, 1989, N 2, էջ 90:

սկզբում կնեղվի գերմանացիներից, բայց քիչ հետո այնպիսի թոփչք կառնի, որ կողողեն եվրոպան և փոքր Ասիան. ճիշտ Ֆրանսիական հեղափոխությունը, որի՝ զավակն էր Նապոլեոնը, թագերի և թագավորությանց խորտակողն ու բաշխողը: Նույն թափը կունենա և ոռուաց ընդվզումը, որովհետև մի ժողովուրդ, ինչպես Ռուսներն են, երբ ցանկացավ և վճռեց հաղթել կիալյեն անպատճառ՝ ինչ գնով էլ լինի»: Ժողովրդի այս անընկենալի կամքը այն լավատեսության հիմքն էր, որով նա նայում էր հայոց դատի վաղվա օրվան: Աղբալյանի կանխագուշակումները իրականացան: Ռուսաստանի «վարիչները իմաստություն» չունեցան «ժողովրդի հետ գնալու», և նրան մղեցին... հեղափոխության: Անվերապահ վերաբերմունքը չեղ խանգարում տեսնելու նրա «պետական կազմակերպության» արատները: Մի առիթով բողոքել է, թե «դիսցիպլինայի պակասը», որ այնպես նկատվում է, խանգարում է «վերնի» որոշումները մինչև «ներքել» հասցել: «... Մեզանում կարծում են,- մի այլ տեղ գրում է նաև,- թե պաշտոնեությունն ավելի լավ գիտե, թե ինչ է պետք երկրին, ուստի ազգաբնակչության ձայնը խեղոված է և նկատի չի առնվում»³: Խորապես ըմբռնելով այն տարբերությունը, որ կա միապետական Ռուսաստանի և պաղամենտական Անգլիայի միջև (Վերջինիս հաջողությունները միջազգային կյանքում նույնպես նրա պետական կառուցվածքով էր բացատրում), այնուամենայնիվ համակրանքը Ռուսաստանի նկատմամբ միշտ ուղեկցվել է Անգլիայի հանդեպ տաճած հակակրանքով: Գաղտնիքը պարզ է. Վերջին տասնամյակներում Անգլիան միշտ խոչընդոտել էր Ռուսաստանի ազդեցության տարածմանը հարավ-արևելքում:

Ռուսաստանում իշխանության փոփոխությունը արմատապես փոխեց իրադրությունը Անդրկովկասում. ոու-

³ Ն. Աղբալյան, Ամրողական երկեր, հ. III, էջ 206:

սական բանակը թողեց երկրամասը: Ռուսաստանի հովանու տակ ինքնավար Հայաստանի տեսակետը սպառեց իրեն: Նոր իրադրությունը պայմանավորում է նոր վերաբերմունք Ռուսաստանի, թեկուզ և հեղափոխական Ռուսաստանի նկատմամբ: Դեռևս բալկանյան պատերազմի առիթով գրել էր. «Եվ քաշվում է Թյուրքերի իշխանությունն այդ երկրից (Բալկաններից.- Գ. Ա.) առանց որևէ հետք թողնելու, որ խոսեր մարդկային հանճարի, հնարամտության, արվեստի, իրավունքի, բարության և իմաստության մասին: Թյուրքիայի իշխանությունը հիմնաված էր միմիայն զենքի բիրտ ուժի վրա. նա չուներ ոչ մի բարոյական հեղինակություն և չէր կարող ունենալ, որովհետև դարեր շարունակ նա սարսափը համարեց միայն շաղախը պետականության»¹: «Զենքի բիրտ ուժի վրա» հենվող այս անբարոյական կառավարությունը իր ոչ հոգեւոր գոյությունը ավելի վատթար կերպով դրսեռում էր Արևմտյան Հայաստանում: Ուրեմն՝ Աղբայլանն ինչու պիտի բաժաներ գրքային հեղափոխականների ոգևորությունն այն բանի վերաբերյալ, իբրև թե այս կառավարությունը միշնորդ ու հենարան պիտի դառնար արևելյան ժողովուրդների՝ մինչև այդ չտեսնված հոգեւոր մի զարթոնքի համար: «Ընկերային գրականություններին» լավատեղյակ, ազգերի ինքնորոշման իրավունքը իբրև գործելակերպ ընդունած հրապարակախոսը ինքնուրույն մի հանրապետության դեմ թեկուզն հեղափոխական պետության միջամտությունը ի՞նչպես պետք է ընդուներ... իրավունք չունե՞ր ասելու. «Հարգում եմ Ռուսաստանը, եթե չի անցնում Կովկասը»:

Իրականացավ հեռատես հրապարակախոսի մի կանխագագում ևս. մեծամասնականների գործունեությունը «սպառնում է երկրի մոտիկ ապագան թաղել

ազգամիջյան և քաղաքացիական ընդհանրումների շեղշակույտի տակ»²:

Ռուսաստանում ուամկավարության հաղթանակը նոր հեռանկարներ է բացում ոչ միայն Կովկասի, այլև ամբողջ աշխարհի համար (ակամա հիշում ես Թուրմանյանի հայտնի ձևակերպումը՝ Ռուսաստանը որքան ազատ, այնքան լավ թե՝ մեզ համար, թե՝ աշխարհի): Ռուսական բանակը, որ «չափել է Եվրոպայի երեսը» իբրև «ազատության դարիճ», այժմ կարող է հանդես գալ իբրև «Վիրկիչ»: Պատերազմը, որի մի կողմում հետամնացության ու բռնությունների մեծ վարպետ Թյուրքիան էր, Աղբայլանին ներկայանում էր իբրև ազատության «արշավանք»: Ահա թե ինչու անհանգուտությամբ էր ընդունում «անջատ» հաշտության շուրջ խոսակցությունները: Դա անընդունելի է հենց Ռուսաստանի շահերի տեսանկյունից. այս դեպքում Ռուսաստանին սպառնում է Գերմանիայի գաղութը կամ այսօրվա դաշնակիցների թշնամին դառնալու վտանգը: Նրան ամենից շատ մտահոգում էր, իհարկե, իր ժողովրդի հեռանկարը: Անիմաստ խոսակցություն է համարում «անջատ» համաձայնագիրը, «մանր ազգերի» ինքնորոշման հեռանկարի մասին դատողությունները, որովհետև իրականում դա կլինի «նրանց ազատության և իրավանց ամենագոենիկ ուժնահարում»²: Պատերազմը, ճիշտ է, ողբերգություն է, բայց այն պետք է շարունակել, այլապես զորքերի մեջ պատերազմի դեմ քարոզը շարունակելու դեպքում գերմանացիները կվերցնեն Պետրոգրադը, «թյուրք և քյուրդ հյուր կգան Թիֆլիս մեր այստեղի ուազմատյացներին»....:

Կարմիր Ռուսաստանի Ակատմամբ Աղբայլանի Վերաբերմունքը խտացնում էր առաջին հանրապետության քաղաքականությունը: Այսօր, իհարկե, դժվար է մեղադ-

¹«Հորիզոն», 1917, N 141:

²«Հորիզոն», 1917, N 128:

րել պետական այրերին, ովքեր չեին ուզում հավատալ խորհրդային իշխանության տևականության, չե՞ որ ժամանակին շատերը չեին հավատում դրան: Այնուամենայնիվ դասը ուսանելի է. գգտել Ռուսաստանի հետ բարիդրացիական հարաբերությունների՝ անկախ նրա գոյսնից...

Հանգամանքների բերումով արտասահման տեղափոխված հրապարակախոսը ուշի-ուշով հետևում էր Հայաստանում կատարվող իրադարձություններին, ուրախանում տնտեսական ու մշակութային հաջողություններով, տագնապում քաղաքական հալածանքների, շդադարող բռնությունների, կոպիտ կամայականությունների համար: «Ամեն լավ բան, որ կատարվում է ինքնավար Հայաստանի մեջ, խանդավառում էր նրան. ոչ թե իրավակարգի, այլ Հայաստանի վերելքն էր տեսնում այդ ամենի մեջ», - զինակիցներից մեկի մասին գրած այս տողերը ինքնաբնորոշում են նաև: «Ոչ թե իրավակարգի...» իրավակարգը, «ստալինյան սոցիալիզմը» չէր տեղափորկում իր ուսումնասիրած սոցիալ-դեմոկրատական ուսմունքի շրջանակներում: Այս իմաստով շատ բնորոշ է «Պատգամ» հոդվածը, որ, իսկապես, պատգամախոսի կոհիում է:

Ընդորինակելի մի քաջությամբ դեմ գնալով նրանց, ովքեր սոցիալիզմը չարիք էին համարում հայ ժողովրդի համար, գրում է. «Ոչ ոք կարող է առաջուց ասել, թե համայնավար գաղափարների և կենսածնի յուրացումը ինքնին մահացում ու չարիք է հայ կյանքի համար: Հավանորեն այդպես էին մտածում հեթանոս հայերը, երբ Տրդատը բռնությամբ միրճում էր հազարներ Եփրատի ջրերի մեջ մկրտելու: Բայց գիտենք, թե նոր կյանքի յուրացումով նոր ազգայնության հիմքերը դրվեցան, որ մեզ պահեցին անկորուստ մինչև այսօր»¹: Համայնավար

¹ «Նաիրի», Բեյրութ, 1963:

գաղափարների ու կենսածնի այսպիսի ըմբռնումը, նման գնահատականը, պատմական խիզախ զուգահեռ բացահայտում են հրապարակախոսի մտքի թոփշը ու մտածողության լայնությունը: Հայ ժողովուրդը միշտ էլ ընդառաջ է գնացել դարի առաջադիմական ոգուն, հաճախ առաջինն է նետվել փրկության հորիզոն խոստացող փոթորիկների մեջ: Հոգ չե, որ հաճախ էլ առաջինն է կոտրել իր թևերը փոթորիկներում. չե՞ որ դա փրկարար է եղել ուրիշների, երբեմն էլ՝ իր համար: Մեր կենսունակության ու հարատևության գաղտնիքներից է սա, և Աղրայյանը սթափ մտքով հիշեցնում է հազարամյա դասը: «Նոր հորիզոններ բացվում են մարդկության առջև: Պետք է, որ հայը անմաս չմնա այս անչափելի հորիզոնների առթած թոփշներից, և հնադարյան հոգին մակարդե նոր ժամանակների շիճուկով»: Նոր ժամանակների թոփշներից մեկը, թերևս մեծագույնը, «համայնավար գաղափարն» էր: Այս կրթված, Եվրոպայի հետ անընհիատ շփումների մեջ գտնվող մարդը չէր կարող չիմանալ, որ առաջադեմ մարդկությունը ծերացող աշխարհի վերածնունդը կապում էր, ճիշտ է՝ թաքուն ու չթաքցված ներքին տագնապներով, սոցիալիզմի հաղթանակի հետ: Նա չէր կարող չիմանալ նաև, որ դարասկըին հայ մտավորականության մեծ թվով ներկայացուցիչներ իրենց ժողովրդի փրկության հեռանկարը դիտարկում էին համայնավարական գաղափարների լուսի ներքը: Ինքը խորապես համոզված էր, որ հայերը «ընկերավար գաղափարները» նովնես կդարձնեն գոյցության ու հարատևության պայման, ինչպես արել են քրիստոնեության հետ: Բայց ցավով տեսնում էր, որ մեր երկրում կատարվող հեռու է սոցիալիզմից, որ համայնավար գաղափարների շահատակությունը յուրատեսակ ծխածածկույթ է բռնապետական իրավակարգը քողարկելու համար: Ուստի տագնապով արձանագրում էր. «Հայոց ազգը կմարսի և կազմայնացնե նաև նոր ժամա-

նակի ոգին ու գաղափարները, ինչպես երբեմնի քրիստոնեությունը, կմասի եթե կենդանի մնա: Կտրված գլուխները չեն ստեղծագործում. Դեր-Զորն օրինակ...»:

1937-ին է գրել այս հոդվածը: Հայտնի է՝ հետագա տարիները չփոխեցին իրավիճակը: Սպիտակ ու կարմիր ջարդերը գիրկընդիւառն ուղեկցում են մեր ժողովրդին՝ դժբախտաբար հաստատելով նրա մի ուրիշ տարածությունը. «Ասում են հայր շատ բախտավոր է ոռուսի թեկի տակ... Ուրիշներ ասում են, թե հայերը մեծ բախտի տիրացան քաշվելով արտասահման, ուր ազատ են ջարդի վտանգից...»¹: «Ոռուսի թեր», փոքրիկ ճշտում մտցնենք՝ ստալինյան սոցիալիզմի թեր ոչ միայն չփրկեց նոր ջարդերից, այլև հովանավորեց 20-րդ դարավերջի մեծագույն ամոթը՝ սումգայիթն ու բաքուն: Ուրեմն՝ ի՞նչ, իսկապե՞ս բախտավորություն է «արտասահման քաշվելը»: Հզոր Սփյուռքը այսօր նույնքան անհրաժեշտ է մեզ, որքան և ազատ ու հզոր Հայրենիքը մեզ ու Սփյուռքին: Աղքալյանն ինքը այն համոզմանն էր, որ ամուր կառչած պետք է մնալ Հայրենիքին, աննահանջ մաքառել նրա անկախության համար, որ Սփյուռքի գոյության հենարանը Հայրենիքն է, ուր, ի վերջո, պետք է համախմբվի աշխարհով մեկ սփոված հայությունը:

Ահա թե ինչու նրա հոդվածներից, ելույթներից, ճառերից անքաժան է բռնապետական կապանքներում տառապող Հայրենիքի ու ժողովրդի ցավը: Մինչեւ որքան բան կարող էր տալ «ազատ, խաղաղ և ապահով Հայաստանը»: 1925 թվի ելույթներից մեկում, ավելի ստույգ՝ նոր տարվա առիթով ունեցած ելույթում, ուր առաջ է քաշում արտասահմանի հայությունը հայ պահելու նպատակով «կրթական գործ», «վարժապետանոց» և «հրատարակչություն» կազմակերպելու ծրագիր, խոսքն ամփոփում է այսպես. «Մենք մեկ ցանկությամբ

ալ կրավականանայինք - ազատ, խաղաղ և ապահով Հայաստանով մը, այն ատեն ամեն ինչ կիրագործվեր»²:

Բայց, ավաղ, հեռավոր հույս անգամ չկար նման մի Հայաստանի գոյության համար, որն այնպես սատար կարող էր լինել օգնության կարոտ սփյուռքահայությանը:

Աղքալյանի սթափ միտքը հեռավոր հույս անգամ չէր կապում հայերի վիճակի բարեկաման ուղղությամբ թուրքական կառավարության ձեռնարկումների հետ: Հայոց պատմության դասերը շատ էին... «Թյուրքիայի նորագույն պատմությունը պարզ ցույց է տալիս, որ ամեն անգամ, երբ երկիրը վտանգի մեջ է եղել՝ օտար միջամտությունը կանխելու համար հրատարակել է որևէ թուղթ, բարենորոգմանց ծրագիր, ընտրել է քննիչ հանձնաժողովներ և դրանով հանգստացրել մասամբ լուսավոր մարդկության զայրույթը: Այդպես է և այժմ»³: Եվրոպական պետությունների միջամտությունը կանխելու համար թյուրքիան հայերի վիճակը լավացնելու խոստումներ է տալիս՝ իրականում վարելով մի քաղաքականություն, որի նպատակը Հայաստանը հայերից ազատելն է: «Արդեն ապացուցված և հայտնի ճշմարտություն է, որ հայկական ջարդերի և հալածանքի կազմակերպողն ու վերին դեկապարը թուրք կառավարությունն է»³: Անշուշտ, իրավացի էր հրապարակախոսը. 1878 թ. Սան-Ստեֆանոյի դաշնագրում հայկական հարցի արձանագրումը, թեկուզ և 16-րդի փոխարեն «դեմքը շրջած» 61-րդ հոդվածի ձևով, մի քայլ առաջ էր մղում խնդիրը՝ հանելով այն միջազգային ասպարեզ, որոշակի պարտականությունները դմելով քաղաքակիրթ մեծ պետությունների վրա: Թյուրքիան 61-րդ հոդվածից ազատվելու երկու ճա-

¹Ն. Աղքալյան, Ամրողչական երկեր հ. III, էջ 360:

²Նույն տեղում, էջ 29:

³Նույն տեղում, էջ 120:

նապարի ուներ՝ կա՞մ «լի ու լի» բավարարել նրա պահանջները, դրանով իսկ մեծ տերություններին զրկելով իր գործերին միշամտելու հնարավորությունից, կա՞մ պատվել քրիստոնյա ժողովուրդներից: «Թյուրքիան ընտրեց երկրորդ ճանապարհը և Սովորան-Համիդ 2-ի երկարատև թագավորության ընթացքում ամեն կերպ հետամուտ եղավ քրիստոնյա տարրի բնաջնջման... Մակենդահայում և Հայաստանում»¹: Նոր թուրքերը թեև ճախկին «շնական» ձևով բացահայտ հակահայկական քաղաքականություն չեն վարում, բայցնայնպես չեն ել մտահոգվում «հայ տարրի բարեկեցությամբ»...

1915 թվականի մասին քիչ է գրել, զարմանալիորեն քիչ: Զքաղված էր կամավորական գործի կազմակերպմա՞մբ, թե կատարվածի անսպասելիությունը իր ծանր հետևանքներով հուսահատության էր հասցրել: Եվ մեկը, և՛ մյուսը:

Բայց թույլ չտվեց, որ հուսահատությունը նվաճի իրեն, լավ էր հասկանում հասարակության համար դրա հետևանքները, և այն մի քանի ելույթները, որ ունեցավ, ուղղված էին հենց համանման ընկճող տրամադրությունների դեմ: «Սրտապնդում անցյալից», - այսպես է վերնագրված հոդվածներից մեկը, որը պատմական զուգահեռները կոչված են ժամանակակիցներին համոզելու, որ պատմական խաչմերուկներում մեզ ուղեկցող համանման աղետները միշտ հաղթահարած ժողովուրդը չի ընկճի նաև այժմ: Աղբալյան հրապարակախոսը աշխատում է հիմնավորել իր լավատեսությունը. աշխարհը պատվելու է «Վերջապես զարիւրելի մղձավանջից», մոտենում է Թուրքիայի վերջը, հարկավոր է միայն, որ «հոշոտված և արյունվա» ժողովուրդը չկորցնի դարերից ժառանգած «անսահման փորձառությունը, համբերատար տոկունությունը և պայծառ հնարավորություննե-

ը»¹: «Թուրք ու թաթար ցեղերի նահանջի» շրջանում վիատվելը «ամոթ կիհներ»...

Խորհրդահայ պատմագրությունը ժխտական վերաբերմունք է դրսնորել եվրոպական պետությունների հետ հովսեր կապելու միտումի հանդեպ՝ հարցի լուծման միակ ուղին տեսնելով բանվորական շարժման հաղթանակի մեջ: Այսօր հայտնի են այդ ուղու աղետաբեր հետևանքները... Ո՞րն էր քրիստոնյա մեծ տերություններին դիմելու անհրաժեշտությունը:

Պատմության տրամաբանությունը բերում է այն համոզման, որ թուրքական կառավարությունը կամովին ոչ մի բարենորոգում չի կատարի: «Ցեղագրական ամբողջությամբ», «միապաղադ թյուրք ազգաբնակությամբ» Թուրքիա ունենալու հետանկարից բացի մի ուրիշ հանգամանք ևս, որը անհնարին է դարձնելու քրիստոնյա բնակչության համար մարդավայել կյանքի պայմանների ատեղծումը: Տնտեսական կյանքում, լուսավորության ու մշակույթի ոլորտում հայերը գերազանցում են թուրքերին: Թուրքական կառավարությունը լուսավորության գործի համար հայերից հարկ է գանձում՝ ծախսելով այն թուրքական դպրոցների համար: Հայերը հարկադրված են իրենց միջոցներով պահել ազգային դպրոցները: Ավելացրեք սրան նաև այն արգելքները, որ կառավարությունը անընդհատ հարուցում է հայոց դպրոցական գործի առաջ: Եվ, այնուամենայնիվ, հայերը երեք անգամ ավելի դպրոց ունեն, քան թուրքերը: «...Թուրք հայրենասերը նկատում է,- ընդհանրացնում է Աղբալյանը,- որ անհավատ «գյավուր» հայերը ամեն տեղ գերազանցում են թուրքին: Տնտեսության մեջ նա գերակշռում էր իր հարատությամբ ու ձեռնարկներով, ուսման մեջ նա գերակշռում է իր դպրոցներով և ընդ-

¹«Հորիզոն», 1912, N 228:

¹«Հորիզոն», 1917, N 39:

հանուր կրթությամբ, երկրագործության մեջ՝ իր դարավոր փորձառությամբ, արհեստների մեջ՝ իր շնորհքով, առևտորի մեջ՝ իր ճարպկությամբ և այլն: Վերջերս նա ականատես եղավ հայ զինվորական ընդունակություններին, իսկ հայի վարչական կարողությունը վաղուց էր ծանոթ թուրքերին:

Եվ հայը այս աստիճան գերազանց դիրքեր ունի այն ժամանակ, երբ զրկված է հավասար իրավունքներից, երբ հալածված է և հարստահարված¹: Իսկ ինչպես կծաղկեն հայերի ընդունակությունները, նրա գերազանցությունը հնաց աստիճանի կհասնի, եթե «ճշմարիտ նովակություն հաստատվի Թուրքիայում»: Միանգամայն հասկանալի է, որ «թուրք հայրենասերը» երբեք իրավահավասարություն չի տա իր երկրի ժողովուրդներին: Ավելի՞ «հնքնապաշտպանության բնազդը» նրան թելադրելու է անընդհատ հալածել հայ տարրը, կոտորել և դուրս մղել իր հայրենիքից, բռնի ուժով ասպարեզից հեռացնել իր ախոյանին:

Քրիստոնյաների նկատմամբ քաղաքական, տնտեսական ու մշակութային հալածանքի պատմությունը վկայությունն է այն բանի, որ կառավարությունը միշտ խուսափելու է վերանորոգումներ կատարելուց: Հայերը քաղաքական ու ռազմական ուժ չեն ներկայացնում և չեն կարող շատ թե քիչ ազդեցություն ունենալ «միջազգային քաղաքական կրկեսում»: Մնում է մի բան՝ ապավիճել լուսավորված, հավատակից մեծ պետությունների օգնությանը և անել ամեն ինչ՝ այդ օգնությունը անհրաժեշտություն դարձնելու համար:

Այսպես է ծնվում համոզմունքը՝ Թուրքիայում քրիստոնյաներին պարտադրված անմարդկային պայմաններին «միմիայն օտարները կարող են վերջ դնել»: Հայ-

կական հարցը երբեք անկախ ու ինքնուրույն հարց չի եղել:

Մեկընդհիշտ պետք է հասկանալ, որ այն ընդամենը մի առիթ է «այս կամ այն պետության կամ պետությանց խմբի ձեռքին Թյուրքիայում առաջ վարելու իրենց շահերը», ուրեմն՝ այդ հարցի լուծումը «կախված է մրցորդ պետությանց մաքառման հետևանքներից»²:

Աղբայլանը պատրանքներ չուներ «թուրքական դեմոկրատիայի» հանդեպ, թերահավատությամբ էր վերաբերում երիտթուրքերի հետ համագործակցելու իր կուսակցության փորձերին: «Թուրքերի լավերը «երիտասարդ» կոչվածներ են», բայց հայերի նկատմամբ նրանց քաղաքականությունը ոչնչով չի տարբերվում հների քաղաքականությունից: Պատերազմի նախօրյակին միջազգային իրադրությունը նպաստավոր էր հայերի համար: Մեծ տերությունները լուրջ տարածայնություններ չունեին Ռուսաստանի հետ, նովնիսկ Ռուսաստանի մշտական Ռուսաստանի համար Անգլիան համախոհների շարքում էր: Ստեղծվել էր մի իրավիճակ, երբ բոլորն ել շահագրգուված էին ոչ այնքան Թուրքիայի պահպանումով, որքան այդ երկրում սեփական «դրամագլուխների» փրկությամբ: Միջազգային հասարակական կարծիքը լրջորեն քննարկում էր երկու տարբերակ. «Եվրոպան կամ պետք է անդամահատե Թուրքիան՝ ամեն պարտատերի մի մասը տալով, կամ պետք է հաստատե մի հսկողություն նրա ներքին կարգերի վրա»²: Այս պայմաններում հայ հրապարակակարգերի վրա: Այս պայմաններում հայ հրապարակակարգերի վրա՝ Այս պայմաններում հայ հրապարակակարգերի վրա:

1. Մեծ տերությունները մասնատում են Թուրքիան ըստ ներդրած «դրամագլուխների»: Բնականաբար «հայկական բարձրավանդակը կանցնի ոռւսներին»:

¹ «Հորիզոն», 1913, N 15:

² «Հորիզոն», 1912, N 259:

2. Թուրքիայի վրա հաստատվում է միջազգային հսկողություն. հնարավոր է ենթադրել, որ հայկական նահանգներում բարենորդումների հսկողությունը կհանձնարարվի Ռուսաստանին:

3. Հայերին տրվում է «ինքնօրինություն», կրկին Ռուսաստանի հովանավորության ներքո:

Պատերազմի ընթացքը հաստատում էր, որ, իսկապես, Թուրքիայի «ժամը հնչել է արդեն»: Ոչ առանց մեծ տերությունների գաղտնի խրախուսի ու օժանդակության Բալկանի ժողովուրդները մեկը մյուսին հաջորդող հաղթանակներ են տանում թուրքերի դեմ: Աղբայլանի համար սա նաև քաղաքակրթության հայթանակն է, որը հովանավորում է հայերի համար ևս:

Այս իրավիճակն ու հնարավոր ընթացքն էլ թելադրում են որոշակի գործելակերպ: Հարկավոր է «ազգային դիմում ուղել Ռուսաց պետության՝ սպասվելիք խորհրդակցություններում հայոց խնդիրը արձարձելու խնդրանքով: Ամենայն Հայոց Կաթողիկոսը նման մի խնդրանքով արդեն դիմել էր ռուսաց կայսեր: Համազգային դիմումը կհամոզի ռուսաց կառավարությանը, շարունակում է Աղբայլանը, որ «Ամենայն Հայոց Կաթողիկոսի դիմումը ոչ միայն հայրապետական զգացումի հետևանք է, այլև արտահայտում է ռուսահայ բովանդակ ժողովրդի սրտագին ցանկությունը»¹: Մրագրում չէր անտեսվում «Բեղլինի դաշնագիրը ստորագրող մյուս մեծ պետությունների» դերը. հաշվի առնելով հնարավոր հակամարտությունները՝ մի դիմում էլ նրանց պետք է հղել («թուլտվություն առնելով մեր կառավարությունից») Ռուսաստանին աջակցելու խնդրանքով:

Աղբայլանին թվում էր, թե այս ուշալ սպառնալիքը կհարկադրի թուրքական կառավարությանը ձեռնարկել այնպիսի քայլեր, որոնք կանխեն եվրոպական միջամ-

տությունը նրա ներքին գործերին ասիական հատվածում: Դրա համար հարկավոր կլինի վերակառուցել «անկարգ ու անիրավ» վարչակարգը, «ախտավոր» մի վարչակարգ, որ ծանրանում է ոչ միայն քրիստոնյաների, այլև մյուս ժողովուրդների վրա ևս: Այս ժողովուրդների հետամնացության վրա է բարձրանում Թուրքիայի ամբողջականությունը: Եթե նրանք ինքնագիտակցության գան, Թուրքիան իր դեմ կունենա «դժգոհների մի նոր բանակ», «ըմբոստների», «հեղափոխականների», «ապստամբների» նոր բազմություններ»: Այս տեսամկյունից էլ քննում է արաբների շարժումը Սիրիայում և հաջողություն գուշակում. չէ՞ որ նրանց հարևանությամբ քուրդ հրոսակներ չեն ապրում, Բեյրութի դեմ կանգնած են ֆրանսիական նավերը, որոնց «ուղարկող կառավարությունը վաղեմի պաշտպանն ու հովանավորն է այդ վայրերում ապրող ժողովուրդների»: Ուշագրավ է նաև քրդերի նկատմամբ վերաբերմունքը: Միանգամայն հասկանալի է այն սևոուն հետաքրքրությունը, որ դրսնորել է այս հարևան ժողովրդի նկատմամբ: Շարունակելով իր հախորդների ավանդույթը՝ բազմաթիվ հոդվածներում բացահայտել է քրդերի ձեռքով կառավարության հայահալած քաղաքականությունը: «Անընդունակ լինելով ամեն ինչ նորից սկսելու նաև (քուրդը. - Գ. Ա.) հստում է հայերի մշակած հողերի վրա, մտնում է նրա պատրաստի տունը, խլում է նրա դրամն ու կենդանիները»...²: Տագնապով արձանագրում է, որ պատմական Հայաստանը աստիճանաբար դառնում է Քյուրդստան: Համոզված լինելով, որ կառավարության կողմից հրահրվող ու հովանավորվող թշնամանքը տևական լինել չի կարող և որ «բարեկարգ վարչության տակ քուրդ ու հայ դրությամբ կարող են համերաշխ ապրել»²,

¹ «Հորիզոն», 1912, N 261:

² «Հորիզոն», 1913, N 118:

ուշադրությամբ արձագանքում է քրդերի շրջանում տեղի ունեցող իրադարձություններին: «Քրդերն ու հայերը» առաջնորդողում հենվելով ուսւ լրագրողի փաստերին՝ մանրակրկիտ քննության է ենթարկում Բալկանյան պատերազմի հետևանքով ծնունդ առած քրդական խմորումները, շարժի ուժերը, հայ-քրդական, քորդ-թօքական հարաբերությունները: Հայերի այս վաղեմի հարևան ախոյանները ևս առաջադրում են ինքնավարության պահանջ: Թուրքական կառավարության լծի տակ հեծող բոլոր ժողովորդների համար, անկախ կրոնական ու ազգային պատկանելությունից, ինքնավարություն պահանջող Աղբայլանը գգուշանում է. հ՞նչ ուղղվածություն ունի քրդական շարժումը, հայկական պահանջներին համբարա՞ց է, թե՞ դեմքնաթաց: Եթե քրդերը նպատակ ունեն օրինականության ուժ հաղորդել գրաված հայկական հողերում իրենց ավատապետական նկրտումներին, ապա հայերը նրանց հետ համագործակցել չեն կարող: Աղբայլանը իր համար այնքան մերժելի կառավարությանը խորհուրդ է տալիս չհարգել քրդերի ինքնավարության պահանջը բավականին հետաքրքիր մի հիմնավորմամբ. երկարատև կոհիվներով հաջողվել է ստեղծել «կենտրոնացած կառավարություն», թեկուզ և «շատ անկատար և հոռի», որը այդ վիճակով անգամ գերադասելի է ցանկացած ավատականությունից: Ցանկացած երկրում, Թուրքիայում առավել ևս, անհիշմանությունը պայմաններ է ստեղծում անօրինականությունների համար: Կենտրոնական իշխանության թուլությունը միշտ էլ ուղեկցվել է հայկական շարդերով: Սա է պատճառը, որ հրապարակախոսը հարկադրված էր լինում ընտրելու շարիքների փոքրագումը:

Բայց հնարավոր է, որ հայերի նման քրդերն են ինքնավարություն պահանջում են բոլոր ճնշված ժողովուրդների համար: Այս դեպքում երկու դրկից ժողովուրդների ձգտումների միջև հակասություն չկա, և հրա-

պարակախոսը ողջունում է նրանց հետ համագործակցությունը: Այս առիթով նա մի անգամ էլ է սթափության կոչում կառավարությանը՝ հրաժարվելու հպատակներին նեղելու և իրար հակադրելու վտանգավոր քաղաքականությունից, քանի դեռ իր դեմ չի հանել նույն այդ հպատակների համերաշխ ըմբռատությունը:

Ուշադրության արժանի մի խնդիր ևս. Աղբայլանը զգոնության կոչ է ուղղում հայերին՝ թուրքական կառավարության ձեռքին զենք չդառնալ քրդերի դեմ: Հատուկ նշելով, որ քրդական երեք նշանավոր ցեղեր, թուրքական կառավարության դեմ ատելության ընդհանրություն ունենալով հանդերձ, թշնամարար են Վերաբերում իրար, իր հայրենակիցներին պատվիրում է չօգնել «քրդական ցեղերի այս կամ այն խմբակցության իրար դեմ»: Խորապես հավատալով, որ «Հայության ապագան քյուրդ-հայկական համերաշխության մեջ է», իրականության սթափ գնահատությունը նրան հիմքեր չի տալիս ոգևորվելու այդ հեռանկարով. քրդերի մեջ դեռևս ուժեղ է «ցեղային գգացումը», որն այնպես հմտորեն օգտագործում է ինտրիգների սովոր կառավարությունը: Քրդական հզոր ցեղերի ընդհարումները, որ շատ ավելի հավանական են, քան նրանց համերաշխ պայքարը կառավարության դեմ հանուն իրենց ինքնօրինության, կարող են հայերի համար նոր աղետներ ծնել. «քրդական մանր ցեղերը ժամանակը հասած կհամարեն հայերին թալանելու»: Ահա թե ինչու «միշտ բարեկամ մնալով քրդերին՝ պետք է պատրաստ լինել դիմագրավելու փորձության»¹:

Հարցի լուծումը ենթադրում էր, որ հայկական տարրը ամուր կառչած պետք է մնա իր ավանդական հողակտորին, որքան էլ որ ծանր լինեն մնալու պայմանները: Մինչդեռ դարասկզբին նույն թափով շարունակվում էր հայ հրապարակախոսությանն այնքան հուզած գաղ-

¹ «Հորիզոն», 1913, N 119:

թականության չարիքը, մասնավորապես մեծ էր Ամերիկայի գայթակղությունը: «Արտագաղթը դեպի Ամերիկա» առաջնորդում նա բացահայտում է այդ երևութիւններուն կամ սոցիալ-քաղաքական դրդապատճառները: Առաջին լուրջ պատճառը սակավահողությունն է, զյուղատնտեսություն վարելու ցածր կուտուրան: Մյուս դրդապատճառը, ինչպես ինքը կասեր, «հողի» վարչությունն է: «Տգետ պաշտոնյաների կամայականություններն ու կոպտությունները մի կողմից, զանազան բեկերի ու նագությունները երկրորդ կողմից և զյուղական կուլակների դավերը երրորդ կողմից» հարկադրում են հայ գյուղացուն լքել ծննդավայրը և երշանկություն որոնել օտար Ամերիկաներում: Սթափ և իրատես, տնտեսական գործոնների վիթխարի նշանակությունն իմացող Աղբալյանը առաջադրում է երևութիւն առաջն առնելու մի ծրագիր, ուր տեղ չունեն անհմաստ հորդորները: Հարկավոր է վերացնել ծնող պատճառները, այսինքն՝ «ընդլայնել գյուղացու հողը, ինտենսիվ դարձնել նրա տնտեսությունը, ինքնօքնության ընկերությունների միջոցով ազատել վաշխառուների ... ճիրաններից... զարգացնել նրա իրավագգացողությունը»...¹:

Այնուհետև բացում է ամերիկյան արդյունաբերության այն պակասությունները, որոնք կործանարար հետևանք կունենան հայ գյուղացու համար: Ուժամբար լարված աշխատանքը, որ անսովոր գյուղացուն մի քանի տարում կհանի շարքից՝ անդամալույծ դարձնելով (օտար աշխատավորներին սովորաբար աշխատանք են առաջադրում կյանքի համար շատ վտանգավոր վայրերում՝ մահվան դեպքում նրա ընտանիքին «զիջումներ» չանելու նպատակով) լեզվի չիմացությունը, անսովոր կենցաղը, անձանոթ միջավայրը, կյանքի թանկությունը կլանում են բարձր թվացող աշխատավարձի մի մասը:

¹ «Հորիզոն» 1913, N 71:

Ահա պակասություններ, որոնք, Աղբալյանի կարծիքով, պետք է լուսավորեն գյուղական երիտասարդության խավար միտքը՝ «տնաքանդ գաղթականությունից» հետ պահելու համար: Կյանքում գործող օբյեկտիվ օրենքների դերն իմացող Աղբալյանը, այնուամենայնիվ, չի բացառում քարոզության դերը և կոչ է անում գյուղական մտավորականությանը գործի էությունը բացատրել գյուղացիներին՝ դասախոսությունների, մասնավոր զրուցների, ընթերցանության և այլ միջոցներով:

Անցյալ դարի վերջին թուրքական կառավարությունը ձեռնարկումներ է անում բարեկարգելու իր վարչությունը: Դրանց նպատակը ոչ այնքան «մահմեդական տարրը» քրիստոնյաների մշակութային մակարդակին մոտեցնելու ճիգն էր, որքան Եվրոպային «մի կերպ գոհացում» տալը, որպեսի «դուրս չմղվի Արանց շրջանից»: Սրանով է բացատրվում «Թանգիմաթի» լուս աշխարհ գալը, այն հրովարտակի, որով ստվեանը իր երկրի բոլոր հպատակներին, անկախ ազգությունից ու կրոնական պատկանելությունից, գույքի և պատվի ապահովություն էր խոստանում: Եվրոպական շրջանից դուրս չմղվելու խնդիրը միշտ էլ ծառացած է Թուրքիայի առաջ՝ միշտ օրակարգի մեջ պահելով քաղաքակիրթ քայլերի դիմելու անհրաժեշտությունը: Հրապարակախոսը, որ համոզված էր, թե «անմտություն է թյուրք կառավարությունից որևէ արդարություն հուսալը», հոգու խորքում կարծես գաղտնի մի հուս է փայփայում, թե, ահա, ծանր կացությունը թերևս հարկադրի երկիրը կառավարողներին բարենորոգչական որոշ քայլեր կատարելու: Այն տպավորությունն ես ստանում, թե նա հուսահատ մի փորձ է անում հուշել կառավարությանը, առանց արյուն թափելու, ձեռնարկել այդ քայլերը, այլապես «ասիական անշարժության և անիրավության մեջ համառող Թյուրքիայի» համար վրա կիասնի հատուցման արդար ժամը...»

Բացահայտելով թուրքական կառավարության հայաջինը քաղաքականությունը, բացելով այդ քաղաքականության ներքին հանգույցները, գծելով ջարդերի սարսափելի պատկերներ՝ Աղբալյանը երբեք ազգային թշնամության և ատելության տուրք չտվեց: «Ընկերային գրականություններին» լավատեղյակությունը նրան հեռու էր պահում ինչպես ազգային նեղմիտ սնապարծությունից, այնպես էլ ազգային խտրականության ամորթալի գաղափարից: Նա համոզված էր՝ թուրք ու քուրդ խուժանի կատարած բարբարոսությունները հետևանք են «ախտավոր» վարչական այն պայմանների, որի մեջ ապրում են նրանք: Հարկավոր է ստեղծել «արդար» ու «լուսավոր վարչաձևներ», և նրանք, որ «այսօր ոսոխ են», «վաղը պիտի դառնան բարի հարեւան»: Նա որոշակի սահմանագիծ է անցկացնում երկրագործ թուրք ու քուրդ բնակչության և նույն ազգերի «վաշկատուն» ներկայացուցիչների միջև: Երկրագործ թուրքն ու քուրդը հայի համեմատությամբ կառավարության աջքում ունեն «որոշ առավելություններ», բայց թալանն ու կողոպուտը օրենքի աստիճանի են բարձրացված մի երկրում, որտեղ առաջիններն ել հաճախ հայերի ճակատագրին են արժանանում: «Կառավարությունը, հարկահանները և քյուրդ վաշկատուն և ավագակ տարրերը նրանց հարստահարում են (թուրք և քուրդ երկրագործներին. - Գ. Ա.) շատ ավելի իր անպաշտան գյուղացու, քան իր այս կամ այն ցեղին պատկանող մարդկանց: Հասկանալի է, որ հայերը կրում են համեմատաբար ծանր ճնշումներ, բայց թշվառության կողմից նրանց դասակից են և երկրագործ թյուրք ու քյուրդը»¹: Հայ և մահմեդական տարրի փոխհարաբերությունների հարցը քննելիս հատուկ ընդգծում է, որ խառը բնակչություն ունեցող գյուղերում կողք-կողդի ապրելը, նույն երկրագործությամբ զբաղվելը, կյանքի

«նոյն վիճակը և նոյն պարապմունքը» ստեղծում են համամաման բարքեր: Ահա թե ինչո՞ւ «երկրագործ թյուրքն ու քյուրդը շատ ավելի տաճելի են և շատ ավելի հանդարտաբարո, քան վաշկատուն և ավագակ քյուրդները»: Առարկություն չի վերցնում Աղբալյանի մի ուրիշ եղանակացություն ևս. «Թյուրք նատակյաց ժողովուրդը խաղաղ տարր է և միշտ էլ խաղաղ հարեւան կմնա, եթե նրան վերևից չգրգռեն»: Նոյնիսկ «ընչաքաղցության ու արյան ծարավի» տարրերը «տեղմերը հանգիստ կնստեն, եթե վերևից հարկ եղած ազդեցություններ լինին»²: Հետագա բոլոր իրադարձությունները, ներառյալ այսօրվանը, հաստատում են Աղբալյանի եղանակացությունները: «Թյուրքիան չուզեց հասկանալ,- ցավով ընդգծում է Աղբալյանը,- որ պետությունը հպատակների անդրության համար է և հպատակների հետ հաշտ մնալու մեջն է քաղաքական իմաստությունը»²: Այսպիսի մի պետության դրոշի ներք բոլորը կարող են ապրել հաշտ ու համերաշխ: Անվանի հրապարակախոսի քաղաքական հայացքներում այս կետը շատ կարևոր տեղ է բռնում. «արդար» և «լուսավոր» վարչաձևների պայմաններում նա հայերի և մահմեդականների համար նախատեսում էր բոլոր ասպարեզներում միանգամայն իրավականացար իրավունքներ: Բնորոշ է այս առումով, «Քաղաքական տիհասություն» հոդվածը, որ ոչնչացնող քննադատության է ենթարկում Կիլիկիայի հնքնավարության պահանջով հանդես եկող մի կոմիտեի «հուշագիրը»: Մանրամասն վերլուծելով կոմիտեի առաջարկած այն «հիմունքները», որոնցով պետք է լուծվի Կիլիկիայի հարցը, Աղբալյանը նման «հնքնօրինության ծրագրով» կազմված երկիրը հեգանաքով անվանում է «հայացրած թուրքիա»: «Մրագիրը կազմողները գործադրել են շատ

¹Նոյն տեղում, էջ 120:

²Նոյն տեղում, էջ 101:

պարզ մի մեթոդ. հայերին են տվել այն բոլոր առավելությունները, ինչ-որ այսօր ունեն թյուրքերը և ծրագրել են մի կառավարություն, որ թյուրքականի ընդօրինակությունն է, որով և նույնքան քաղաքական հասունություն են հանդես բերում, որքան թյուրքերի վարիչները»¹: Չքավարարվելով այս ընդհանուր դիտողությամբ, ավելի է մանրամասնում անհայտ կոմիտեի ծրագիրը՝ բացելով նման մոտեցման թերությունները: Այս հոդվածի ամբողջ ներքին պարուը, բացահայտ զայրույթը ուղղված է այլալեզու և այլակրոն ժողովուրդների «նույնիրավության» սկզբունքը խախտելու դեմ: Ահա թե ինչու Բալկանյան պատերազմի ժամանակ թուրքերից ազատագրված մի վայրում նոր վարչություն ստեղծելու մասին գրելիս հատուկ շեշտում է՝ «կատարվում են վարիչ մարմինների ընտրություններ առանց ցեղերի խտրության»²:

Դեռևս պատերազմի թեժ տարիներին գրում էր, թե այսօր իրար չհանդուրժող թշնամիները վաղը դառնալու են համագործակցող հարևաններ:

Միանգամայն հասկանալի է, թե ինչու նրան այդքան շատ են հոգել կովկասյան ժողովուրդների փոխհարաբերությունները: Կովկասը այնտեղ բնակվող բոլոր ժողովուրդների տունն է հավասարապես, այդ գաղափարի իրականացումը կապում է ուսմկավարության հաղթանակի հետ: Ահա այս դիրքերից էլ հետևողական քննադատության է ենթարկում վրաց սոցիալ-դեմոկրատներին, որոնք քողարկելով «միջազգային լոգունգություն»՝ միշտ հետապնդել են սոսկ ազգային նպատակներ, այդ ճանապարհին դաշինք կնքելով «ամեն կարգի ուժերի հետ, առանց նայելու նրանց որակին՝ ընկերվարական տեսակետով»: Նպատակը մեկն է եղել՝ նման

միջոցներով տարածքի «քաղաքական կյանքի դեկավարությունը կենտրոնացնել իրենց ձեռքում»: Վրացիներն առիթներ շատ էին տվել նման եզրակացության համար: Հիշենք հայկական կամավորական շարժման Ակատմամբ նրանց վերաբերմունքը: Մյուսը գյուղացիական համագումարում նրանց բոնած դիրքն էր: Սոցիալ-դեմոկրատ Աղբայանը հույս ուներ, թե երեք ժողովուրդների ամենամեծ խավերի այդ հավաքը կանցնի «գերազանցապես դասակարգային» սկզբունքի դրոշի տակ, որը հնարավորություն կտար Անդրկովկասի «այլացեղ և այլարարքան հողագործ դասի» կարիքներն ու տենչերը մղել առաջին պլան: Սա էլ, իր հերթին, կարևոր պայման կլիներ դժվար ժամանակներում այս ժողովուրդների այնքան անհրաժեշտ համերաշխության, սակայն վաղուց վրաց ուսմկավարների ջանքերի շնորհիվ այն «ընթացավ ազգային դրոշի տակ»: Միացած «թուրք ազդեցիկ հողատեր և փողատեր»-ներին՝ վրաց սոցիալ-դեմոկրատները փաստորեն վիժեցրին հնարավոր համերաշխությունը: Աղբայանը պահանջում էր սթափ հայացքով նայել իրադրությանը և այլևս պատրանքներ չունենալ վրացական, առավել ևս թուրքական սոցիալ-դեմոկրատիայի նկատմամբ:

Գյուղացիական համագումարում բոնած դիրքով նրանք «շատ շատերի աշքերը բացին Կովկասի իրադարձությանց վրա»:

Սա, իհարկե, չէր նշանակում հրաժարում ուսմկավարությունից: Հակառակը: Հավատ ընծայելով «աշխատավոր դասերի առողջ բնագդին և միջազգային համերաշխության վառ ապագային»՝ հայ ուսմկավարության գերագույն խնդիրն է համարում «ավելի եռանդով ու համառ», քան այդ արվում է նոյնիսկ «հայ շրջանակներում», հետապնդել «թուրք աշխատավոր խավերի դասակարգային գիտակցության զարգացման ու պայծա-

¹ Նույն տեղում, էջ 145:

² «Հորիզոն», 1912, N 229:

ուացմանը»¹: Վերակազմել Անդրկովկասի «քաղաքական ու տնտեսական կյանքը ազատ և արդար հիմքերի վրա»՝ հենվելով ժողովուրդների ինքնորոշման իրավունքին, ահա այն ճանապարհը, որը երկրամասում խաղաղ ու համերաշխ գոյության հնարավորություն կատեղծի «այլացեղ և այլաբարբառ» ժողովուրդների համար:

Դեպքերը Ռուսաստանում ու Անդրկովկասում այլ ընթացք ստացան: Ռուսաստանում իշխանության եկան հրապարակախոսի համար այնքան անցանկալի մեծամասնականները, Անդրկովկասում ստեղծվեցին անկան հանրապետություններ: Հետաքրքրի է, որ Աղրայլանը շատ էլ ոգերված չէր այս անկախությամբ: Հեռատես հրապարակախոսը լուրջ տագնապներ ուներ վրաց-թաթարական գաղտնի համաձայնությունից, որը սուր ծայրով ուղղված էր հայության դեմ: Ռուսական հեղափոխությունը կարող էր կովկասյան ճակատում «իմաների լիստ» հայերին միայնակ թողնել մի օրում բոլշևիկացած թուրքերի դեմ: Նման մի հեռանկար, իսկապես, չէր կարող ոգերել մտածող անհատին: Ի տարբերություն հայ մեծամասնականների՝ Աղրայլանը հավատ չէր ընծայում թաթարական ուամկավարության՝ ճիշտ գնահատելով ունալ իրականությունը:

Նա խորապես հավատում էր այն լուսավոր ժամանակների գալստյանը, եթե ժողովուրդները կարթնանան, կդառնան իրենց բախտի տերերը, և կհասնի նրանց ճակատագրի հետ խաղացող կառավարությունների պատասխան տալու հերթը: Կգա այդ օրը, որովհետև «կործանվում են պետությունները, որոնք հիմնված չեն արդարության տարրական պահանջների վրա»: Բայց և ցավով արձանագրում է, որ այդ օրը դեռևս հեռու է:

ԽՄԲԱԳԻՐԸ

19-րդ դարի 90-ական թվականներին գերազանցապես գրադատականներով հանդես եկող սկսնակը ընթացիկ դարի սկզբին արդեն ճանաչված անուն էր, իմրագիրներից փնտրված անձնավորություն:

Թումանյանի անթվակիր նամակից հայտնի է, որ Գ. Մելիք-Ղարազյանը բանաստեղծի միջոցով, որպես Աղրայլանի «ընկերի», նրան հրավիրել է իր թերթին աշխատակցելու, իբրեւ «քարտուղար... խմբ. օգնական»:

Միրելի նիկոյ.

Դու հո ճանաչում ես Գ. Մելիք Ղարազյանին: Են էլ գիտես, որ նա <աշունքից> հրատարակում է հասարակական, գրական, քաղաքական եւ, մինչեւ անգամ, առեւտրական մի թերթ՝ անունը կովկասի բանքեր: Հիմի էր կովկասի բանքերի համար մի լավ մարդ է հարկավոր, որ քարտուղար լինի - իմա՞ խմբ. օգնական:

Նա քեզ լավ մարդ է համարում եւ <հանձնարարել> է ինձ, որպես ընկերի-քո միտքն իմանամ: Զգիտեմ միտքն իմանալու դայդեն էսպես է թե չէ-միայն դու եթե հիրավի լավ մարդ ես, իսկովն եւեթ մի պատասխան տուր կուզես այդ պաշտոնը թե չէ: Եթե չէ-հետագրով պատասխանիր, իսկ թե հա-ոնց որ կուզես հետագրով, կուզես նամակով: Գուցե ավելորդ չի լինի այն էլ հիշել, որ կստանաս ամսական 75-100 ոռութի: Դեռ վերջնապես չի որոշված: Ես անքնությունից, հոգնածությունից ու շոգից մեռնում եմ: Դերենիկը գնում է Եվրոպա, իսկ Լետոնը իր տղի հետ խաղ է անում:

Համրույրներով քո Օհանեն՝

Նամակն անթվակիր է, մշակողը ենթադրում է 1905,
VII:

Ամիսը չգիտեմ, թիվը ճիշտ է որոշված: «Դերենիկը
գնում է Եվրոպա»,,- հայտնի է, որ Դեմիրճյանը Ծվեցա-
րիա մեկնել է 1905-ին:

Հնարավոր է՝ Թումանյանը սխալվում է թերթի Վեր-
նագրի հարցում (մանավանդ՝ նամակը գրելիս վերնագի-
րը չի հիշել, տեղը բաց է թողել, հետո լրացրել, հավա-
նաբար որեւէ մեկի հարցնելով): Բիբլիոգրաֆները նման
վերնագրով թերթ չեն հիշում: 1905-1906 թթ. Թիֆլիսում
Մելիք Ղարազոյանը հրատարակել է «Արշալոյս»
վերնագրով թերթ (նույնանուն «պատկերազարդ հավել-
ված»-ով, կիսամյա, լուս է տեսել 5 համար) գրական,
հասարակական, քաղաքական, տնտեսագիտական (հա-
վանաբար սա է Թումանյանի հիշած «առեւտրականը»):

Համագործակցությունը չի կայացել: Աղբալյանը
մեկնում է Եգիպտոս՝ կուսակցական հանձնարա-
րությամբ:

1907-ին Փարիզում հայտնված գործին առաջար-
կում են «Հայրենիք»-ի խմբագրի պաշտոնը: «Հայրենի-
քի խմբագրի հրավիրեցին Ամերիկա, եւկան որ տանեն,
չհամաձայնեցի», - գրում է Թումանյանին Փարիզից¹:

Խոսքը նյու-Յորքից Բուստոն տեղափոխված օրա-
թերթի մասին է: «Խմբագրական գործը պետք է որ
դժվար լինի, իը, - շարունակում է նույն նամակում, ամեն
օր թերթ հասցնելը մի անասելի բան է, մարդ գլուխը
կկորցնի»: Հրաժարվելու պատճառը, իհարկե, «գլուխը
կորցնելու» երկյուղը չէր, այլ ուսումը շարունակելու եւ
«մարդ դառնալու» քաղաքնը: Բարձրագույն կրթություն
ստանալու տեսական ցանկությունը այդպես էլ չկարողա-
ցավ իրականացնել...

Մի քանի տարի հետո, սակայն, 1912-ին Պարսկաս-
տանից Վերադառնալուց անմիջապես հետո Թումանյանի
երաշխավորությամբ, համաձայնեց «Հորիզոն» խմբագ-
րապետներից մեկը լինել:

Բեղմնավոր եղավ աշխատակցությունը «Հորիզո-
նին». փաստորեն սկսվում է Աղբալյան հրապարակա-
խոսի գործունեությունը: Մինչ այդ մամուլում պատահա-
կան ելույթները նվիրված են եղել օրախնդիր հարցերի,
այն է՝ հպանցիկ: Այժմ լայնածավալ գործունեությամբ
լուսաբանում է սկզբում բալկանյան, այնուհետև համաշ-
խարհային պատերազմի ընթացքը, երեւութները միշտ
դիտարկելով հայության ակնկալիքների, ժողովրդին գա-
լիք իրադարձություններին նախապատրաստելու տե-
սանկյունից:

Ինչպես կարելի է կոահել տպագրված նյութերից,
Աղբալյան-խմբագրի պատախանատվությունը տարած-
վել է հենց պատերազմի, նրան հարակից խնդիրների եւ
գրականության ու մշակույթի հարցերի լուսաբանման
վրա:

Թողուցիկ համեմատությունն անգամ նախորդ տարի-
ների հետ որոշակի պատկերացում տալիս է նոր
խմբագրի ձեռագրի մասին:

Հրապարակախոսությունն այլևս պատեհ առիթնե-
րով գրվող հոդվածների շարան չէ, այլ որոշակի խնդիր-
ների պարբերական լուսաբանում: Հստակ է գրական
քաղաքականությունը եւս: Լուս տեսած հայերեն գրքերի
մասին ընթերցողներին հաշվետվություն տալը դառնում
է պարբերական. այդ գործը պետք է «սիստեմատիկ լի-
նի», որ արժեքավոր դառնա»,- Աղբալյանի համոզմունքն
է: Գրական-մշակութային կյանքի լուսաբանումը, գե-
ղարվեստական մեծ արժեքների եւ նշանավոր գործիչնե-
րի գնահատությունը նույնպես դառնում է «սիստեմա-
տիկ»:

Հավատարիմ ընթացիկ գրականությանը ակնդետ հետեւելու արախսանյանական ավանդութին՝ տասնյակ մեծ ու փոքր գրախոսականներ գրեց, հանդես եկավ տարվա գրական հունձքի տեսություններով, լուսաբանեց նորատեղծ կովկասի հայ գրողների ընկերության ստեղծման աշխատանքներն ու գործունեությունը, կատարեց գեղարվեստական թարգմանություններ... Առաջին պահ զարմանք է հարուցում, թե բարձր չափանիշներով առաջնորդվող նրանաշակ քննադատը ինչո՞ւ է անդրադառնում գրական միջակությանն ու խոտանին նույնիսկ: «Մուրճի» խմբագրությունում թրծված Աղբալյանի համոզմամբ՝ թերթն ու ամսագիրը պարտավոր են ընթերցողին կողմնորոշել լուս տեսած հայերեն գրքերի վերաբերմամբ:

Այս սկզբունքը հետեւողականորեն պետք է կիրառեր նաև «Նոր հոսանքը» խմբագրելիս:

1900-ական թթ. գրչի ու գաղափարի ընկերներին գրած նամակներում հաճախ է արծարծում ամսագիր հրատարակելու անհրաժեշտությունը: Մասնավորաբար «Մուրճի» դադարից հետո ավելի է զգացվում բացը: Ամսագիրն է, որ պետք է մշակի հասարակական միտքը, զարկ տա գեղարվեստական մտածողությանը: Մի «հանրային ամսագիր», որ «մասնագիտական աշխատանքների» վերաբերյալ «մեթոդական ցուցումներ» տար ընթերցողին և նապատեր նրա «ընդհանուր զարգացմանը և մտավոր հորիզոնի լայնացմանը», նրա չիրականացած երազանքը եղավ¹: Եղած հատուկնենտ հրատարակությունները հեռու էին պահանջվող մակարդակից: «Ընդհանուր առմամբ խոնուկ տպագրություն է անում («Արոր» ամսագիրը. - Գ. Ա.) իր բովանդակության որակով ու քանակով եւ ավելի եւս շեշտում մի

լուրջ ամսագրի անհրաժեշտությունը մեզանում»¹: Հակառակ սրան՝ «Գեղարվեստի» անվիճելի արժանիքներից մեկը պետք է համարել ինքնուրույն աշխատանքի գերադասությունը թարգմանականի համեմատությամբ... Սա նշանակում է խթանել ազգային ստեղծագործությունը եւ նպաստել նրա զարգացմանը»²:

«Լուրջ ամսագիրը» պետք է լիներ «Նոր հոսանքը», որի առաջին համարը լուս տեսավ 1913-ի փետրվարին:

Այստեղ էլ խմբագիրներից մեկն էր, հավանաբար պատասխանատուն դարձալ հրապարակախոսության եւ գրականության բաժինների, որոնք էլ, ըստ էության, բնութագրում են ամսագրի դեմքը: Իզուր չէ, որ ինքնակրթության տարիներին մշակումների տեսրերից մեկում արտագրել էր Արախսանյանի հայտնի միտքը. «Մի ամսագրի մեջ կարեւորագումը եւ էականը նրա հրապարակախոսությունն է»:

Երազում էր նաև, որպեսզի հրատարակվի մի «տեղեկագիր հայագիտության», որը «հարցաների» բոլոր հետաքրքրությունները բավարարեր: Կամ թե լիներ մի պարբերական, որի «պաշտոնը լիներ հետեւիլ օտար գիտական գրականությանց եւ վեր առնել ինչ որ մեր լեզվի, պատմության ու գրականության մասին գրվում է, մանր բաները թարգմանելով, իսկ ընդարձակ գործերը լայնորեն վեր լուծելով»:

«Նոր հոսանք»-ը խմբագրականում Աղբալյանը ամբողջացնում է իր ըմբռնումները ամսագրի վերաբերյալ:

Խմբագրականի դատողությունները շատ են նման Արախսանյան խմբագրի տեսակետներին: Իր այլ հոդվածներում էլ կրկնել է այն մտքերը, որոնք համիմբված

¹ «Հորիզոն», 1912, N 242:

² «Հորիզոն», 1912, N 212:

տեսնում ենք խմբագրականում: Ասենք, որ «Նոր հոսանքը» իր կառուցվածքով էլ հիշեցնում է Մոլոճը... Սա թերեւս առաջին դեպքն է, երբ խմբագիրը գիտակցված վերաբերմունք է դրսեւրում նախորդի ավանդույթների նկատմամբ:

Բայց հետեւել ավանդույթներին բոլորովին չի նշանակում կրկնել նախորդին՝ զրկելով իրեն ինքնուրունությունից: Տարիներ հետո Ս. Վրացյանին գրած նամակում նրա հիմնած «Վեմ»-ի արժանիքը հենց դա է համարում. «Քո հասկացած իմաստով Վեմը ունի տեղ մեր գրականության մեջ. քանի որ վեպ-բանաստեղծություն պիտի չունենաս եւ ավելի պատմական ու մշակութային նյութեր պիտի լուս ընծայես-ավելի աշխարհիկ կլինես, քան Սիոն եւ Բազմավեպ, ավելի ծանրորեն, քան Հանդես Ամսօրյա, ավելի տեսական, քան Հայրենիք»:

Ասել է թե մամուլի յուրաքանչյուր օրգան իր ուղղությունն ու նպատակը պետք է ունենա: Այդպիսի մի օրաթերթ խմբագրեց 1917-ին՝ «Ազատամարտը»: Թերթը հաջորդ տարին էլ լուս տեսավ, իբրև խմբագիր միշտ հիշվում է Աղբալյանը, բայց հասարակական կյանքի առաջադրած նոր խնդիրների շրջապտույտը ներքաշված գործիքը իրականում այլևս չէր մասնակցում թերթի աշխատանքներին, նույնիսկ չէր թղթակցում¹: Սոսկ հեղինակության հանգամանքը չի գործել, նոր խմբագրը անփոփոխ հետեւում էր թերթի սկզբունքներին, որոնց մասին հայտարարվել էր արդեն N 1-ի առաջնորդողում (սեպտեմբերի 24):

Խմբագրականում, որ Աղբալյանի գրչին է պատկանում, ներկայացվում են թերթի նպատակները: Ռուսական հեղափոխությունը իր վրա հրավիրեց հասարակա-

¹Թերթը բացառություն է «Վերջապես» առաջնորդողը, դարձյալ անսուրագիր, բայց Աղբալյանի ոճական հնարանները նկատվում են: Քանի որ անդրադարձել ենք միայն 1917-ի նյութերին, մեջքերումների վերջում ֆակագծերի մեջ նշվում են թերթի համարները:

կան-քաղաքական մտքի ուշադրությունը, Անդրկովկասում ստեղծված նոր իրավիճակի քննությունն ու գործնական խնդիրների լուծումը, որ երկրորդ պլան մղեց թուրքահայ կյանքն ու հայոց հարցը: Նկատվող այս բացը լրացնելու էր նորաստեղծ թերթը, որը պարբերաբար պետք է լուսաբաներ հայոց հարցը եւ «փախստական թյուրքահայության կարիքներն ու պահանջները», սրանց հարակից խնդիրները:

«Մեր թերթի նպատակն է.

1) Հայոց հարցի պաշտպանությունը եւ հարակից խնդիրների լուսաբանությունը:

2) Հայաստանի վերաշինության խնդիրների քըն-առությունը, լուծումն ու պաշտպանությունը:

3) Հայ փախստականների կարիքների պարզաբանություն ու պաշտպանությունը:

4) Քաղաքական, ազգային-հասարակական եւ կուսակցական կյանքի արձանագրությունը:

5) Թյուրքահայ ժողովրդի տեղահանության, կոտորածների եւ ինքնապաշտպանության վերաբերեալ վակերագրերի հրատարակությունը»:

Թերթի շորջ համախմբված մտավորականները փայփայում էին Կ. Պոլսի «Ազատամարտի» ավանդույթների շարունակությունը լինելու երազանքը: Վահ. Փափազյանը «խոր հուզմունքով» ներկայացնում է հիշյալ թերթի աշխատանքային մթնոլորտը, ուղղվածությունը, վերակենդանացնելով խմբագրի եւ գլխավոր աշխատակիցների կերպարները, որոնք ուղեցուց պետք է լինեն նոր «Ազատամարտի» համար: «Իմ սիրելի ընկերներ, չգիտես մեռած եք, թե կենդանի (հիշում է Վուայանին, Ռ. Զարդարյանին, Շեհրիկին, Գեղամ Բարսեղյանին, Վարդգեսին, Սարգսին, այլ համարներում հիշվում են Անել Զոհրապը, Վարուժանը, Սիամանթոն), բայց հավատում եմ, որ այժմ կենդանի եք ձեր թողած սերուն-

դի մեջ. ահա, այս րոպեին նա դարբնում է նոր Ազատամարտ...» (N 1):

Առաջադրած բոլոր խնդիրները անհրաժեշտ մակարդակով իրականացնել չհաջողվեց, ասենք՝ ժամանակ էլ չեղավ, 1917-ի սեպտեմբերի 24-ին սկիզբ առած «Ազատամարտը» (այդ տարում լուս տեսավ 59 համար) հաջորդ տարվա մարտի 1-ից դադարեց (36 համար):

Մեծ արագությամբ վրա հասնող, երբեմն անկուհինի, անցանկալի նաև, իրադարձությունները, որ թերթը բնութագրում է իբրև «անբնականն» պայմաններ, ներառելով նյութական և բարոյական աջակցության պակասը, հարկադրեցին դադարեցնել հրատարակությունը: Խմբագրությունը փայփայում էր լավ օրերի գալուն պես «որեւէ վայր, որ հարմար կնկատվի» վերահրատարակելու հուսար, որ շատ ուշ իրականացավ՝ Երեւանում, բավականին փոխված ծրագրով: Թղթակիցներին խորհուրդ էր տրվում նյութերն ուղարկել «Հորիզոնի»-ին:

Խմբագիրը ակտիվորեն մասնակցում էր թերթի ուղղության իրականացմանը: Թույլ չաետք է տալ, որ հասած ծանր աղետները հուսալքեն փրկված բեկորներին: «Ավերից հետո» հոդվածում Աղբալյանը, հավատարիմ հրապարակախոսի իր կոչումին, հենց հուսի ու հավատի խոսք է ուղղում ընթերցողներին:

Գերմանիայի աջակցությամբ Թուրքիան ծանր հարված հասցրեց հայ դատի տիրոջը, բայց «չկարողացավ մեղքնել հայոց դատը»: Հայ ժողովուրդն ապրում է գաղութներում, հայրենի հողի վրա, ահա երաշխիքը ժողովրդի հարատևումի և հայ դատի լուծման հեռանկարի:

Հրապարակախոսը լուծման երաշխիքներից է համարում նաև դաշնակիցների «կատարեալ հաղթութիւնը», որ կրերի հայերին «ազատութիւն թյուրքական անհրավ իշխանությունից»:

Այս հավատը ներշնչելուն է կոչված «Ազատամարտը»:

Հայ դատի հաղթանակը կապում էր նորագույն սերնդի հետ: Ահա թե ինչու նրա էջերում լայնորեն տեղ են տրվում երիտասարդության խնդիրներին: «Ազատամարտ»-ը բերան պիտի ըլլա այդ երիտասարդության եւ մղիչ ազդակ՝ անոր կենսագործ աշխատանքներուն» (N 1):

Փոքր ուժերով էր հրատարակվում թերթը: Ժամանակները դժվար էին, խառնակ, քաղաքական իրավիճակը՝ հեղինակուկ: Կուսակցական նեղ պայքարը վանում էր մտավորականությանը: 1918-ի N 1-ում գնահատելով անցած ամիսների գործունեությունը՝ խմբագրությունը հարկադրված էր խոստովանել, որ թերթը «չէ կարողացած» իր ստանձնած «պարտականությունը լիովին կատարել», որովհետև հասարակության, մասնավորապես մտավորականության կողմից չի արժանանում ոչ նյութական, ոչ էլ բարոյական ու գրական աջակցության:

Եվ, իսկապես, Աղբալյանը աշխատակցելու էր հրավիրել մեծ թվով, հայ իրականությանը առավել կամ պակաս չափով հայտնի, մտավորականների (նրանց բավականին ընդարձակ ցուցակը միշտ գետեղվեց առաջին էջում): Ահա բոլորովին էլ ոչ ամբողջական ցանկը՝ Ահարոնյան Ա., Աղո, Աբեղյան Արտ., Եսայան տ. Զապել, Թումանյան Հովհ., Թորգոմյան, Իսահակյան Ավ., Իփեկյան Գ., Լեռ-Կամսար, Կապուտիկյան Բ., Շանթ Լ., Զամալյան Ա., Ռուբեն, Ռուսոն, Սասունի Կ., Վրացյան Ս., Տեր Մինայան Ռ., Փափազյան Վ., Փափազյան Դ., Քաջազնունի Հովհ. եւ ուրիշներ:

Հրավիրվածներից քչերը մասնակցություն բերին (Դ. Փափազյան, Վեսպեր, Կ. Սասունի, Ծ. Թորգոմյան), այն էլ՝ ոչ տեսական:

Աղբալյանը երազում էր սեփական թղթակիցներ ունենալ «Հայաստանի ամեն մեկ անկյուն. Անդրկովկասում բոլոր վայրեր, ուր տեղակորված է փախատականություն, ինչպես նաև Ռուսաստանի և արտասահմանի

բոլոր կարևոր կենտրոններ» (N 1): Հավանաբար Այութական սուղ պայմանները, թերևս կարող ուժերի բացակայությունը ևս, անհնար դարձրին այս ցանկության իրագործումը, թեև առանձին համարներում հայտնվեցին «սեփական հետագիրներ», «սեփական թղթակցություններ» (Ամերիկայից, Միջազգետքից, Աշտարակից):

Այնուամենայնիվ թերթը համախմբեց աշխատակիցների ու թղթակիցների համեստ մի խումբ, որի ջանքերով էլ այն լուս էր տեսնում (Ամատունի, Օննիկ, Միհրան, Սուրեն, Տարագիր, Արեգ, Հովհ. Մխիթարյան, Մարյուս եւ որիշներ): Առանձնապես ակտիվ էր Ամատունին, որն էլ, ըստ երեւութիւն, փոխարինեց Աղբայանին՝ անպաշտոն կերպով: Առաջնորդողների մեծ մասն ինքն էր ստորագրում (Աղբայանի առաջնորդողները անստորագիր էին), կարելի է ենթադրել, որ քաղաքական տեսությունների մի մասի Ա. ստորագրությունն էլ իրենն է (Աղբայանը Հանգուց էր ստորագրում):

Առաջարկած խնդիրներին համապատասխան բաժիններ ուներ թերթը՝ «Նամակներ երկրեն», «Արտասահմանի հայությունը», «Քաղաքական տեսություն», «Միջազգային լուրեր», «Ոճրապատում», «Վրաց կյանք», «Մամուլ», «Հայրենիքի պաշտպանության համար» եւ այլն: «Նյութեր հայոց նորագույն պատմության» խորագիրը ուշագրավներից է: Սա արդեն N 2-ում կա, որ դարձյալ նշանակում է, թե նախքան թերթի տպագրությունն է հիացվել գաղափարը: Իսկ գաղափարը հետեւյալն է.

«Թերթի կեսը նվիրված կլինի այդ Այութերին, որոնք լուս կտեսնեն՝ հետագայում գրքովկ դառնալու հարմարությամբ», - հայտարարում է խմբագիր Աղբայանը: Այդ Այութերը, որ կազմում էին «16 փոքրադիր էջեր», «ընթերցող հավաքելով, ծալելով ու պահելով, մի քանի համարից հետո կունենա մի գրքովկ»: Նյութի ավարտից հետո խմբագրությունը ուղարկում էր նաև գրքի շապիկը:

Հատ Աղբայանի հիշյալ բացատրականի՝ առաջին գրքովկը՝ «Մի թուրք սպայի հիշատակարանը», թարգմանել է Դ. Փափազյանը: Այդ գրքովկից երևում է, թե ինչ դեր է կատարել թուրք կառավարությունը հայերի տեղահանության գործում՝ դա «կազմակերպված կոտորած էր»:

Հաջորդ երկուաշ լինելու էին՝ մի թուրք պաշտոնյայի ստացած գրությունները գավառապետից, որ դարձյալ հետաքրքիր Այութեր է պարունակում թուրք կառավարության դավերի, հայերի տեղահանության, դիմադրության փորձերի և այլնի մասին, մյուսը՝ «Վոամյանի հիշատակարանը» և նրա պաշտոնական գրությունները Վանի նահանգապետին և կառավարությանը:

* *

1910-ական թվականները Ռուսաստանի կյանքում վճռական տասնամյակի տարիներ էին: Իր խմբագրած երեք պարբերականներում էլ մեծ երկրի քաղաքական կյանքի մակընթացություններին ու տեղատվություններին հետևում էր ինքը՝ խմբագիրը: Այդ հետաքրքրությունը հետևանք էր այն գիտակցության, թե «Հայաստանի քաղաքական բախտի տնօրեններից մեկն է... Ռուսաստանը» (N 4):

«Ազատամարտի» հրատարակությունը համընկավ 1917 թ. ռուսական բուրժուատեմուրատական հեղափոխության ճգնաժամին, որը հոկտեմբերյանի նախօրյակն էր: Խմբագիրը ուշադիր հետևում էր իրադարձություններին, լուրջ և բանիմաց խորհրդածություններով կողմանորոշում ընթերցողներին, հավատարիմ իրեն՝ կատարում գուշակություններ:

Աղբայանը գիտակցում էր պատմական զարգացումների օբյեկտիվ ընթացքը և աշխատում էր ուսության մեջ որոնել մեր ժողովրդին հուզող հարցերի պատասխանները: Անհատները ի վիճակի չեն փոխել

պատմական ընթացքները, բայց նրանց զարգացման միտումների կոահիումները կարող են նպաստել արդյունավետ գործունեության: «Պատմությունն ստեղծում է ողբերգական վիճակներ, որ զոհեր են պահանջում: Անհատի կարողություններից վեր է ներդաշնակել նտքերն ու շահերը այնպես, որ ընդհարում եւ արյուն չինի» (N 27):

Ի՞նչ էր ակնկալում Աղբայանը Հայաստանի համար:

Անգլիական կառավարության մի հայտարարությունը, թե Պաղեստինն ազատագրելուց հետո այն պետք է հանձնել հրեաներին՝ վերագտնելու համար իրենց հայրենիքը, այնպես է ոգևորում հրապարակախոսին, որ հանդես է գալիս «Ազատ Հայաստան» հոդվածով՝ փառաբանելով հրեական հանճարն ու տոկունությունը. «Ոչ միայն հրեության, այլ մանավանդ Արդարութեան մեծ տոնն է այսօր» (N 37): Թերթն իր համակրանքն է հայտնում ինքնորոշված ֆինլանդիային N (1):

Ռուսաստանում ուամկավարության հաղթանակը որոշակի հույսեր էր արթնացնում: Միապետության մերժումով վերանորոգված Ռուսաստանը պետք է իր «կապերը խզի» հին Ռուսաստանից և երաշխավոր լինի արևմտահայության, ընդհանրապես հայության ինքնորոշման իրավունքին: Իրեն հատուկ կրթությամբ քննում է ժամանակավոր կառավարության պարտադրությամբ «խաղաղություն առանց հողատման և ուազմատուգանքի՝ ազգերի ինքնորոշման հիման վրա» քաղաքականությունը: «Մթին բանաձեռ» առաջնորդողում տարակուսանք է հայտնում «առանց հողատման» և «ինքնորոշում» սկզբունքները կողք-կողքի դնելու կապակցությամբ, երկու սկզբունք, որ հակասում են իրար: Կամ կայսրությունները մնում են անփոփոխ («հողատում» չի կարելի), կամ ազգերին տրվում է ինքնորոշման իրավունք՝ «մայր պետությունից» անշատվելու հնարավո-

րությամբ: Ուրիշ խնդիր, եթե ինքնորոշված ժողովուրդը կցանկանա մնալ «մայր պետության» կազմում, իբրև ինքնորոշում պետություն կամ անշատվելու և ապրել անկախ:

Դժվար է գուշակել, թե որ սկզբունքն է ռուսական արտաքին քաղաքականության համար կարևոր, մինչդեռ «փոքր ազգերի համար կենսական նշանակութիւն ունի, թե ինչպես է հասկանում Ռուսաստանի ժամանակավոր կառավարությունն այդ բանաձեռ՝ իր առաջին, թե երկրորդ իմաստով» (4): Նույնքան անորոշ էր նաև արևմտահայության խնդիրի վերաբերյալ ռուսական բանաձեռ, որ հայերին վերապահելով «ինքնորոշում» իրավունք՝ նրա հնարավորությունը՝ պայմանավորում է «միջազգային երաշխիքով»: Աղբայանը հատուկ անդրադառնում է այդ հարցին ևս: Քանի որ ռուսական բանաձեռ միայն ընդհանուր հարցադրում է անում, առանց կոնկրետացնելու «երաշխիքների» իր ըմբռնումը, ինքը ենթադրում է, թե ինքնօրինված Հայաստանը պետք է աշխատի ստեղծել անկախությանը սատար եղող միջազգային ուժը:

Աղբայանը շատ էլ ոգևորված չէր այս բանաձեռով, նրանց վերագրում էր ընդհաններ հայոց դատի շուրջ «համակիր մթնոլորտ» ստեղծելու դեր և ոչ ավելին:

Աղբայանի կուսակցությունը ամրողական ծրագիր մշակեց ուամկավար Ռուսաստանի և Հայաստանի փոխհարաբերությունների վերաբերյալ, որը սիրով հյուրընկալվեց թերթի էջերում: Ակնկալվածը «կովտուրական պվտունումիայի» հեռանկարն էր:

Ռուսաստանը դառնալու է Ֆեդերատիվ ուամկավար հանրապետություն՝ Սահմանադիր ժողովով: Անդրկովկասի «Երեք կենտրոններ» մտնում են այս դաշնակցային հանրապետության մեջ: Համառուսական ֆեդերատիվ հանրապետությունը վճռում է արտաքին քաղաքականության, պաշտպանության, դրամական և մաքսային համակարգերի հարցերը: Սահմանադիր ժողովը լուծում

է հողային հարցը, պաշտպանում է մարդու և քաղաքացու իրավունքները, ապահովում է ազգային փոքրամասնությունների անվտանգությունը:

Անդրկովկասյան ֆեղերացիա ստեղծելու դեպքում այն լուծում է միայն անդրկովկասյան բնույթ ունեցող խնդիրներ:

Կանտոնները օրենսդիր են, ինքնուրույն «բոլոր մնացած խնդիրներում»: Գավառները և համայնքները «վայելում են լայն հեղ. ինքնավարություն»:

Կանտոնների ու գավառակների սահմանները որոշելիս «պետք է ի նկատի ունենալ ազգագրական, տնտեսական և տեղագրական գործուները, ըստ կարելույն միաձայն համախմբումներ ստեղծելու համար»:

Հայկական կանտոնը պետք է ընդգրկի հայկական բարձրավանդակը. ա) Երևանի նահանգը, բ) Գանձակի նահանգի լեռնային հայկական մասը, գ) Թիֆլիսի նահանգից Ախալքալակի գավառը, Բորչալուի գավառի հայկական մասը, դ) Կարսի շրջանից Կարսի և Կաղվանի գավառները»:

Հայկական և Վրացական կանտոնների «մեջ տեղը ընկած» տարածքների բնակչությունը «ինքն է որոշում իրենց քաղաքական վիճակը» (N 20):

Այս լույսի տակ էր տեսնում հայկական հարցի լուծումը:

Բայց ուամկավար Ռուսաստանի գլխին կախվել էր մեծամասնական վտանգը: Նման իրադրության մեջ ծագում է էական մի հարց՝ Ռուսաստանում ապաստան գտած թուրքահայությունը «կողմերից ո՞ր մեկին պետք է հարե»: Հարցը ռուսահայերին ևս վերաբերում էր, քանի որ Թուրքահայաստանի խնդիրը ողջ հայության խնդիրն է: Աղքալյանի տրամաբանությունը հենվում է հայկական դատի հաջող լուծման հեռանկարին՝ «Բովանդակ հայության, հայոց դատի հաջողության և Ռուսաստանի հզորության շահերը գուգադիպում են իրար և հայության

ամբողջ, բայց սանավանդ Թյուրքիայի հայությունը կարող է և պետք է հարե Ռուսաստանի այն տարրերին, որոնք ձգտում են ստեղծել ազատ և հզոր Ռուսաստան, հավատարիմ՝ դաշնակիցներին, հաղթող՝ ճակատների վրա և օրինապահ՝ ներքուատ» (N 19):

Ծագում է հաջորդ խնդիրը՝ կողմնորոշումը կողմնորոշում, բայց ինչ է ցանկանում հայությունը, մանավան՝ թուրքահայությունը: «Ազատագրում», «ազատություն» շատ «գեղեցիկ, բայց անորոշ տեսչն ու ձգտումը» պետք է ստանան որոշակի կերպարանը: Նման որոշակիությունը ենթադրում է «հրահանգներ ու որոշ մարտածես»՝ առաջիկա գործունեության համար:

Անհրաժեշտ է գումարել «պանդուխտ և վերապրող հայության» մի համագումար, որը կձևակերպի նրանց «քաղաքական պահանջները», կորոշի «բռնելիք ընթացքը» (N 20):

Ժահագրգոված ուամկավար հզոր Ռուսաստանի ստեղծումով՝ ցավով նկատում է, որ երկիրը հեռու է այդ վիճակից: Ռուսական ուամկավարությունը «աղանդամոլ» է, «հատվածաեր» և «կարճատես», հատկանիշներ, որոնք և ծնում են պառակտումներ: Իշխանությունները առաջնորդվում են «վերացական» ըմբռնումներով, զուրկ են գործնական հատկանիշներից, չեն գործում «իբրև հեղափոխական և իբրև ուամկավար»՝ ազատ արձակելով անիշխանության թևերը: Կա մի ուրիշ դժվարություն ևս, դարավոր բռնության ու շահագործման դեմ ըմբռստացած, բայց և «անկազմակերպ և անիշեալ» ուամիկի վրեմբ կտանգավոր ուղղություն է ստացել: «Այն ամենը, որ հարուստ են ստացածով, դրամով կամ կրթութեամբ», թշնամի են և ենթարկվում են վրիժառության, քանի որ երկրում իշխանություն չկամ թույլ է: Այսպիսի իրադրության մեջ կարող է գահին բազմել «մի նոր բռնակալություն» (N 22):

Ակնարկը բոլշևիկներին է վերաբերում:

Ստեղծված նոր կացությունը Կերենսկին «իր հմայցով կոծկել» դեռևս կարողանում է, բայց դա երկար տևել չի կարող: «Քաղաքական այս կնճոռու վիճակը կարող է լուծել միմիայն քաղաքացիական պատերազմը, որ արդեն անխուսափելի է որ արդեն անխուսափելի է դառնում: Նա ծայր կտա, երբ Կերենսկին հեռանա գրաված դիրքից, որ եւ հավանորեն նա կանի ծայրահեղ ձախակողմի ճնշման տակ» (N 1):

Քննադատության թիրախն է դառնում ժամանակավոր կառավարության անվճուականությունը: «Կերենսկին փախչում է արյունից... բայց նա լինի, թե մի ուրիշ՝ ստիպված է արյուն թափելու» (N 15): Տարբեր հոդվածներում անընդհատ արծարծում է այս խնդիրը, թեն շատ լավ հասկանում էր անվճուականության պատճառը. «Աերքուստ պառակտված երկիրը անկարող է զորեղ և վճուական կառավարություն ունենալ» (N 19):

Քաղաքացիական պատերազմի անխուսափելիության գուշակությունն իրականացավ, բայց մի քաղանք այդպես էլ բաղձանք մնաց. «Բոլշևիզմը կշախավի և կհաղթանակեն այն տարրերը, որոնք ժամանակավոր կառավարության հետ կիհնեն» (թիվ. 21):

Ամատունին փորձում է հիմնավորել խմբագրի կոռահումը. նույնիսկ հեղափոխական պայքարի պատմության և «դաստիարակության փորձառություն» ունեցող, այժմ ուամկավար պետությունները ((Ակատի ունի Ամերիկան, Անգլիան ու Ֆրանսիան)) դեռևս պատրաստ չեն սոցիալիստական հեղափոխության, ուր մնաց Ռուսաստանը, որ երեկ է միայն ազատվել «բռնակալական լուծեն», ժողովրդի 80 տոկոսը անգրագետ է, արդյունաբերությունը զարգացման «առաջին և տարտամ» քայլերն է անում, սոցիալիստական կուսակցությունները ժառանգել են քայլայված երկիր... «Խելագարություն պիտի ըլլա, համոզված գրում է նա, - մտածել սոցիալիստական հեղափոխության մասին» (N 37):

Դեպքերը, սակայն, անցանկալի ընթացք ստացան, «խելագարություն» եղավ, և Ռուսաստանում հաղթանակեց սոցիալիստական հեղափոխությունը՝ նոր հուն մղեւ երկրի արտաքին ու ներքին քաղաքականությունը, կայսրության մաս կազմող ժողովուրդների ճակատագրի լուծումները...

Մեծ երկրի խնդիրներին սրտացավ արձագանքելը թելարդված էր Հայաստանի Ակատմամբ վերաբերմունքի հնարավոր ոչ ցանկալի փոփոխությունների միտումներով: Աղբայանը չէր կարող դրական վերաբերմունք ունենալ «մեծամասնական աղմկարաբների» Ակատմամբ: Հոկտեմբերի 27-ի համարում թերթը լուր է տպագրում «Պետրոգրադի նոր հեղափոխության» մասին: «Մեր գուշակութիւնը կատարվում է,- շտապում է հայտնել Աղբայանը, - Ռուսաստանն ապրում է քաղաքացիական կովի նախօրյակին»: Դեռևս չի հավատում մեծամասնականների վերջնական հաղթանակին. երկրում համակրանք չեն վայելում, Պետրոգրադի մի բոլոր բանվորներն ու գինվորները ի վիճակի չեն լինի իրենց հետևից տանել ամբողջ վիթխարի Ռուսաստանը: Նրան չի շփոթեցնում այն պարագան, որ փետրվարյան հեղափոխությունն էլ փոքր ուժերով կատարվեց, քանի որ այդ ուժերը համակրանք էին վայելում. «միապետական կազմը... ատելի էր ամբողջ Ռուսաստանին» (N 23): «Աչի բռնակալությունը խորտակող երկիրը չի կարող տանել ձախի բռնակալությունը» (Ա.Թ): Եզրակացությունը արդեն ծանոթ է. ուամկավար կուսակցությունները պետք է լինեն այնքան վճուական, որքան համերգն է անիշխանությունը: Միայն այս կերպ կարելի է «կերտել առօրյան»...

Բուրժուական հեղափոխությունը, սակայն, «չստեղծեց պետական մարդիկ», նա հրապարակ հանեց «շատ ազնիվ հոգիներ», «մեծահոգի ճարտասաններ», «նեղմիտ տեսարաններ», «մոլեռանդ գաղափարականներ»,

Մինչդեռ երկրին այդ պահին անհրաժեշտ էին իրականությունը ճանաչող, «անհրաժեշտի վճռականությամբ» օժտված այրեր, որ չկային, ուստի և «երկիրը մատնվեց անիշխանության, հանդուգն ու վճռական մարդիկ իրենց կամքին ու շահին համեմատ ձևեցին օրենք և ազատություն»... (31): Ծատ խիստ է արտահայտվում իշխանության եկած բոլշևիկների հասցեին՝ «զառանցողմերի և ստահակների թատերախաղ» (N 25): Բայց երբ վերջիններս ամրացրին իրենց դիրքերը, մի կողմ ձգեց վիրավորական էպիտետները և սթափություն ունեցող խոստվանելու, որ «Արանց հետ հաշվի» պետք է հատել (N 40), փորձում է նույնիսկ հասկանալ Արանց հաղթանակի պատճառները. «Այնքան պարզ, այնքան գրավիչ և ցանկալի հեռանկար պարզեցին մեծամասնականները հոգնած զորքի և ժողովրդի աչքին և այնպես վճռական ու անվերադարձ դիմեցին այդ հեռանկարին ընդառաջ, որ բովանդակ Ռուսաստանը քրթմնջունով և անզոր դժգոհանքով, բայց համակերպվում է Արանց գործունեության: Նրանք հավատ ունեն իրենց գործին, կամք իրենց գաղափարներն իրագործելու և ազատ են թուլամորթ խղճահարությունից» (N 40):

Աղբայանին լրջորեն անհանգստացնում էր դեռևս ումկավարական Ռուսաստանի և դաշնակիցների միջև ստեղծված «հակադրությունը», որ, նրա կարծիքով, ուներ լուրջ պատճառներ: Առաջինն այն է, որ դաշնակից պետություններում «վարիչ դասակարգը» մնում է դրամատիրականը, իսկ Ռուսաստանում վարիչներ են դարձել ումկավարները: Երկրորդ պատճառը Ռուսաստանի «անօրինակ կազմալուծումն» է: Սրանից բխող երրորդ պատճառը թերևս ամենավտանգավորն է. ծայր են առել տրամադրություններ, որ «շատ ձեռնտոր են միմիայն այդ երկրի թշնամիներին» (N 6): Հրապարակախոսը դեռևս հեռու է Արանց դեկավարներին գերմանական լրտեսներ անվանելուց, դա հետո էր լինելու,

առաջմ գտնում է, որ հիշյալ «տրամադրութիւնները արդյունք են երկրի ներքին քայլայման և ոչ թե թշնամուն նպաստելու ձգտումի» (N 6):

Այս հակասությունները կարող են խորանալ՝ Ռուսաստանին մղելով Գերմանիայի հետ առանձին հաշտության, որ հղի է հայության ճակատագրի համար սպառնալիքներով...

Մեծամասնականների իշխանության գալով սպառնալիքը դառնում է ոեալ հնարավորություն: Դեպքերը ծավալվեցին մեզ համար անցանկալի ուղղությամբ: Գերմանիայի հետ հաշտությունը, հողն ու գործարանները ժողովրդին հանձնելու կարգախոսները, կենտրոնական իշխանության թուլացումը տխուր հետևանքներ ունեցան բանակի վրա: Քայլայվում էր ոուսական բանակը, հեռանում Անդրկովկասից, որ նշանակում էր «մերկացնել» ճակատը թուրքերի, թիկունքը՝ քրդերի առաջ: Մի որիշ վտանգ էլ էր գոյացել. ճակատից դարձող գորամասերը, քաղցած և բարոյալքված, կողոպտում էին հայկական գյուղերը, սպառնում դիմագրավողներին: «... Ու՞ր և ի՞նչ է մնացել այն բարի և հեզ ոուս մուժիկից», - հարցնում է թղթակիցը: Մեծամասնական պրոպագանդան և պարենի պակասությունը քայլայում են բանակը, դիմագրկում զինվորին:

Ոչ մեկի համար գաղտնիք չեր, որ մերկացած անդրկովկասան ճակատում հայերը մենակ կմնան թուրքերի դեմ-հանդիման: Ծանր գուշակությունները աստիճանաբար իրականանում են:

Ռուսաստանում կատարվող իրադարձությունները արձագանք են գտնում Կովկասում: «Լենին և ընկ. առժամական հաջողությունները» Բարվում և Թիֆլիսում որոշակի աշխուժացում են հաղորդում տեղի մեծամասնականների գործունեությանը: Եթե սրանք հաջողության հասնեն, Կովկասում ևս կթևածի անիշխանությունը՝ ցավալի հետևանքներով: «Մեծամասնական զառանցողնե-

որի քաղաքական արկածախնդրությունը» Կովկասը կմատնի Խնտեսական քայլայման, սովոր կդառնա միակ տիրող ուժը, որի ավերածություններին կհաջորդի թշնամու ներխուժումը՝ «կործանելու սովի խարխլածը» (N 32).- գուշակում է հրապարակախոսը: «Անհնարին չէ, որ Կովկասը առժամապես մնա ինքն իր հուսով և ստիպված լինի պաշտպանել իրան թե՛ արտաքին թշնամուց և թե՛ ներքին ջարդարարից», - նշելով Ռուսաստանը ճարակող քաղաքացիական խառնաշփոթը՝ եզրակացնում է Աղբալյանը:

Երբ կովկասյան կառավարությունը հաշտություն առաջարկեց Թուրքիային, պարզ դարձավ, որ Հայաստանը մենակ է մնում այս ճակատում: Աղբալյանը մեկն էր նրանցից, ովքեր խորությամբ ընկալում էին, որ մեծ տերությունները հետամուտ են սեփական շահերին միայն. «Ոչ մեկ հույս, ոչ մեկ ակնկալություն ոչ եվրոպական իմացերիալիզմից, ոչ Կովկասի դեմոկրատիզմից, ոչ էլ ոռուսաց սոցիալիզմից» (N 43):

Ո՞րն է ելքը:

Միակ ելքը ազգովին համախմբվելն ու թշնամուն դիմագրավելն էր:

«Մեզ համահավասար դավեցին և միապետական Ռուսաստանը, և հեղափոխական Ռուսաստանը: Միայն մենք կարող ենք անդավաճան և հավատարիմ մնալ դեպի մեզ և դեպի մեր դատը» (N 46): Օրիսասական պահին Աղբալյանը կոչ է անում ժողովրդի՛ տեր կանգնել իր ճակատագրին:

Դեկտեմբերի 17-ի համարում (N 49) տպվեցին Ա. Ահարոնյանի «Ահազանգը»՝ ուղղված հայ ժողովրդին ու հայոց աշխարհին, Ա. Զամալյանի կոչը՝ «Կովկասյան ճակատի հայ ուազմիկներուն»: Ժողովրդը շարժվեց, բոլոր խավերը արթնացան: Թերթը պարբերաբար ինֆորմացիա է տպագրում տարբեր վայրերում կայացող ժողովների ու հավաքների մասին: «Միաձայն որոշեցին

Հայոց Ազգային խորհրդի տրամադրության տակ դնել իրենց կյանքը, գույքը ու մտավոր ուժերը հայրենիքի պաշտպանության համար, համազգային զորակոչի ենթարկել բոլոր տղամարդկանց՝ մինչև 45 տարեկան հասակը... (N 54)»:

Բոլոր հավաքների ոգին այս էր:

Իր «բարձրաբերձ լեռնաստանում» իր «չարագուշակ ճակատագրի հանդեպ» մենակ մնացած «հին, տոկուն ժողովուրդը» մի ելք ունի՝ «հավաքել ցրիվ ուժերը, կազմավորել ու տոկալ» (N 43):

**

Աղբալյան հրապարակախոսը մերժում էր ազգային ու կրոնական խորականությունը, Աղբալյան խմբագիրը թերթի առաջնախերթ խնդիրներից էր համարում հարևան ժողովուրդների կյանքի լուսաբանումը: Այս հետաքրքրությունը մի ուրիշ միտում էլ ուներ. հայոց ճակատագրի լուծումը առանց հարևանների հետ դրացիական հարաբերությունների, նրանց շահերի ու շահագրգությունների հաշվառման՝ անհնար է պատկերացնել: Թերթի աշխատակիցները, բնականաբար, հետևում էին այս սկզբունքին: Օճախիկը, որ մշտական աշխատակիցներից էր, խստորեն դատապարտում է Երևանի «Աշխատանք» թերթում «Հայաստանը և իր պատմական թշնամիները» վերնագրով հոդվածի հեղինակին, որը «պանչալամիզմին», «պանգերմանիզմին», «պանսյալվինիզմին» հակադրում է «պանարմենիզմը» (համահայկականություն) նման գաղափարները բնութագրելով «անհող, վտանգավոր ու մութ» (N 18):

Մի ուրիշ աշխատակից՝ Դ. Փափազյանը իրավացիորեն մեղադրում է հարևանների մտավորականությանն ու մամուլին միմյանց քաղաքական ու մշակութային կյանքը մոռացության տալու համար, որը նպաստում է զանազան վերապահ կարծիքների և ազգամիջ-

յան անվտանիության ու թշնամանքի տարածմանը: Կառուպվարությունները գալիս-գնում են, ժողովուրդները շարունակում են ապրել կողք-կողքի, ուրեմն պետք է լավ ճանաչել իրար, շփվել ազգային արժեքներին, որոնք կնպաստեն հաշտ հարևանության: Հետաքրքիր է, որ ծրագրային այս հարցադրումը կատարվում է հենց առաջին համարում:

Այս առումով Ռուսաստանից հետո երկրորդ տեղում Թուրքիան է: Թերթը խնդիր էր դրել իր ընթերցողներին ծանոթացնել թուրքերի կյանքին (ներառյալ կովկասյան թուրքերը):

Վերոհիշյալ Դ. Փափազյանը նույն N 1-ում առաջին քայլն է կատարում իր իսկ բարձրացրած հարցը լուծելու ուղղությամբ, հանգամանք, որ հուշում է, թե խմբագիրը թերթը հրատարակելուց առաջ նախապատրաստական որոշակի աշխատանք էր ծավալել: Այն պարագան, որ Դ. Փափազյանը հետագայում էլ հրատարակեց նյութեր Թուրքիայի անցյալից ու ժամանակակից կյանքից, իրավունք է տպիս ենթադրելու, թե դա խմբագրի հատուկ հանձնարարությունն էր: Թուրք բանաստեղծ Թևֆիկ Ֆիքրեթի մահվան առիթով գրված ընդարձակ հոդվածում գնահատվում է նրա ստեղծագործությունը: Արձանագրելով հայ մտավորականության հետ ունեցած բանաստեղծի կապերը, Կ. Պոլսի «Ազատամարտում» նրա «գողտիկ բանաստեղծությունների» տպագրության փաստը, հոդվածագիրը խիստ արժեքավորում է այն՝ հույսի ակնկալիքով, թե վերջին երեք տարիների ընթացքում «նա իր գրիչը չե թաթախել մարդկային արյան մեց»:

Նույն հեղինակը հետևում էր Թուրքիայում կատարվող իրադարձություններին, պատկերը ամրողացնում էին զանազան թղթակցությունները, երբեմն էլ նման բնույթի հոդվածներ թարգմանաբար տպում էին այլ թերթերից («Ժեոն-թուրքերի նացիոնալիզմը», «Թյուր-

քիայի կացությունը», «Համաթուրքական կազմակերպությունը Թյուրքիոյ մեջ», «Գերմանական մեթոդ, թրքական աշխատանք», «Քրդական նոր հարձակումը», «Քրդական հարձակումներ և հերոսական դիմադրություն»), «Նամակներ երկրեն» բաժնում նյութեր են գետեղվում, որոնք պատմում են երկրում մնացած հայ բնակչության անասելի ծանր վիճակի մասին:

Թուրքիայի ներքին կացության ոչ վաղ անցյալի կարևոր իրադարձությունների իմացությունն ու վերագնահատությունը նոր հանգամանքների լույսի ներքո անհրաժեշտ պայմաններ են նրա նկատմամբ «իրատես» քաղաքականություն մշակելու համար: Մինչդեռ հայության ցրված բեկորները փորձում էին լուծել ֆիզիկական գոյության հարցերը, ուղիներ էին փնտրում 1915-ի ցեղասպանության մեղավորներին մերկացնելու ու պատժելու, որը պիտի նպաստեր հայրենի հողի վրա կրկին համախմբվելու հեռանկարին, թուրքերը լայն քառոզություն են ծավալում կատարվածի համար հայերին մեղադրելու համար: «Ազատամարտի» թղթակիցը «Թուրքական նոր դավեր» հոդվածում ներկայացնում է Ծվեյցարիայում «տաք անկյուն գտած» թուրքերի փորձերը՝ մեղքը հայերի ուսերին կամ մի 10-11 թուրքի վրա բարդելու ուղղությամբ: Արձանագրելով իրողությունը՝ թղթակիցը հարց է բարձրացնում ստեղծել «օրգան մը», ընդհանրապես «ամեն կարգի միջոցներով» պայքար ծավալել արտասահմանում նման վտանգավոր խեղաղաթյուրումները հերքելու, ճշմարտությունը աշխարհին ներկայացնելու համար (N 23):

Բալկաններում անգիտացիների հաջողությունները թուրքերի դեմ հույս էր ներշնչում, թե դրանք կարող են բարերար ազդեցություն թողնել կովկասյան ճակատի վրա: Նույնիսկ Աղբալյանը, որ միշտ սթափ հայացք է ունեցել հայկական հարցում Անգլիայի քաղաքականության նկատմամբ, մի պահ ոգևորվեց՝ հիշյալ հաջո-

ղուրյունները գնահատելով իբրև «մոտեցող դաշնակցի» հաջողություններ (N 25):

Իշխող մտայնությունն այն էր, թե դաշնակիցների հարվածների ներքո Թուրքիան պետք է պարտվի, նրա լի տակ հեծող ժողովուրդները պետք է ազատություն ստանան, ուստի անհրաժեշտ է, որ վերջիններս հաշվի առնեն պատմական այս զարգացման հնարավոր հետևանքները...

Համեմատաբար քիչ են Պարսկաստանին վերաբերող նյութերը («Պարսկաստանի դիրքը ներկա միջազգային պատերազմին մեջ», «Միջազգային պատերազմը և պարսկահայութիւնը»): Դա բացատրվում է թերևս նրանով, որ այս երկիրը կրավորական վերաբերմունք ուներ տարածաշրջանի խնդիրների հանդեպ կամ, համեմայն դեպս, այդպես էր ցուց տալիս:

Ուշագրավ էր վերաբերմունքը վրացիների հանդեպ: Քաղաքական գործիչները միշտ էլ Վրաստանը դիտել են դաշնակից երկիր, թեև միշտ չեն, որ դիտարկումը արդարացել է: «Վրաց կյանք» խորագրով տպագրվեցին հետաքրքիր նյութեր:

Ազատագրված Հայաստանի մասին խոսելիս «Ազատամարտը» գրել էր, թե հայերը կինեն երկրի տերերը, ազգային փոքրամասնությունները՝ երկրի «քաղաքացիներ», պաշտպանված օրենքներով: Փարատեղով վրացիների երկյուղը «պատմական սահմաններով Հայաստանի» պահանջի հնարավորության վերաբերյալ՝ թերթը գրում է. «Վրաստանն էլ պետք է վերականգնի որպես մի պետական ամբողջական միություն» (21), որտեղ վրացիները երկրի տերը պետք է լինեն, այլազգիները՝ «քաղաքացիներ»՝ պաշտպանված «պատշաճ օրենքներով»: Այս խնդիրին անդրադառնում է Աղբայանը և հաստատելով նույն միտքը: «Վստահացում» հոդվածում գրում է. Վրաստանի բախտի տնօրինությունը «Վրաց ժողովրդի անկապտելի իրավունքն է»։ սա նպա-

տակ ուներ կանխել հայ-վրացական հակասությունները: «Վեճի և տարածայնության առիթ» այս կապակցությամբ հայերի ու վրացիների միջև չկա (N 23): Սա էլ իր պնդումն է:

Աղբայանը ողջունեց «Վրաց ազգային համագումարը». դա վրաց ուսմկավարների համագումարն էր: Ռամկավարները ակտիվ մասնակցություն են ունեցել «համառուսական հեղափոխության մեջ», նրանց դերը մեծ է «Վրաստանի քաղաքական տենչանքների ձևակերպության» մեջ ևս, իսկ դա կորոշի նաև նրա նշանակությունը կովկասի հարցում Կովկասի համար:

Մի անգամ էլ հավաստում է հայերից սպառնալիքների բացակայությունը «ոչ պատմական, ոչ այժմեական» առումով, նույնական պատմալիք չեն, «մանավանդ եթե համբերատար ու նրբանկատ լինեն վրացիք դեպի նրանց կրոնն ու ավանդությունները» (N 40):

Մյուս մանր ցեղերը, գտնվելով վրացական մշակութի ազդեցության տակ, նույնական վտանգ չեն ներկայացնում: «Բարեկարգ եւ ազատ Վրաստանը մի բարիք է համայն կովկասի, նաև Հայաստանի համար», (N 40):

**

«Ազատամարտը», բնականաբար, մեծ ուշադրություն պետք է դարձներ սփյուռքահայ, այդ ժամանակ դեռևս գաղութահայ կյանքին:

Երկու կարևոր հանգամանքով էր թելադրված դա. բարբարոս ձեռքով հայրենի երկրից պոկված վերապրող հայերը սփովել էին գաղթօջախներով մեկ՝ պարտադրելով ուշադիր հետաքրքրություն իրենց կյանքի պայմանների ու ճակատագրի հանդեպ: Մանավանդ՝ թերթը գտնում էր, թե գաղթօջախները ոչ միայն իրենց մոտ գաղթածներին պետք է օգնեն, այլև մասնակցություն բե-

ին հայրենիքի, հայության ընդհանուր հոգսերին ու խնդիրներին:

Մյուս հանգամանքն էլ կարևոր էր. Հայ դատի հաջողությունը ենթադրելով պարտադրում էր հայերի նկատմամբ խոշոր պետությունների վերաբերմունքի լավատելյակություն:

Օճիկը, որ թերեւս «Նամակներ Ամերիկայն»-ի հեղինակ Արմենակ Պերպերյանն է, մանրամասն տեղեկություններ է հաղորդում ամերիկյան հայ գաղութի կյանքի մասին, որ տպագրվում է իբրև «սեպհական թղթակցություն»: Երբեմնի երկապակության հետքն անգամ չկա, «հայ մեր աղետի դարմանումը» միավորն է բոլորին, ստեղծվել է «Հայ ազգային միությունը», որ կարճ ժամանակում «ավելի քան հարյուր» մասնաճյուղ է ստեղծել և գործունեություն ծավալել: Սա ծրագրային հոդված է, որ ամերիկահայ կյանքի օրինակով եռանդուն գործի է կոչում բոլոր գաղթօջախներին, չմոռանալով Կովկասի հայությանը, «որու առջև լուծելու դրված են շատ ավելի կենսական, պատասխանառու ու համագոյային արժեք ունեցող անհետաձգելի կանոններ» (N 4):

Բոլորը պետք է համախմբվեն «ազգային ընդհանուր դատի» շուրջ՝ «անոր պաշտպանութեան համար»:

Շառերը չեն օգնի, համընդհանուր կենդանի աշխատանք է պետք: «Ազգային տուրքի սիստեմը, որ առաջին անգամն կիրառվի ամերիկահայ գաղութի մեջ», պետք է պարտադիր դարձնել բոլոր գաղթօջախների համար: «Հայ մեծ աղետի դարմանումը պետք է պարտադրիչ նպատակ դառնա այն ամենի համար, որոնք հեռու և ազատ՝ հայաստանցի դժբախտութենեն՝ ընդունակ են իրենց տուրքը թերել հայ ժողովրդի վերապրումին և հայ երկրի վերաշնման ի խնդիր» (N 4):

Հայ ազգային միության «որդեգրված նպատակներն են՝ «հայ ժողովրդի ազատագրություն, երկրի վերաշնուրթյուն, փախստականների վերապրումն և այլն»:

Միության կարևոր խնդիրներից պետք է լինի «հայկական հարցի շուրջ պրոպագանդը»:

Այս օրինակը պետք է որ «վարակիչ դառնա ամեն տեղ, ուր հայ համայնքը կապրի»:

Ահա թե ինչու մեծ թիվ են կազմում տարբեր երկրներում ապաստանած հայերի կյանքը լուսաբանող հոդվածներն ու թղթակցությունները՝ «Արտասահմանի հայութիւնը» խորագրով («Կիպրահայ գաղութը», «Փարիզն ու Հայաստանը», «Լոզանի հայ կարմիր խաչը», «Հայերը Ամերիկայի մեջ», «Արտասահմանյան օգնություն», «Ամերիկա և թուրքահայերը», «Եվրոպան և հայերը», «Հայ դատը Ֆրանսիայի հանրապետություններ»):

Հայնորեն արձագանքում էր զանազան երկրներում հայոց դատի մասին արտահայտված կարծիքներին, քննարկում, վիճում, զայրանում, գնահատականներ տալիս, անում առաջարկություններ...

Տարբեր էին հայրենիքին օգտակար լինելու եղանակները, և թերթը հավասար չափով խրախուսում էր դրսերման ամեն կերպ: Աշխատակիցներից մեկը սիրով գրախոսում է պատերազմում ֆրանսիական բանակի հայ կամավորների սխրանքներին Ավիրված մի գիրք՝ հանգելով շատ բնորոշ եզրակացության. «Անոնք չկրցան գալ կովել իրենց հայրենիքին մեջ: Հայաստանը հեռու էր, բայց թշնամին, ընդհանուր թշնամին, կար ամեն տեղ ալ, ան կսպանար Հայաստանի հովանավոր Ֆրանսիային, և հայերը պաշտպանեցին զայն՝ իրենց մայրը վտանգի մեջ տեսնող զավակի մը համառությամբ:

Ֆրանսիան չպիտի մոռանա այդ ծառայութիւնը» (N 12):

Կիլիկյան դեպքերը ցույց տվեցին, թե Ֆրանսիան ինչպես է հիշում «այդ ծառայությունները»:

«Ազատամարտը» սկիզբ դրեց իրար կողցրած հարազատների փնտրտությն: «Կիմտրվին» խորագրով տպագրվում էին վերապրողների կանչերը:

«Էրգորումցի Շուշանիկ Քելեշյան. կփնտրե իր եղբայր Օճիկը»:

«Արսենիկ Գասպարյան. կփնտրե իր հորեղբոր որդիներ Հարություն և Երվանդ» (N 38):

Թերթը հրավեր էր կարդում բոլորին վերադառնալ հայրենիք և լծվել նրա վերաշինության գործին. «Այժմ ամերիկահայը պետք է զա արդեն ոչ իբրև կամավոր, այլ իբրև պատասխանատու տեր իր ավերակ երկրի» (N 26):

Սրա հետ սերտորեն առնչվում է Անդրկովկաս եկած փախստականների խնդիրը, որը մշտապես մնաց Աղբալյանի ուշադրության կենտրոնում (մի քանի առաջնորդող նվիրեց): Մարդասիրականի հետ նաև քաղքական խնդիր էր սա նրա համար: Այս հայությունն է, որ իր հայրենիքի պահանջատիրությամբ լուծում պետք է տա հայոց դատին. «Հայաստանի տարագիր եւ հալածական տերն է սա, որ պիտի ապրի՝ իր դատը շահել կարենալու համար» (N 3): Սրանով էլ փախստական հայերի պաշտպանության խնդիրը դառնում է «մի համագօյին խնդիր»: Այս տեսանկյունից էր նայում նաև որբերի կրթության ու դաստիարակության հարցին: Նրանց սենեն ու հազցնելը ընդունելով իբրև ինքնին հասկանալի մի բան, շեշտում է այնպիսի հմտություններ ու ոգի փոխանցելը, որ վաղը վերադառնան հայրենիք և պետքական լինեն նրան: «Մենք հույս ունենք վերադարձի», – հայտարարում էր վատահությամբ, իսկ որբերի կրթությունը ունի «քաղաքային հմտություններ» տպան ուղղություն, որով արհեստականորեն խզում ենք հողի հետ կապերը, որոնք կարող էին որբերին «հայրենիք քաշել...»:

Նման մի միտք հետագայում Սփյուռքի սերնդի համար պետք է զարգացներ. մեր առջև փակ են հայրենիքի դուռերը, բայց դրանք մի օր կբացվեն, և մենք պատաս-

խանառու ենք հայեցի կրթությամբ ու մտածողությամբ սերունդ հայրենիք փոխադրելու գործում...

Ահա թե ինչու փախստականների հետ կապված մեծ ու փոքր հարցերը հուզում էին նրան: Դրանց լուծման համար անհրաժեշտ էր համախմբել Կովկասի հայաշատ շրջանների «բոլոր քաղաքական» և ոչ քաղաքական շրջանակների ուժերը...

Հարցի լուծումը Աղբալյանը չէր որոնում բարեգործության մեջ: Ավելին «Բարեգործությունը ստեղծում է մուրացկաններ, աշխատանքն է միայն, որ ապահովում է պատվագգացում» (N 34), ուստի և փախստականներով գրադպող մարմիններին գործունեության հստակ ծրագիր է առաջադրում՝ «անմիջական օգնություն նորեկ փախստականին և աշխատանքի մատակարարում հնեկ փախստականին, – այս է միակ ուղին, ճամփան, որով պետք է վարել օգնության գործը այս ծանր օրերին» (N 33): Դա հնարավոր է, և եթե չեն անում՝ կամ «օժանդակող մարմինն է ապիկար» կամ «ձգտում է կարուտ քագմության աչքը շարունակ գամած պահել ձեռքին» (N 34):

Կովկասյան ճակատում ուսական բանակի ու հայ կամավորների առաջին շրջանում ունեցած հաջողություններին հետևում էր հայության վերադարձը ազատագրված վայրեր: Կյանքը կազմակերպելու համար ստեղծվում էին տեղական կառավարման մարմիններ: Ահա բնորոշ մի օրինակ՝ 1917-ի ապրիլի 23-ին Կարինի հայ հասարակության ընդհանուր ժողովը ընտրում է հայկական կոմիտե այսպիսի կազմով. երեք հոգի կարգեցի, մեկական այնթափցի, ավագցի, խարբերդցի, երգնկացի, չմշկաձագցի, կյուրինացի (N 31): Իրենց բնօրրանից պոկված մարդիկ փորձում են կյանքը բնականու հունի մեջ դնել Կարինում...

Վերջնական նպատակի իրականացման համեստ մի փորձ...

ԲՈՎԱՆԴԱԿՈՒԹՅՈՒՆ

| | |
|--------------------------------|-----|
| Կյանքը և գործունեությունը..... | 8 |
| Քննադատը | 89 |
| Նրապարակախոսը..... | 202 |
| Խմբագիրը | 283 |

**ԳԱՌԵՆԻԿ ԱՆԱԽԱՆ
ՆԻԿՈԼ ԱՂՐԱԼՅԱՆ**

ԿՅԱՆՔԸ ԵՎ

ԳՐԱԿԱՆ-ՀՐԱՊԱՐԱԿԱՆՈՍՏԱԿԱՆ ԳՈՐԾՈՒՆԵՈՒԹՅՈՒՆԸ

Նրատ. Խմբագիր

Դ. Վ. Պետրոսյան

Նամակարգչային շարվածքը Յ. Ոսկերչյան

Նամակարգչային ծնավորումը Տ. Ապիկյան